





C. 5. 6.









VIRI ILLUSTRIS
NICOLAI CLAUDIJ
FABRICIJ DE PEIRESC,
SENATORIS AQUISEXTIENSIS
VITA.

Authore PETRO GASSENDO, *Diniensis*
Ecclesie Præposito, & Parisiis Regio Matheseos,
Professore.

Editio Tertia, Auctior, Correctior, & Distinctior.



HAGÆ-COMITVM;
Ex Typographia ADRIANI VLACQ,
M. DC. LV.





PRINCIPI MAGNO,
SAPIENTI, BONO,
LUDOVICO
VALELIO,
ALENSI COMITI,
LEVIORIS EQUITATVS PER
Gallias Magistro, & Gallo-Provinciæ
Proregi.

PETRUS GASSENDUS *εὐ πατριῶν.*

MAGNE PRINCEPS,



*S*cribere aggredior quam abs me depo-
scis laudatissimi Peireskii vitam. Quippe non
prius in hanc Provinciam faustis avibus accessisti,
quam ingemuisti præceptam tibi, magnâ factorum
invidiâ, illius consuetudinem; ac me, quem nôras
fuisse cum ipso familiarissimè versatum, perquàm
studiosè de ejus studiis, moribûsque es percontat-
tus. Voluisti etiam habitum oris ex effigie cogno-
scere, & loca adire, in quibus superessent illius
vestigia, lustrando ubi habitare, ubi sedere, ubi
præstanteis quosque viros, quibusdam quasi Sirenibus, detinere solitus fuisset. De-

nique in eam raptus es virtutum ejus admirationem, ut conscribenda illius vita non postremus auctor mihi fueris, ac me idcirco non invitatus a te abesse permiseris, ut in secessu hocce meo coronis citius imponeretur. Et poteram quidem germanam excusationem prætexere ex tenuitate virium: at cunctandum non censui, cum ad multiplex officium attendi.

Nam primum quidem, quod ad Te spectat, morosus sim plane, nisi obsequar, qui nihil tale cogitans, ac nihil tale meritis, sic fui evocatus ad te salutandum, ut ex eo usque tempore benevolentia erga me tua esse non potuerit & liberior, & dulcior, & ad omnem comitatem, facilitatēque proclivior. Didici certe experiendo, quā merito jure te suspiciat, amētque, & suas delicias tota ducat provincia; felix videlicet Prorege, in quo Philosophia, & imperium aequis momenti temperentur. Quinetiam ita pacis studia cum artibus belli componis, ita cum Marte Musas concilias, ut ambiguum fiat, generosiorne, an eruditior emineas; & cum immortale id decus sit tibi gentilitium, nemo tamen ex inclita, Regiāque Valesiorum stirpe occurrat tecum comparandus. Sed memoranda hac alias: nunc commendari satis non potest, quod fasces ubique submittis virtuti, neque in solis Principibus regiarum laudum materiam quæris. Nihil interesse existimas sub qua veste lateat heroica mens; & modò pectus divinum sit, propensum te ad cultum præstas. Exemplum certè erit perpetuò, & magnorum Ducum, Imperatorūque factis accensendo, quòd jam tua commendatione Senatorii ordinis virum ob eximias animi dotis, inter Principes evehis; & ne vniquam illius fama intermoriatur, curam assumis. Oportet nempe in te possideas, quas in illo amas laudatas virtutes; neque potest affectus tui non perennare memoria, cui virtus ipsa est elogium pronuntiatura sempiternum.

Deinde quod spectat ad Virum, ingratus sim, nisi id præstem, quod singularis erga me amor, & munifica indoles erga omnes efflagitat. Nam me quidem quantum amārit, promptius est animo sentire, quā verbis exprimere; satīque est dicere me felicitati vertere magna, quòd me tam carum habuerit, quòd tam frequentem sibi adesse, consiliorūque animi omnium esse consciū voluerit; quòd in meum sinum ut cetera, sic extrema verba, animāque ipsam tandem exhalārit. Eam ob causam, cum nulli magis, quā mihi esse cordi debeat capitis tam cari memoria; currenti sanè adhibes calcar, tum tuo imperio id exigis, ad quod gratitudo, & jus amicitia me proclivem facit. Qui enim quoties quidpiam de illo cogito, loquor, audio, intima quadam suavissimāque animi latitia perfundor: quomodo possum non jucundè vita ejusdem seriem sic scribendo retexere, ut cum pleris-

plerisque communicetur? An non videbor adhuc cum illo humanissime conversari, suavisque horas consumere, ac tum mihi demum satisfacere, ubi per me non steterit, quin tanti amici gloria efflorescat? Quantum verò ad propensionem, qua animatus in omneis fuit, exstuisse nemo videtur, qui in commune bonum natus, id impensius curaverit, ut constantissime prodesset universitati generis humani. Nam nullis quidem cessasse potest, si facultates spectaveris; nemini tamen, si virium modum, voluntatemque benefaciendi. Dignus proinde, qui regnârit in animis hominum, ac studiosorum præsertim, quos excitare, foverèque eruditione, consilio, auctoritate, gratia, opibus suis destitit nunquam. Testes sunt boni, doctique omnes; qui consensu unanimi fatentur nullum unquam fuisse Mæcenatem generosorem. Hinc tametsi fama illius non videatur posse exstingui, cujus illustri nomine litterarum orbis completur; haud tamen committendum est, ut idem nobis exprobrari, quod Mæcenatis saculo possit. Nam quòd hujus historiam nemo coætaneus in posteros transmiserit, effectum est, ut præter nomen eruditis carissimum, vix quicquam de illo ad nos permanârit; & cum idem Nostro timendum videatur, æquum profectò, ut qui illi familiariter convixerunt, id curent, ut quis fuerit, nepotibus etiam seris imotescat. Similis enim crepusculo vespertino est rerum fama, quæ initio clarissima, ita paulatim evanescit, ut abeat tandem in tenebras; opusque aded historia est, quæ facis inslar illam producat. Agnosco porrò neminem esse, cui, potius, quàm mihi id munus incumbat; quando nemo est, cui propter diuturnum, familiarémque convictum, ille potuerit esse perspectior. Accedit, quòd licuit à morte ipsius ea interrogare, & cum ex variis epistolis, tam ex aliis monumentis intelligere, quæ non fuissent cuivis perinde in promptu. Factum certè est ob hanc causam, ut cum tot viri eximii hujusmodi Spartam ornare potuissent, nihilominus tecum conspirârinit, mèque sollicitaverint, ut illi admoverem manum.

Postremò quod spectat ad Patriam, ad hanc ætatem, ad posteros, injurius sum prorsus, si opus detrectem. Et patria quidem; nam species quadam impietatis videretur, si obduci paterer lumen, quo, ut hætenus coruscavit, sic merito in posterum gloriari mirifice potest; si negligi id ornamentum, quo pronunciare penè licet nullum unquam aut exstuisse, aut exsiturum magnificentius. Quippe non tota modò Europa, sed Asia quoque, & Africa, ac ipse etiam totius orbis conversos ejus occasione in hanc provinciam oculos habuit; nemòque usquam fuit eruditus, bonarumve appetens rerum, qui non aut illum convenire, aut cum eo certè agere per literas non affectârinit. Tum præsentì quoque ætati; siquidem ejus interest,

ut qui sequentur, intelligant non fuisse effatam in ipsa naturam; potuisseque eam virum magnum, insignemque producere, qui futuris post sæculis proponi in exemplum posset. Magna certe ejus laus est, quod videatur in illo uno collegisse omneis omnium sæculorum virtutes; possetque adeo sese efferre, quod in ipso expresserit quicquid præclarum de Pandora fabulosa atas confinxit. Denique ipsis posteris; quoniam jucundissimum ducent virum illum cognoscere, cujus singulari affectui sese plurimum debere agnoscent; cujus fortassis imitatione sic tenebuntur aliqui, ut quasi Phœnices enasci ex illius cineribus non sine fructu aliquo generis humani contendunt.

Quod superest, vitam describam, quæ narrationis simplicitate, non caloribus quæsitis spectetur. Alii, si videbitur, comptiore calamo expolient, ac historiae forma donabunt quos ipse commentarios, ceu rudera quadam, digessero solum, veluti annaleis, in temporum seriem. Siquidem mihi animus est agere Damidem duntaxat, & si qui fortè caussabuntur delectum mihi non habitum, minima quæque observitanti; dicam quod ille, etiam micæ, quæ ex mensis Deorum sunt, dignas videri, quæ colligantur. Fortè neque res iis erit ingrata, qui, similes tui, pernosse magnos viros student, non ob actiones solum illustreis, publicæque exhibitæ; sed ob obscuras etiam, & quas evulgari ipsimet noluisse. Quippe quæ in oculis omnium, & cum claritate geruntur, nescio quid personatum habent; unde quidnam intus, & sub cute lateat, internosse perarduum sit; quæ verò procul ab arbitris, & sine fama captatione, atque idcirco sine fuco, ereptæque personæ sunt, ea demum hominem ostendunt; quod discernere est operæpretium. Id scilicet animos addit ad imitandum præclare gesta, cum etiam in Heroibus nonnulla deprehendimus infirmitatis nostræ indicia; neque perinde desperamus eorum virtutes assequi, ac dum grandia quæque duntaxat narrantur. Sin verò nonnulli requirent illustriora quadam, & ampliora facta, quam commemoraturi sumus; nōrint oportet non omneis posse Scipiones esse, aut Maximos, ut bella, triumphosque recordari valeant. Abundè illi merentur laudem, quos cum fortuna ad summas opes, atque dignitates non evexerit; maiores tamen animos gerunt, generosiore virtute sunt, ac moliantur grandiora longè, quàm pro conditione sperare quis possit. Talis porro Peireskii fuit, quem exhibitori non sumus, nisi ut virum, qui fuerit gradus, censusque Senatorii; & qui sese tamen ita gesserit, ut se fecerit quolibet encomio, ac panegyri superiorem. Videlicet sumus duo quadam toto decursu prosequunturi, ob quæ commendatus summo opere est; alterum eruditio magna, ac omnigena, cum ardore sciendi inexplebili: alterum cura indefessa promovendi artis ingenias,

D E D I C A T O R I A.

nuas, cum regia planè erga omnes literatos munificentia. Ex hisce verò capitibus periculum, sanè non subest, ne efferre quidpiam hyperbolicè videar; loquar enim in ipso ore eruditorum virorum, apud quos ille inclaruit, quique tantùm abest, ut me caussentur fuisse nimium, quin vereor potiùs, ne parcum nimis exstitisse sint conquesturi. Sed ne herere hic videar, patere, per-optime Princeps, ut quæ nosse desideras, deinceps enarraturus, exordiar à Maioribus: ut vel ex eo capite constet, cur illum auctores constantissimè Nobilissimum vocitarunt.

DE

DOCUMENTS

The first of these documents is a letter from the President of the United States to the Congress, dated January 1, 1801. It contains a statement of the state of the Union, and a declaration of the President's policy towards the foreign powers. The second document is a report of the Secretary of the Treasury, dated February 1, 1801. It contains a statement of the state of the Treasury, and a declaration of the Secretary's policy towards the foreign powers. The third document is a report of the Secretary of the Navy, dated March 1, 1801. It contains a statement of the state of the Navy, and a declaration of the Secretary's policy towards the foreign powers. The fourth document is a report of the Secretary of the War, dated April 1, 1801. It contains a statement of the state of the War, and a declaration of the Secretary's policy towards the foreign powers. The fifth document is a report of the Secretary of the Interior, dated May 1, 1801. It contains a statement of the state of the Interior, and a declaration of the Secretary's policy towards the foreign powers. The sixth document is a report of the Secretary of the State, dated June 1, 1801. It contains a statement of the state of the State, and a declaration of the Secretary's policy towards the foreign powers. The seventh document is a report of the Secretary of the War, dated July 1, 1801. It contains a statement of the state of the War, and a declaration of the Secretary's policy towards the foreign powers. The eighth document is a report of the Secretary of the Navy, dated August 1, 1801. It contains a statement of the state of the Navy, and a declaration of the Secretary's policy towards the foreign powers. The ninth document is a report of the Secretary of the Treasury, dated September 1, 1801. It contains a statement of the state of the Treasury, and a declaration of the Secretary's policy towards the foreign powers. The tenth document is a report of the Secretary of the State, dated October 1, 1801. It contains a statement of the state of the State, and a declaration of the Secretary's policy towards the foreign powers.

The first of these documents is a letter from the President of the United States to the Congress, dated January 1, 1801. It contains a statement of the state of the Union, and a declaration of the President's policy towards the foreign powers. The second document is a report of the Secretary of the Treasury, dated February 1, 1801. It contains a statement of the state of the Treasury, and a declaration of the Secretary's policy towards the foreign powers. The third document is a report of the Secretary of the Navy, dated March 1, 1801. It contains a statement of the state of the Navy, and a declaration of the Secretary's policy towards the foreign powers. The fourth document is a report of the Secretary of the War, dated April 1, 1801. It contains a statement of the state of the War, and a declaration of the Secretary's policy towards the foreign powers. The fifth document is a report of the Secretary of the Interior, dated May 1, 1801. It contains a statement of the state of the Interior, and a declaration of the Secretary's policy towards the foreign powers. The sixth document is a report of the Secretary of the State, dated June 1, 1801. It contains a statement of the state of the State, and a declaration of the Secretary's policy towards the foreign powers. The seventh document is a report of the Secretary of the War, dated July 1, 1801. It contains a statement of the state of the War, and a declaration of the Secretary's policy towards the foreign powers. The eighth document is a report of the Secretary of the Navy, dated August 1, 1801. It contains a statement of the state of the Navy, and a declaration of the Secretary's policy towards the foreign powers. The ninth document is a report of the Secretary of the Treasury, dated September 1, 1801. It contains a statement of the state of the Treasury, and a declaration of the Secretary's policy towards the foreign powers. The tenth document is a report of the Secretary of the State, dated October 1, 1801. It contains a statement of the state of the State, and a declaration of the Secretary's policy towards the foreign powers.



DE VITA PEIRESKII

LIBER PRIMUS.



PRINCIPIO genus Peireskio fuit ex
perantiquo illo Fabriciorum, seu Fa-
briciorum stemmate, quod Pisis in
Italia oriundum, translatum est in
hanc Provinciam, à tempore usque
Divi Ludovici, ac partus salutiferi
anno supra millesimum ducentesimo
quingagesimo quarto. Memorant
enim Hugonem Fabrium inter Pisa-
nos nobiles militiæ illi sacræ adscrip-
tos, fuisse à Sancto Principe in Pro-
vinciæ oras deductum, cum ex O-
riente rediens appulit Areas, seu Hieras, Olbiam scilicet antiquorum.
Illeic cum morbo detentus fuisset, & à discedente Rege commen-
datus, ea fuit apud viros primores auctoritate, & gratia, ut contenden-
tium de arcis, & civitatis dominio dissidia composuerit, ductaque
deinceps ex stirpe Sollerienfi conjuge, fixam Areis statuerit sedem.
Loco deinde cooprato in patrimonium Principis, præfectus ipsi le-
gitur anno sæculi illius septuagesimo à Carolo primo Comite Pro-
vinciæ, ac Rege Siciliæ, cui non minùs fuit, quàm Ludovico germa-

no carus. Cœpit subinde civitatem, castrúmque variè communire; sed absolvit opus Aycardus ejus filius, relicta ex nomine suo uni portarum nuncupatione, quæ etiam-num vocabulo corrupto dicitur Cafabria. Natus Hugoni præter Aycardum filius alius nomine Paulus, qui fuit à Carolo secundo major Massiliæ Iudex creatus: itémque alius nomine Guillelmus, qui ex variis peregrinationibus redux, auctor fuit Xenodochii, in quo peregrini euntes, redeuntésque ex Palæstina curarentur. Sed, ut compendium faciam, successit deinceps nobilis progenies, armis, literis, pietate conspicua; cum subjecto ipsi per propagines, atatésque varias dominio Regii, Spinosa, Gramusa, San-Juliani, San-Ianeti, San-Laurentii, Lavernæ, Calasi, Petrisci, Valavesi, Riantii.

Enimverò taceri non debet abnepos Aycardi Antonius, ad quem, & ad Raymondum filium exstant, leguntúrque apud Nostradamum humanissimæ Renati Regis literæ, cum sese ante ducentos annos ad Neapolitanam expeditionem compararet. Fuerat Raymundus à puero unà cum Renato in Ludovici secundi aula educatus; natúsque est illi, præter Antonium, Amedeus, qui, quòd esset natu posterior, ideo familiæ insignibus, seu Leoni furvo in scuto aureo lemniscum coccineum adjecit. Legitur is quoque Arearum præfectus, & Carolo tertio, cui Rex Franciæ brevi successit, intimè notus. Ab hocce autem familia rursus in duos ramos divisa est: siquidem ipsi fuere duo filii, alter Fulco, alter Guillelmus; ambo & peritiâ armorum, & prudentiâ juris instructi. Quippe, cum primùm in expeditione Pedemontana militassent, sese ab ipso reditu excolendo juri totos addixerunt. Nam Guillelmus quidem natu minor, à pro-avunculo Elziario Portanerio Brinonienfi, viro literato adoptatus, concessit juris discendi causâ Aureliam, & Avaricum; ductâque uxore Arvernate, in ea regione pedem fixit, & gratitudinis ergò insignia Portaneriæ domus assumpsit; in scuto nempe cæruleo fasciâque, & rosas argenteas. Reliquit porro præter Hugonem jurisconsultum celebrem, filium alium nomine Ioannem, patrem Ioannis alterius, à quo procreatus Ioannes alius parens fuit Ioannis illius, qui jam Libellorum supplicum Magister, heroínas habet germanas, tum Magdalenam Petro Seguierio, per-illustri Franciæ Cancellario; tum Mariam, viro generoso Philiberto Pompadorio Lemovicum Proregi nuptam.

At Fulco, ex quo supremus Senatus unà cum nascente superiore sæculo Aquis-Sextiis creatus fuit, maxima cum laude causas peroravit, factusque sæpius Provinciæ procuratoribus Assessor, destinatus non semel fuit ad Ludovicum duodecimum, itémque ad Franciscum primum. Is, Fulconis eruditione, & probitate perspecta, Senatorem esse mero nutu jussit, anno ejusdem sæculi supra trigessimum secundo, & cum Carolus Imperator immineret Provinciæ, Annæo Monmorantio Regiæ militiæ Præfecto consiliarium dedit. Memorabile porro est, fuisse eum auctorem salutaris consilii, quo Monmorantius regium Archivum in Baulciensem transtulit arcem: sic enim pretiosa illa tabularia evasere id, quod fuit à Sabaudo deinceps Aquis Palatio illatum incendium. Quin-etiam cum non posset urbs Imperatoris copiis obstare, secessus auctor civibus fuit, &, ne quid ex ea subsidii residuum fieret hostibus, ita ad pessundandum cibaria, cæteraque hortari cœpit, ut primus & horrea in puteum, & vasa vinaria, ac olearia in angiportum effunderit. Fulcone defuncto, admissus est Nicolaus filius in dignitatem Senatoriam anno sæculi quadragesimo quinto. Innotuit hujus quoque virtus non modò Proregi Claudio Sabaudò Tendæ Comiti; sed ipsi etiam Carolo IX: qui Senatu interdicto, missaque in locum illius summorum Iudicum decuriâ, conscriptum decuriæ Nicolaum voluit, & Carolo ipsius fratri, postquam per expeditionem Corsicanam copias deduxit, seseque strenuissimè gessit, concessit ultrò dominium, & proprietatem Brigantii.

Iam, ut accedamus ad Peireskii patrem, reliquit Nicolaus duos filios, Claudium nempe, & Reginaldum. Fuit autem Claudius corpore pusillo, ac infirmo quidem; sed animo tamen planè generoso, atque vegeto; adeò ut ab anno usque ejus sæculi septuagesimo secundo, quo paterna, atque avita dignitate donatus est, magni in Senatu, & tota Provincia fuerit nominis, ac Henrico Engolismensi magno Melitensium Francorum Priori, Proregique eximie carus. Reginaldus verò innutritus à puero apud Ducissam Ferrariæ Renatam Ludovici duodecimi filiam, cum illa exigeret senium Montargirii, dedit se deinceps juri excolendo, allectusque est subsidiorum, sacrique patrimonii comitibus, & rationalibus Magistris. Cum incidissent autem illa henocticæ factionis difficillima tempora, perstitit constans unà cum fratre, in fide Regi debita, & (quod Bernardus Nogaretius Valletanus tum

Prorox magni æstimavit) Arcarum arcem, atque aded totam illam oram à Sabaudo desciscere, auctoritate sua curavit. Porro cùm frater viveret cœlebs, duxit ipse in conjugem Margaretam Bompariam, quæ ex paterna stirpe equites, & præfides habuit; ex materna verò ad familias Vallevoriam, Forbinamque attinuit. Fando verò accepimus fuisse illam forma aded eleganti, & composita, ut Catharina Medicea Regum mater, cùm Aquis-Sextiis inviseretur à nobilibus fœminis, ipsam unam delegerit, quam suo osculo dignaretur. Is itaque fuit Reginaldus Fabrius, hæc Margareta Bomparia, quos Peireskii noster parentes agnovit.

Quoniam verò editus est in lucem Belgenferii; ideo sciendum hoc oppidum situm esse in perangusta, sed perancena tamen valle, quam Gapellus fluviolus interfluens etiam divitem facit. Distat heinc Tolo-ne, heinc Areis eodem, quo illæ quoque urbes inter se distant intervallo; milliarium ut putà provincialium trium: & cum utrique ad Boream sit, utrique etiam aëris bonitate longè præcellit. Fecerat vicinia, ut majores illi Areis commorantes, tum aliquot prædia in eo oppido quærerent, tum eò secedentes exciperentur vetere castro, quod nunc temporis jacet dirutum: scilicet nondum extructa domo præclaris hortis cohærente, in quam, ut canalís ex fluvio derivari tutius, & uberius posset, Claudius pontem, seu aquæ ductum satis insignem inter-exstruxit.

1580. Natus est ergo in memorato Belgenferii castro Peireskii, cum parentes eò divertissent ob pestem memorabilem, quæ anno salutis millesimo quingentesimo octogesimo grassari tota quidem Provincia, sed Aquis-Sextiis præsertim cœpit. Incidit autem nativitas in diem Decembris anni ejus primum, ac horam à meridie propemodum septimam. Quod attingo solum, ne videar circa temporis circumstantiam non fuisse satis diligens; non verò ut faciam hariolandianfam cōjectoribus, quò jam post viri obitum, certius quàm antè, fata retexant. Etenim mirum dictu est, quàm multa mentiti Astrologi fuerint, seu annos spectes, quibus non vixit; seu uxorem, & liberos, aliaque, quibus caruit; seu cætera multa, quæ est consequutus. Cum parentes porro aliquot jam annos absque liberis exegissent, eam ob causam quamprimum mater gravidam se esse pensavit, destinavit proli lustralem sponforem, non magnatem aliquem; sed, quæ fuit ejus pietas,

pauperem obvium primò futurum. Heinc qui pauper primus occurrit, 158 6.
 accersitus est, fidemque, dum initiaretur, abluereturque pro eo spon-
 dens à nomine patruī Claudium appellavit. Verum cum patruus super-
 venisset, etiam avi nomen gerere illum voluit; unde, quasi prænominē
 Nicolai imposito, dictus est Nicolaus Claudius. Quanquam non mo-
 dō, cum puer esset, Nicolaus ferè audivit, sine adjuncto Claudii: sed
 etiam deinceps ætate provectus, ut cum est ab auctoribus Nicolaus Fa-
 ber, seu Fabrius, seu Fabricius appellatus. Quo loco adnotari potest
 insignis eruditi viri Ioannis Seldeni æquijocatio, dum citatum à Ba-
 ronio Nicolaum Fabrum, qui Præceptor fuit Ludovici xii. Regis
 Christianissimi, pro nostro accepit. Præfatus enim in Eadmeri Can-
 tuariensis historiam, & quas Lant-Franci Epistolas Baronius tomo un-
 decimo Annalium habet, memorans, *Earum, ni fallor, inquit, se agnoscit ipse*
exemplar accepisse à clarissimo, & doctissimo viro Nicolao Fabro Petrisco Curia
Aquensis Assessore dignissimo, atque amico mihi plurimum observando. Et citat qui-
 dem Baronius Nicolaum Fabrum; sed *Parisiensem* addit, non *Petriscium*,
 quod epitheton noster tulit ex montano oppido maternæ ditionis, la-
 tinè Petrisco, & vulgò *Peiresc*, unde celebre ipsi nomen; quod ut debite
 pronuncietur, nos *Peireskium* inflectimus: non, ut multi, *Perescium*, *Pere-*
rium, aut similia alia ratione.

Cæterum vix erat bimestris, cum ferunt anum maleficam ingressam
 in cubiculum, projecisse coram matre securim, quam manu tenebat,
 ajebatque se reddere; atq; ex eo tempore tum ademptam matri vocem
 & ploratum infantulo; tum depressum utrique caput in alterum hume-
 rum, ea rigiditate, ut flecti non posset. Addunt patrum, re cognita,
 vapulare anum jussisse, quæ & ipsa detorto collo sub camino inventa
 est; ac illam, cum primum caput extulit, ut satis plagarum esse diceret,
 renunciasse id, quod fuit, matrem, infantemque valere. Id factum non
 modò ex aliis, sed ab ipso etiam Peireskio accepi, memorante ut pa-
 truus enarrare solitus fuisset. Res planè mira, si vetula, cum deflexerit
 ipsa caput, ea nervorum contentione evibrare spiritus possit, ut distan-
 tis caput perinde deflectat, & pari vehementia, qua suam, alterius lin-
 guam cohibeat; neque seu caput relaxetur, seu lingua solvatur, donec
 rigorem ipsa remittens, distentas, sed insensileis veluti chordulas la-
 xarit. Et solent quidem similia multa ad Cacodæmonas referri: ve-
 rum, utcumque optimus Deus innocentis infantulos illorum malitiæ

1580. permittere possit; utcumque ipsi ad ea officia, & ad obsequendum infirmis quibusdā aniculis se comparent: compertum est tamen magnam eorum partem, quæ commemorantur, fabulosam esse, aut non alio certè niti fundamento, quàm minùs solitis quorundam morborum symptomatibus, quibus sunt infantes obnoxii; cùm etiam constet ista præsertim in infima plebe, ac in ipsis agris esse familiaria, ubi minima quæque ansa credulitatem parit, ac fovet.

1582.

Sesqui-anno post, hoc est mense Iunio anni supra millesimum quingentesimi octogesimi secundi, Kalendarii reformatione memorabilis, natus est illi frater, cui nomen Palamedes. Is est, qui deinceps à clientelari fundo dictus est *Valavesius*, ex quo tempore Nicolaus quoque cœpit *Peireskiius* nominari. Scilicet ad exactam usque adolescentiam nuncupati sunt nunc *Fabricii*, nunc *Calasii*, quæ fuit etiam patris, patruique vulgaris nuncupatio ex oppidi Calasii ditione. Natus Palamedes cùm est, aberat pater negotiorum causâ Gratianopoli: mater verò altero à partu mense interiit, annos nata viginti duos. Ac superinduxit quidem Reginaldus pater aliam conjugem, sed quattordecimo tandem anno. Ea fuit Catharina Vassalla Caradetea, illustri utrimque progenie, ut cujus majores ex paterna stirpe inter Achaia Principes fuissent, ex materna verò attinuissent ad Eliscanos Genuenses. Vidua tum erat (nupta priùs Olivario de Thulia, ex senatorio ordine) cum superstite filia nomine Marchisa, quæ Palamedi postmodum nupsit. Ex altero autem illo matrimonio suscepit Reginaldus cùm liberos alios, qui vel in pueritia, vel in adolescentia obierunt; tum superstitem etiamnum Susannam, quam Henricus Seguiranus rationalium magistrorum, & senatorum patrimonialium Præses primus uxorem duxit.

Ad Nicolaum ut redeam, is haud injuriâ Patrum semper, tanquam alterum parentem agnovit. Ille enim suæ dignitatis successorem eum destinans, speciale quoddam ingenuæ educationis studium assumpsit, ratus scilicet frustra esse, si quis nascatur foeliciter, nec liberaliter instituitur. Tantò autem magis animatus fuit, ut ejus curam gereret, quantò ab ipsis cunabulis gratiorem in corpore pulchro venientem virtutem conspexit. Quippe ablactatus vix fuit, cùm genium suum prodidit, nimirum se ad omnia visa, auditæque attentum præbens, ac solitus semper oris gratiâ suavitatæque vocis summa à nutrice,

trice, à parente, à patruo, à magistro, à quibuscumque poterat inquirere quid, quomodo, quorsum unaquæque res foret. Sic cum litteræ primùm monstrarentur, & libros, chartasque præ manibus habere gestiret; percontabatur frequenter ecquid argumenti contineretue in iis; & quoniam indignè ferebat, si aliquando responderetur, id superare ipsius captum, confingendum erat, quod illi cum voluptate recitaretur. Levia hæc profectò, si ipsa spectentur; at non contemnenda tamen, si ad ætatem respexeris, & arbores etiam florentes, gemmantesque considerâris. Admirationi certè fuit viris ætate majoribus, qui & mihi illa narrârunt, & asseruerunt, ipsum nihil unquam, quod puerile foret, sapuisse. 1582. 1587.

Septennis cum esset, & unâ cum fratre institueretur Brinoniæ, ubi tum curia subsidiorum, rationumque, ob pestem Aquis-Sextiis perseverantem commorabatur, erudiri expetiit in San-Maximitano collegio; quod litterarum studiis efflorescere fama erat. Non tacendum verò, quòd patri persuasit, ut fratrem sibi permetteret, tanquam inferiore ætate, & juniora ejus studia curaturo. Neque prætereundum, fuisse illum fratri ex hoc tempore præceptoris simul, & parentis loco; fratremque illum tanquam parentem, atque præceptorem reveritum fuisse. Anno elapso, ac jam peste San-Maximini suborta, evocati sunt Belgenferium, & rursus post annum Aquas-Sextias, ubi patruus tum versabatur. 1588. 1589. 1590.

Inardescens postea à morte Henrici III. civilibus bellis, Avenionem missi sunt, ubi quinquennio integro in Collegio Patrum Societatis IESU studuerunt. Memorare autem Peireskii solebat debere se multum Antonio Colombatio, & Andreæ Valladerio, quos supremos habuerat litterarum humaniorum professores. Dicebat enim eos facillè solitos quidpiam ex aliis exercitationibus relaxare, ut dederet se maximè pervolutandis historicis, studio interea poëseos, & linguæ Græcæ non neglecto. Ille nempe gaudebant non tam opus esse gressum illius regere, quàm eminens viam demonstrare; laudandi, quòd nobile pectus ea servitute non opprimerent, qua plerique aut odium rerum bonarum contrahunt; aut humilibus nimis assuescunt. Referebat etiam quàm sublimes adderentur animi, cum illi præterea palàm commendarent, quòd totam Iustini historiam, totamque Ovidii Metamorphosin teneret ad unguem; nec faceret finem consulendis

1590. fulendis libris, ex quibus innotescere singulares rerum circumstantiæ possent. Eamobrem certè averfabatur & ludos, & spectacula; ut legendo, excerpèndòque singularia quæque incumberet totus. Immoderatiùs tamen, ut puto; relaxandus enim animus per vices, nec statim à pastu contendenda mens; quod cum studiorum ipsius moderatores non satis caverent, effectum est, ut stomacho, capitéque doluerit non semel.

Exegerat iam penè annum ætatis quintum-decimum, cum Aquas-
1595. Sextias rediit, illicque anno integro Philosophiæ operam dedit. Voluit patruus, ut interea edoceretur arma tractare, equos regere, tripudiis membra exercere. Verum quia succidere gratiores quædam horas oportuit; idè obsequutus est quidem; sed nisi præsentibus illis, à quibus erudiebatur, retractare nihil voluit; adèd quidpiam vel legere, vel scribere, vel audire satius ducebat. Per ea tempora oblatum fuit patri numisma aureum Arcadij, quod Belgenferij fuerat repertum. Id ipse illicò poposcit, & cum circumscriptas literas legisset, Imperatorisque nomen adnotasset, ad patrum statim retulit, qui illi gratificaturus, & duo alia numismata, & libros etiam, quibus vberius erudiri posset, concessit. Atque ex hoc quidem tempore exarsit, seu ignis in silvis, curiosissima ejus mens; avidè enim conquirere, atque congerere occæpit quotquot antiquos potuit nummos, singulis legendis, ac interpretandis acerrimo incumbens studio: qua occasione cœpit etiam inscriptiones omneis sive sepulchrales, sive alias perquirere, & studiosè observitare.

1596. Destinatus est deinde cum fratre Turnonem, ut sub patribus Societatis I E S V Philosophiæ curriculum, quod appellant, absolveret; fratre adhuc in studiis humanioribus consistente. Cum verò studio Mathefeos præsertim inardesceret, ardentè arripuit quam illic docebant Cosmographiam, certus historiam sine illa, ac sine Chronologia penitus obscuram, imperviàmque esse. Sic post usum Sphæræ, addidit etiam usum Astrolabij, literis repetitis scribens, & exostulans adversus quendam artificem, qui in se pridem receperat Astrolabij fabricam, nec ipsi tamen operam satis diligentem navarat. Nihil interea remittebat neque ex studio rei antiquariæ, cujus causa Petro Royero professorum vni fuit eximiè carus, neque universè ex ipsis humanioribus studiis, quæ, ut à fratre excolerentur, tanquam
magister

magister attendebat. Sed ad ista nempe ut sufficeret, studere solebat 1596.
in plurimam noctem. Evenit proinde, ut partim ex nativa constitutione, partim ex assiduo labore, prolixisque vigiliis debilitatem stomachi antè contractam adauxerit, pulveremque ideò usurpaverit, quem literis ad patrem datis appellavit digestivum. Quia literarum incidit mentio, idcirco adnotari potest illum ex eo jam tempore scripsisse omnia accuratè, stylo videlicet tentato per repetitas schedulas, quæ & mihi incidere in manus, & fidem fecere non fuisse illi unquam phrasim luxuriantem, aut immaturam. Dixit nimirum semper quod voluit communibus verbis; tametsi non sine delectu, nec sine ea gratia, & urbanitate, qua testando benevolentiam, observantiam, gratitudinem; qua excusando, commendando, gratulando, cæteraque hujusmodi præstando mirificus fuit. Nam ad novercam, exempli gratiâ, ob quædam donariola, Fœlices videmur, ô mater, quod beneficiis tuis cumulamur: sed infœlices tamen, quandò sic illis obruimur, ut agnoscendo impares simus. Talia porrò dum scriberet, reponebat interea quæ munuscula poterat; nempe ab ea usque ætate vinci benefaciendo nescius, nisi quâ prorsus impotens erat. Ita ad amicum coætaneum scribens, ingritudinemque jam tum detestatus, Mihi ipsi, inquit, intulero manus, si vel minimæ in officio negligentia coargui possim. Eodem spectat, quòd præceptorum sollicitudinem commendabat, ut à patre, ac patruo honoraria promissis longè uberiora consequerentur.

De studiis ut iterum dicam, non tulit patruus, ut triennium Philosophiæ impenderet: sed, exacto Turnone anno, revocatum voluit 1597.
Aguas-Sextias, ut destinatus Senatui Jurisprudentiæ initiaretur. Id etiam expetierat, cum ille adhuc Turnone foret; scribens scilicet, ut maturè Rubricarum Enchiridium haberet præ manibus: verum ipse, ut Juris studium tantisper adhuc declinaret, hunc prætextum quæsierat, Volueras, patre, ut operam arti oratoriæ sedulam navarem: si per te liceat igitur, faciam, quoniam heic possum percommode, ac initiabor prudentiæ Juris, cum ex hac urbe discessero: tu præscribe tamen quod factò sit opus; si perstes enim, nihil mihi fas, nisi ut iussa capeßam tua. Itaque domum evocatus, Jurisprudentiæ nomen dedit sub Francisco Fortio Andino, qui in Aquensi Curia Advocatus, & docendi Juris oppidò peritus, callebat præterea, si quis alius, eleganti-

1597. tiores literas. Is Peireskii parentibus carus cœpit magnâ curâ Institutiones prælegere; ille verò tam occasione hujusmodi studii, quàm, ne cœptam eruditionem omninò intermitteret, texere suo Marte cœpit Imperatorum seriem, à quibus leges fuerant latæ. Texuit & seriem Consulum, magistratuûmque cæterorum, conquisitis undique numismatibus, ut & facie, & rebus gestis Latores legum agnosceret. Sic habere etiam curavit icones celebriorum Jurisconsultorum, ut cùm in illorum responsa, interpretationesque incideret, fieret memoria tenacior ex concepto cujusque vultu. Erat tum porrò Aquis-Sextiis Petrus Antonius Rascaſius Bagarius rei antiquariæ peritissimus: postea quippe Henricus Magnus, propter famæ celebritatem, illum accersivit, & cimeliarchio suo præfecit. Ipsi igitur succisivis horis Peireskii frequens aderat; ut suscitaretur, edocereturque; ille verò sagacitatem, eruditionemque miratus, & conjunctam modestiam cum discendi ardore amicè complexus, celare nihil poterat; ac tum varia cimelia diebus variis demonstrabat, tum prolatis libris conjecturas suas, explicationesque fulciebat, tum singulareis Peireskii interpretationes & admittere, & commendare non gravabatur.

1598. Anno superato, Avenionem rursus concessit, ubi privatus illi Doctor Petrus David natione Burgundus, qui fuit deinceps Semurii capitalis Profenescallus. Huic quoque præter peritiam Juris suaviore Musæ propitiæ erant; unde facile ferebat Peireskinm interponere Juris studio rerum antiquarum pervestigationem. Ea de causâ non infrequenter cum Bagario de re nummaria, & de rebus aliis selectis per literas egit. Perscripsit aliquando ad illum singularia quæque in Romæ cujusdam Arelatensis cimeliarchio observata, misitque inter cætera obtentum pro eo ectypum ex eleganti jaspide Deianiræ per Nessum raptæ. Interdum etiam recuperata egregia Neronis, Vitelliique numismata misit ad patrum, exoravitque, ut ea exornari perinde curaret, ac exornatum Herculem, Agrippinamque jam habebat. Rogavit quoque, ut ad se anulum quemdam mitteret, commutandum, uti sperabat, cum Corneola, seu Onyche quadam, quæ & præstantissimi, inquit, artificis est, & incomparabilis, sed apud possessorem incompti pretii. Memoro ista ex pluribus, ut quis ex illo jam tempore circa hæc fuerit, melius noscatur. Cæterum qui curiosam ejus indolem quammaximè fovit, Petrus Antonius Ghibertus Neapolita-

mus fuit, quo Auditore Cardinalis Aquaviva tum utebatur. Is enim ipsi rara quædam, ac non prius visa monstravit; & inter libros alios, etiam quosdam Huberti Goltzii, quos nondum habuerat, in plurimos dies commodatò dedit. Quin-etiam mentem vividam, sagacemque perspicuens, hortatus est, ut in Italiam iter institueret, habiturus, Romæ præsertim, unde explere animum posset. 1598.

Agebat tum annum ætatis decimum octavum; cum de professione in Italiam cogitans, natandi artem addidit. Ante id tempus solitus erat se per æstatem abluere in minore Rhodani alveo, qui est Barthalasæ insulæ ad ortum, & in quem se Sorga fluviolus exonerat. Deprehendit autem aliquando fundum, quod aliàs æquabile, & molliusculum observârat, induruisse in globulos, moleculasve, qualia ova sunt, cortice detracto, ubi coctiora fuerint. Id demiratus & collegit, & detulit aliquot domum, ut præceptori ostenderet, & facti causam sciscitaretur. Miraculum verò adauctum, ubi post dies non ita multos, cum rediisset ad fluvium, deprehendit moleculas induruisse planè in fluviatilibus lapides, idemque etiam observavit contigisse iis, quas asservabat repositas domi. Atque exinde quidem cœpit circa lapidum generationem philosophari; sed res dicenda posterius est. Tandem verò cum desiderio invisendi Romam flagraret, veritus tamen ne parentes id abnuerent, petiit duntaxat Patavium mitti, ubi celeberrima Juris studia essent. Tacitè autem cogitabat proximè esse annum sæcularem, veniarumve solemniū; ac se ipsius occasione posse Patavio Romam adire.

Incipiebat tum fluere annus superioris sæculi nonagesimus nonus, cum Cardinalis Joyosæus discedens in Italiam, erat Ferrariam concessurus. Videlicet Clemens octavus ditionem caducam ex morte Alphonsi secundi Attestini recepturus, eò discesserat; eaq; de causa Cardinalis non Romam, sed illuc tendebat. Itaque Peireskii valdè exoptârat se in ipsius comitatum unà cum fratre dedere; at parentibus secus visum. Nam constituerunt quidem favere laudato desiderio; sed censuere tamen expectandum autumnum, tum ut tempestas foret moderatior, adolescentēsque potius hieme, quàm æstate succedente, alieno cœlo assuescerent; tum ut commodius de necessario apparatu provideretur. Quærendus porrò primum fuit, qui studia & mores eorum regeret; tametsi ea erat utriusque, & ipsius Peireskii præsertim

1599. moderatio, atque prudentia, ut videretur honori potiùs, quàm necessitati ductor designandus. Itaque delectus est ipsis Paulus Gudanes Fonvivius, nobilis è Bearnia vir, qui ex Italia, Polonia, Germania, aliisque regionibus redux, multorum jam hominum mores, civitatésque noverat, quémque Bellevræus Cancellarius in proximos annos filio destinârat.

Discessere ergo cum illo sub Septembris initium, prætulitque Peireskii solvere ex Cannensi portu, tum ut antiquum Monasterium in Lerone insula proximè situm inviseret; tum ut prius occurrentia ad forum Julii monumenta antiquitatis coràm lustraret. Cùm appulissent Genuam, ac spectassent abundè satis palatia illa magnifica, fuit quidem prætereà superandus mari Veneris, ac Ericis portus; sed voluit tamen Peireskii terrâ deinceps contendere, tum quòd ex mari malè haberet, tum quòd lustrare curiosè vellet, quæ animo conceperat. Videlicet itinerarium suo sibi marte apparârat, statueratque non sic ex urbe in urbem rectà pergere, quin, si heinc inde aliqua notatu digna memorarentur, divertere illuc pro libitu posset. Heinc sese nunquàm in extraneorum comitatum sponte adhibuit, & ubi se alii ipsi adjunxerunt, urbana quadam excusatione sejunctionem brevi faciendam prævenit. Parùm porrò absuit, quin eæ digressiones, ipso statim initio, illi pessimè cesserint. Cùm enim ad fodinas Massæ inspiciundas deflecteret, ductorem se unus extorrium, quos Banditos vocant, sic præbuit, ut nisi maturè fuisset agnitus, deduxisset planè in carnificinam. Commoratus nonnihil Lucæ, spectare Pisis voluit insigne cimeliarchium: non potuit tamen, nisi postquàm Liburnum invisit, ac in eam urbem rediit. Memini verò, inter cætera, quæ ibi visa commemorabat, admiratum illum Corallii plantani, quæ humano cranio supercreverat: quod adnoto, quia hæc deinceps fuit illi non postrema causa, ut adestet coràm in expiscatione Corallii, de qua suo postea loco dicendum.

Ut paucis loca alia perstringam, iter exinde fecit Florentiâ, Bononiâ, Ferrariâ, ac ubi fuit paucis diebus immoratus Venetiis, sedem Patavij denique fixit. Illeic paucos menseis vix fuit, cùm ipsius virtus apud universam Academiam inclaruit. Quippe tametsi unà cum fratre Professores juris circumstaret frequens, ac nominatim Jacobum Gallum, Bartholomæum Silvaticum, Joachimum Scaïnum,

Ottoneſſum Diſcalcium : nihilominùs alios etiam, quotquot aderant, 1599. eruditos viros & convenit, & facilè in admirationem traxit. Cæteros inter, Thomas Segetus, ille nempe, quem Lipſius centuriâ tertîâ Epistoſarum commendatum jam fecerat, ſic ſuam ipſi benevolentiam, obſervantiamque ſignificavit, ut inſcriptum priùs hoc voluerit, GENIO GALLIÆ NARBONENSIS, INGENIO, ET MATURÆ, IMMATURO ÆVO, NICOLAI FABRICII VIRTUTI SACRUM. PATAVII. PRID. NATAL. CHRISTI, CIO. IO. IC. Vir autem eximius Erycius Puteanus, non Lipſio modò collaudatus, ac poſtinodum datus ſucceſſor, ſed jam tum etiam deſtinatus, qui Mediolanî ageret & Chronographum regium, & artis Oratoriæ interpretem primum, inſcriptione iſta prævit, LARE SECRETO. CUI GRATIÆ ADOLESCENTIAM ORNANT, ERUDITIO IUVENTAM, PRUDENTIA SENECTAM; IS ADULESCENS VOLUPTATEM AMICIS CREAT, IUVENIS HONOREM PATRIÆ, SENEX UTRUMQUE SIBI. TU VERO, NICOLAE FABRICI, CUNCTA SIMUL AMICIS, PATRIÆ, TIBI, IN SPE ÆTATIS, ET FLORUM IUVENTÆ, ET FRUCTUM SENECTÆ PROFESSUS. PATAVII ∞. IOC. KAL. FEBR. Atque hoſce 1600. quidem refero è multis.

Cum verò in ſe omnium ora, oculosque converteret; notiſſimus fanè, & cariſſimus potiſſimum fuit laudatiſſimo illi Joanni Vincentio Pinello, qui origine Genuenſis, & patria Neapolitanus, eam civitatem delegerat, in qua tranquillè ævum degens, totum ſe bonis artibus, literiſque ingenuis promovendis conſecraret. Is videlicet Bibliothecam inſtrictiſſimam apparârat, rerumque omnium exquiſitarum promptuarium inſtruxerat; ac ævi illius literatos omneis, quâ propè quâ procul, ſi quid libris, aliifve rebus opus haberent, adjutabat. Callentiſſimus ipſe rerum, & excitabat omnium ſtudia, & fores ſuas colloquiis, conſuetudinique eruditorum virorum tam advenarum, quàm indigenarum apertas habebat. Teſtimonium illi dixerunt & Lipſius, & Scaliger, & Thuanus, & Caſaubonus, & Pithœus, & quis non ex laudatis viris? Itaque, talis vir cum eſſet, deperiit ſtatim Peireſkii genium, tanquàm ſui ſimillimum: admiratufque, & reveritus in adoleſcente eſt adultam jam, ac penè maturam virtutem, & eruditionem. Superſunt certè ſchedulæ variæ, quibus ad illum miſſitatis, teſtatus eſt ſummam familiaritatem; nunc variè

1600. consultans circa numismata, circa rerum gestarum loca, circa responsa danda Ursino, Velfero, & aliis: nunc gratias agens ob varias interpretationes rerum, locorumque apud auctores difficultium, ob communicatos libros, eçtypos, apogragha, alia: nunc vicissim mittens, si quando aut Roma, aut aliundè accepisset libros, cimelia, inscriptiones, literas; nunc invitans ad cognoscendum, colloquendum, spectandum, ferendum judicium, & id genus cætera, quæ recensere molestum foret, ne quidpiam dicam de literis, quas ad quadraginta usque, dum ille Venetiis, Florentiæ, aut Romæ esset, perscripsit, omneis familiarissimas, & singularis benevolentiæ testificatione plenas.

Commeabat autem Peireskiius tertio quoque mense Venetias: tum ut necessariam pecuniam, juxta nummarias tessarâs, à nummulariis exigeret; tum ut viros doctos, litterarumque amanteis, veluti Paulum Sarpium, Dominicum Molinum; & complureis alios conveniret; tum ut nihil, quod foret pretio, raritatève in ea civitate commendabile, sineret invisum. Quam quidem ad rem eximiè favebat egregius Christianissimi Regis nomine Orator Philippus Canaius Fraxineus; cùm ipse quoque sibi interea pararet amicos, quorum auctoritate nihil fieret impervium. Præcipuus in illis fuit Fridericus Contarenus Divi Marci procurator, qui, cùm Musæum haberet instructissimum, illius tamen pretium non novit, donec Peireskiius demonstravit quidnam, & quanti æstimandum unumquoque cimeliorum foret, quid inscriptiones Græcæ tam numismatum, quàm marmorum significarent, & id genus similia, ex quibus singularem viri benevolentiam est consequutus. Neque verò ipsius modò, sed & totius etiam familiæ: ex quo intercessit illa cum Angelo Contareno viginti post annis agente in Gallia Reipublicæ Oratorem necessitudo; & cum Vincentio Contareno, qui sex annis post librum variarum lectionum edens, *E Gallia usque*, inquit, *nobilissimus, & cùm juris, tum antiquitatis totius egregiè peritus Nicolaus Fabricius me sibi peramicè monendum putavit.* Prætereo Joannem Mocenicum, cui fuere oppidò quàm rara; prætereo Bembum Equitem, cujus universam penè rerum antiquarum suppellectilem à Cardinali usque Beinbo deductam coëmit; prætereo Patriarcham Aquilejensem, in cujus cimeliarchio memorabat se observasse ad trecentos usque Cameos perraros: prætereo & alios

& alios complureis. Refero solum quod Puteanus, cum Venetiis 1600.
foret, ad Pinellum scripsit xi. Kal. Junij eâ Epistolâ, quæ edita est
in Promulsidæ octogesima secunda. In adibus, inquit, Scaramelli fui:
*Septumia monumentum vidi, etsi penè frustra: ita similiter omnia expressa, ut
nesciam, me hercules, industriam, an memoriam Frabicij nostri, an utramque
debeam admirari, qui tam feliciter in summa festinatione ipse pinxit, aut feliciter
pingentis postea, ac reformantis manum direxit.* Exinde nempe colligitur,
quàm solers foret, ac diligens in singulis observitandis.

Cæterum Venetias profectus sub finem Augusti, ardorem tandem
explicuit, consiliûmque cepit concedendi exinde Romam, quod
tamen Porta-Sancta aperienda, & Jobelæi celebritas inchoanda non
esset, nisi sæculi, atque adedò anni sequentis initio: existimaret ta-
men, si quos illeic menseis præoccupando transigeret, haud malè
collocatum iri. Nôrat aliunde fore, ut brevi celebrarentur Florentiæ
memoranda sponsalia inter Henricum Regem Christianissimum, &
Mariam Mediceam nunc Reginam matrem: neque volebat commit-
tere, ut à se coràm non spectarentur. Itaque postquam Patavium scrip-
psit, ac specialiter ad Pinellum, inscriptiones, aliâque mittens, &
simul rogans, ut literas ad familiareis Romam daret; discessit initio
Septembris, lembo conducto Ferrariam, aut certè Francolinum us-
que. Non pervenit autem Florentiam ante diem mensis vigesimum,
quod ubicumque aliquid spectatu dignum occurreret, quantum ad
illud pervidendum opus foret, commoraretur. Constitit verò, retar-
datûsque Bononiæ potissimùm est, quod Julius Cæsar Velius, qui
credebatur hausisse totam antiquitatis notitiam, suavi illius congressu
captus, detinere ipsum plusculum voluerit. Neque verò se continere
optimus senex potuit, quin de sua felicitàte in cognoscendo Fabricio,
literas calidissimas, mirisque elogiis plenissimas daret. Calidissimas
certè eas dixit Pinellus, commendans aliunde, quod Fabricius ex iis
non esset, qui peregrinando nihil aliud, quàm cursitant, quibûsq; juxta
Senecam, illud evenit, ut multa hospitia habeant, nullas amicitias.

Accedens Florentiam, habuit aliquas à parentibus literas, ac, inter
quasdam commendatitias, reperit specialeis Caroli Lotharingii Ducis
Guisij, & in Galloprovincia Proregis, ad Nicolaum Brulartum Sille-
rium, qui fuit deinceps Regni Cancellarius, quique tum Regius Romæ
Orator, eò venerat, ad sponsalium celebrationem. Quamobrem ille
Peires-

1600. Peireskium, fratrémque accitos in familiam voluit, ut suis sub auspiciis omnia liberius contuerentur. Præter verò celebritatem, avidè imprimis spectavit Bibliothecas illas insignes, in quibus agnovit, & penè dicam, adoravit tum magnorum Principum, tum virorum eruditorum, à quibus bonæ literæ restitui cœpère, vestigia. Nihil speciatim dico de Pandectis, quos, in Palatio magni Ducis religiosissimè licet asservatos, curavit tamen inspicere; securus nullum antiquitatis monumentum illustrius in litterario orbe exstare. Amicos quoque ille paravit; sed, quantum recorder, nullum constantiorem, quàm Richardum Richardi, studiosum plantarum, atque marmorum; qui ipsum quoquo versum ad opera publica, hortosque deduxit. Mense transacto, Senas petiit, ubi salutare potissimum voluit Celsum Cittadinum, qui tunc habebat præ manibustractatum de Origine, progressuque Latinæ, & Italicæ, seu vulgaris Linguae. Inde discedens, Romam tandem sub finem Octobris pervenit.

Romæ porro dici non potest quàm citò fuerit notissimus; non modò, quia jam Pinelli, aliorumque literæ celebre nomen fecerant; sed maximè etiam, quia cum primum viris in ea urbe eruditis cœpit congregi, ingentem sui admirationem, atque amorem conciliavit. Prolixum foret recensere quos eximios viros coluerit, à quibus, ob lumen ingenii, & temperatissimos mores, magni habitus fuerit: sed, cum sileri omnes non possint, commemorandi imprimis sunt inagni illi duo Cardinales, Baronius, atque Bellarminus. Ille nempe obstupescbat, cum de insertis in Annaleis inscriptionibus, aliisque rebus ad Historiam abstrusiores spectantibus, edifferentem coram audiret. Ecquid putas verò, cum ostendit gemmas, numismataque varia, quibus Basilidiani, Valentiniani, alique hæretici inscribere soliti erant vocabula barbara opinionibus suis obtegendis? Collegerat nempe complura, ad illustrandum, quod ille in secundum tomum conjecisset ex Amethysto Fulvij Ursini, circa vocem A B P A z A C, vel A B P C A z, qua Basilidiani intellexêre summum Deum, continentem Angelos septem, cœlorum septem præfides; ac præterea eorum trecentas sexaginta quinque virtutes, juxta anni dies; idque ob septem literas, numeralinque earum valorem (junctis scilicet numeris, pro ordine unuscujusque in alphabeto literæ) & id genus similia, quæ deinceps quoque ad Natalitium Benedictum literis exposuit.

Bellar-

Bellarminus verò tum eadem, tum alia accipiens circa hærefes, ve- 1600.
terémque historiam totam, hærebat quid magis probaret, an sagaci-
tatem in peruestigando, an solertiam in conspiciendo, an iudicium in
eligendo, an memoriam in referendo, an leporem in explicando.
Merito autem lenissimis ejus moribus capiebatur: nam, ut omittam
cætera, confidentem in media plebe auditorem ferè habebat, quoties
suos paræcos pro concione erudiret, familiaritèrque institueret.

Dicendus deinde Jacobus Sirmondus, inter homines Societatis
Jesu jam tum etiam clarissimus: arctissimam enim cum illo amici-
tiam iniiit, nihilque studiorum non commune habuit. Dicendus Læ-
lius Paschalinus, cujus cimeliarchio spectabilius quicquam non fuit,
quique illius eruditionem ita suspexit, ita amavit indolem, ut aliquan-
do cogitârit, ac voluerit pretiosa quæque tradere, quæ ipse secum
absporraret. Dicendus Fulvius ille Ursinus, cujus nomine inter viros
antiquariæ rei studiosos majus, celebriusque nullum est, quique ex
perscriptis à Pinello interpretationibus expetierat, illum nosse perar-
denter. Dicendus Philippus Pigafetta, ad quem cum Pinellus initio
non dedisset litteras, mirum quanta commendatione oblivionem com-
pensârit. Dicendus ille ipse Ghibertus, quem Avenione jam nove-
rat, quique ad spectandum res varias ipsi deducendo se comitem præ-
buit. Dicendus, qui etiam eum variè deduxit, Paulus Gualdus, eru-
ditus Vicetinus, qui in Pinelli contubernio ipsum miratus Patavii,
Romæ etiam obstupefcebat. Dicendi Petrus Stephanonus, Diony-
sius Octavius Sada, & universè quotquot fuere in urbe eruditi viri,
& bonarum artium, literarumque amantes. Sed & reticendus non est
Arnaldus Cardinalis Ossatus, Regia negotia tum Romæ curans, vir
eruditione, prudentia, integritate, suavitate morum eximie conspicuus:
qui consuetudine Peireskij exsatiari vix unquam potuit, neque illum
unquam abs se, dum inviseretur, non ægrè dimisit. Non reticendus
Abbas Montanus, Archiepiscopi Arelatensis patruus, qui virtutis illius
potius, quàm Nepotis commendatione, in perpetuum propemodum
contubernium adscitum voluit.

Jam neque dici facile potest, quàm vehementi studio universa an-
tiquitatis monumenta peruestigârit. Impimis enim desideravit situm
Urbis cognoscere, & regiones, quas fuit complexa. Visis montium
vestigiiis, adeò depressos miratus est, quos putârat adeò sublimeis.

1600. Obstupuit inter cæteros Palatinum summè desertum , quo nullus olim frequentior. Disquisivit , si fortè posset intelligere , aut subodorari , quâ fuissent Pomerii fines tam à Regibus , quàm ab Imperatoribus prolati ; & cùm ad portas , viâsque omneis diligenter attenderet , exploravit tamen præsertim Aureliam , propter ejus viâ reliquias , quæ in Provincia adhuc supersunt. Deinde regiones , vicôsq; percurrrens , agnoscere voluit , quantum licuit , quâ extitissent Priscorum templa , ædes , aræ , luci , sepulcra , asyla , scholæ , bibliothecæ , amphitheatra , theatra , circi , hippodromi , naumachia , campi , odæa , fora , emporia , horrea , armamentaria , balnea , thermæ , aquæ , pontes , colossi , obelisci , columnæ , statuæ , & innumera alia , quæ inter legendum auctores adnotaverat , & in commentarios relata circum gestabat. Vix autem unquàm exfatiari contemplan-do poterat , cùm observaret quidpiam adhuc sive integrum , sive mutilatum superstes.

Sic dies benè multos posuit circa Pantheon , rarum architecturæ exemplar , considerando , conferendôque quicquid Ludovicus Demontisius fuerat de illo ratiocinatus. Sic , quia nôrat asservari in Vaticano Palatio tum Herculem truncum , tum Laocoontem cum duobus filiis , opera exquisitissima , & Michaëli Angelo miracula habitæ artis ; idcirco illis inspiciendis non una vice adstitit , ut nec semel etiam invisit geminas illas Alexandri , & Bucephali statuas , quæ exstant adhuc Phidiæ , Praxitelis monumenta. Sic aliquoties ad invisendum C. Sestij Epulonis in via Ostiensi sepulcrum itavit , ob vetustissimas illius , nobilissimasque reliquias. Sic variè spectavit obeliscos varios , sed nullum frequentius , quàm Constantinianum , ob cujus effossionem , translationem , erectionemque laudare satis non poterat generosum Sixti V. Pontificis institutum. Sic & columnas ; sed maximè Traianam , atque Antoninianam. Illam quidem , ut Pinello satisfaceret , cui factum satis non fuerat volumine toto de ea (seu de historia utriusque belli Dacici , à Traiano gesti , prout Alphonsus Ciaconus illam ex columna eruerat) conscripto : unde & exoptaverat tum exemplum libri à Peireskio quàm perfectissimum conquiri ; tum depictas in eo figuras personarum , armorum , gestuum , cum insculptis , secundum totam cochlidem , per ipsum conferri. Hanc verò , hoc est , Antoninianam , ut perdiligenter exprimi curaret effusionem illam Jovis Pluvij Romanorum exercitum irrorantis , & hostium copias fulmine

mine ferientis. Ejusmodi certè Iconisimum cum Scaligero postmodum 1600. offerret, ad illustrandum quod Eusebius de prælio commissio inter Antoninum, & Germanos, ac Sarmatas, contulit in annum Olympiadis c. xxx. viii. primum, Hæc, inquit, una est ex rebus maximè notatu, & spectatu dignis, quas mihi quidem inter omnia antiquitatis monumenta contigit Romæ observare.

Nec verò harum modò rerum delineationes habere voluit; sed rariorū etiam quarūvis statuarum, quas disquisivit in Capitoliō, in Vaticano, in Farnesianis, in Cæsianis, in cæteris ædibus; itémque in hortis, ac vineis, &, ut breve faciam, in quibuscumque privatis, publicisque locis; pictores deducens, qui non modò statuas, intemperataque alia opera; sed truncos etiam, & ruinas ædificiorum veterum, quæ occurrerent, adumbrarant. Deferre quoque solitus erat selecta quædam numismata, quæ conferret cum statuis, explorans cujusque ætatem, & agnoscens plerumque manum: cum eâ foret solertiâ, ut momento discerneret quid re verâ, quidque ex sola imitatione foret antiquum. Sic inscriptionum etiam omnium, quæ saperent antiquitatem, habere voluit apographa, tentans pro sua sagacitate ex eas supplere, ac penè desperatas restituere. Rursus Codices MSS. seu Vaticanos, seu Farnesianos, seu alios, non quantum quidem libuit, sed quantum tamen licuit, evoluit; &, quotquot inter cæteros maximè rari visi sunt, adnotavit in tabulis. Sic adnotavit etiam vasa, pondera, mensuras, cælaturas, numismata, simulacra, imagines, & quicquid demum notatu dignum occurrit in Metallothecis, Iconothecis, in Promptuariis, Musæis, Xystis, Pergulisque variis; ut præteream innumera, quæ vel prætio quæsit, vel commutavit, vel dono habuit, quorumque saltem ectypos, ecmagnata, aposphragismata, aut iconismos obtinuit. Unum doluit, se nec habere, nec videre usquàm potuisse memorata Goltzio Tullii Hostilii, ac Servii Tullii numismata; ut neque alia memorata cum hisce inscriptionibus, Col. Aquæ-Sextiæ. Col. Arelate. Col. Avenio. Col. Arausio Secundanorum, & similia, quæ amore patriæ ardentissimè, sed frustra tamen requisivit.

Ex hisce porrò ingentem sui admirationem excitavit, non modò Romæ, ubi illius amicitiam eruditi omnes ambierunt, sed in diffitis etiam locis, quocumque ejus fama pervenit. Et hoc nimi-

1600. rùm tempore cœpit, quæ fuit illi necessitudo cum Natalitio Benedicto, rebus exquisitis instructissimo, ac Fullinii tum commorante; quæque cum Adolpho Occone Augustano medico, tunc iteratò edente volumen de numismatis Imperatorum Romanorum: ut illos taceam, quos jam nôrat, Hieronymum Rubeum Ravennæ, Cæsarem Nichezolan Veronæ, Antonium Tolentinum Cremonæ, Cæsarem Campanum Vicentiæ, aliisque locis non paucos. Mirum autem quantum Patavii præsertim inclaruerit, adtestantibus literis ad ipsum per id tempus datis à Laurentio Pignorio; qui ipse rerum præscarum adeò peritus, professus est tamen se amplius ex unis ejus literis, quàm ex decem Antiquariorum voluminibus erudiri: qui que suspexit non modò copiam conquisitarum ab ipso rerum, sed delectum etiam insignem, cum ex missis duobus quibusdam Constantini numismatibus, agnoscere se, ut ex ungue leonem; dixit. Consimilia scripta ab Emundo Brutio, Georgio Ragusæo, Iacobo Papifavio, Martino Sandello, & quem nominare primum debui, Hieronymo Aleandro juniore, vero Musarum delicio; itémque M. Cornaro optimo urbis Præsule, quicum deinceps per litteras, donec fuit in vivis, amicitiam coluit. Sed quantum quidem fieret Patavii vel id indicat, quòd missò Augustà Vindelicorum ectypo Sapphiri cujusdam, inscriptionem præferentis, in qua *Xiphia* vox omnibus curiosis faciebat negotium; Pinellus ad eum scripserit, examénque, & judicium ea de re ipsi detulerit. Prætermitto autem, ut fecerit satis, vocique lucem attulerit ex Strabone potissimum, cum ex Polybio loquutus est de venatione *Xiphia*, monstri videlicet marini.

Quod ad statum Romæ recentioris spectat, nullum fuit Templum, Sacellum, Collegium, Xenodochium, quod ingressus non fuerit: nullum Palatium magnificum, nullum celebre Pontificum opus, ad quod non diverterit: nulla Raphaëlis Urbini, Michaëlis Angeli, Polydori, Caravagii, Tiriani, aut alterius artificis insignis pictura, quam non inspectarit. Sic cæmiteria, cryptasque illas subterraneas, plena venerationis loca, & Christianæ pietatis, constantiæque monumenta. Sic Religiosis cæremoniis, quantum sine discrimine posse putavit, interfuit. Quippe quod complexione foret non robusta, magnoperè, conjicere sese in turbam tumultus plenam detrectabat. Heinc quod ad statas, sollemneisque Tobelæi

attinuit,

attinuit, spectavit quidem, observavitque ex ipsis quantum potuit; cæ- 1600.
terum autem Valavesio fratri, tanquam valentiori demandavit curam
spectandi omnia cominùs, & ad sese referendi. Idein præstitum circa 1601,
cæremónias, quas vocant Cœnæ Domini: quod circiter tẽmpus tam
ipse, quàm frater, ut Pontificem iis pauperibus, quos dietim pascit,
ministrantem, simulque in eadem aula discumbentem contuerentur,
vices redemere duorum pauperum, vestibulque eorum assumptis, ad-
fuere inter cæteros, & agniti licet à Pontifice, ipso tamen rem placide
dissimulante, omnia spectarunt.

Paschalibus Romæ exactis, & postquàm varia munera domo ac-
cepta distribuit, nonnullaque etiam ad Pinellum misit, profectus est
Neapolim. Superfluum foret recensere quantum, quotiesque diver-
terit, ut requireret varia, quæ apud auctores celebrata sunt tam Latii,
quàm Campaniæ loca. Affectum se verò præsertim dicebat, cum me-
morata Virgilio coràm haberet, lastrarètque, ut Cajetam, ut Cumas,
earumque reliquias: ut Misenum montem, & Avernum Lacum, &
similia. Cùm item loca, in quibus exstitisse dicerentur villæ Cicero-
nis, & Luculli; aut sepulti fuisse Scipio Africanus, & Virgilius: atque
id genus cætera, ad magnos viros attinentia. Addebat se, cum cry-
pten illam, seu, ut appellat Seneca, carcerem longum, & obscurum,
Pausilippum scilicet montem per passus mille perforatum, eundo, re-
deundoque spectaret, doluisse, quòd ignoraretur, certusve non esset,
qui tam præclarum facinus, tanto viatorum compendio, commodò-
que attentavisset. Digniore enim commendatione arbitrabatur esse,
quàm Xerxen, cùm Græciæ bellum inferens, Athon montem non à
continente modò præscidit, sed medium etiam perforavit.

Neapolim quam-primum accessit, tenere se non potuit, quin Por-
tios illos fratres conveniret. Cùm inductus autem fuisset ad natu ma-
jorem, cui nomèn Ioannes Vincentius, is brevi colloquio sic affectus
fuit, ut ipsum exclamabundus ad Ioannem Baptistam natu minorem
deduxerit, quò & ipse in similem admirationem raperetur. Enarrare
autem solebat Peireskius, licet ipse quoque Ioannes Baptista foret
jam grandævus, adpersisque canis venerabilis; ipsum nihilominus
eà reverentiâ observare solitum iussa, nutusque Ioannis Vincentii, ut
majore non potuisset ora, atque imperium patris. Cæteris, ut cum
ipsis ultrò communicavit plurima, ita vicissim ab iis accepit: neque

1601. spectavit modò quæcunque asservabant in Musæis, pretiosisque armariis; sed etiam omnigenis penè illorum experimentis, prout sibi in votis esse insinuavit, interfuit. Heinc nata ipsi cum utroque eximia familiaritas, &, quæ est deinceps mutuis literis, officiisque variis culta amicitia. Invisit præterea Musæum Ferrantis Imperati, ipsū quoque raris naturæ operibus instructissimū; itémque Adriani Guillelmi, Martis Gurgustiolæ, & Matthæi Cappuani Conchanorum Principis; tamen si ad hunc extra civitatem divertendum fuit. Monumenta insuper omnia antiquitatis pervestigavit, ac præ cæteris delineatas voluit nescio quas columnas operis Corinthiaci, Apollinéique ad Tripodem, & similes quasdam figuras. Ad hæc rogavit, didicitque quicquid licuit cognoscere de familiis Neapolitanis translatis in Provinciam, & de Provincialibus translatis in eam regionem. Cum verò nosset esse in templo Divæ Claræ nuncupato sepulcra complura Regum, Principūque ex Regia stirpe ad Carolū primum (quem diximus fuisse S. Ludovici fratrem) attinentium: idcirco ad illa maxime attendit, præcipua adumbravit, Epitaphia exscripsit. Quinetiam sollicitus fuit in exquirendo sepulcro Simonis Portii Philosophi celeberrimi, non ita pridem vita defuncti: sed enim curam explorandi, si qua fortè inveniretur, & maxime quidem cum Epigraphe, Pinellus ipsi commendarat.

Vivebat tum Neapoli scæmina quædam sanctitate, institutòque vitæ illustri. Ea Romam accita à tempore usque Gregorii tertii-decimi, & ab optimo Bellarmino examinata, probatàque, dicebatur rapi in eam extatim, statim ab assumpto Eucharistico Sacramento, ut, quemadmodum genuflexo erat, ita immota, rigidàque, stipitis instar, consisteret, oculis apertis nihil conspiceret, toto corpore nihil planè sentiret. Itaque noluit Peireskii ex ea urbe discedere, quin rem factū mirabilem vidisset, atque explorasset. Ac obtinere illud quidem absque contentione non potuit; sed, ut impervium ipsi nihil erat, pervicit tandem, ac præter fratrem, deduxit quoque Ioannem Porcelletum Mallianum, qui fuit deinceps Præsul Tullenis. Vidit ergo, exploravitque, & commemorando mirari solebat, si posset quidpiam simile humanitùs contingere; neque facile credebat Cardano referenti sibi quid tale evenire solitum, quoties animo collibuisse.

Postquàm urbem satis lustravit, illiusque elegantiam, amœnitatemque

témque admiratus est, nihil habuit potiùs in votis, quàm adire Vefu- 1607.
vium, contemplarique locum, in quo magnus Plinius diem obiisset.
Ea re peraeta, insigni quodam flagravito desiderio invifendi Siciliam, &
pergendi Meliten ufque. Tria autem erant, præ catèris, quæ avebat
coràm fpectare, Fretum Scyllæum, Æthnæ incendium, Antiquitates
Syracufanæ: reftitit tamen Fonvivius, neque ipfe, illo invito, progredi
ufquam voluit. Quare fatis fuit totam eam regionem circum peragra-
re, & ad loca etiam aliqua redire, ut Puteolos, & Baias verfus, quò
poffet oculatiùs duo quædam ædificia fubterranea in fpicere, quæ Pi-
fcina mirabilis, & Labyrinthus appellantur. An adjiciam verò, cum
littus prope Puteolos confideraret, pulverémque requireret aqua ma-
rina lapidefceniem, detectum ipfi prætereà fuiffe inter arenas quen-
dam plumbeum, quo cælaturæ, ac præfertim Onychinæ confervaren-
tur? Quòd autem in eo littore numismata ferè exefa deprehenderen-
tur, opinatus eft cauffam effe fuphur, quod tamenfi infenfible, in iis ta-
men oris ubique intervenit, accedente aliundè ex mari fal fugineo ha-
litu, cum arroden di facultate.

Altero pòft mense repetiit Romam, idque ut amicis vale diceret,
collatis variis munufculis, ac aliquibus etiam aliò miffis. Conftitue-
rat nempe redire Patavium ante Solstitium, magnòsque æftus; unde
& paucos intra dies non fine relicto fui defiderio ex urbe difceffit. In-
ftituit autem iter Perufia, tum Academia gratiâ, tum fpectandi lacus
Thrafumeni cauffâ. Deflexit inde Eugubium, occasione inventæ illeic
non ita pridem Tabulæ ænæ lingua veteri Hetrufca per fcriptæ. Sa-
lutato poftèà ad Affifium D. Francifci monumento, invifit Fullinii
Natalitium Benedictum, abs quo expectatus ardentiffimè fuerat. Spe-
ctavit exinde ad Montem Falconem, inter D. Claræ reliquias, treis
in figneis globulos in ciftula fellea inventos, quorum duo, vel tres,
non ampliùs, quàm unus, ponderofi deprehenduntur. Tum vo-
tis ad celebre Fanum D. Mariæ Lauretanæ ritè perfolutis, adiit An-
conam, indeque Urbinum, ad obtinendum licentiam pervolutandi
Bibliothecam Ducis. Digreffus Pifaurum, atque Ariminum, ac-
ceffit Ravennam, ubi Hieronymus Rubeus clarus ille Medicus, pa-
triæque fcrutator, complecti illum expetebat, demonftraréque in ipfa
fede Exarchatus nescio quas reliquias Barbariei Gotthica, & orna-
menta Imperatorum, contemporaneorùmque Regum, cum his nomi-
nibus;

1601. nibus; ATHALARICUS RIX, WITIGES RIX, THEODOHATUS; & id genus alia; simulque ostendere ornamenta quædam Galliæ Placidia, in nescio quo templo, quæ Velius non esse antiqua censuerat: denique ipsi sua manu exemplum Historiæ Ravenatis dare. Pervenit exinde Venetias, ubi amicis, magna illorum cum voluptate salutatis, cognoscere non obiter voluit Antonium Possevinum, ex Societate JESU, virum optimum, ad quem cum expetiisset commendatitias literas. *Ecquid quaris proxenetam, rescripserat ad illum Sirmondus, cum ad quoscunque veneris, adeo ex teipso immotescere, amabilisque evadere possis?* Postremo non multos post dies, hoc est, medio circiter Junio, accessit Patavium, ubi tantâ est exceptus lætitiâ, ut videretur quasi quispiam Deus studiosorum eò adventasse. Maxime verò reditu suo recreavit optimum Pinellum, qui diuturnis, sed lentis morbis jam ingravescentibus, propendere se in mortem sentiebat. Dies non sufficiebant audiendo, quæ compererat; neque inspiciendo, quæ attulerat, neque cognoscendo, quæ visa obscura interpretabatur. Dicam-ne, cum inter eos viros, quos cognoverat, felicitàti verteret, quod amicos sibi Baronium, ac Bellarminum paravisset, provocatum fuisse optimum Pinellum, ut quidnam sibi circa illos contigisset, exponeret? Cum, inquit, summus Pontifex ante annos treis venisset Ferrariam, dignati sunt illi me invisere; sed tacitis nominibus, habituque dissimulato, adeo ut se Presbyteros simpliciter asseverarent. Ipse ex eorum iconibus, qui viri essent, statim agnovi: sed fingens tamen, me ignorare, in eam Musæi partem deduxi, in qua virorum illustrium, ac ipsorum specialiter, imagines erant conspicuæ. Ostensa autem Baronio Bellarmini effigie, Num hæc imago, inquam, obone, socium istum tuum repræsentat eximie? & ostensa Bellarmino quæ Baronii aderat; Num hæc quoque, inquam, socium istum tuum exquisitè refert? Ac tum illi delusos se, cum deluderent, agnoscences in amplexus prolapsi sunt.

Porro quia Peireskii præsentiebat se post annum revocatum iri in patriam; idcirco se ad intermissa Juris studia composuit: tempore tamen sic dispensato, ut ad alia prætereà innumera sufficeret. Siquidem præter varia, de quibus paullò post dicitur, in literatos officia, profecit continuò in notitia abstrusioris historiæ, altiorisque antiquitatis. Specimen autem insigne dedit, cum subortâ inter curiosos de

monte

monte Argæo controversiâ, edisseruit ex Jaspide, variisque numismatibus Cæsareæ, alibique cufis, originem, ritusque varios, quibus ille mons fuit olim in Cappadocia adoratus. Linguas præterea semper excoluit, quas credidit usui futuras. Nam ex Hebraïca quidem, & ex utroque charactere, tam vulgari nempe, quam Samaritano; ex Syriaca item dialecto, idiomatèque Arabico, tantum ferè delibavit, quantum ad sictorum, similiumque numismatum interpretationem necessarium duxit; usus magisterio Judæi cujusdam commorantis Paravii, cui nomen Rabbi Salomon fuit. Ad Græcam linguam quod attinet, studiosiorem illi operam impendit, tum propter varias constitutiones Imperatorum Græcorum, ipsamque Juris originem, quæ ad Græcos fonteis refertur; tum propter Philosophiam, seu studium Sapientiæ, proptérque Poëseos, ac Historiæ, quæ in ea lingua supersunt, antiquissima monumenta; tum propter explicationem gemmarum, numismatum, marmorum, quorum sunt Græcæ inscriptiones, quibusque illustrandis pulchrum semper duxit, suavissimumque habuit seriam operam collocare. Heinc cum ad aliquem scriberet Græcarum literarum amantem, exempli causa ad Occonem, qui suas semper Epistolas sententiis Græcis interferebat, solitus erat ipse quoque eruditionem suam testari, nunc versum Græcum præmittendo, nunc quidpiam carmine, aut prosa appositè interpolando: ut ad memoratum Adolphum Occonem, *Fortunate Senex, Te Diva illius antiqua, & veneranda μημερούης filia, non jam Ἀδελφον, sed Ἀδελφον* duplici nomine Germanum dicent.

Nec verò humaniorum modò literarum studiosus fuit, sed multum etiam invigilavit Mathematicis artibus, carus ex eo tempore Galileo Galilei, quem & apud Pinellum primùm novit, & ex inventa hauriendis aquis tum urbem infestantibus machina, admodum suspexit. Incubuit quoque plurimùm in pervestigandis causis rerum naturæ admirabilium. Quippe, & varios variè rogavit de illis Parheliis, sive tribus Solibus, ac triplici Iride visis, die Februarii septima, hora circiter vigesima prima. Et de piscibus, aliisque saxificatis philosophaturus, tum variam copiam impetravit, inque angulo Musæi disposuit; tum ichnographiam ejus montis, qui apud Vicetinos iis abundat rebus, obtinuit. Et quicquid fuit cuiquam perspectum circa fossilia, mineralia, rem metallicam, sua seu remuneratione, seu comitate

1601. concessum tulit; maximè autem Venetiis; ubi aliunde, cùm multa præclara in armamentario se observasse diceret, referebat tamen nihil sibi fuisse adspectu jucundius formatione aluminis in octahedricam figuram. Et frequens adiit rariores hortos, perscrutaturus varietatem, vireisque tam indigenarum, quàm exoticarum plantarum; ac destinans quasdam in Provinciam, quasdamque vicissim ex Provincia, nunc in Pinelli, nunc in aliorum viridaria transferri curans. Et interesse solitus fuit non publicis modò Anatomicorum dissectionibus, sed privatis etiam Hieronymi Fabricii ab Aquapendente, qui illum propter singularem benevolentiam admisit, cùm specialiter ex ovis gallinæ incubanti suppositis, singula in dies singulos subduceret, ut ab ipso usque incubationis initio observaret seriem formationis pulli. Atque hæc quidè de studiis.

Sequitur, ut jam insinuemus, quemadmodum illum ex hoc tempore viri studiosi, eruditique arripere agnoverint gubernaculum literarum. Dictum est jam, cùm Roma rediit, cœpisse optimum Pinellum solito gravius laborare, inque obitum vergere. Is itaque non multò pòst, quippe sub Augusti initium, è mortalium vita excessit, propè septuagenarius: magno profectò dolore omnium bonorum, eruditorumque; sed Peireskii potissimum, qui illum, tanquam alterum parentem habebat, ac venerabatur. Cæterùm cùm ille sui desiderium, quò patebat orbis literarum reliquisset, consolationi tamen fuit, quòd videretur Peireskio quasi lampada tradidisse. Ipse nimirum ad ejus mores ita se composuerat: ita studio rerum nobilium, exemplòque benefaciendi, ac promovendi bonas arteis animatus evaserat, ut virtutis heroicæ destinatus hæres jure censeretur. Hujusce rei congerenda aliquot testimonia sunt, quæ pleniorẽ concilient fidem.

Imprimis verò citandus occurrit Paulus ille Gualdus, qui Pinelli vitam conscripsit, cujusque mentio facta jam est. Is postquam viri mortem deflevit, dixitque naturam parcè proferre ejusmodi viros, ac Methonis fortasse annum transigendum iis, qui alterum Pinellum expectent; talem scilicet, cujus studium humaniora studia restituat in pristinum splendorem, cujus opes in nobileis libros colligendos impendantur, cujus dignitas doctis viris patrocinio sit; tum demum subdit, *Ætas sane nostra, si quem feret ejusmodi, is, ita me Deus amet, non alius erit*

à NICOLAO FABRICIO Gallo, domo Aquis-Sextiis, clarissimo adoleſcente, qui Romæ, & Patavii, vix-dum plenam pubertatem egreſſus, eo ardore Pinellum, & Pinelli ſtudia eſt complexus, ut omnibus nobis, & doctis viris, quot-quot his capiuntur literis, miraculo ſit.

Egregium fanè vaticinium: ſed en etiam votum Erycii Puteani, jam tum Mediolani, ut ſuprà eſt dictum, Eloquentiæ, & Chronologiæ Profeſſoris. Is ſcribens ad Peireſkium, O vulnus, inquit, quod Pinelli morte acceptum eſt! Abiit æternus ille vir, ipſe nominis, & ſamæ ſecurus: ſed nòs in deſiderio, & dolore reliquit, Muſas in ſqualore. Quis ſuccreſcet, & dolorem nobis demet, Muſis ſqualorem? Non doctrina, ſed opibus quoque opus. Quis? fallor? an tu ipſe hùc vocare, ut ſis quod Pinellus fuit? Voveq, voveo, & ſalvere te jubeo, Inventuris ſpes. Quo loco fortaiſſis non ingratum erit, ſi Peireſkii reſponſionem adtexuero. Sic igitur ille reſcripſit. Pervellis animum meum dolore, dum mihi incomparabilis viri morte vulnus inſlictum refricas. Meritò tu quidem funebreis, ac luctuoſas voces ingeminas; meritò vicem noſtram deploras, meritò omneis ad lugendum invitans exclamas, Quis nobis dolorem demet, Muſis ſqualorem? Sed in fine riſum excitas, dum, quaſi vaticinari velles, ſubjungis me, quod Pinellus fuit, futurum; idque, tanquam fieri poſſet, ſerid voves. Quòd perinde eſt, ac ſi ingenti ſuccifa pinu voveres, ut humilis aliqua myrica robur illius, ac proceritatem æquaret. Verùm amor erga me tuus hoc tibi, quidvis aliud meditantì, votum extorſit, cujus, ut reor, nunquam te damnatum iri, aut reum fore ſperaſti. Quod ſi ego tibi idipſum vovens, vatis illud accinam, Tu nunc eris alter ab illo, qui te penitus nòrunt, ſat ſcio, me vatem affirmabunt haud vanum; tua namque hoc opus opis, non meæ. Argutè fanè, & eleganter; tametſi id diſſimulavit, quod veriſſimè à Puteano dictum, ad ſubeundum id muneris, opibus quoque opus eſſe.

Fuère & aliæ perelegantes utrimque literæ conſcriptæ, exſtâtq; ſpeciatiim una edita in ſecundis Ferulis, ſeu centuria Epiſtolarum Puteani ſecunda, qua ſub initium ſequentis anni, qui fuit ſuprà milleſimum, ſexcentefimumque ſecundus, ille gratoſè conqueſtus eſt ſe Deorum 1602. genus nominatum. Fuère, inquam, aliæ literæ conſcriptæ: ſed ad rem facienteis excerpti, ex quibus abundè intelligitur quàm apoſſitè Janus Gruterus in Præfatione magni illius Inſcriptionum voluminis ita conjunctim nominarit, commendaveritque Erycium Puteanum, & Nicolaum Fabricium, ut juvenes eſſe præ cæteris dixerit,

1602.

— Sacros qui sollicitare flores

Aonidum, totamque solent haurire Aganippen.

Verfabatur porrò sub prælo ingens illud opus, cùm Pinellus concessit fati: Peireskius autem suppeditavit, quæ in illud infererentur, non modò ex iis, quæ inter Pinelliana cimelia, sed etiam ex iis, quæ Romæ, quæ Venetiis, quæ aliis in locis observarat, descripseratque, ut docet illud toties subjectum inscriptionibus, *Ex Nicolai Fabricii schedis.*

Venio jam ad Marcum Velservum, cujus interventu Gruterus schedas illas obtinuit. Ille Pinello propè par, & singularis amicus, florebat Augustæ Vindelicorum Duumvir. Me tacente, scripta illius, omnésque viri eruditi, opem ipsius munificam, paratissimamque experti, quantus vir fuerit, satis loquuntur. Velservus ergo, literis ad Peireskium datis, testatus est tanti se facere ipsum, ejusque amicitiam, ut nihil sibi fuerit ex tota Pinelli hæreditate expetibilius. Quin etiam ipse quoque illum non modò virtutum Pinelli hæredem agnoscens, sed futurum quoque suarum successorem conjiciens, diligere cœpit, tanquam filium, & literarum frequentiam, quoad vixit, non destituit testatum facere affectum. Hoc uno ipsi durus fuit, quòd sui effigiem constantissimè denegavit, pro eo, quo omnibus aliis ardentissimè flagitantibus denegaverat instituto. Et Peireskius tamen, ut alios nonnullos, sic illum nescientem pingi procuravit, conducto artifice, qui ipsius vultum è clandestino loco spectaret. Sic obtinuit quod illi Occo sperare nefas prædixerat, cùm id abs Velservo tulisset responsum, *Cato major posteros volebat quærere, cur sibi statua nulla posita: mihi contra, quantum video, cavendum, ne quis aliquando miretur, si non & indignetur, qua ambitione consortio magnorum virorum, quorum imagines se colligere Fabricius ostendit, irrepserim.* Prætereo autem quàm præclare Noster illud exceperit: quippe ad Occonem rescribens, *Dixit quidem, inquit, Cato non minùs arguè, quàm sapienter, se malle, ut posteri quærerent quare sibi non esset, quàm quare esset posita statua: nunquam tamen, quod legerim, se pingi, aut fingi renuit; cujus rei testes esse possunt icones ejus non pauca, quæ in hodiernum diem circumferuntur.* Igitur nec Velservus, vera Catonis imago, id abnuere deberet, & ne abnuat, precor preceris, ores ipsum, atque exores iterum oro.

Subnectendus Velservo est Josephus Justus Scaliger, vir ille major,

ac celebrior, quàm ut encomio nostro indigeat. Subnectendus, inquam, ut constet quàm sponte, quàmque alacri mente Peireskii se ipsi, aliisque eruditis devoverit. Nam ille quidem summopere sibi ipsi est gratulatus, quòd in Pinelli defuncti locum talis amicus successisset; at occasionem ut accipias, ea fuit hujuscemodi. Scripserat Scaliger ad Pinellum, rogans, ut sibi procuraret Hebræicos aliquot libros, itemque nummos aliquos Scaligerorum Principum; ac simul miserat tam Patris, quam sui ipsius autographa quædam, & utriusque etiam icones, prout ille petierat. Scripserat unà Carolus Clusius, miseratque exemplum suæ rariorum plantarum Historiæ, & iconem desideratam Matthiæ Lobellij: ne quidpiam dicam de destinatis à Scaligero literis ad Carolum Leberoneum Valentinum Episcopum Patavii tum commorantem. Pervenire ista Patavium, cum non modo jam Pinellus obiisset, sed discessisset etiam ex urbe Cæsar Dux Acheruntii, qui fuit Pinello ex fratre nepos. Quia verò is Gualdo mandârat, ut siquid datum foret ad Patrum, id exciperet, & Neapolin ad se mitteret; idcirco Gualdus omnia excepit, ac priusquàm transmitteret, cum Peireskio communicavit. Itaque Peireskii, calamo arrepto, rescripsit ad Scaligerum: nuntiavit non modo Pinelli, sed etiam Episcopi mortem; securum fecit de donariis à memorato Cæsare grato animo accipiendis: recepit in se quam Pinello commiserat curam librorum Hebræicorum, ac numismatum, pollicitus est se aliqua saltem, quæ haberet jam, occasione prima misurum, obtulit & nonnulla alia ad illustrationem Scaligeræ gentis, quam cum veneretur, adjecit se non commisisse, ut icones illæ abirent, quin exempla sibi earum obtineret. Scripsit pari modo ad Clusium, ac dici non potest, quantum illi se tam generosæ indoli, ac singulari humanitati devinctos prædicaverint. Huc spectat illa Scaligeri ad Velsærum Epistola, quæ est in tertium librum inserta, & in qua, *Numismata inquit, gentis Scaligeræ cum literis Fabricii nostri, & tuis accepi; quo nomine gratias tibi ago. Nondum Hebræicos accepi libros, ille ad me ex Italiâ misit; quia inter mercimonia Raphelengiana sunt, quæ nondum huc perlata sunt. Prope diem, quin accepero, & illi, ut gratias agam, scribam, & à me quoque alias expecta.* Scripta est autem Epistola IV. Idus Maij.

An subinde commemorabo aliquos ex iis, quibus alacrem operam navavit? Imprimis ceterè, si quid fuerat à Pinello prius tentatum in

1602. studioforum gratiam, id contentione maxima perficere adnixus fuit. Sic nullum lapidem non movit, ut quam ille spem fecerat Prospero Alpino percelebri Medico recuperandi de tertia Methodicorum secta tractatus, opere ipso posset explere. Deinde, cum dicendi sint, quos Pinelli exemplo juit, unus instar omnium esse posset memoratus Pignorius, dum Iliacam mensam exponens (Tabulam nempe illam aeneam Hieroglyphicis Aegyptiis insignem, quæ ex Petri Bembi Cardinalis reliquiis eo tempore in Ducis Mantuæ Bibliotheca asservabatur) gratias quidem egit imprimis Velfero, sed subjecit tamen, Nicolao dein Fabricio Chalassij Domino, natalium splendore & recondita eruditione illustri adolescenti, qui non modo insignes antiquitatis reliquias, quibus instructissimus est, in meum, & studioforum usum munificè contulit; sed etiam aliorum Musæ, ut paterent, sedulo curavit. Ejus diligentia factum est, ut non modo Venetiis Friderici Contareni Divi Marci Procuratoris, & Joannis Mocenici illustrissimorum virorum praeclarissima nummorum, & gemmarum *κεφάλαια* mihi in promptu essent; sed & Romæ ornatissimi viri Lelii Paschalini *κύριος ἀρχαίων* (cur enim hoc nomine non appellem bona copia divitem thesaurum?) de quo nobis munismata, gemma, sigilla, rara omnia insigni humanitate suppeditata sunt. Eisdem Fabricio acceptum ferri debet omne id, quod è Nataliij Benedicij pretiosis loculis evulgamus, è quibus auctario nostro cum robore, & spiritus accessit. Ea enim omnia, quæ ad illustrandam Epiphaniæ, Irenæi, & aliorum Patrum historiam Sectarios antiquos exagitantem attulimus, inde profecta sunt. Hæc fusiusculè refero; quoniam ex iis, quæ jam antè attigi, pluscula confirmant.

Addo verò circa Pignorium, cum is librum de Patavinis originibus scriberet, obtinuisse illi Peireskium à Joanne Vincentio à Porra, quod ipse postea memoravit, & Philippus etiam Tomasius in Tito Livio retulit, circa Parentis historiæ bracchium. Nimirum cives Patavini ex asservatis apud se Titi Livii ossibus alterum bracchium exemerant, concesserantque inclyto illi studiorum fautori Alphonso Arragonum Regi, cum illud instantissimè per Antonium Panormitam Legatum suum exorâset, ab anno usque salutis millesimo quadringentesimo quinquagesimo primo. Cum ignoraretur verò ecquid de bracchio actum foret, occasionem cepit Peireskii mittendi complura ad Portæ munuscula, quasi compensans eotypum marmoris cuiuspiam, in quo erat expressus ritus mittendi milites sub jugum; ac simul efflagitavit ut rescriberet, quid pro sua sagacitate de brac-

chio

chio compertum haberet. Rescripsit autem ille consequenter, ne- 1602.
que Alphonsum morte præventum, neque etiam Panormitam con-
dere potuisse pro votis id brachium: successorem verò istius à secre-
tis regni, conclusisse sub marmore, collocasséque extra Oratorium,
cum inscriptione hujusmodi, T. LIVI HISTORICI BRACCHIUM,
QUOD OLIM ANTONIUS PANORMITA A PATAVINIS IMPETRA-
VERAT, JO. JOVINIANUS PONTANUS MULTOS POST ANNOS
CONDIDIT: cæterum à multis jam annis id marmor non fuisse
conspicuum, ob sacellum à nescio quibus confratribus superextru-
ctum.

Ut fuit porrò Peireskios erga Pignorium munificus: sic fuit etiam
erga Ulysses Aldrovandum percelebrem illum de Animalibus scri-
ptorem, qui multa ab eo numismata habuit, maximéque Asiatica,
illustrandis iis, quæ circa animalium symbola jam ediderat, ac tum
de novo apparabat. Atque is quidem Bononiâ scribens animo reve-
rà grato pollicitus est se commendaturum per quem profecisset: sed
in cæcitatem brevi incidens, id, quod destinârat, perficere potis non
fuit. Idem fuerat pollicitus Joannes Baptista Villalpandus, de illius
nomine, patria, conditione sollicitus, ut testari posset à quo acce-
pisset & fidos, & pleraque alia, amplificando tractatui de num-
mis Hebraïcis, post editos jam magnos illos in Ezechielem com-
mentarios. De Sirmondo heic memorandum, quòd cum accipere
à Peireskio Roma discedente nolûisset, nisi ex iis numismatis, quæ
geminata illi adessent, postulavisse ipsum tamen, obtinuisséque ab
eo, postquam Patavium rediit, plusquàm ducentos ectypos, vel ex
Græcanicis duntaxat. Ejus scilicet generis coëgerat jam supra mille,
quæ forent penitus intacta rei nummariæ auctoribus: & cum habe-
ret cusa tam antè, quàm post Romanum imperium in civitatibus
quibusque Græciæ, Asiæque præcipuis, ex quibus contexuerat se-
riem Seleucidarum Principum, ab Alexandro ad Romanos usque:
eamobrem Sirmondus hanc seriem desideravit cognoscere, ut illius
instar seriem Principum Ægyptiorum texere posset. Sed faciendus his
modus est.

Jam porrò penè triennium in Italia exegerat, cum apparare re-
ditum cœpit. Ac habuerat quidem in votis Venetiis tendere Au-
gustam, tum ut Velsrum, Occonémque ea in urbe inviseret: tum

ut

1602. ut exinde commissus Danubio circumstantia Germaniæ, Hungariæ-
que loca lustraret, & Constantinopolim tandem per Euxinum Pon-
tum, Bosporumque Thracium perveniret, peragraturus deinceps
quicquid liceret ex Græcia; verum Fonvivius planè abnuvit, vel quia
censeret Patrem, Patrumque id consilium avertaturos, ob digres-
sionem prolixam nimis, periculisque plenissimam; vel etiam quia
ipse Parisios repetitò accerferetur. Peireskii ergo nihil planè ausus
ipso repugnante moliri, res suas ita composuit, ut imprimis omnes
Italiæ amicos, quibus vale coram dicere non potuit, literis salutave-
rit, oblatoque obsequio, & plerumque etiam adjunctis munusculis
devinxerit. Sic exteros quoque, ac præ aliis Scaligerum, cui ad su-
perius memorata adjecit nummos ab amicis Veronensibus recens ha-
bitos, nonnullaque alia spectantia ad Scaligeranam familiam. Coëgit
deinde quicquid potuit seu librorum, seu cimeliorum, seu aliarum
rerum exquisitarum nancisci: ratus sibi in Patria parem copiam non
occursum. Discessurus conjecit omnia cum sarcinulis in aliquot
capsas, quas direxit Genuam, convehendas inde Massaliam: ac re-
servavit solum rariora, & pretiosiora aliqua, quæ unà translata ean-
dem secum experirentur fortunam. Videlicet, cum sibi satis lustra-
tum putaret ex Liguria, peragrarè Galliam Cisalpinam voluit, e-
mergerèque Lugdunum, ut providere illeic posset quemadmodum
litteras ab amicis acciperet, & vicissim ad illos daret. Postremum
relictò ingenti sui desiderio Patavii præsertim, ac Venetiis (ne quid-
piam dicam de Augusta, ubi Velferus concepta spe complectendi il-
lum frustratus, quasi dimidium animæ subduceretur, ingemuit) iti-
neri sese commisit.

Divertit autem primum Vicentiam; salutaturus illeic amicos, ac
invisurus eum montem, cujus, ut dictum est jam antè, ichnogra-
phiam quæsierat. Consideravit etiam Gustosæ illam venti dispensa-
tionem per canaleis, ac tubulos; accepitque, & in commentarios
retulit historiam illius, qui nascentem è crypta ventum in loco satis
diffuso, domum usque per meatum subterraneum ita deduxit, ut tan-
dem velut secuerit, distribueritque pro arbitrio. Accessit deinde Ve-
ronam, attenditque illeic præsertim ad Scaligerum sepulcra, quo-
rum, quia tum non licuit adumbrationem obtinere, impetravit po-
stèà interventu Cæsaris Nichezola, & Marci Antonii Montani. Man-
tuæ

tuæ cum foret, jam multa vidit, atque annotavit in Ducis Cimeliario, ut cum superioribus annis accepisset direptum fuisse, Gerinanis urbem vastantibus, vix satis sese consolari per multos dies potuerit, tantam ducebat factam jacturam. Inter cætera spectavit curiosè Ægyptiam illam Tabulam, ut varios de ea scrupulos eximere Pignorio posset. Visâ Cremonâ voluit Brixiam, Bergamumque divertere, ac tum venire Mediolanum, ubi non modò Erycius Puteanus, & Septalii fratres, aliique amici; sed maximè etiam ille nunquam satis laudatus Archipræsul, Cardinalisque Fridericus Borromæus, Ambrosianæ Bibliothecæ jam tum crebrescentis fundator, sunt illum humanissimè, ac per dies multos complexi. Digressus Ticino, Novaria, Vercellis, pervenit Taurinum, ac superatis Alpibus, Genavam; ubi pervolutis libris variis, spectatòque Lemmano lacu, Tononum vicum adiit, ut fieret oculatus testis admirandorum facinorum, quæ patrare per illud tempus Dæmoniacy perhibebantur. Trajecto lacu, perlustratâque circumvicina Helvetia, solvere vota placuit ad celebre fanum Sancti Claudii, ac præsertim pro Patruj cognominis incolumitate. Deflectere inde volebat Semurium, Davidem illum quondam suum præceptorem salutaturus, ædeisque illas invisurus, in quibus ante quinque annos Genebrardus obierat: sed rerum in Burgundia ob factionem Bironii Marescalli innovatarum, suspectarumque status deterruit. Deflexit ergo potius Lugdunum, ubi acceptâ pecuniâ, persolvit largè honorarium Ductori suo Parisios, ut jam dictum est, discessuro.

Deinceps, quamvis amore patriæ, parentumque teneretur, callidè tamen consilium cepit non pergendi recto itinere domum, sed discedendi Monspelium; ubi Julius Pacius à Beriga Jurisconsultus Vinctinus profiteri magna cum laude Iurisprudentiam ferebatur. Quia enim satis sibi ipsi circa Iuris studium nondum fecerat, & apud se tamen constituerat neque postulare, neque adipisci quam lauream vocant Doctoream, absque insigni quadam gloria, testationeque eruditionis; idcirco domum tendere noluit, ne invitus adigeretur ad consequendum lauream, & ut posset prius sub illustri Antecessore fieri instructor. Itaque concessit Monspelium sub Iulii mensis initium, seseque statim ipsi Pacio in contubernium cum fratre dedit. Subinde verò consilium indicavit Patri, ac Patruo, qui nihil tale suspicantes

1602. subveritilunt, ne fortè in Italia non satis studiosè Juri incubuisset. Præter eum secessum, argumento fuit, quòd tam ex capsis Genuâ acceptis, quàm ex transmissis residuis illis, selectioribusque cimeiliis, quibus Monspelium cum pervenisset, sese exoneraverat, perviderunt illum debuisse tantum temporis in iis colligendis, cognoscendisque impendere, ut nihil, aut parum omninò, quod impenderetur Juri, superfuisset.

Id autem ubi ille rescivit, quadam veluti apologia suspicionem est amolitus. Nimirum, se nihil detraxisse horis Juris studio debitis; sed tantum quas alii aut ludicris rebus, aut computationibus, aut Veneris illecebris vulgò dederent, succidisse, contrivisseque in comparanda antiquitatis notitia. Quam viderent de ea congeriem, argumento saltem esse pecuniam sibi creditam non fuisse in nequitiam, perditòsve usus absumptam. Cæterum & se agnovisse non esse studium antiquitatis Jurisprudentiæ inutile, cum alia ratione non possent pleraque loca seu Digestorum, seu Codicis intelligi; & posse ipsos id experiri, cum quod, exempli gratiâ, lateret jam Interpretes circa Viriolas ex sinaragdis Ulpiano, ac Paulo sæpius memoratas, intelligere ex iis posset, quas eruisset Romæ ex quibusdam rudibus, quasque ad illos mitteret rem jam à plerisque sæculis invisam. Existare etiam in sarcinis plureis reliquias ex eo Ære, quod antiqui grave dixerunt (cum id nimirum penderent) intèrque parteis Assis varias reperiri Quadrantem, qui altera facie Suem præferat, ex quo, & ex Ove, ac Tauro pariter signatis, dicta primum fuit Pecunia, tanquam à pecudibus. Sic & repertum iri alia propemodum innumera, de quibus coràm disserere, sine voluptate utriusque non posset. Denique tam sese, quàm fratrem non divertisse ad Pacium, quòd se Juris ignorantiores suis còætaneis crederent; sed quòd eximium aliquid supra ipsos sapere vellent.

Placuit mirè parentibus instituta defensio, ac Patruo præsertim, qui tanto ardore videndi ipsius inarsit, ut, vix tertio mense exacto, accessit voluerit. Accessit ergo; sicquè Lareis revisit primum mense Novembri, sed adducto tamen secum Pacio, ut vel reducendi ipsius pretextu detineri domi non posset. Relictus verò germanus fuit, quod è morbo tum convalescens sese dare itineri absque periculo non posset. Hæc non memorabo qua exultatione exceptus Peireskii domi

domi fuerit, neque quo cultu habitus Pacius. Referam duntaxat magnum illum virum Guillelmum Varium, qui tum erat princeps A- 1602.
quensis Senatus, quique fuit postmodum suffectus, ut suo infra loco
dicetur, in vicem Cancellarii, mirari satis non potuisse indolem adeò
egregiam, raràmque adeò eruditionem tanta cum modestia conjun-
ctam; neque unquam satis fatiari interrogando, excipiendóque quæ
ille scitè, perspicuè, suavitèrque commemorabat.

Paucis post diebus Monspelium unà cum Pacio rediturus, desle-
ctendum è via sensuit, ut demonstrare illi posset scaturiginem Vallis-
clausæ, non aquarum exundantium copia magis, quàm Petrachæ, &
Lauræ amoribus concelebratam: itémque Arcum illum triumphale-
m, qui Arausione conspicuus, C. Marii credebatur, cum ipse Fabii
Maximi potius esse opinaretur; tum civitatem Avenionensem; &
fornicatum triplici serie Wardonis, seu Guardonis pontem; ac Ne-
mausentia quoque nunnulla, quæ ille non averterat, tametsi illeic
biennio moratus.

Quam-primum autem rediit, tanta se cum alacritate ad studium 1603.
Iuris composuit, ut horas decem solidas diebus singulis in eo colloca-
ret. Neque verò id solum tempus consecratum est studiis; sed dietim
etiam quasdam horas, ac potissimum ante somnum impendere solitus
fuit litteris humanioribus, studiòque rerum antiquarum. Non id ab-
nuebat penitus Pacius, qui mirè etiam afficiebatur, quoties illum de
rebus variis, ad antiquas præsertim leges pertinentibus, dicentem
audiret. Quin non modò etiam est passus, sed penè, dicam auctor
fuit, ut Narbone inviseret quæ exstant illeic vetustatis non ignobilia
monumenta; ac speciatim votum, factamque Augusto Aræ dedica-
tionem, cujus ante annos triginta effosæ, & Burdigalæ, cum illastra-
tione Eliæ Vineti, excusæ exemplum obtinuerat. Scilicet non-
dum allatum erat Inscriptionum Gruteri opus, in quo postea obser-
vavit Tribunitiam Augulti potestatem, quæ apud Tacitum legitur tri-
gesima septima, fuisse ex hac ipsissima inscriptione trigessimâ octavam.

Ad hæc, quia Pacius perlubenter ediserebat de rebus ad Physi-
cen spectantibus, nullam non occasionein captabat rogandi il-
lum de causis naturæ abstrusioribus, & maxime quidem per horas
relaxando animo datas. Sic cum aliquando noctu incidisset in cru-
stas, squammasque piscium lucidas, collegit, intulitque clam

1603.

in Pacii Musæum; ac postea cum illo ingressus, quam præferebat candelam consultò extinxit, ut illo primum attonito, ac deinde lucem mirante, sciscitaretur ipsius causam. Ac recurrit quidem Pacius ad calorem ex putredine excitatum; sed rogavit Peireskii, cur non sentiretur ergo calor neque in iis squammis, neque in quibusdam lignis putrescentibus? cur horrea præ putredine incallescunt, calx item madefacta, & alia tantoperè calida non emitterent lucem? cur si ob calorem cicindelæ lucent, non lucent etiam animalia cætera tantoperè iis calidiora? Ad quæ Pacius, posse calorem, quem in scholis dicunt virtutalem, sufficere, & aliunde exigi certam dispositionem materiæ, quæ reperitur in rebus minus ad sensum calidis, non reperta in aliis calidioribus sensu deprehensis. Prætereo porro, cum hæc, & alia non fecissent satis Peireskio, nihil deinceps visum fuisse probabilius, quàm lucem omnem flammulam esse, sed rarissimam, tenuissimamve: argumentoque esse lucem Solis, quæ dum cogitur, densaturque, ardet; ad eum modum, quo vapor nihil aliud, quàm aqua rarefacta, tenuiataque est, quæ rursus coacta, densataque, humor apparet. Cum lux autem Solis directa, seu primaria sit adhuc satis densa, ut calorem sui sensibilem faciat; repercussam tamen, secundariamve adeò tenuem evadere, ut ejus calorem sensus non percipiat. Quare & nihil mirum videri, si lucula illa squamarum, similiumque rerum non sentiatur calida; cum sit longè tenuior illa solari secundaria, intra quam planè evanescit. Quod res autem calidiores non perinde luceant, causam dici posse, quod calor vehementior terriores excitet vapores, seu fuligines, quàm ut connatam luculam patiantur puram emergere, atque idcirco apparere.

Rursus, cum foret valde curiosus rei anatomice, ac herbariæ; ea propter quoties licitum erat, divertebat in Regios hortos, à quatuor jam annis instructos, ad Richerium Bellevallium utriusque demonstratorem, cui nunquam non fuit Peireskii & desideratissima, & jucundissima consuetudo. Divertebat etiam frequens ad Franciscum Ranchinum, qui ad peritiam Physices, Medicæque eximiam, pulchrè adjungebat notitiam, cultumque rerum antiquarum. De Ioanne Dortomanno quid dicam, cujus semper solitus fuit & exquisitam doctrinam, & insignem erga se benevolentiam commendare? Hoc certe Medico est usus, cum febriculâ laboravit, cumque vexatus est

graviore,

gravioꛑe, quàm eò usque fuisset expertus, dolore hæmorrhoidum, & 1603.
nonnulla etiã urinæ emittendæ difficultate. An adtexam verò quod
retulit sæpiùs, cùm Dortomannus aliquando ægrotantem inviseret,
rogareturque, cur ea vice seriùs solito adventaret, respondisse ipsum
se accedere ex consultatione memorabili pro muliere Belliquadrensi,
quæ tum gestaret utero mensem jam vigesimum tertium. Ea nempe
iteratò nupta, cùm ex priore conjugio partus aliquot nonimestreis
edidisset, ex posteriore tamen ediderat treis, unum mensium unde-
cim, alterum quatuordecim, tertium verò octodecim : & quoniam ex
periculis antecedentium puerperiorum, conjiciebat sibi ex quarto im-
pendere gravissimum, medicos ideò consuleret, si qua ratione inco-
lumis evadere ex illo posset. Et memini quidem objecisse me, vide-
ret, ne esset eadem fœmina, quam non ita pridem Antonius Saporta,
aliique Medici propter simile nescio quid non omninò sanam mente
pronunciassent. Verùm perstitit fuisse aliam, adjiciens ipsam non
longè pòst peperisse infantem cum capillitio, ac dentibus, obtinuissè-
que à conjugē, ne ulteriùs contingeretur.

Utrumque porrò hac de re sit, (quam venditare pro vera nolim)
occasione partim morborum, partim vehementioris studii, effectum
est, ut literas ad amicos scriberet raras. Inde evenit, ut cùm semel
totos quatuor menseis à scribendo abstinuisset, & periissent etiã
destinatæ quædam in Italiam epistolæ, ideò rumor de ejus morte Ro-
mæ, ac Patavii precrebuerit; & Pignorius etiã ad Patrem conso-
latoriam scripserit; Gualdus verò, falsitate rumoris comperta, illum
quasi redivivum salutaverit, crudelem blandè appellitans, quod suâ
in scribendo negligentia, amicos tam bonos, tamque constanteis ene-
caret. Videlicet non admittebant quod expectandas à se raras literas
præmonuerat, donec studium Juris foret absolutum. Quare com-
pulsus denique fuit, ut sæpiusculè scriberet; neque ad ipsos Italos mo-
dò, sed ad ipsos quoque Velferum, Scaligerum, Clusium. Quia porrò
ambages nimis erant magnæ; cùm oporteret literas Augustâ, atque
Francofurto transdere in Hollandiam; ideò Scaliger auctor fuit, ut
literæ mutuo destinarentur Parisios, ad Præsidentem illum eximium Ja-
cobum Augustum Thuanum, cujus nomen diffusius est, quàm ut elo-
gio ullo possit comprehendi. Etenim, quòd Scaliger illum & sui aman-
tissimum, & pro singulari in bonos, eruditòsque omneis affectu ad

1603. omne genus officii paratissimum comperiisset; idcirco eam ipsi curam non dubitavit committere, ut commendatas ab utroque literas ex æquo curaret. Quare hac primùm occasione, & ex hoc usque tempore cœpit quæ magna, exultaque deinceps fuit, inter Peireskium, & Thuanum necessitudo.

Ad Patrem verò, ac Patruum, uti par fuit, scripsit frequentius: sed maximè ut obtineret, ne ante finem ejus anni, qui fuit hujus sæculi tertius, Aquas-Sextias evocaretur. Et quia nòrat civeis Aquenseis eà tempestate procurare, ut non modò Regium Collegium pro humanioribus literis, ac Philosophiæ studio haberent; sed ut priscam etiam Universitatem, Regiis Professoribus illustratam facerent; eapropter scribens ad Parentes miro contendit studio, ut Professori primario Juris ampla forent stipendia, quo Pacius illuc accerferetur. Siquidem perspectum habebat tam Palatinum Comitem, quàm Academiæ Curatores evocare illum ingenti pollicinatione Heidelbergam, ubi jam per complureis annos sui specimen dederat; ipse verò & expetebat posse Aquensem Academiàm tanto ornamento gloriari, & ægrè ferebat excidere spe, quam satis firmam conceperat efficiendi demùm ex illo virum Catholico-Romanum.

Cæterùm, cum non posset ampliùs Patruì votis obsistere, quippe qui resignata illi dignitate Senatoria, etiam ab anni initio regium diploma quæsierat; accessit tandem Aquas Sextias, ut necessarium illi habendæ doctorem gradum consequeretur. Non accessit autem nisi priùs optimè exercitatus, ac nisi obtenta in finem anni dilatione, tum ut Pacium per ferias Natalitias deduceret, tum ut interea se ad varias actiones obeundas meliùs compararet. Etenim quia moris tum erat in Aquensi Academia, ut nemo priùs ad lauream Doctoratus admitteretur, quàm, præter alia tentamenta, triduanas theseis defendisset; idcirco theseis miscellaneas ex utroque Jure desumptas, maturè & feligere, & mandare typis oportuit. Et aliunde, quoniam à Patruo accepturus uno die Doctoratus insignia, constituerat ipse in fratrem insequenti die conferre; eapropter habere sibi tempus voluit, ad congerendum unde posset insigniorum originem, vetustatèque explicare.

1604. Accessit ergo tandem cum Pacio sub brumam Aquas Sextias: tamen si gradum adeptus non est, nisi die Januarii insequentis anni decima

decima octava. Tadium fortassis parerem, si vel per capita attingerem ea, quæ magna cum eruditionis testatione edisseruunt singulis illis actionibus, quibus est Lauream consequutus. Satis esto subicere, gessisse se illum eo cum vigore animi, ut non totam modò coronam in admirationem rapuerit; sed ipsi etiam Pæcio visus fuerit seipsum longè superare. Biduo post, cum ornamenta Doctorea in Fratrem conferret, dici non potest qua suavitate auditores perfuderit. Scilicet ex statua quadam Metrodori cum galero suo, seu Arcadico pileo, & infulis, cumque pallio Philosophico, & annulo in sinistra manu: itemque ex statuâ quibusdam Hippocratis cum simili pallio, epomideque adjuncta: ex inscriptione quadam Eubuli-Marathonii, ac insculpta statua non ad cervices, sed circum caput: ex consimilibus Platonis, Theophrasti, Phavorini, aliorum: ex cimeliis Gothicis, in quibus mitræ pileis non admodum absimiles; ex innumeris aliis (ut breve faciam) monumentis, ostendit quemadmodum usus ejusmodi ornamentorum ab usque Græcis ad Latinos, & ad nos usque transferit; quemadmodumque ex Philosophia, atque vetere Sacerdotio, gradum fecerit in doctrinam, Professionemque multiplicem recentiorum Academiarum; idque citatis passim Conciliis, Patribus, Poëtis, Historicis, Philosophis, Oratoribus, quibus plenam faceret fidem.

1604.

D E V I T A
P E I R E S K I I,
L I B E R S E C U N D U S.

Vix jam defierat celebritas, cùm memoratum antè diploma, ne, anno majus, antiquaretur, Senatui exhibendum fuit. Id ergo exhibitum quidem, & in acta referri jussum: verùm obtinuit Peireskius, ne proptereà statim admitteretur, conscribereturque reipsà in Senatorum numerum; tum quia videri noluit ex eo numero Patrum amantissimum exegisse; tum quia timuit, ne si semel astringeretur officio, sibi & libertas studiorum, & occasio peregrinandi maturè nimis præriperetur. Hinc quoniam ad amicos scribens, & occupationes doctoreas in excusationem diuturni silentii prætexens, insinuavit simul se ad Senatoriam dignitatem adigi non sponte: responsa tulit varia, congratulantibus plerisque, quòd jam inter Senatores cooptatum arbitrarentur. Ex istis fuit Scaliger, qui & dignitatem novam commendavit, & congratulatus ob lauream, subjunxit se aliàs adfuisse Aquis-Sextiis, testem severi examinis, quo Academia uteretur. Fuit etiam Velferus, qui non modò est ob dignitatem congratulatus, sed admonitionem etiam, adhortationemque paternam adhibuit, ac inter cætera, *Non esse animo ipsi despondendum: munus Senatorium tametsi spinosum, id tamen prima fronte duntaxat; principium solum molestum esse, lenire tempus cætera: nihil supra vireis exactum iri; fore Numen propitium; deberi patriæ operam, & quædam alia in eundem sensum.* Sic adhortatus etiam est Pacius, statim ac rediit Monspelium, epistolâ nuncupatoriâ, qua Imperialium Institutionum Analysin ipsi dicavit; quanquam, quòd nosset illum nondum inter Senatores relatum, dicavit, ac inscripsit solum, tanquam *in supremo Provincia Senatu Consiliario Regio designato.*

Non

Non pigebit porrò hūc transcribere ipsissima nuncupationis, & 1604.
 adhortationis verba. Sic ergo illum affatus est. *Ad te verò, mi Fabrici,*
meas lacubrationes mitto. Cum enim tu antiquis moribus pradtus, à nostro con-
victu, unà cum suavissimo fratre tuo in patriam rediens, vetusto more, praeclara
xenia, vel potius munera obtuleris, quibus vestram, vestrorumque Patruum, & Pa-
tris virorum amplissimorum, & regionum in supremis Senatibus Consiliariorum
erga me, meosque benevolentiam testatam reliquistis: me quoque oportuit, ne ab
antiqua, & laudatissima consuetudine discerem, aliquid invicem rependere,
quod grati animi testimonium esset. Quid autem à me proficisci potuit, quod tibi
gratius esset, quam aliquid ex his studiis depromptum, quibus nobilissima tua fa-
milia maxime floreret? Nam pecuniā neque tu eges, neque ego abundo: hac verò
studia amas, & colis; ac te ex nostris praelectionibus, atque exercitiis profecisse
lubens fateri soles. Eximia verò laudis, quam tuo merito in doctoreo gradu assu-
mendo es consequutus, participem me quoque esse vis, quasi nostris monitis, &
praeceptis adjutus, ad illud eruditionis culmen, quò multi frustra aspirant, ascende-
ris. De quo tuo, optimique fratris tui novo honore vobis ex animo gratulor; &
ut jam Senatorios animos accipiatis, jam in Rempubicam, quae vestram operam
requirit, omneis vestras cogitationes convertatis, publicumque bonum perpetuum
vestrorum consiliorum objectum statuatis, etiam atque etiam hortor. Hac enim re
nulla vobis dignior, nulla parentibus vestris (Patrum alterum vestrum parentem
agnoscitis) gratior, aut jucundior esse; nulla vos illustriores reddere potest.
 Haecenus Pacius.

Peireskii verò animum quidem allegendi se aliquando Senatori-
 bus non abjecit: non intermisit etiam prorsus susceptum Juris stu-
 dium: verum dilatione obtenta, & liberioribus jam studiis, ad co-
 lendum suaviore Musas, ad promovendum bonas artes, ad adjutan-
 dum, quantum potuit, viros bene de literis inerenteis animum appli-
 cuit. Ac primum quidem variè sollicitatus de conjugio, cœlibem vi-
 tam prætulit; ratus non posse se uxoris, succrescentisque familiæ sol-
 litudinem gerere, & expeditum se erga studia, virosque studiosos
 tueri. Heinc cum Pater, ipso inconsulto, convenisset propè de nu-
 ptiis cum viri illustri Ioannis Ceppedæi primi Rationum Præsidis
 unica filia contrahendis, veniam ardentè petiit non discedendi ab in-
 stituto. Quippe se Palladi, ac Musis nomen, fidemque ita dedisse,
 ut sacrilegium duceret de aliis nuptiis cogitare. Et Pinelli quidem
 exemplum, alta licet mente repositum, noluit Patri proponere; sed

1604. proposuit tamen exemplum Varii, quod præfens ac illustre erat; adjecitque sibi præ aliis domesticum esse coram oculis, quod se non posse, nisi cum laude imitari arbitraretur. Itaque imitatus Patruum ducere uxorem germano concessit; illéque propterea sequente ætate memoratam suprâ Marchisam à Tullia duxit conjugem, ex eaque tertio anno post Filium suscepit, quem Claudius Patruus, superstes adhuc, cognominem fecit.

Deinde, non admodum longè à doctoreo gradu suscepto, perlustrare placuit maritimam oram, tum ut omnia antiquitatis monumenta pervestigaret, tum ut rariores quasdam plantas per eam regionem deligeret in Belgenferianum hortum transferendas. Quòd duxerit autem initium à Foro-Julien-sibus antiquitatis reliquiis, circa quas sibi prima vice (discedendo nempe in Italiam) abundè factum non putabat, fuit occasio deducendi Draguinianum usque nobileis consanguineos, qui ad Doctoratus accesserant pompam. Visere autem imprimis voluit opus Romano nomine dignum, intercisam scilicet Rupem, seu excavatum amplum canalem in declivi quadam montis facie, quâ Cyanei fluvii scaturigo altera Forum-Julium, à quinto usque Provinciali lapide, per anfractus vallium, silvarumque fuit perducenda. Quàm multa verò toto progressu observârit, collegeritque, enumerare prolixum foret: adnoto solum ipsum exinde cepisse ansam conscribendi, mittendique varia ad amicos varios.

Cætera inter plurimi fecit Consulare quoddam numisma, quod dicebat insolitum, & neque Goltzio, neque Ursino, neque aliis memoratum, quòdque destinavit ad Pignorium, ut cum Friderico Contareno communicaret. Plurimi etiam inscriptiones quasdam Flaminii, & Dudistii, de quibus supplendis (nam exesæ erant) cum Velfero præsertim egit. Plurimi quædam alia selecta, quæ misit ad Scaligerum, & ex rebus aliis conchas nescio quas, quarum occasione scripsit ad Penam Medicum de Concha anatifera mituli instar conformata. Sed ut de Plantis speciatim dicam, comitem adhibuit Botanicum quendam plantarum quovis tempore internoscendarum peritum, eaproptérque non solum plantas in suum hortum destinavit, sed plerarumque etiam radices transmisit ad Clusium, ac inter cæteras Tragacanthæ, Aristolochiæ, Alphodeli, Arbuti utriusque. Significavit autem simul desiderium, quo vellet Clusium aliquantisper Belgenferii detinere, ostensus

furus illi Styracem, seu arbuſtum foliis cotonæo malo, floribus arantiæ 1604
non abſimilem, & liquoris fragrantia nequaquam Syrio poſthabendum. Is enim ad unum milliare juxta oppidum ita naſcitur, ut aliàs fruſtrà requiratur. Oſtenſurus etiam Lentiſcum, quæ non minùs Maſtichen fudet, quàm quæ in Chio inſula naſci ſpecialis dicitur. Oſtenſurus & alia quædam vix aliàs uſquam obſervabilia.

Cùm rediiſſet, agere cœpit de inſtituendo Eremitarum Camaldulenſium cœnobio in egregia illa ſolitudine, ſubrupeaque Eccleſia, quæ Divæ Mariæ de Angelis ſacra, æquâ propè diſtantiâ eſt Maſſiliam inter, & Aquas-Sextias. Occaſioni fuit, quòd Patavii degens eorum inſtitutum valdè probaviſſet, eruditusque inter ipſos Religioſus nomine Elias, Novitii cujuſdam cauſâ, Aquis-Sextiis tum verſaretur. Peireſkius itaque illius converſatione delectatus, ipſum per multos menſeis detinuit, in ſolitudine luſtentavit, ac ſæpiùs per complureis dies commoraturus inſiſit. Procuravit intereà ut civium tam Aqueſium, quàm Maſſilienſium decreto id cœnobium poſtularetur. Licentiam quoque inſtituendi à Mimetenſi domino, in cujus ditione eſt locus, obtinuit, ac circumvicinum dominium, ſeu fundum pretio acquiſivit. Sategit quàm enixè potuit per Patavinum Epiſcopum, & Cardinalem Pallavicinum, ut Congregationis ejus Superiores non Eliam modò illeic loci relinquerent, ſed religioſos etiam alios in ampliſſimam meſſem deſtinarent. Rogavit, ut aliquos ſaltem loco viſendo committerent, pecuniamque intereà ſumptibus faciendis neceſſariam miſit. Et facta quidem plurima ſpes: ſed poſtremò tamen irriti conatus. Sic votis etiam non reſpondit redintegratus pro Pacio labor. Si quidem cùm ineunte verè eviciſſet, ut Aqueſes deſtinarent Pacio primariam Juris cathedram, præſtituto ſtipendio librarum Turonicarum bis mille, & quadringentarum, proficiſci ipſe Monſpelium cum Aſſeſſore urbis voluit, ut ſi quidpiam difficultatis obſiſteret, amoliretur. Et rediit tamen re infecta; præſente quidem Pacio, quòd tria librarum millia, præter occurrentia emolumenta, expeteret; ſed cauſâ reverà ab uxore datâ, quæ Catholicam urbem exoſa, Heidelbergenſem præoptaret.

Incidit verò ſtatim in morbum, è quo vix initio æſtatis convaluit. Importuna præſertim fuit mira cutis teneritudo; nam quacumq; corporis parte tantilla fieret veſtium compreſſio, rubefcens tumor cum

1604. vehementi prurigine cooriebatur. Casus hic anſam illi præbuit philoſophandi de Maculis, quas ab utero plerique fortiuntur. Quippe cogitatio illum ſubiit fieri ſimiliter poſſe, ut qua parte corporis gravidæ mulieres ſeſe attrectaverint, dum expetitæ cujuſpiam rei imaginatione tentantur, in eadem Embryonis parte ejuſmodi rei character ſuboriatur, exprimatúrque. Ita non ſemel retulit, ac non multis ſpeciatiim annis ante obitum, cùm unà philoſopharemur de quadam canis imagine intra urinam hominis à rabido cane demorſi conſpecta. Ac difficultas quidem erat, cur ille character non corpori matris, ſed Embryonis inureretur: ſed aſſenſit tamen Embryonem utero geſtatum unum corpus cum matre eſſe, eadémque ſpecie alimenti, iisdémque ſpiritibus ſecundùm omneis ſui parteis ſic enutriri, vegetarique, ut ſemine ex omnibus partibus deciduo fuit primùm formatus. Quare & tenue corpusculum iisdem affici caſibus, quibus ipſum corpus maternum; ac poſſe ipſi tantò faciliùs notam aliquam imprimi, dum ſpiritibus ſpeciem conceptam devehentibus, eo matris contactu veluti deſigitur, quantò ipſum eſt mollius, ac tenerius. Memini verò id confirmatum memorabili quodam factò, quod ipſi ſando accepimus; Muliere nempe gravida in oppido hujus Provinciæ Cipperiis dicto, ante annos circiter ſexaginta, pugione conſoſſa, educum fuiſſe ex ea Embryonem cum totidem notis liveſcentibus, & ad eaſdem parteis conſpicuis, in quibus mater fuerat percuſſa. Quòd autem, dum illæ fructuum ſpecies, ceraſa, fraga, aliæque rubescunt, impreſſi quoque characteres vividiore rubore ſint, cauſſam dici poſſe affectionem aëris ſecundùm eandem tempeſtatem ſimilibus ſpiritibus concitandis idoneam, ut dum vitibus florentibus vinum in doliis commovetur; ſed non eſt quorſum ea de re uberius quidpiam heic proferatur.

Repeto potiùs Peireſkium balneorum uſu convaluiſſe (ſanguine putà temperato, perſpirabilique ſano corpore) ac magno fuiſſe levamento, quòd jucundiſſimam interea familiaritatem duplicem paravit. Altera fuit cum nobili Franciſco Villanovano Flayofci Barone, & Marchionis Transii germano, qui linguæ Græcæ, omnigenæque hiſtoriæ callentiſſimus, quicquid penè erat in tota Provincia monumentorum vetuſtatis perſpectum ad unguem habebat. Altera cum celebri viro Franciſco Malherbio, qui deinceps habitus fuit Gallicæ linguæ

linguæ arbiter, & Poëseos faciliè princeps. Invisibat enim uterque; 1604.
& cum priorem quidem ipsi patria communis, ac studium earundem
rerum conciliasset, posteriorem illi quæsit commendatio Varij;
clarumque in Provincia nomen, ex quo tempore fuerat memorato
magno Franciæ Priori à Secretis. Heinc proinde cœpit Peireskius
Malherbii poemata cognoscere, suspicere, apud exteros commen-
dare. Siquidem cum mense Septembri illa memorabilis Ostendæ
obsidio exitum habuisset, pulchraque illa carmina, *Area Parva ducum*,
&c. fuissent Gallicis versibus non modò à Vario, sed à Malherbio
etiam expressa, misit illicdò cum ad alios, tum ad ipsum Scaligerum,
quem Latinorum carminum arbitrabatur esse auctorem. Taceo au-
tem ut Scaliger ad idsum rescripserit auctorem esse Hugonem Gro-
rium, adolescentem lectissimum, puellas verò ex Helicone, se ut se-
nescentem, pridem averfatis; ex quo etiam se excusavit, quòd versus
ab eo pro Pinello expetitos non mitteret.

Diversatus per Autumnum Belgenferii, spectavit Rarum illum
concursum trium superiorum Planetarum, qui nonnisi anno quoque
octingentesimo contingit, & Magna, seu Maxima potius, Conjun-
ctio merito vocatur. Et mirabile quidem fuit nasci in eo conventu
Stellam magnitudine Jovem æmulatam, quæ supra annum in eodem
Serpentarii pede sic perseveraverit, ut perseveraverat alia in sidere
Cassiopejæ ante annos triginta duos, & alia rursus ante trennium in
constellatione Cycni. Verum quia tum Peireskio cœlestis globus
non aderat, quò fieret certior de siderum non errantium nomencla-
tura; ideo faciliè credidit Novam illam stellam ex antiquis esse, ac
potissimum videns ipsam non, ut planetas circumstanteis, obtusi esse
luminis, sed fixarum instar mirè scintillare. Acceptis post aliquot
mensis à Pignorioliteris, didicit Stellam esse recentem, ac obser-
vari à Galileo, idque cum jam ex vespertino in matutinum situm tran-
sisset: at quia in morbum incidit, quo initio veris multum laboravit, 1605.
cum simul quoque ægrotarent Pater, Frater, Patruus, Noverca, &
domesticorum nonnulli, idcirco sibi à studio eam observandi tempe-
ravit. Ne memorem, cum voluit postea ad illas parteis respicere,
stellam sic fuisse jam imminutam, ut fixis circumstantibus, perpetuis-
que nihilo major, ac una earum credita, evanuisse judicaretur. Po-
sterioribus tamen annis dolere fatis non poterat, quòd ad tam rarum

1605. spectaculum suis obvium temporibus studiosè magis non attendisset.

Per ea tempora cùm Massiliâ Belgenferium contenderet, transire Castelleto voluit, ut Parochum loci nomine Julianum, ob ingenuam curiositatem sibi jam carum, salutaret. Cùm ab ipso aliquantisper extra vicum deduceretur, occurrit illis Mulio floridum ramum ex Myrto gestans, latifolium, & flore pleno, qualem Peireskius neque viderat, neque inaudierat exstare. Itaque raram miratus Plantam, perducere voluit in mediam silvam, ubi enata fuerat, ac transferri ipsam curavit, ut excoleretur, propagareturque. Transferri autem noluit in Belgenferianum hortum, quoniam non aderat qui illam satis diligenter curaret; sed in hortum potiùs ipsius Iuliani, cujus futurum circa ipsam exquisitum studium confidit. Et excoluit ille sanè, ut par fuit, quousque ex planta manente incolumi, propagatio fieri Belgenferii potuit. Id attingere visum est, quia nusquam in tota Europa Myrtus pleno flore fuerat agnita; ac debetur Peireskio, quòd jam in hortis Regiis, quòd Romæ, quod in Belgio, quòd alibi gentium visatur. Præterea ipsi quoque deberi Fungum Coralloidem dictum, de quo cùm Clusius rescriberet, *mentionem*, inquit, *faciam in auctario ad Exoticorum Historiam, quam spero brevi publici juris facere, Fungi cognitionem tibi acceptam relaturus.*

Hic nondum dixi Varium tantoperè fuisse illius consuetudine delectatum, ut donec fuit Aquis-Sextiis, continenter penè habere commensalem voluerit. Quin habere etiam voluit peregrinationes, rusticationesque cum illo communis; & cùm sub Iulij initium profectus est Massiliam, ut Carolum Neovillain Alincurium Ex-legatum Regium Roma redeuntem inviseret, illum comitem in via facundum consalutaturum deduxit. Cùm destinaret autem pergere Parisios, insinuavit ipsi an-non vellet Urbem, aulamque cognoscere. Ipse nihil quidem sibi esse magis in votis professus est, & maximè in tanti viri augustissimo comitatu: at ob stare dixit voluntatem Patruum, qui paratum aliàs negotiorum causâ eò discedere, id abnuisset, prætulissetque Fratrem proximè discessurum. Scilicet in Regis consilio tum agitur negotium circa solutionem Talliarum, ut vocant, ad quam Riantenses contendebant ratione fundorum quorundam Reginaldum Patrem teneri. Enimverò Varius sese curaturum recepit, ut ipse potiùs destinaretur, réque ipsa Patruo persuasit tenerum nimis

mis esse affectum, injuriámque esse, non benevolentiam, arcere 1605.
tantam indolem à consummatione virtutis. Itaque Patruo propter viri auctoritatem, consentiente (nam Pater alioquin votis filii numquam apertè repugnavit) dedit sese Peireskii in comitatum Varii, Augusti mensis initio, annóque hujus sæculi quinto.

Incredibile autem dictu, quàm citò Parisiis inclaruerit, partim virtutis propriæ, partim Varii commendatione. Primus, quem gessit salutare, Augustus ille Thuanus fuit, tum ut ob summam humanitatem, ageret coràm gratias; tum ut ab illo acciperet, si à Scaligero quid haberet. Quantà verò lætitiâ exceptus ab eo fuerit, exprimi non posse ipsemet narravit. Aperta nimirum statim Bibliotheca tum privata, tum Regia; apertum quicquid monumentorum ad contexendum historiam asservabat in scriniis; apertum cor, & viscera sinceritatis miræ profusa. Ipse tum plura edocuit, quæ ille de viris in Italia eruditis expetiit; tum, quia nonnihil desiderabatur ad conscribendum eorum elogiâ, recepit se per literas ex amicis consequuturum.


Cùm iteratò illum invisit, accersitus illicò fuit Isaacus Casaubonus, cui sub Thuano commissæ erat Bibliothecæ Regiæ custodia. Is à primo statim congressu, nescias an magis suspexerit, an amaverit illum magis. Nimirum tam multa accepit, edoctusque ab eo fuit, ut nec publicè, nec privatim per familiareis literas tacere id potuerit. Nam primùm quidem edens Natas ad Epistolam Gregorij Nysseni, quæ est ad Eustathiam, Ambrosiam, & Basilissam, meminit nummi ærei Rogerii Regis Siciliæ, quem, inquit, inter multos Arabicè inscriptos, cum variis figuris diversorum Principum nobis ostendit Fabricius de Petrisco Senator Aquì-Sextiensis, vir eruditissimus. Deinde, cùm Peireskii illi detexisset errores apud Ursinum, & Goltzium, qui Iacobo Stradæ, potius quàm numismatibus fidentes, corruperant varia ex gentilitiis nominibus aliquorum Imperatorum, inter triginta Tyrannos sub Gallieno recensitorum, ac nominatim MARCI PIAVONII VICTORINI, ET LUCII ÆLIANI, (ex quibus illi MARCUM AVRELIUM, VICTORINUM, & SPURIUM SERVILIUM LOLLIANUM, contra fidem numismatum, quæ ipse ostendit, commenti immeritò fuerant)

1605. fuerant) Casaubonus gratias amplissimas egit, ac pergens, *Oro te*, inquit, *per amicitiam nostram nuperam, sed antiquissimam, si per te licet; oro te, inquam, quæ habes ejus generis mihi communices. Omnino quam ingrederis viam illustrandi eas tenebras, certissima est, & unica. Expectabo magna aviditate quæ supra hujusmodi ἀετιολογίας magnus Scaliger observaverit: sed auguror etiam post illius messem tuo spicilegio fore locum. Est enim cujusdam felicitatis incidisse in eos nummos, qui in illa caligine lucem tibi affulserunt. Sed ne sim prolixus, excerpo duntaxat, quæ in hæc verba ad illum scripsit, uno, alterove post anno. Deum precor, ut tanto Musarum Patrono omnia lata, ac fausta largiri velit. A te autem peto, ut qui semel tua benevolentia me dignum judicasti, etiam porro eandem mihi impertiaris, hoc est, rogatus facias, quod ultro cæpisti. Ego me tibi & debere jam multa sentio, & debiturum etiam plura non despero, si tibi dabitur aliqua occasio de studiis nostris bene merendi. Nescio an resciveris missum ad me fuisse à Serenissimo Duce Urbinati Codicem Polybii, cujus tu mihi index fuisti: itaque tibi cum primis id beneficium debeo, &c.*


Notum, ac inter eruditos celebrem virum heic refero, ut ex eo judicium de cæteris facias. Nam quid memorem Frontonem Ducæum, Papyrium Massonum, & nonnullos alios, quibus salutem per ipsum dici à M. Velfero fuerat expetitum? Quid Nicolaum Fabrum, Jacobum Bongarsium, Scævolum, & Ludovicum San-Marthanos fratres, Franciscum Pithæum Petri germanum, & alios penè innumeros, quibuscum ex eo tempore familiaritatem contraxit? Dicere præstat nullam fuisse Bibliothecam celebrem, quam evolutam non fecerit, ac præter memoratas quidem, San-Victorianam potissimum, in qua referebat se, cum multa alia, tum speciatim vidisse omnia Puellæ Aurelianensis acta, vindiciasque, & effigiem, contexto ex iis magno Codice, jussu Abbatis contemporanei. Sic & complura meminerat, quæ observârât in privatis, ac nominatim Joannis Jacobi Memmii Rociaci, viri indole generosa, & tam virtute propria, quàm genere, & prole illustris, qui etiamnum vivit felici senecta princeps Comitum consistorianorum. Itémque Renati Poterii Episcopi Bellovacensis, quem prædicare solitus erat rarâ doctrinâ spectabilem. Ac rursus Pauli Patavii Senatoris summè laudati, cujus commendabat quidem supra mille MSS. codices, sed faciebat tamen Cimiarchium pluris. Cum ipsum autem videretur esse cumulatissimum; voluit tamen sponte augere variis Regum numismatis tam primæ,

mæ, quàm secundæ Stirpis. Dedit nempe quædam, in quibus nomina Regum legerentur, v. g. Clotarij coronâ gemmâ redimiti, (Constantini scilicet more, qui pro laurea gemmeam usurpaverat) quædam in quibus Comitum, sub quibus numi fuere cusi, ut **FILARII** Rhementis, cum inscriptione **REMUS FIT**. Pari ratione commendabat Francisci Olivarij Fontanæi cimelia, ac libros. Ex Cimeliarchio autem Regio, cui Bagarius jam præerat, æquum sanè fuit nihil ipsum latere. Probavit porro consilium, quo Francisci Perrerii nobilis Aquisgranensis promptuarium præclaris cimeliis instructissimum transferendum in illud erat: quippe multa adhuc deesse agnovit, ut dignum Regio nomine meritò existimaretur.

Quia verò inter cætera Bagarius illi ostendit Amethystum per elegantem, in qua cælatus Solonis vultus celebris illius Dioscoridis Augusti cælatoris manu; idè cepit ansam edocendi ipsum quidnam sibi vellent foraminula in Inscriptione, quam ostendit in ectypo, observata hac serie,



Edisseruit enim esse forulos, in quos fuissent inserti clavi continentes Græcas ex metallo literas, quæ cælatoris illius, seu ΔΙΟΚΚΟΥΡΙΑΟΥ exprimerent nomen: sed ordine retrogrado, ut proprium est cælaturarum, ectyporumque. Id autem manifestum fecit, ubi depictis, in alba charta, uti mox est factum, foraminulis, lineas interduxit, quæ eas literas in hunc modum exprimerent.



Sic se interpretatum dixit foramina quædam, quæ visebantur Affisij in antiquo nescio quo Templo. Cùm enim nemo dicere posset ecquid illa significarent, divinavit ipse inscriptionem esse, seu dedicationem factam **ΙΟΥΙ ΟΡΤ. ΜΑΧ.** idque demonstravit per lineas foramina sic connectenteis.

IOVI OPT MAX

Sic speravit se interpretaturum seriem quandam foraminum Nemausensis Basilicæ, quam Quadratam Domum appellant, ubi ectypum obtinuisset.

Sed Parisios ut regrediamur, vix publicum ullum monumentum fuit, quod in examen non revocârit, de quo iudicium non tulerit. Quippe altero statim mense; ex quo in eam urbem accessit, literas dedit ad Flayosceum, quibus scripsit se nondum quidem monumenta priscorum Regum San-Dionysiana invisisse: sed jam tamen falsi convicisse Tumulos exstructos tum Clodovæo ad Sanctam Genovesam, tum Chilperico, & quibusdam aliis ad Sanctum Germanum. Et paucis post diebus, cum eos expendisset, qui ad Sanctum Dionysium, Nihil potui comperire, inquit, quod ante Divi Ludovici tempora satisfecerit; existimoque omneis illos antiquissimos tumulos tempore eodem, nec multò ante D. Ludovicum constructos. Qui autem placuit maximè, is est nostratis Margaretæ, sororis nimirum Beatricis primogenitæ, S. Ludovici uxoris. Denique commendans vetera sigilla, quæ coràm inspexit, ectypisque expressa tulit, ex Archivis Abbatiarum S. Dionysij, S. Germani, S. Mauri, & cæterarum, ut in quibus continerentur germanæ effigies Karoli Magni, Hludovici Pii, Hlotarii Imperatoris, Pipini Regis Aquitanix, Karoli Calvi, Karoli Simplicis, aliorumque Regum ex secunda stirpe, Hæc sanè, inquit, satis refellunt tumultosque, & statuas hisce Principibus confectas ante quadringentos, aut quingentos annos.

Nihil non adjiciendum esset circa aliarum rerum studia: quoniam nihil exstare accepit ex mirabilibus seu artis, seu naturæ operibus, quod non studiosè spectaverit, veluti ædificia, opificia, machinas, plantas, animalia, fossilia, omnia denique observatu digna. Hæc inter, varia officia quæ propè, quæ procul literatis exhibuit; & cum anxie requisivisset ex Paulo Servita, ex Scaligero, ex Casaubono, ex eruditis aliis ecquid novissent de Juvenco Cælio Callano Dalмата, cujus Codicem MS. de Attilæ vita Venetiis absportaverat; is, ut ederetur, animum applicuit.

Anni sequentis ineunte vere, ac brevi in Provinciam redituro Varo, non multo labore obtinuit, ut liceret sibi invisere Angliam, comitatus præsertim virum illustrem Antonium Boderium Regium Oratorem illò destinatum. Neque id modò Varius est passus, sed laudato proposito (in quod etiam conspirarunt Thuanus, Memmius, Mericus Vicus, amici alii) recepit sese curaturum, ut Pater, Patruusque factum comprobarent. Discedentem voluit Peireskius Aureliam usque deducere; unde priusquàm regrederetur, spectavit attentius tum prisca Ecclesiæ S. Crucis vestigia, quæ vetustatis esse duxit mille, ut minimùm, annorum: tum præter alias statuas, imaginésque tam Karoli Septimi, quàm Joannæ puellæ, videre eas voluit, quæ in Municipali Curia asservari perhibebantur; sensitque speciatim effigiem, qua Rex est depictus cum barba, & San-Michaëliano torque, non esse undequaquè fidam. Inibat porrò jam mensis Majus, cum discendente Boderio, ipse paucis diebus retardatus fuit, coactus veredis postea subsequi, ut Caleti assequeretur. Cum solvissent, per pauci fuere ex universo comitatu, quibus ex navis agitatione, halitusque maris stomachus non fuerit submotus. Peireskius, cum id præcaveret, cæteris relictis, ad malum confedit, ubi & melius habuit. Causâ requisitâ, respondit agitationem minimam illa in parte fieri; quamobrem se eò declinasse, ne nausearet, ut cæteri, qui longè magis, tam ad proram, quàm ad puppim agitentur.

Appulsus in Angliam, ac postquàm præeunte Oratore Iacobum Regem salutavit, carus ipsi habitus est, accersitusque ab eo non semel: Ut cum narrare factum oportuit circa egregiam computationem. Contigit enim, ut in quodam virorum doctorum convivio, Doctor Thorius ipsi Peireskio ingenti Scypho præberit: Ac ille quidem se excusare, ob vastitatem pateræ; ob merum insolitum; ob imbecillum stomachum; ob computationi infrequentiam: verùm cum nihil admitteretur, petiit, ut saltem sibi liceret, postquàm Thorio fecisset fatis, suo arbitrio præbibere. Annuerunt omnes; ac tùm assumptis, quasi adigente necessitate animis, sæcundum hausit calicem, eodémque mox aquâ oppleto, Thorio intentans præbabit, totumque rursus (tanquam injectum temperaturus merum) absorpsit. Ille quasi fulmine ictus, delapsusve è nubibus, vix tandem ad se rediit, & quia ex condicção agebatur, neque resilire fas erat, tam lon-

1606. ga suspiria è pectore duxit, toties admovit, removitque ora, tot interea carmina ex omnibus Græcis, Latinisque Poëtis profudit, ut diem penè contriverit instillandæ aquæ in insuetum guttur. Atque id ipsum est, quod Rex cùm audiisset ex aliis, ex Peireskij re accipere voluit. Admissus est etiam in conclave, seditque inter primores Comites in solemni quodam Conventu per ea tempora celebrato.

Ad viros doctos quod attinet, quos seu Londini, seu Oxonii, seu aliis in locis convénit, primus fuit ille de sua Britannia benè meritis Guillelmus Camdenus, apud quem cùm aliquando sermo incidisset de antiquitate Britannicæ linguæ, ad quam Aremorica spectat, & præsentè Doctore Tato, post rogatas circa complureis variarum Galliæ regionum voces, requisivisset etiam quid Arelate, quid Tolonum significarent, responsum tulit, Arelatem eâ linguâ dici civitatem in uliginoso loco constitutam; & Tolonum citharam, fortè ob vicinum promontorium, cui Citharistes nomen fuit. Accepit & id genus alia, ex quibus penè deductus fuit in Strabonis, Taciti, aliorumque sententiam, qui scripserunt Gallos, & Britannos eadem primitus lingua usos. Alter fuit Robertus Cottonus, inter curiosos, optimèque animatos conspicuus. Deinde tam Jacobus Collius, quàm illius focer Matthias Lobellius, regius Botanographus, quem utrumque devinctum voluit. Postea Albericus Gentilis, Henricus Savilius, Ioannes Nordenus, & plerique alii. Non tacendus verò eruditus tum invenis Ioannes Barclajus, quem quanta benevolentia prosequutus fuerit, intelligitur inferius. Dolere autem solebat non agnitos sibi nec Guillelmum Gilbertum auctorem libri de Magnete, nec Thomam Lydiatum celebrem Mathematicum. Non heic memorabo Bibliothecas varias, in quibus rariores libros observavit; non Musæa, in quibus vidit, & ex quibus comparavit quicquid pretiosum licuit. Magni verò ducebat præ cæteris gemmam, centum & quinquaginta libris Turonicis emptam, propter cælatum Aëtionem cum Tiara Phrygia, quem Patrem Andromaches Hestoris uxor argumentabatur. Referam solùm, quia maturius, quàm concepta spes, discedere voluit, ideò maximum fuisse factum ipsius desiderium, & in familia Oratoris, & apud eruditos viros, qui cùm postea variè ipsius meminerint, sufficiet heic excerpere, quod memoratus Camdenus habet

in descriptione Britanniae, cum de numismatibus ad rem suam pertinentibus verba facit. *Cujusmodi, inquit, non alibi effossa haecenus audivi, priusquam nuperrimè nobilissimus, & in re nummorum antiquaria longè doctissimus, & perspicacissimus Nicolaus Faber Petrisius ejusmodi in Gallia reperta mihi ostendit.* 1606.

Et commoratus quidem fuisset nonnihil ampliùs in Anglia: sed quia treis duntaxat menseis se abfuturum promiserat, idcirco post mensem discessit in Hollandiam, quam ab usque initio (sed planè tamen tacitus) constituerat perlustrare. Quo discessurus tempore fuit, adjungere se illi voluit nobilis turba juvenum, qui ipsi quoque fuerant ex Gallia Boderium sequuti. Verùm illi quidem ad arma, aliaque studia diverterunt; ipse perrexit requirere eruditos praesertim viros. Ac salutavit quidem, primùm quos Middelburgi, Dordraci, Roterodami, Delphis, Hagae celebrari acceperat: sed id tamen tum in transcurso solùm, quoniam praecipua illi cura invifendi Scaligerum Lugduni Batavorum degentem.

Constituerat cum ipso primùm quasi ignotus colloqui: quamobrem nomine mutato epistolam commendatitiam, quasi à Peireskio conscriptam, missamque illi obtulit. Scaliger autem eam perfectâ, ipsum est humanissimè in Peireskii gratiam complexus. Post multos confertos sermones, & productos obiter libros, voluit Peireskius ex nescio quo paucas lineas exscribere: ubi verò ille chartam, calamumque exhibuit, ac inter dictandum primas lineas characterem vidit, & *idoneum* agnovit, tum in amplexus proruens, gratiosissimè conquestus est fraudem. Cum deinceps variis de rebus colloquerentur suavissimè, Scaliger inter cætera declaravit velle se quidem iteratò procurare editionem Eusebii (nempe non planè arridebat quæ jam tum primùm absolvebatur). itémque paterni in Aristotelem de Animalibus commentarii: sed esse tamen animum redeundi postea in Galliam, & apponendi ossa sua Julii parentis ossibus. Cum excepisset autem Peireskius non esse illum igitur *impedire* moriturum, illacrymatum Scaliger verbum ea de re non adjecit. Interpretatus illi Peireskius numismata varia, ac praesertim Siclos, donatus est, invitus licet, singulari Semisiclo, cujus ille præ cæteris interpretationem fuerat demiratus. Donavit ipse multa vicissim, &, quod fuit illi jucundissimum, exhibuit, quam detulerat, expectatam ichnographiam, cum inscriptis carminibus sepulcrorum Scaligeranorum. Scilicet eam demùm su-

1606.

periore Martio Veronâ obtinuerat, nec pluribus literis datis habere prius potuerat, ob varios morbos Nichezolæ, & quòd Sylvius Donius, qui illam aggressus primus fuerat, inter perficiendum obiisset. Unum, de quo Peireskius avebat interrogare Scaligerum, & non est tamen unquam ausus, ne rem molestam faceret, fuit opus illud Cyclometricum, seu de Circuli quadratura ante duodecim annos in lucem emissum, ac statim à Francisco Vieta, Adriano Romano (postea quoque à Christophoro Clavio, hominum Societatis JESU *νεωμετεωρητῶν*) aliisque in eo pulvere exercitatissimis erroris convictum. Nimirum præmonitus fuit non posse illi eam camarinam sine quadam bile moveri. Quod attinet verò ad Genealogiam, non professus est quidem se subdubitare an reverâ attineret ad Veronenſeis Principes, quorum stirpem ille in se desitutam asseverabat: sed paullo tamen liberius, & quasi vellet quid cæteris responderetur, accipere; proposuit ipsi quæ à Scioppio, Guilandino, aliisque fuere objecta.

Post Scaligerum cura fuit invisendi Carolum Clusium, quem octogenario majorem podagra tum primùm tentabat, ut & primùm Scaligerum exercuerat, ante paucos menses. Deprehendit autem imprimi curantem in Appendice altera exoticarum plantarum figuram Fungi Coralloïdis, quem ad illum ex Provincia, cum aliis penè innumeris plantarum, radicum, seminumque generibus transmiserat. Commodum etiam illum admonuit circa Indicas quasdam plantas, in quibus describendis errasset, & quasdam, de quibus nihil audiisset, idque prolatis commentariis juxta ostensos sibi Parisiis à Vespasiano Robino fructus. Invisit quoque post Clusium, præcipua Academiæ lumina, ac speciatim iniit amicitiam cum Bonaventura Vulcanio, qui circa Procopii versionem tum occupabatur; cum Dominico Baudio, qui ad peritiam historiæ adjiciebat poëſios elegantiam, & cum nonnullis aliis. Dolere verò solitus fuit, quod per ea tempora abfuisset Lugduno Daniel Heinsius, quem non semel audierat à Scaligero commendari.

Fuit deinceps Amsterodami; ubi satiari vix potuit interrogando, & cognoscendo tam multa præclara, & rara, quæ ex utraque India in id emporium convehuntur. Fuit Encusæ, ut spectaret illeic celebre illud Bernardi Paludani Cimeliarchium, in quo non ægrè tulisset, tanquam ad Cyaneos scopulos consenescere. Redeundo, nonnihil Hagæ

com-

cominoratus, discedere noluit, quin prius agnovisset Hugonem Gro- 1606.
tium, quem, tametsi adolescentem, eruditio planè matura, ac omni-
gena commendabat. Divertit verò Schevelingam, ut exploraret
vestationem, & velocitatem Currus eà solertià à paucis annis ex-
cogitati, ut passis velis in littore navigii instar evolveret. Inaudierat
nempe Comitem Mauritium post Neoportuensem victoriam experi-
riundi gratià illum conscendisse, unà cum capto in prælio Francisco
Mendoza, ac intra duas horas attigisse oppidum Puttenum, quod in-
ter, atque Schevelingam horaria milliaria quatuordecim intercipiun-
tur. Quare ipse quoque experiri voluit, commemorarèque solebat
stuporem, quo correptus fuerat, cùm vento translatus ciatissimo, non
persentisceret tamen (nempe tam citus erat, quàm ventus) cumque
animadverteret scrobeis occurrenteis prætervolari; restagnantes pas-
sim aquas superficie tenus duntaxat attingi; qui antecedeabant curso-
res visos quasi retrorsum niti; quæ distantissima apparebant, momen-
to penè prætervehi; & quædam id genus similia.

Delphis jucundè exceptus fuit ab Abrahamo Gorlæo, quem fortè
offendit cælari curantem Græca quædam numismata, quorum ali-
quot miserat Parisiis, oblati prius ad usque mille; quæ ex Italia ad-
duxerat. Satagebat nempe Gorlæus complere illa Paralipomena an-
tiquorum numismatum, quæ promiserat in Dactyliothea; quare &
commisit Peireskio descriptionem brevi prælo subjiciendam, ut pro
suo candore eam expenderet, & quæ opus foret, duceret lituras: ipse
autem morem bona fide gessit, correxitque potissimum nescio quid
scriptum circa Trajanum. Quo loco narrare solebat rem memoratu
non indignam, nempe Gorlæum, cùm aliàs Latinæ linguæ non stu-
duisset, intellexisse tamen libros omnes circa rem nummariam La-
tinè conscriptos; eodem modo, quo Forcatulus omneis circa rem Ma-
thematicam: tantum valet improbus labor ex desiderio quidpiam no-
scendi vehementissimo profectus. Vidit etiam Delphis supersitem ad-
huc Religiosam quandam ex eo tempore, quo Hollandi à Catholico-
Romana religione defecerant; viso prius Ultrajecti Canonico in pri-
mæva sua professione vivere permisso. Cùmque suspexisset non modò
quicquid antiquissimorum ad conclusa illa Rheni ostia monumentor-
um superest; sed etiam quicquid dominatio Burgundionum Ducum
expressum reliquit; tum miratus maximè est, maximoperèque lau-
davit

1606. davit temperasse sibi Hollandos ab everfione Templorum, & affer-
 vasse intactos Choros, cum affixis insignibus Equitum aurei velleris à
 Philippo usque Bono instituti.

Cæterum redire voluit per Brabantiam, Flandriam, reliquasque
 Belgii Provincias, impetratis prius ab Hollandis, & ab Archiduce li-
 beri commeatus libellis. Accessit autem primum Antverpiam circiter
 finem Julii, inistque ibi amicitiam cum Andrea Schotto, & Carolo
 Scribanio ex Societate J E S U viris eruditis: itémque cum Auberto
 Mirzo, Ecclesiæ Decano, rerum Belgicarum, ac totius Historiæ Ec-
 clesiasticæ eximiè perito; & cum Nicolao Roccioxio rei antiquariæ
 impensè studiofo; & cum Henrico Sedulio auctore vitæ B. Elziarii.
 Cum deinceps Machliniâ pervenisset Lovanium, nihil æquè doluit, ac
 non fuisse amplius in vivis Justum Lipsium, præclarum illud bonarum
 literarum lumen ante paucos menseis exstinctum. Sperârat enim sese
 illum non minus, quàm Scaligerum omnibus officiis brevi devinctu-
 rum. Doluit pariter non adesse per eos dies Adrianum Romanum
 Mathematicum illum celebrem, quem gestierat summoperè cum Sca-
 ligero conciliare. Postquàm invisit Academiam, doctôfque, qui in
 illa viros, visere voluit apud viduam Medici cujusdam cornutos duos
 lepores, qui ex Norvegia dicebantur allati. Et quia reperit mortuum
 alterum, obtinere quovis pretio & illius cornua, & geminorum ico-
 nismum voluit.

Bruxellæ amicitiam inivit cum Karolo Bromantio, Comite Brovxo,
 & quibusdam aliis; at suspexit potissimum celebrem Pictorem Ven-
 cessalum Cobergum, qui tum habebat præ manibus insigne opus qua-
 dripartitum de Architectura, de Pictura, scripturaque antiqua, de
 Deorum imaginibus, de Numismatis, seu mavis Medaliis, aut metal-
 licis æneis à Julio Cæsare ad Gallienum usque. Memorabat porrò va-
 rios circa parteis singulas confertos cum illo sermones, maximè autem
 circa postremam, propter Cobergei opinionem, quòd Medalix hujus-
 modi monetales esse non possent; argumento præcipuo, quòd ty-
 pus seu forma, qua ferirentur, signarenturque, elaborari non posset
 ante duos menseis ab artifice; adeò ut, cum plures ducentis per-
 cuti eodem typo non possent, pretium operæ fuisset longè superaturum
 monetæ valorem. De colloquio, memini solum objecisse Peires-
 kium, usurpatam fuisse Servorum industriam, quæ pretio non redime-
 retur;

retur; & excepiſſe Cobergeum, rem peractam fuiſſe cùm Servi edicto 1606.
prohiberentur non modò quidpiam pingere, ſed pingendi etiam ad-
diſcere artem.

Bruxella diſceſſurus, ſcripſit ad Cottonum Epistolam pereruditam,
miſitque ſimul ectypos variorum nummorum, ac nominatim Com-
modi, ob inuſitatam ſcripturam vocis BRITANNIA, per duplex TT,
& ſimplex N. Salutare voluit exinde Gandavi Laurentium Deebro-
tium, quem in Italia noverat. Infulis Florentium Nallæum, eruditum
Canonicum, antiquitatum Liturgicarum auctorem. Tornaci Dio-
nyſium Willerium Canonicum, & Cancellarium, ac Hieronymum
Winghemium ſimiliter Canonicum; illum rerum antiquarum inſtru-
ctiſſimum, iſtum ſtudioſiſſimum rariorum Plantarum. Duaci Guillel-
mum Richardotum Ioannis Præſidis filium, quicum ex uſque Italia
colebat amicitiam; & Andream Hojum Profeſſorem Græcum, abs
quo memorante accepi quàm jucundè ſuaviſſimis Peireſkii, ac Richar-
doti conſabulationibus tertius interfuiſſet.

Enimverò præ cæteris referendus hoc loco eſt eximius Princeps
Carolus Dux Crojus, & Arſchotanus, qui ipſum totis decem diebus
in celebri domo Bellimontana detinuit, continuò ſpectantem ut in-
numera, ita rariſſima cimelia, ditiffimasque metallothecas, quibus
curioſiſſimus, eruditiffimusque ille exornaverat nobiliſſimum Mu-
ſæum. Quin diſcedentem etiam coëgit abſportare omnia, quæ habe-
bat antiquorum Gallia Regum tam aurea, quàm argentea numifma-
ta; itémque ex Græcis ad uſque ſexaginta; præter aliquot vaſcula,
ponderaque, & meſuras antiquas; cùm tamen nihil aliud à Peireſc-
kio accipere voluerit, quàm æreum nummum Ioannis illius, qui Theo-
doſii, ac Placidii Valentiniani temporibus arripuit Imperium. Quo
loco venit in mentem, advexiſſe illum ex Flandria numifmata Gallo-
rum Regum, ex prima quidem Stirpe quadraginta aurea, præter varia
argentea; & ex ſecunda quinquaginta argentea, præter unum aureum
Ludovici Pii, quod æſtimabat maximi, quoniam non modò rariſ-
ſimum, ſed etiam parùm aberat, quin ſingulare arbitraretur.

Inſtabat tum tempus, quo perhibebatur celebreis fore cæremonias
ad Fontem-bellaqueum, in Delphini Principis, hoc eſt Regis Franciæ
Primogeniti, baptiſmo. Videlicet illius ſponſor dicebatur Pontifex
Summus, ac nomine Pontificis Maſſeus Barberinus Nuncius. Quan-

1606. obrem sub Augusti finem discessit ex Belgio, ac satis tempori adveniēns solemnī pompæ interfuit, quæ peracta est die mensis sequentis vigesima quarta. Renuntiatum interea est obiisse domi Novercam, expectarique ejus reditum variis rebus componendis. Quocirca amicis quâ coram, quâ per literas salutatis, regressus in Provinciam est sub initium alterius mensis.

Domi exceptus non abnuī consilium, quod Pater, Fraterq; potissimum sumpserant (nam Patruus nonnihil repugnârat) cœmendi ipsam Riantii Baroniam, cujus quia Valavesum erat subclientelare prædium, idcirco fuerat litigiorum benè multorum seminarium. Heinc ipsemet curam assumpsit paciscendi, contrahendique cum Ludovico Grollæo Medulliongo Marchione Brissiaci, eamque ob causam in Delphinatum versus illum profectus est, rediitque confecta re, sub initium sequentis anni, qui fuit salutis millesimus sexcentessimus septimus.

1607. Postquàm rediit, multis quidem rebus præclarus incubuit, sed nulli jucundius, quàm procurandæ multiplici vestigiorum urbis, portusque Carthaginienſis descriptioni. Nimirum non alia ratione summos Auctores intelligi, conciliarique posse putavit; cogitavitque ea re gratificari Casaubono, quicum de Portus præsertim situ, formaque differuerat, neque illius tamen dubiis noverat esse factum satis. Scripsit præterea copiose ad Alardum Compendiensem Canonicum circa rem monetariam, ac inter cætera, de usu Aurei Solidi in Gallia ad tertiæ usque Stirpis initium, ostendendo viginti duos hujuscemodi solidos pependisse integram libram (tametsi quam vocant monetalem libram ex viginti solum constaret) ac demonstrando Solidum non semper pro duodecim tantum denariis argenteis oblocatum fuisse, sed nonnunquam pro pluribus, etiam ad usque quadraginta. Invasit illum interea morbus oculorum molestissimus, à quo medio vere vix fuit liberatus.

Cœpit tunc illum Patruus vehementer exstimulare, ut sese ad adipiscendum destinatam pridem Senatoriam dignitatem compararet. Ingraveſcebat enim valetudo, infestabantque maximè articulorum dolores, quibus leniendis statuerat ad balnea nostra Dinienſia ante ætatem accedere: sed timens ne quid fortè sibi humanitùs contingeret, constituerat simul ex urbe non antè decedere, quàm Nepotem cooptatum inter Senatores vidisset. Et necessebat is quidem semper
quam

quàm gratioſe poterat, moras; ſed ipſum die quadam, tacito conſilio, 1607.
deduxit ad Varium, ut juberetur illius ore ſeſe neceſſario examini ſub-
jicere, Senatuſque aggregare. Tum ratus Peireſkius nihil ampliùs
cunctandum, poſtulavit ſolùm octiduum, ut rem maturiùs aggredere-
retur. Medius erat Junius, imminebatque anniverſarium, trimèſtrè-
que Curia Parlamenti juſtitium: quocirca feſtinandum fuit, cùm
examinari, approbarique, niſi pro Comitiiſ curiatſ, non poſſet. Ita-
que paratus acceſſit, ſeſeque probavit convocatiſ Claffibuſ ad vi. Ka-
lendiſ Quintileiſ.

Propoſita ipſi Lex fuerat ex ſexto libro Godiciſ, qua Gordianuſ
ſanxit ab eo, qui neque legatum, neque fidei-commiſſum, neque hæ-
reditatem, vel mortis cauſa donationem accepit, nihil poſſe per fidei-
commiſſum relinqui. Eam porrò cùm exponeret, oblituſ non fuit,
quod à Valerio, & Salluſtio de Scipioniſ Æmiliàni facinore proditum
eſt, qui à Maſiniſſa Numidiaſ Rege ſibi conjunctiſſimo totiuſ Regni
hæreſ teſtamento nuncupatuſ, enixèque rogatuſ, ut ipſum inter quin-
quaginta quatuor ſuperſtiteſ filioſ æqualiter herciſceretur, egregiè
adeò id præſtitit, ut ne minimam quidem rem ſibi retinendam putà-
rit. Non item oblituſ quod Ariſtoteleſ in Politiciſ deteſtatuſ eſt tam
Carthaginienſium, quàm Locrenſium inſtituta, quorum alii patrimo-
nia æqualia habebant, alii quæ habebant, vendere non poterant, ut
antiquæ hæreditateſ penes familieſ diutiùſ ſtarent; quoniam præter
incommoda cætera, heinc efficeretur, ut civeſ inerteſ tam in expe-
ctandiſ, quàm in poſſidendiſ patrimoniſ forent.

Cætera mitto, ut attingam qua præſertim re admirationem ſui creâ-
rit. Nempe tameſi quod ad theoriã, quaſtionèſque Juris ſpectaret,
exiſtimatuſ fuerat paratiſſimuſ adfuturuſ; quod attinebat tamen ad
uſum, judiciorũq; formulaſ, credituſ non fuerat perinde inſtructuſ.
Sed nimirũ neque Pariſiſ, neque Aquiſ-Sextiſ, occaſionem ullam
prætermiſerat ſciſcitan-di pragmaticoſ, cognitorèſque, & ſtructorèſ
litium, ac reducendi in commentarioſ quicquid aut ex ipſorum ore,
aut ex inſpectiſ inſtrumentſ, ſaccularibuſque copiſ didiciſſet. Profe-
cerat etiam conſilio, exemploque optimi, conſultiſſimique Senatoriſ
Antonii Thoronii, dictiõnem nullam in toto formulario jure in-
tactam relinquens, cujuſ notationem, cauſamque non noſſet, ut
uſum meliùſ eliceret, animoque inſingeret. Ut pauciſ expediam, miruſ

1607. fuit applausus, mirumque elogium, quo fuit denique Patribus conscriptus.

Inardescibat deinde Patruus desiderio veniendi Diniam, sed obstitit increfcens morbus, invalescensque Solis fervor: proxima quippe erat tempeftas dierum Canicularium, per quos ab usurpandis balneis, thermisque mos est abstinere. Avebat etiam Peireskii una cum Patruo accedere; tum ut obsequio continentem gratitudinem testaretur, tum ut hanc partem Provinciæ nondum sibi visam lustraret; tum ut Baronem Flayosceum interviferet, qui ducta in uxorem filia unica Guillelmi Falconii Dinienfis Profenescalli, apud socerum morabatur. Abnuittamen id Patruus, seu ne abfisteret à jure dicundo in Classe per ferias stativas delecta; seu ne discederet à Vario, qui illum abs se abesse ægrè patiebatur: seu ne curam dimitteret, qua rogatus fuerat præesse Cayero pictori in obducendis laqueatæ Auditorii Palatini contabulationi Gallorum Regum Iconibus. Ipse nimirum solus par fuit suppeditare maximam quandam germanarum iconum seriem, quam ex numismatis, sigillis, sepulcris, vitris, aliisque hujusmodi monumentis deduxerat: meminique, cum veram faciem Hugonis Capeti diù desiderasset, dixisse non semel habere se gratiam optimo viro Augusto Galandio, quod illam ab eo obtinuisset, ectypo sigilli expressam. Discessit ergo Patruus sine eo, post Caniculareis exactos.

Enimverò Varius rem gratiam utrique facturus, constituit per Septembrim mensem unà advenire, adducereque Peireskium, ut unà Patruum inviserent, unaque regionem spectarent. Et nonnulla quidem observanda illis occurrerunt antiquitatis vestigia: sed nihil mirabilius visum nostratibus Thermis, in crypta subrupea, quam aquæ calentis prætercurrens alveolus sic ferverfacit, ut lenissimè sudorem educens, mirè conferat pituitosis, frigidisque humoribus; idque præsertim ubi illi dispositi priùs ad exsolutionem fuerint Balneo quodam, Virtutum dicto, ob singularem energiam, mirabilisque, & desperatas aliis remediis curationes. Optabant porro illi quidem prætereà spectare Serpentes, ex obversa Austro, ac præcelsa rupe, ad cujus radicem sunt Thermæ, Balneaque deciduos, & maximè quidem quia innoxii, expertesque veneni sunt: verum illi non decidunt, nisi Majo, ac Junio, & serè quidem copulati, dum prurientes variè dis-

discurrunt, éque rimis in rimas subeunt ad præcipitium non at- 1607.
tendunt.

Faciam heic fortè rem non ingratam hominibus nostris, si duo quædam commemorâro, quæ edifferentem Peireskium audierunt. Unum apud Petrum Trichaudum, San-Martinum Inquisitoria classis Præsidentem, qui solitus Dinia per æstatem degere, illum cum Vario domo excepit. Cum enim causa exquireretur caloris aquarum Thermalium, & Guillelmus Alamandus doctus Medicus esse diceret non actu, sed potentiâ ignem; excepit ipse debere potius esse ignem actu ardentem in cavernis illis subterraneis, quæ exinde incalcescentes aquam præterfluentem fervere facerent; neque enim seu bitumen, seu sulphur, seu aliam materiam potentiâ solum calidam excalefacere aquam seu trajectam, seu infusam, etiam vitriolo, halinitro, aliisque hujusmodi mineralibus turgescerent. Adjecit fumos, seu vapores ex aquis thermarum in fissuras rupium subeuntis ita Serpenteis afficere, ut veneni generationem seu impediunt, seu corrigant; eadem ratione, qua in Ponto idem facit usus absinthii, ex Plinio. Qui Plinius quidem, cum aliunde non improbet venenum serpentum in felle esse, & serpentes congressuri dicantur fel evomere: mirum non videri, si quo tempore serpentes isti coeunt, deciduntque, veneno careant.

Alterum, apud Antonium de Bononia Episcopum, qui sequenti die utrumque, ac etiam Trichaudum convivio excepit. Cum enim ex ostensis sibi à Flayosce in duobus Sacellis majoris Ecclesiæ tam Porcelletanis, quàm Villanovanis insignibus, edisseruisset tempora, quibus Prælatos optimos ex iis familiis habuimus; incidit sermo de tempore, de quæ titulis, quibus Avenio, Comitatusque Venascinus ad Pontificem Maximum pervenit. Cumque alii nihil scirent aliud, quàm factam à Joanna Regina Clementi sexto venditionem, anno supra millesimum trecentesimo quadagesimo octavo, ac die nona Junij, pretio Florenorum octogies mille; retexit ipse totam historiam ab anno usque ducentesimo nono, quo Raymondus Sextus Tolosatus Comes hæreseos Albigenisium fautor, & Legati interfecti auctor creditus, fuit ab Innocentio tertio iterum excommunicatus. Inde enim cœpit ditione spoliari, ac post annos novem-decim transfactio Parisiis sic fuit inita, ut Raymondo illius filio, & Alfonsi Pictaviensium

1607. viensium Comitis Socero sola urbs Tolosa, cum paucis adjacentibus cesserit, cætera ultra Rhodanum loca ad Regem attinuerint; quæ citrà verò possidebantur, ad Pontificem spectârint. Cum homines autem ejusce regionis non satis lubentes id ferrent, quòd Romam passim provocarentur, ac ideò Raimondi partibus faverent, Bonifacius quidem octavus provocationes illas remisit, Clemens verò quintus, ut ampliùs demereretur animos, etiam sedere illeic voluit; & cum, post Joannem vigesimum secundum, Clemens Sextus Pontifex foret, facta est venditio eorum jurium, quæ Comitis Provinciæ erant, à partitione usque facta inter Raymondum Berengarium Comitem Provinciæ, & Alphonsum Comitem Tolosæ, anno supra millesimum centesimo vigesimo quinto.

Et hæc ille quidem, pluraque differuit, ac denuò comitatus est Varium triduo post redeuntem. Patruus postea, ut restitutam valetudinem tueretur, & ut tranquillius degeret quicquid ævi supererat, non Aquas-Sextias, sed Belgenferium, dum regrederetur, contendit. Occurrerat illi Peireskii, ac non modò deduxerat, sed lateri ejus adhærere, neque à præstandis obsequiis recedere statuerat: verum non tulit Patruus, voluitque ut potiùs rediret Aquas-Sextias propter Remigalia, quibus fit Curie instauratio. Rediit ergo Peireskii, ac tantò minùs pœnituit, quantò audire licuit Varium sua illa oris-suavitate de lite, & concordia, deque amore Justitiæ, Magistratuùmque perorantem.

Deinceps verò ita cœpit suo defungi officio, ut desiderari nihil posset. Tametsi enim Varius, cum pensa curialia distribueret, nollet initio inspectorem multarum litium designare; quarum tamen paucarum curam illi commissam voluit, eas ipse ita solitus fuit otiosè, acutèque, & per omneis numeros, ac momenta juris perpendere, ut confectis instrumentorum enucleatissimis brevioriis, explanatissimè deinde, & summa cum fide ad Curiam referret. Cum verò alio expositore ferenda erat sententia, mirè latabatur, si tempus ad deliberandum daretur, aut controversiæ commentarios præhaberet à partibus; pudebat enim, nisi foret communiendo suffragio instructissimus, calculum conferre. Rursus autem, quoniam persæpe ob litium anfractus animo pendebat, convenire solitus erat memoratum Thoronium, qui scrupulos eximeret, nec dubitabat etiam Vario graviores causas proponere, qui ob eximiam gravissimii, sanissimique judicii perspicuitatem

statem eas illustraret. Agebat verò id præsertim in vespertino colloquio ; jam tum enim Varius singulis noctibus advocabat illum in frugalem cœnam , ut sermones conferere , sepositis arbitris , posset.

Cæterum , quia nescius erat tempus frustra conterere, idcirco satis supererat, ut bonas arteis excoleret, & cum doctis viris tueretur commercium. Inter cætera , procuravit exquisitam fieri anatomiam magnæ cujusdam Testudinis (longitudine nempe cubitali) quam è Martigio mari eductam pisciculis nutrierat, mensibus circiter tribus. Cum singularia verò multa in ea dissectione observata fuerint , tum illa non postrema , quòd omoplatæ anteriorem , non posteriorem habuerint situm. Quòd arteria aspera fuerit longitudinis semicubitalis, divisaque in treis ramos , tribus à pulmone procùl digitis, ac ramulos quosdam ad renes, & vesicam usque producens. Quòd eadem annulos habuerit omninò, sive undequaque (etiam versus cœsophagum) perfectos, & cartilagineos, larynxque epiglottide destituta constiterit. Quòd non ex sola vena porta venarum distributio in interanea fuerit, sed plurimæ etiam ex reliqua cava hepatis parte prodierint ; ex eadèmq; parte cholidochus porus processerit geminus in dodecadactylon intestinum. Quòd nulla distinctio gracilium , crassorumque intestinorum , nulla cæci dicti appendicula , nullus item lien , nullus adeps circumvestiens cor (tametsi id aquæ pericardio conclusæ innataverit) & id genus nulla alia.

Detexit aliunde non longè ab urbe insignem quandam copiam non humanorum modo ossium naturæ factorum lapideæ , sed variorum etiam animalculorum , itémque stirpium, foliorum, florum, similiumque hujusmodi : quam confestim distribuit per universam penè Europam. Adjicit autem tessellas quasdam , seu lapides Rhomboidaleis, tum rubeos , tum crystallinos (videlicet ipsius talchi, seu specularis lapides specie) ex Riantiensi agro effossos , eaque in re mirabileis , quod dum exsolvuntur in minutiores particulas , particulæ quæque tuentur rhomboidalem illam figuram. Quin-etiam mittens Parisios , adjectam voluit congeriem diversissimam conchyliorum , & piscium , qui monstrosâ formâ in mari Mediterraneo visuntur : itémque pellem felis marini, & innumera alia , quæ destinavit præsertim ad pictorem celebrem Danielelem Monsterium, à quo expectabat icones Varii, Thua-
ni, Casauboni , atque Malherbii.

1607. In Italiam cum mitteret, nominatim verò ad Gualdum, accepit magno suo dolore obiisse Baronium, deque lamentabili casu ad Flayoscum, & alios scripsit. Cum verò in Belgium, condoluit Villerio ob jacturam ab ipso factam Hadrianei numismatis, in cujus adversa parte ex Villerii quidem sententia fuerat Phœnix exhibitus, ex ipsius verò Peireskii interpretatione, Ciconia. Argumentatus autem id fuit, ex proceritate crurumque, & colli, cum Phœnix soleat potius Aquilæ instar representari: prætereaque ex serpente ipsi ad pedes appolito, & ex inscriptione P A T R I, qua designata fuerat Hadriani erga Trajanum pietas: denique ex quibusdam aliis satis luculentis indiciis, quibus consolari adnixus est virum, monstrando rem deperditam non fuisse adeò, atque ille exstimaverat, raram. Sic consolatus etiam est circa jacturam Jaspidis Argæum montem referentis: idque egens ipse tum quoque consolatione aliqua, quòd famulus quidam suffuratus fuisset numismata aurea primorum Imperatorum, & onychas, gemmasque alias elaboratissimæ cælaturæ.

1608. Incidit intereà Claudius Patruus in morbum lethalem non longè à Regalibus sequentis anni millesimi sexcentissimi octavi. Inviserat illum Peireskius per festa Natalitia; & quia valentem reliquerat, ideò mira consternatione renuntiatum excepit casum, qui septimo die à decubitu carissimum abstulit caput. Constituerat optimus Senex cor, & intestina Belgenferii condi, reliquum verò corpus Aquas-Sextias in majorum suorum sepulcrum transferri. Id itaque parentatione, magnæque pompa præstitum est, invitata Curiâ actione (ut tum moris erat) panegyrica per Ioannem Petrum Olivarium Senatorem optimum, & assensu facto per Varium oratione alia eximia, quæ inter funebreis habetur, inque editione posthuma est numero decima sexta. Ad ejus calcem videre licet quanti Peireskium fecerit, cum tantoperè commendavit studium, quo Patruum talem delegerat, paraveratque successorem. Nescio an dici debeat, quod demirata tota urbs est, fidissimum defuncti canem affectatione perpetua circumstitisse feretrum, non potuisse per plures dies amoveri à tumulo, & postquam domum reductus fuit, coram icone diù constitisse.

Peireskius, sedato nonnihil dolore, sese, ut prius, ad functionem Senatoriam composuit; parique modo non destitit bonas horas succidere in gratiam liberalium & studiorum, & studiosorum. Nam pri-
mum

mum quidem varias ad varios amicos literas perscripsit; sed prolixiores tamen nullas, quàm ad Lælium Pascalinum, circa Ursini lapsus, circa Francorum Regum icones, figilla, numismata, titulos (convictis specialiter iis, qui Carolum Pipini filium usurpasse Magni cognomentum arbitrarentur) circa statuas thymelicas, circa suum Aetionem, quem cum Velferus opinaretur pictorem esse, cujus Lucianus in Herodoto meminit, perstitit ipse in sententia, propter tiaram Phrygiam, seu insigne regium, quod ad Patrem Andromaches duceret potius referendum; circa columnas Herculeas, portum Ostiensem, & cætera curiositatis in exhaustæ. Ita egit cum Fontanæo de re nummaria; & cum Strada specialiter de numismatibus antiquis: cum Claudio Frereo libellorum supplicum Magistro, & Gratianopolitani Senatus postea Principe, de historia Francica: cum San-Marthanis Fratribus de Genealogistica; cum Pignorio de Purpura; cum Nicolao Fabro, cumque aliis de rebus sexcentis.

Deinde innumera fuere, quæ observavit circa genera piscium rejectanea, quibus Martigii, alibi que condiendis curam demandarat; quæ circa conchylia, circa plantas, circa lapides, circa cætera (quæ rursus variè distribuit) maximè que cum per Aprilem diversatus est Belgenferii, unà cum Vario; ubi de prolatis compluribus rebus, quas ille nondum viderat, est suavissimè collocutus. Etenim sermo habitus est de Lepade cæruleo, in agro Olbienfi reperto, è quo ejusdem cognominis color extrahitur, uti etiam ex marmore lapidem lazulum imitante; de lapide item Coralloide stellato, de Coralloide punctato; de Lepadite, seu Lepadi conchæ univalui non absimili; qui omnes fuerant eruti ex agro Castelletano. Rursus de Conchite striato, quem ex agro Antipolitano, ac Fossensi habuerat; de Gagate, & Succino flavo, eruto ad turrin Bevontiam. Hujus occasione edisseruit Succinum rem fossilem esse. Quippe in Sicilia quoque effodi, & torrentium impetu detegi, deferri que ad mare usque, & repellente maris aqua, in littoribus sæpè inveniri. Probabile proinde esse, ut quod expiscantur ad Balthicum mare, vi aquarum erutum, translatumque eò fuerit (maximè verò cum eodem modo plerumque contineat conclusas muscas, cæteraq; id genus animalcula.) Quare & fabulosum esse, quod aliqui narrant, arbores prægrandes esse in Norvegia, ex quibus id Succinum, quasi gummi quoddam decidat, concreascet, atque induretur.

1608. Enimverò toto hoc anno nihil magis placuit, quàm quod observavit, ac philosophatus est circa pluviam Sanguineam, quam decidisse rumor percrebuit sub Julij mensis initium; conspicuis nempe maximis guttis, tam in ipsa urbe, ad parietes cæmiterii majoris Ecclesiæ, quod est prope muros; quàm ad muros ipsos; ac rursus, ad parietes villarum, pagorum, oppidorumque, ad aliquot milliaria circumvicinorum. Nam primum quidem accessit ipse ad inspectandum guttas illas, quibus lapides rubescebant; nihilque non egit, ut alloqui posset quos agricolas memorabant ultra Lambiscum sic fuisse perculsos ex decidente pluvia, ut derelictis operis in vicinas ædeis citi aufugissent. Deinde, cum fabulam esse, quod de viris hujusmodi proditum fuerat, comperisset, non placuit illi quod Physici referrent hujusmodi pluviam ad vapores è rubra terra sublimè evectos, & post concretionem deciduos; quippe vi caloris eductum vaporem absque colore sursum ferri: ut vel constare potest ex eo, qui eductus ex rosis rubeis in limpidam aquam concrevit. Minus etiam placuit, quod vulgus, ac nonnulli Theologi opinarentur facinus esse Dæmonum, Strigumve, à quibus fuissent interfecti innocentes infantuli; scilicet hoc esse ineram conjecturam, fortassisque etiam Dei bonitati, providentiæque injurium.

Succurrit porrò interea casus, ex quo sibi met visus est germanam causam detexisse. Quippe ante aliquot menses concluderat, pyxi de inventam quandam Chrysalin, magnitudine, formaque insignem. Ejus cum amplius non meminisset, excitari bombum inaudiri intra pyxidem, eaque ad aperta, deprehendit chrysalin, deposito spolio, factam ex eruca papilionem pulcherrimum, qui statim avolaverit, reliqueritque in fundo guttam rubeam, amplitudine Solidi vulgaris. Quoniam verò id contigit circiter idem mensis initium, ac per idem tempus observata est Papilionum confertim per aërem transvolantium incredibilis multitudo: idcirco opinatus est papiliones hujusmodi interquiescentis parietibus diffudisse illeic, quasi excrementum, guttas simileis, magnitudine videlicet pareis. Quare iteratò accessit, comprobavitq; guttas illas non supra ædificia, non in devexis lapidum superficiebus exstare, uti debuerat contingere, si è cælo sanguine pluisset; sed in subcavis potius, ac in foraminibus, ubi animalcula potuerant quasi nidulari. Accessit, quod parietes iis tingebantur, non qui

in mediis oppidis, sed qui agrorum vicini erant, neque secundum 1608.
 parteis elatiores, sed ad mediocrem solum altitudinem, quantam vo-
 litare papillones solent. Hac ratione proinde est interpretatus, quod
 Gregorius Turonensis refert de pluvia sanguinea Childebit tempo-
 re conspecta Parisiis, in diversis partibus; & in domo quadam terri-
 torii Sylvanectensis. Itémque quod memoratur temporibus Regis
 Roberti sanguine pluuisse, circiter finem Junij; adeò ut sanguis, qui
 cecidisset super carnem, vestem, lapidémque non posset aquâ elui,
 posset verò qui super lignum. Quippe idem fuit papilionum tempus,
 & recentes quoque has guttas elui non posse ullâ aquâ è lapidibus
 comprobátum est. Hæc, & similia cum apud Varium magnâ coronâ
 edisservisset, placuit simul rem explorare, contigitque ut cum variè
 per agros incederent; guttas quoque multas deprehenderint in lapi-
 dibus, rupibusque: sed ad cavas tamen, subvexasve, non verò cœlo
 obversas parteis.

Accepit deinde ex Italia, & transmisit statim ad Thuanum elogia
 doctorum quorundam virorum, ut Hieronymi Columnæ, Gabrielis
 Faerni, Cruceii, & similium, quorum ille voluerat in sua Historia
 meminisse. Rogârat aliunde ipsum Scaliger, ut instauraret commer-
 cium, quod per P. Ostagerium hospitem olim Massiliæ suum institue-
 rat in Oriente, coëmendis Samaritanis, Ægyptiacis, Arabicis libris;
 dolens quòd à quindecim annis, quibus degeret in Hollandia, nihil
 prorsus inaudiisset de Pentateucho Samaritano, cujus sibi procurandi
 Ostagerius fuerat pollicitus studium. Peireskius ergo, cum priùs
 quidem aliquid ea in retentasset, tum tamen incumbendo acrius,
 ejusmodi librum inter plureis alios in Ægypto coëmi, afferrique ad se
 mandavit. Verùm navis, qua vehebatur, à piratis direpta est, recu-
 perarique is leber non potuit. Ita privatus Scàliger fuit exoptatissi-
 mo Codice, ut etiam nunquam est assequutus expectatissimum re-
 sponsum, quod Peireskio ab ejus morte venit scèliciter in manus.
 Scripserat nempe Scaliger ad Samaritanos Ægypti, itémque ad ma-
 gnum eorum Sacerdotum Eleazarum in civitate Sichemo morantem,
 quæsieratque ex ipsis varia circa observationem Sabbathi, aliorumque
 festorum; circa Messiam, ejusque apud ipsos nomen; & ad extremum,
 exemplum Legis, Pentateuchive poposcerat. Ac ipsi quidem geminis
 Epistolis responderant; sed quòd illæ in Genebrardi, aliorumque

1608. manus incidissent, detentæ sunt, donec, Scaligero mortuo, Peireskii & obtinuit, & per virum impensè doctum Joannem Morinum è congregatione Oratorii, latinas fieri nuper curavit. Curam quoque eo tempore evocandi Pacium resumpsit, & quod est ampliùs, efficiendi ne diutiùs in Religione heterodoxa perseveraret: at nimis multa intervenerunt, quæ sollicitudinem variam, variòsque conatus fecere rursùm irritos.

Aberat per ea tempora Valavesius frater Parisiis, ob Riantiensia negotia: & quia ipsi aliquot mensium intercedebant induciæ; idè rogavit illum Peireskii, ut, vel sui causâ, inviseret Angliam, Belgiumque, & amicos illeic suos salutaret, quæ donaria milit, offerret, rara quædam nancisceretur. Oravit etiam quam-maximè Aquis-granum contenderet, ut quicquid illeic monumentorum Caroli Magni superesset, attentissimè inspectaret, inscriptiones exscriberet, icones quasque in Ecclesiasticis seu libris, seu vitris, seu vestibus, seu lapidibus, seu quibusvis aliis rebus impressas exprimi curaret; locorum, ornamentorùmque ichnographiam non negligeret, diplomatum apographa, sigillorum ectypa, prece, pretiòve obtineret. Adjecit se sic pœnitere, quòd in Hollandia cùm versaretur, Aquis-granum non divertisset, ut nisi Fratri confideret, paratus esset definitè, neque alio nomine eo suscipere protectionem. Fecit porrò Frater abundè, & satis, mira sollicitudine, sedulitate, fide; cùm ipse interea post initum annum est digressus Monspelium, ob illa eadem negotia: scilicet Marchio Oresonius Bressiaco litem intenderat, ob divenditum Riantiius plenum.

1709. Redierat medio circiter vere, dolorem dentium infandum perpessus, cùm non longè post incidente patre in periculosissimum morbum, contraxit ipse quoque febrim, quæ diuturna admodùm fuit, cessansque sic languidum fecit, ut vix denique per autumnum penitus convalesceret. Quo loco referendum est, quod retulit ipse non semel. Cum ciborum non appetens, fastidiosusque, tabesceret, rogasse Jacobum Fontanum clarum medicum, ejusque affinem, annon aliquid demùm esset, cujus esum appeteret. Annuente ipso aliquid esse, sed quod se non impetraturum, haberet compertissimum; institisse illum, id modò, quodcumque foret, significaret. Cùm dixisset autem, Pepones: tum excepisse medicum, maîte, bonòque animo esto; neque

que enim permitto modò, sed adhortor etiam, ac præcipio, addòque, 1609.
ut nonnihil meri præsumas, postassumásque, & absque pane, aliáve
re ad initium pastus, in stomachum mittas. Obsequuntum igitur fuisse,
adeóque benè inde habuisse, ut deinceps, ac donec vixit innoxie sem-
per eadem ratione pepones esitaverit.

Convalescens variis officiis studiosos varios adjutavit, veluti Ioan-
nem Taxilem Arelatensem Medicum, nescio quid de ea nova stella,
quæ per memoratam magnam conjunctionem apparuerat, meditan-
tem; Gasparem Bricium in eadem civitate parochum; virum bo-
num, industrium, & cœlestium observatorem. Joannem Baptistam
Hansenium, quem noverat Romæ in erudita familia Cardinalis Baro-
nii, cuique procurârat, ut toto triennio foret Gymnasiarcha Aquen-
sis. Atque istos quidem, aliósque demeritus est, valetudine adhuc
dubia, remissioreque solùm morbo; cui contrahendo, producendóque
non contulit parùm jactura trium amicorum insignium, qui in Hol-
landia elati sunt.

Eorum primus fuit Scaliger, qui manum jam admoverat cominen-
tationi de Hebræis numismatibus, cùm laborare hydrope cœpit, ex
intemperie jocinoris, quæ quarto demùm, aut quinto mense, ipsum,
die Januarii vigesima prima, oppressit. Alter fuit Clusius, qui non tam
podagra recenti, quàm debilitate naturæ, die quarta Aprilis interiit.
Posthuma hujus opera, sive Posteriores curas edidit curator testamen-
to datus Franciscus Raphelengius, mentione sæpè facta Peireskii,
cujusmodi illud, *Allata est ex Guinea in Galliam Spica non dissimilis preceden-
ti, nucula Indicæ fructibus constans, cujus iconem nobilissimus, & amplissimus vir
Nicolaus Fabricius Dominus de Peiresc, Aquis-Sextiis in Gallia Provincia Se-
nator ad Clusium miserat. Et postea, Sequens Tragacantha icon, quæ nobis
transmissa est ex Gallia Provincia, nempe Aquis-Sextiis, ab amplissimo, & nobi-
lissimo viro Nicolao Fabricio, Domino de Peiresc, Consiliario Regio in supremo
Senatu Aquensi, cum literis ad clarissimum Clusium. Ac rursus, Subjungi pote-
rit epistola quadam doctissimi viri D. Doctoris Fontani, quam ad nos Aquis-Sextiis
misit amplissimus, & prudentissimus vir Nicolaus Fabricius Dominus de Peiresc,
inclusam literis suis ad clarissimum Clusium destinatis; quæ quamvis post mortem
clarissimi Clusii ad nos perlata sit, locum in his Additamentis aliquem mereris
nobis videtur. Agebatur porrò in illa epistola de insigni Aloë, quæ in
quodam Avenionensi horto à centum circiter annis sata, eruperat*

1609. sub initium Maij anni millesimi quingentesimi nonagesimi noni, ac intra dies quidem quadraginta quinque, ad usque altitudinem palmarum Provincialium triginta duorum, hoc est, Parisinorum pedum viginti quatuor, cum proximè semisse. Cujusmodi & nos deinceps eruptiones aliquot in Provincia, & Draguiniani præsertim, vidimus. Tertius fuit Abrahamus Gorlæus, à quo non potuit cæptum opus Paralipomenon absolvi.

Parùm porrò absuit quin hisce amicis Varius quartus accesserit. Is per iustitium Septembri mense concesserat Antipolim, ut possessionem ejus loci regio acquisiti patrimonio, Regis nomine adipisceretur. Cùm invisisset verò Fratrem, Petrum nempe Varium Vintiensem Episcopum, incidit in febrim periculosissimam, ac mense penè diuturniorem. Hanc Peireskius cùm accepisset, teneri vix potuit, quin, laborans licèt, laboranti accurreret. Cùm non posset tamen, mira sollicitudine, vel potiùs anxietate fuit, ut quocumque modo òperam præstaret. Cætera inter, scripsit Massiliam, ac exstimulavit Carolum Cassaneum clarum Medicum, appararique illi curavit & rhedam, & lembum, ut seu terra mallet, seu mari, eò expeditè advolaret. Missitavit penè in singulos dies, qui exquisita quædam seu remedia, seu edulia ferrent, & quis foret status morbi renunciarent. Cùmque primùm facta est spes melioris valetudinis, sellam misit gestatoriam, quam domi habebat commodissimam; tametsi ille non potuit, nisi vectorio lectore duci.

Dum uterque deinceps residuo autumnio convalescerent, dièsque totos in colloquiis familiaribus ducerent, putàs-ne illorum sermones nihil habuisse eruditionis? Unum præterire non possum, qui fuit postmodum aliquoties à Peireskio commemoratus, cujusque occasione, etiam post ejus obitum, superfuit quidpiam peragendum. Ansam fecère Conventus varii, qui toto Regno Principis jussu habiti recens fuerant, ut de condendis perpetuis circa Monetarum valorem, usumque Statutis deliberaretur. Cùm enim ante septem annos statuisset publico edicto, ut aureus Solatus antea oblocatus sexaginta solidis, valeret exinde sexaginta quinque; evenerat jam, ut pro septuaginta, & pluribus commutaretur. Itaque Vario sententiam poscente, respondit Peireskius vix esse sperandum, ut proserpens malum sisti unquam posset. Causam enim esse commercium cum vicinis nationibus, apud quas
aurum

aurum carius, quàm apud nos redimeretur. Nam tum quidem au- 1609.
rum nobis esse in proportionem ad argentum non omninò duodecupla;
apud Hispanos verò, exempli causâ, in plusquam tredecupla esse,
idque edicto recentissimo, quo Rex Hispaniæ auri valorem decima
parte adauxerat, intacto valere argenti. Qua in resanè non fuerat
Principem nostrum imitatus, qui majore solidorum numero aurum
æstimans, majore quoque æstimavit argentum, ne proportio illa eva-
riata censeretur. Subjunxit, tametsi non modò Rex noster, sed etiam
Rex Angliæ, cæterique Principes novis edictis eam proportionem
evariarent, promoverentque; eventurum tamen, ut singulis æmula-
tione quadam vel aurum pluris facientibus, vel ipsius pondus, aut
certè internum argenti valorem, imminuentibus, res definiri nun-
quam posset. Scilicet nunquam defuturas, vel bellorum occasiones,
quibus, exhaustis ærariis, ad id remedium provocaretur, vel nationes
satis consultas, quæ puriores auri, argenti que species penes se servare,
aliundève allicere hoc artificio procurarent.

Et exemplo quidem esse posse Romanos, apud quos As æreus, De-
narius argenteus, & Solidus aureus ita paullatim fuere imminuti, ut
postremò facti extra usum fuerint; & Solidus ipse nominatim, qui
cum potuisset initio duobus Solatis exæquari; commutari demùm de-
buerit in speciem argenteam, quæ ipsa quoque sic degeneraverit, ut
existimari possit in Solidum nostrum usualem abiisse. Verùm ne tam
procùl quæreretur exemplum, sufficere, si spectaretur vel unius Solati
valor, qui intra centum postremos annos ita increvisset, ut decre-
scente simul interna bonitate solidi; duplo solidorum numero jam
æstimaretur. Non esse verò probabile, ut deinceps consisteret, sed
futurum haud dubiè, ut intra paucos annos triplò, quadruplòque in-
crementum acciperet, Solidusque interea non imminueretur modò
pondere, sed evaderet etiam planè æreus, tunc pondere quoque suo
decesurus. Nec verò vana fuit conjectura: quando jam Solatus à nu-
peris annis taxatus est solidis centum quatuor; idque Edicto publico,
cujus occasione ipse, cum foret adhuc superstes, adnotavit auri ad ar-
gentum proportionem proximè quindecuplam esse.

Sed ad colloquium ut redeam, cum retulisset obiter Assem initio
pendidisse libram integram, seu duodecim uncias; ac diminutum de-
inceps fuisse ad usque duas, ad unam, ad minus: Denarium, cum
reina

1609. tempore Regum pendisset trientem uncia; sub antiqua tamen Republica pendisse solum sextantem, sub recentiore partem septimam, sub primis Cæsaribus octavam, seu drachmam (Atticæ nempe drachmæ æqualem:) Solidum denique principio fuisse partem libræ trigessimam octavam, postea quadragesimam, quadragesimam quintam, quinquagesimam, & ita deinceps: tum requisivit Varius, quæ illæ Libræ, seu Unciæ à nostratibus diffiderent? Excepit Peireskii, sibi ea in re nondum penitus factum satis. Nam habere se quidem pondera antiqua librarum triginta, decem, trium, singularum, quæ cum libra Parisiensi senum denum unciarum zygo statica comparasset; sed comperisse tamen solum uncias Romanas duodecim, decem circiter uncias Parisiensibus exæquari. Circiter, inquam; nam nunc excessum, nunc defectum excurrere ad treis, quatuor, & quinque drachmas. Tametsi verò doctus Budæus proportionem præscripsisset proximè sesqui-alteram, quod putaret libram Romanam semuncia superadditâ libræ Marcæ, seu octo uncias Parisiensibus æquam esse; attamen se varios Denarios antiquiores, integriorésque, quàm Budæo fuissent ad manum, ad eandem libram exegisse, deprehendissèque libram Romanam cum semuncia decem Parisiensibus uncias, ut minimùm, æquipollere. Non audere tamen adhuc rem decernere; quod illi quoque denarii passim fuissent intertrimentum, expectarèque donec Romæ impetravisset modulum Congii, qui à Vespasiani usque tempore in Capitolio consecratus, exstaret, adservareturque in Farnesiano Palatio, ac decem librarum vini aut aquæ pondus continens, prodere posset quotnam libris, unciasque Parisiensibus tale pondus exæquaretur.

Probavit ille, rogavitque ecquam putaret Congii ad nostrates liquorum mensuras esse analogiam? Peireskii verò dixit id quoque determinandum ex modulo; interea verò putare se continere Congium tres circiter Potus (sic enim in Provincia vocantur; quæ Parisiis Pintæ, cum hæc illis minores sint) liceréque etiam id explorare, si constiterit, quæ proportio inter Romanum Pedem antiquum, & nostrum quem dicimus Pannum, seu mavis Palmum, intercedat. Romani nempe, ut Amphoram Congii octuplam definierunt magnitudine pedis cubici; ita Congii capacitatem dimidio pedis cubico definitam esse voluerunt. Hinc non unum quidem duntaxat, sed duos quoque modulos Congii temporis progressu obtinuit: verum nunquam satis

vacavit

vacavit rem pro voto expendere, & postquàm posteriorem obtinuit, 1609.
citò nimis interiit, rem certo certius exploraturus.

Caterùm quia nòs, quantum licuit, illius curam supplevimus, nescio an, si dixerimus, nimia sit futura digressio. Tenemur certè gratificari hominibus nostris, qui non modò pondera, mensurasque illas inter se, sed cum nostratibus etiam à Peirèskio comparatum iri sperarunt. Ut paucis ergo res dicatur, cautiones adhibuimus easdem, quas Lucas Pætus, & Villalpandus; dum vas ipsum ad summum collum putreali aqua opplevimus, expendimus, vasis pondus subduximus. Deprehendimus autem aquam, quæ Romano pondere esse debuit decem librarum, seu unciarum centum viginti, esse pondere Parisiensi (quale nempe Parisiis exploratum, missumque est) librarum septem, minus uncix quadrante; seu unciarum centum undecim, & quadrantem uncix trium. Deinde ex hac proportionem collegimus unciam Romanam continere grana quingenta, & triginta sex, qualium quingenta septuaginta sex in Parisiensi continentur; unde & illis in drachmas collectis, obvenire cuilibet drachmæ grana sexaginta septem: idque proinde censuimus pondus Denarii Cæsarei, quem dictum est fuisse drachmalem.

Adhuc difficile non fuit valorem hujusce Denarii, & cæterorum consequenter, ac monetæ cujuslibet, monetâ nostrâ exprimere, & à recentiore præsertim Edicto, anni nempe M. DC. XXXVI. Cum ex præscripto enim argenti valore, atque pondere colligamus argenti unciam æstimari solidis Turonicis sexaginta quatuor: idcirco Denarius Romanus valebit septem solidis, ac denariis Turonicis quinque, cum triente ejusdem Turonici denarii (sicque parum prorsus excedet valorem Regalis Hispanici) & tale fuisse intelligetur non modò apud Romanos, sed etiam apud Græcos, ob parem Denarii, Drachmæque valorem; militum stipendium in singulos dies. Quinarius proinde, sive Victoriatus valebit tribus solidis, cum denariis Turonicis octo, ac denarii besse; Sesterlius uno solido, cum denariis decem, ac triente denarii. Et quia, verbi causâ, Siclus Hebræorum fuit, ex Josepho, Tetradrachmalis, seu denariorum Romanorum quatuor; idcirco valuit solidis similibus viginti novem, cum denariis Turonicis novem, ac triente. Unde & quia triginta vocati Denarii, quibus Christus Servator à proditore Juda divenditus legitur, triginta Sicli fuisse videntur;

1609. idèd Pretium colligitur librarum Turonicarum quadraginta quatuor, ac solidorum tredecim, cum denariis quatuor.

Quod spectat ad comparationem cum Provinciali pondere, observavimus illam eandem aquam, sive Romanas libras decem pendere libras Provincialeis novem, cum uncia triente; seu uncias centum quadraginta quatuor, & trientem uncia. Observavimus aliunde libram Parisiensem cum prototypica Nostrate collatam continere ipsam semel, cum quatuor unciiis, & uncia besse. Sed notandum Zygoſtatam Stateras ita temperare, ut versus numerum centenarium, singularum librarum pondus singulis unciiis adaugeat, propter detrimentum earum mercium, quæ cumulatim emptæ, minutatim venduntur: adeo ut quæ centum libræ Parisienses æquiponderarent nostratibus centum viginti novem, cum triente, exæquentur solum centum viginti duabus, quatuordecimque unciiis, cum besse.

Cum liceat verò mensuram Romanam tam cum Parisiensi, quam cum Provinciali ex ponderibus comparare; addo duntaxat nos comperisse quatuordecim Pintas Parisienseis adæquari Potibus nostratibus undecim; & liquidorum Modium, qui Parisiis continet Pintas ducentas octoginta, continere nostrates Mellereolas quatuor, cum Potibus viginti octo: continente Mellereola Potus duodequingenta, quorum quilibet pendit Provincialeis libras treis, cum quadrante. Ex quibus elicies Congium continere Potus nostrates duos, cum sextis ferè quinque; seu Parisienseis Pintas treis, cum semisse proximè: intelligesque, exempli gratiâ, quantum biberit Novellius Torquatus, Mediolanensis scilicet ille, qui treis vini Congios uno haustu sicasse coram Tiberio legitur; unde & Tricongii cognomentum tulit. Habebis rursus quantum mensurarum nostrarum contineat Urna Congii quadrupla, Amphora octupla: quantum Sextarius sexta pars Congii, & Semi-sextarius pars duodecima, aliàs Hemina, seu Cotyle dicta. Ubi notabis, si lubeat, videri Parisienseis appellare quartam Pintæ partem Semi-sextarium, quod illa ad Semisextarium Romanum proximè accedat.

Dixi porrò obiter liquidorum Modium: nam alioquin Modius aridorum constans ex centum quadraginta quatuor Buxeis, ex quibus quatuordecim deprehensi sunt id statuere Onus, quod nos ex quinque Heminis, Pannalibusve decem constituimus; talis inquam

Modius

Modius æquivalet nostris Oneribus decem, Pannalibſque proximè 1609.
tribus. Atque hæc ſunt quidem, quæ homines noſtros ſcire præſertim
attineat; niſi adhuc adjiciam diviſiſſe nos Pedem Pariſienſem ex pro-
totypo deſumptum in mille particulas, obſervariſſeque Palmum noſtra-
tem, qui octava Cannæ pars eſt, continere ſolùm ex iis partibus ſe-
ptingentas ſexaginta treis: Pedem verò Romanum antiquum non-
gentas & ſex; ne memorem Anglicanum continere nongentas trigin-
ta treis; Hollandum nongentas ſexaginta ſex; Lugdunenſem, & Gra-
tianopolitanum mille, & quinquaginta duas; Bracchium Florenti-
num mille octingentas, & duas; verùm de his nimis jam multa.

Ad Peireſkium redeo, qui ſtatim inſequenti anno milleſimo ſex- 1610.
centeſimo decimo eſt rursus proſectus Monſpelium. Cùm rebus au-
tem proſperè geſtis, ineunte jam Maio rediret, inſomnium illi con-
tingit, quod aliquoties mihi enarrans ſolitus fuit præmittere, ſe, ſi ab
alio fuiſſet enarratum, non crediturum. Erat in ejus comitatu Jaco-
bus Raynerius Aqueſis civis, qui in eodem cubiculo indormire ſoli-
tus, indormiit ſpeciatiim intra id hoſpitiū, quod vocitant Album,
Monſpelium; ac Nemaufum inter. Somniavit autem Peireſkius, ac
neſcio quid inſolitum obmurmurare viſus eſt: quare excitatus Rayne-
rius, ipſum, ecquidnam novi eſſet rogitando, expergeſecit. Tum ille,
proh, inquit, quàm gratum, bellumque excuſſiſti ſomnium! Quæren-
te Raynerio, quid-nam rei foret, ſomniabam, inquit, me eſſe Ne-
mauſi, oblatumque mihi fuiſſe ab Aurifice numiſina aureum Julii Cæ-
ſaris, pretio ſcutatorum quatuor; jamque eram illi, ad ipſum haben-
dum, numeraturus pecuniam, cùm excitante te importunè, & ex
oculis Aurifex, & ex manibus Numiſma evanuit. Exinde, ſomnium
nihil moratus, diſceſſit Nemaufum, & cùm prandium appararetur,
per civitatem digreſſus eſt.

Caſu autem planè ſtupendo in Aurificem ecce incidit, ex quo dum
requireret, ſi quidpiam fortè rarum haberet, habere ſe ille reſpon-
dit Julium Cæſarem aureum. Rogavit quanti eum venderet; reſpon-
ſum, pretio ſcutatorum quatuor. Itaque id pretium ſtatim numera-
vit, acceptoq; Julio, ſuum ſomnium ſælicitate mira complevit. Mira,
inquam, nam facile quidem cogitare Nemaufum potuit, quò ſequenti
luce erat acceſſurus: potuit illud Julii numiſma, quod vigilans ſæpius
exoptaverat: potuit id repertum in ea civitate, in qua tot Romanæ

1610. antiquitatis vestigia: potuit autem Aurificem, ad quod genus hominum vulgò referunt qui talia effodiunt: potuit valorem mediocre, quo aurifices potiùs, quàm Antiquarii ista pendunt: potuit scrutatorum quatuor, quo moderato pretio artifex posset esse contentus: denique potuit Aurifex, & Nemausi quidem, ac eo pretio habere nummum: verùm hæc omnia concurrissè, & eventum somnio ita respondissè admirabile prorsus est. Non is autem erat Peireskii, qui proptereà somnii causam præternaturalem putaret, si fortè fecisset, si sæpiùs contigissent similia: sed cùm nosset fortunæ lusus, habebat duntaxat hunc casum inter eos, qui sua raritate stuporem apud vulgus creant, cujusmodi etiam memorantur de Eudæmo Aristotelis familiari ad Pheras; de duobus Arcadibus ad Megaram, & de nonnullis similibus; quamquam historiarum hujusmodi omnium penes auctores fides esto.

Commoratus est deinde Peireskii aliquot diebus Arelate, ut præter aliàs observata, exploraret curiosius monumenta quædam insignia ad monasterium Montis-majoris. Cùm inde autem discessisset, & jam Salonem accederet, attigit eum Cursor ab Archiepiscopo, qui renuntiaret mox inauditam Henrici Regis luctuosam mortem. Consternatus mirè, festinavit tamen, ut consolaretur Varium: dolorem quippè præsentiens, quo noverat perculsum iri. Et sanè illius accessus levamen adhibuit non mediocre magno Viro, qui jam factum resciverat, hominibusque, & literis missis dare operam cœperat, ut universa Provincia in officio contineretur. Memorabile porrò est ab anni usque initio, & priusquàm Peireskii Monspeliū discederet, allatum ipsi fuisse ex Hispania Prognosticon annuum, sive Almanach ab Hieronymo Ollerio Beneficiato Barcionensi compositum, & Novembri superiore Valentia impressum, in quo non obscurè prædictus lamentabilis casus foret. Sic ille nempe designarat & nativitatis circumstantias, & eventa quædam præcipua, ut denotari alius Rex, quàm Magnus Henricus non posset. Illud Vario cùm ostendisset, communicassètque prætereà cum Josepho Galterio Priore, & Domino Valletæ, viro totius quidem Matheseos, sed Astronomicæ præsertim peritissimo, digna omnino visa est res, quæ, licèt Astrologicis prædictionibus non esset fidendum, non negligeretur tamen, tanquam sacrum attinens Caput, pro cujus incolumitate nulla cautio posset censi superflua. Itaq; Varius ex eo tempore ipsummet exemplum transmisit ad Regem.

Ac prætereo quidem ut magnus, verèque generosus Princeps 1610.
laudato Varii affectu contempserit prognosticon: sed quia eventus
comprobavit, ipsèque Ollerius aliud postea edens in sequentem an-
num, est propterea mirè gloriatus; idcirco taceri non potest, quod
saltem dubium faciat ex ipsis Astris, an potius aliunde rem even-
turam conjecerit. Nam de Astrologica quidem vanitate non est
quòd hic loci quidpiam memorem, & maximè cum evulgata an-
te treis annos Themata, nisi post annos prætereà quatuor, nihil omi-
narentur infaustum. Non is etiam sum, qui subdubitem habuisse
Vatem cum pravo Genio, qui id præfagierit, revelaveritque commer-
cium: dico solum potuisse ipsum aliqua ratione esse conscium machi-
nationis illius, qua infandum adeò parricidium commissum est. Ea
certè neque in Hispania, neque in Italia celare planè potuerat, nam
etiam Regii Oratores, ac nominatim Venetiis agens ille virorum op-
tinus Joannes Bochartus Campinius, Regem jam illius præmonue-
rant. Comprobatum aliunde est Massiliensis nautas, quotquot ex
Hispania ante duos menses adventarant, retulisse rumorem fuisse in
Hispania disseminatum, quòd Rex Francorum nunc occisus, nunc
occidendus gladio foret. Narravit etiam Peireskius, scripsitque ad
Malherbium, quod in hunc locum inferi possit. Memorabat nempe
die Sabbathi, ac triduo post mortem Regis renunciata, transiisse
Aquis-Sextiis illustrissimum Venetum ex Priulorum familia, qui
fuerat Orator Parisiis, ac tum pergebat Orator Madritum. Cum
invisisset autem Varium, sibi aliunde cognitum, enarraffe ipsi inter
cætera, se Mediolano iter facientem salutasse illic Comitem Fon-
tanum; & cum Regiarum copiarum vim inter colloquendum exag-
geravisset, tum excepisse Comitem, nihil sibi ex iis metuendum,
quòd unius hominis mors esset brevi eas everfura. Sed temperandum
ab istis est.

Acceptit subinde Peireskius scriptas à Pignorio tertia ejus mensis
die literas, quibus admonitus est detexisse Galleum invento recens
Telescopio magna quædam, admirandæque circa stellas spectacula,
ac potissimum quatuor novos Jovi circumductos Planetas, quos Me-
diceos nuncupavisset. Scilicet ab ineunte usque superiore anno sex-
centesimo nono Jacobus Metius Alcmariensis, dum varia vitra com-
poneret, ut effecta experiretur, incidere casu in eam convexi, conca-

1610. vique comparationem, ex qua, interjecto potissimum tubo, viderentur intuenti res parvæ grandescere, & sepositæ admoveri, (unde & illi prima defertur Telescopii inventio; tametsi Ioannes Baptista à Porta tale quidpiam jam evulgârat) Galileus verò ex solo rumore inventionis ad se perducto, cœperat ipse excogitare tum causam effectuum Telescopii, tum conficiendi artificium; adeò ut pòst inolimina, ac tentamenta varia, pervenisset tandem ad unius exactissimi constructionem. Ipsum fuit, quo per primos duos anni decimi memorati mensis observationes illas peregit, quas titulo Siderei Nuntii mense Martio typis vulgavit.

Peireskius ergo re cognita, magno cum ardore fategit ut & librum, & Telescopium quam-primum posset, nancisceretur. Enimverò cùm librum habuisset, exquisitum tamen Telescopium fortitus illicò non est, quantumvis nonnulla impetraverit tam ex Italia, quàm ex Hollandia, ac etiam Parisiis, ex quo primum tempore elaborari illeic cœperunt. Heinc est, cur Jovis Satellites ante Novembrii detegere, observareque nequiverit, certè ut integram Chorem censerì posset deprehendisse. Ex quo verò deprehendit, mirum quantà lætitiâ id spectaculum fuerit contemplatus. Nam statim quidam rem demonstravit Vario, aliisque amicis; sed & ne tempus frustra abiret, apparavit observatorium, invitavitque, ac sæpius per complureis dies detinuit memoratum Galterium, cùmque eo in observando biennium penè totum consumpsit. Erat adhuc frater Parisiis: quare illum sollicitare, varièque urgere nunquam destitit, donec vitra Telescopica confici curavit, misitque ad usque quadraginta. Videlicet spes erat fore, ut consequeretur tandem optima, & cujuscumque fuerant à Galileo usurpata.

Interea tamen aliquot revolutiones speculatus, cepit cum Galterio consilium de Motuum hypothesebus, tabulisque concinnandis. Quamobrem Galterius eam Spartam aggressus, sic brevi perfecit, ut exquisitè, quantum licuit, determinarit tempora, quibus singuli Medicei circumvolutiones proximè absolvunt, Extimus nempe diebus sexdecim, cum sexdecim horis: Sequens septem diebus, cum horis tribus, & semisse horæ: Tertius diebus tribus, cum tredecim horis, ac semisse itidem: Intimus die unica, cum horis octodecim, ac simul semisse. Minutias non recenseo; quandoquidem licet ad usq; secundas,

ut Astronomi loquuntur, supputatæ fuerint; nihilominus dies docuit 1610. addendum quidpiam, deimendūque: ut etiamnum quoque restat aliquid, quod observatio, ac diligentia temporum sequentium valeat emendare. Hæc solum attingo, ut innuam, quàm vehementer Peireskius in id incubuerit, ut res adhuc nascens in suo exortu perficeretur. Quippe delegit præterea virum industrium Joannem Lombardum, qui observando operam conferret; ac eruditos adolescentes Petrum Robertum Medicinæ, & Joannem Baptistam Morinum Philosophiæ candidatos, qui se Galterio addicerent, ut quia nimis molestum erat numeros omneis retexere, calculis præscriptis ipsum sublevarent.

Obtinuit etiam observationes, quas præter Galileum Joannes Kepplerus clarissimus ille Cæsaris Mathematicus, aliique jam peregerant; ut ex illarum collatione perfici hypotheses possent. Curavit quoque elaborari Theorice[m] mechanicam, Peurbachianæ vulgaris instar; ut suppositis radicibus motuum, Mediceorum loca possent colligi in annos, menses, dies, & horas. Nomina præterea imposuit, quibus discerni singuli possent. Nam cum Galileus universè Mediceos indigitaſſet, noluit ipse nuncupationem ulla ratione immutare: sed principes tamen delegit ex Medicea familia, quorum nomina inderentur. Quia debebat verò præsertim servato familiæ honore Reginaſ duas inclytas, quas illa nostræ Galliæ dedisset, fideribus adſcribere: idè extimo planetarum Catharinæ nomen fecit proprium; alteri, qui præ cæteris eximiè resplendet, Mariæ: tam sequenti Cosmi majoris, & intimo Cosmi minoris. Cogitavit deinde tam Observationes evulgare, quàm Tabulas; sed quia accepit Galileum curis continentibus in id negotium incumbere: idè ne videretur palmam illi debitam prærepturus, sese ab incepto continuit.

Denique venit illi in mentem adjuvare Geographos in tradenda methodo Longitudinis inveniendæ. Quippe quia horum Planetarum sunt motus citatissimi, configurationesque per singulas noctes variæ: idè cogitavit, si illæ, quibus contingunt momentis, in diversis locis ad ortum, occasumque observarentur, posse, pro temporum varietatibus, exquisitè designari intercapedines locorum: possèque adèo Tabulas, chartasque Geographicas sic emendari, ac perfici, ut exinde usus rei Nauticæ consummationem nancisceretur. Heinc

1610. ea de re Amsterodamum ad Iodocum Hondium dedit literas, quibus etiam rogavit illum, ut indicaret nomen, & patriam Inventoris primi Telescopii; scilicet ignorabat adhuc eum fuisse, quem jam diximus. Scripsit & Parisios copiosè ad Fratrem, postulans ab eo varia Telescopia, quæ observationibus faciendis eo varia Telescopia, quæ observationibus faciendis in variis locis destinasset, ac potissimum in oriente, & in novo Orbe, quò nonnulli amicorum erant brevi discessuri. Et postmodum quidem obtinuit observationes aliquas, ac potissimum à mox antè nominato Ioanne Lombardo, qui profectus Alepum usque, versus orientem, fuerat; sed neque illæ fecerunt factis; neque pervidit, omnibus etiam horum Planetarum configurationibus in Ephemeridas relatis, fore propterea inventionem adeò generalem, ac animo conceperat. Agnovit enim non posse Nautas ad illos attendere, neque interdiu, neque cælo nubilofo, neque Iovè Soli conjuncto, aut noctu sub terras delato; neque toto sexennio ad alterum populum, cum Iupiter esset versus alterum; & id genus similia. Quamobrem eam curam deposuit, ratus aliunde Galileum, Kepplerumve in eam curam incubituros, & pro sua solertia rem perfectius exsequuturos. Certè non parùm gavisus est, cum non ita pridem accepit venisse Galileo in mentem, ut methodum perficeret, & cum Hollandis communicaret, à quibus arcanum Longitudinum est tantoperè expetitur.

1611. Porro cum Peireskius foret circa ista summo opere sollicitus; non destitit tamen interea pluribus curis destineri. Annus sæculi undecimus erat, quo nescio an dicere debeam apparuisse primum in Provincia, ac in eo hortulo, quem Peireskius intra ædeis Aquis-Sextienseis habuit, flores calyceos Tulipas dictos. In eo scilicet ab autumno superiore defoderat missas Tornaco à Winghemio bulbosas illorum radices. Referebat autem, cum eo tempore nonnihil terræ in hortulo excolendo aggestum fuisset, Caniculam quandam nomine Marphisam conquississe catulos, quos abjici præceperat, sepeliisseque sub aggere, & aliquot diebus ita incubuisse, ut neminem accedere, etiam prætextu edulii subministrandi, pateretur. Non memini porro an dicta ipsi Sultana fuerit, cujus obitum cum ægrè tulisset, latatus tamen fuit ob factum circa illam experimentum.

Ea educabat treis catellos, qui unà cum matre eodem morbo laboraverunt.

raverunt. Uno demortuo, projectoque, ipsa quoque mater interiit. 1611.
Nemine causam agnoscente, Anatomicum evocavit, incidique jussit, ut interanea dispiceret. Ecce autem secundum totam intestinorum prolixitatem series aliquot cohærentium candidarum molecularum, cujusmodi cucurbitæ, aut cucumeris grana sunt; unde videtur fuisse unus ex iis latis lumbricis, quos Cucurbitaleis nonnulli appellant. Erant verò internè quidem majusculæ, duriusculæque; supernè verò ita paullatim in minutulas, molliusculasque desinebant, ut in summo, tandem nihil, nisi confusus albor appareret. Peireskius ergo, cum non placeret quicquid curando illi morbo proferebatur tam à Chirurgis, quàm à quibusdam Medicis; jussit, nescio quo ductus genio, afferri sibi theriacam, è qua cum materiæ illi adhibuisset, observavit magno suo, circumstantiùmque stupore ipsam statim liquefcere, effluereque in declive. Quapropter jussit catellis duobus qui supererant, exhiberi theriacam, alexipharmacum esse ratus. Ac alter quidem animam jam agens inter exhibendum extinctus est, alter verò adhuc robustior remedio assumpto omninè convaluit.

Contigit illo eodem anno decantatissima historia de Ludovico Gaufrido cacomagiæ infamato, deque Magdalena Paludana illius præstigiis correpta à Dæmone. Ea res verò ut totam Curiam, sic præsertim ipsum Peireskium admodum sollicitum habuit, qui universam penè historiam literis prolixis descripsit. Ac pro tempore quidem ipso in eadem cum vulgo opinione fuit, movebantque præsertim ipsum Stigmata illa insensilia corpori utriusque inusta, & Cacomagiæ credita indicia: at dubitare postmodum cœpit, num in toto negotio impostura quædam, aut stupor animi latuisset. Placitum tamen semper defendit, quo Curia Magum cremari jussit: quippe qui aliàs sacro-sancta Religionis mysteria libidinosus pessumdedisset. Ajebat quoque tamen Magi non tantum habeant cum Dæmone, quantum putatur, commercium; nihilominus pœna afficiendos ob prævum affectum, quo disciscunt à Numine, & Cacodæmonem implorent. Sic, licet factis unctionibus non transferantur reverà in eas Synagogas, in quibus nihil non patrent nefandum; puniendam tamen voluntatem, quæ id appetunt, seseque operi accingunt.

Quod permovit autem ipsum, impostura fuit, quæ non multò post Massiliensis quidam Sacerdos accusatus Magiæ fuit, prodente quodam

1611. dam Dæmone, quem Gaufridus dicebatur in mulierculam intrusisse. Is quippe judicio absolutus est, sed corpore tamen toto inter punctus, ut designata à Dæmone conquirerentur fligmata, quæ deprehendi nulla potuerunt. Tantò verò magis Peireskiius rem vocavit indubium, quantò post treis proximè annos accepit à Vinghemio similem historiam contigisse in Flandria, hoc est inter punctum toto corpore Canonicum quendam, qui fuit denique habitus innoxius. Documentum sanè insigne, ne facile adeò fides adhibeatur sive Dæmoni, quem Sacra Scriptura appellat Patrem mendacii; sive mulierculæ, quæ partim nativaimbecillitate, partim vehementia vaporum cerebrum exturbantium, partim malitia, aut odio, partim concepta, innutrita, defixa altum opinione imponere facile potest. Quod ad Stigmata illa spectat, hæsit Peireskiius num revera non essent notæ Cacomagiæ; idque præsertim ex quo agnovit rem vocatam in controversiam à Martino Delrio, aliisque viris impensè doctis. Fortè enim esse posse à natura, pertinereque ad singularem Elephantias eos speciem; aut saltem posse ipsos Magos eas sibi, quasi cauteria inurere, ac perturbatæ menti defigere, inuersionem illam perinde referendam ad Dæmonem, ac referre solent unguenta, quæ ipsimet parant, & inter se communicant, consili se ipsorum vi ad maligna illa concilia transferri.

Habuit Peireskiius toto eo anno valetudinem vacillantem. Fuit autem dubia potissimum circiter æstatis initium; tametsi propterea nihil fuit grave passus, neque interquievit à solitis studiis. Quinetiam visus sibi est pro votis satis confirmatus, ut adesset Varius gravissima febre totos quadraginta dies in villa Massiliensis agri, Florida ab ipso indigitata, laboranti. Non refero quanta se illi assiduitate devoverit: hoc unum non est prætereundum. Convalescebat ægrè Varius, quod teneretur anorexiâ, miròque ciborum fastidio. Cùm veneraretur autem Peireskiius occasionem addiscendi ecquid posset gestum movere, & datâ plerumque operâ sermones interfereret de rebus gustatu jucundis; contrigit aliquando Varium obiter innuere Truttas lacus Genevensis non injucundie esse saporis. Ille ergo id subnotans, tantâ obtinuit diligentiam insignem ex eo Lacu Truttam, opere pistorio conditam; ut, nomine licet alieno oblatam, Varius tamen divina-verit Peireskii facinus esse.

Sic excitare gustatum voluit, cùm fartum illi obtulit ex linguis Phœnicopterorum; tametsi id per hiemem, quoniam ea sola tempestate aves illæ marinæ ad Arelatenseis paludes capiuntur. Parum aberat, quin eæ linguæ exæquarentur hædinis: & quia tamen esca videbatur suavior, nihil pronuntiavit Varius, neque divinavit, quousque Peireskius illud Martialis extulit.

Da mihi penna rubens nomen, sed linguæ gulosis

Nostra sapit.

Rogatus subinde fuit de sapore carnis Phœnicopteri: excepit autem mirari se, cur illam Apicius apud Plinium, & Imperatores Caligula, ac Vitellius apud Suetonium, Heliogabalus apud Lampridium, & nonnulli alii tantis in deliciis habuissent. Esse enim eam injucundam, aut saporis certè non exquisiti, aquaticarum aliarum instar, cùm etiam piscem oleat; unde à Provincialibus ut plurimum abjicitur, exuviæque solum sunt usui, in fastuosis conviviiis, canibus aliarum avium obtegendis.



1612.

D E V I T A
P E I R E S K I I,
L I B E R T E R T I U S.

IN SEQUENTE anno Parisios iteratò profectus est. Advocârat enim illum Valavesius, quo tempore existimabat illa de Riantio negotia extremo judicio definitum iri. Et contigit quidem, ut cùm moras aliquo-usque traheret, judicium intervenerit, literisque in itinere acceptis id rescierit; verùm quia non tam negotiorum causâ, quàm amicorum convivendorum desiderio discesserat; idcirco noluit regredi; sed ardentius viæ insistens accessit Parisios, quo tempore frater erat excessurus. Is verò bono suo fato in urbe adhuc constitit: incidit enim in morbum, quo fuit per integrum mensem eâ exagitatus vehementiâ, ut nisi caput carissimum advenisset, adstitissetque, vix ab illo emergere, convalesceréque potuisset. Cùm à mense autem Junio restitutus fuisset valetudini pristinæ, discedere tamen absque Fratre noluit, qui in mensem usque Novembrim dilatum voluit reditum. Prætextus fuit illud nuperum judicium, quod litigiorum Riantiensium non fuit penitus decretorium: nam ad cognoscendum quo jure uteretur Provinciâ, audiendis Ordinum comitiis locum interpositum fecit. Unde quia comitia non poterant cogi absque Prorege Guisio, ipséque Prorex ante id tempus non erat aulâ excessurus, idè Peireskii hanc sibi metam, redeundique ansam præfixit.

Heic nihil necesse memorare quanta cum lætitia, virtutisque æstimatione exceperint illum Thuanus, Campinius, Rociacus, Faber, alique amici, & insignes viri, quorum jam antè meminimus, quique illum facie, vel famâ jam nôrant. Nihil recensere officia, quibus literatos plerosque devinxit, non modò qui erant in urbe, cujusmodi fuere,

fuere, præter superius memoratos, Ioannes Savaro, Carolus Labbeus, 1612. & alii; sed etiam qui alibi gentium, ut in cæteris Galliæ civitatibus, in Italia, Anglia, ac Belgio.

Attexere præstat, cum nullum intermiserit studium promovendi artibus ingenuas, spectabilem præsertim fuisse quam curam continentem gessit observandi cœlestia, deque iis coram edisserendi cum viris Mathematicis, bonarumque rerum studiosis. Factum est quippe, ut nemo melius Phænomena nova calleret, quod nemo ardentius, & constantius in iis cognoscendis operam posuisset. Heinc habitum propè miraculo fuit, quod distractus tot aliis curis, consequi potuisset notitiam adeò exquisitam huiusmodi rerum. Quippe non de ipsis Phænomenis solum, sed de confectione etiam, usuque Telescopii multa declaravit; eaque occasione plerumque ducere secum solitus est, qui tam fabricæ Organi, quàm rationis utendi inspectores forent. Heic referendum, cum operam circa Mediceos Planetas navaret, adnotasse eum aliquid, quod, quibus ista curæ sunt, non fuerit fortassis ingratum.

Attendit videlicet Jovem transiisse Cordi leonis ad Boream, non multum ante vesperam diei Junii trigesimæ, & Venerem corniculatam transiisse adhuc magis ad Boream, inter eam vesperam, & consequentem primæ Julii; qua etiam nonnihil conjunctionem cum Jove prætergressa fuit: cum & Luna tunc, omnibus borealior, ipsi eidem Cordi leonis instaret proximè conjuncta.

Sic Eclipses duas observavit, alteram Lunæ, alteram Solis. Et de Lunari quidem, quæ contigit die Maji decimaquarta, retulit in schedas obstitisse nubeis, ne adnotaret aliud, quàm Eclipsin cœptam, & ad quadrantem propè Diametri promotam, cum urbana horologia variè pulsarent horam nonam, ipsæque in automato haberet nonam, ac semissem; promotam verò ultra trientem, & ad semidiametrum penè, dum ex urbanis haberetur nona, cum semisse, ex proprio verò decima. At paulò exquisitiùs circa Solarem, quæ ejusdem mensis die trigesima accidit, scripsit se observasse Solem fuisse jam factum, qualis est Luna ad dichotomiam proximè accedens, cum juxta urbana horologia foret hora nona (matutina nempe) ac triens. Deinceps, quoque horâ decimâ cum triente, semisse, ac besse, visam increvisse Eclipsin; at horâ undecimâ jam imminui cœptam, & ad centrum Solis reductam. Horâ undecimâ cum besse, vix superfuisset digitum: denique

1612. nique horâ duodecimâ, minùs sexta parte, Eclipsin defuisse. Quæ com-
memoro, ut intelligas diligentiam saltem in eo non potuisse deside-
rari. Et expetiisset quidem postea observata fuisse omnia scrupulosius:
sed satis tamen peractum duxit, ut summa cum lætitia observatio-
nem compararet cum Romana quadam Lunaris Eclipsios, quam
Ioannes Remus Quietanus clarus Medicus, & Mathematicus retulit;
& cum Hafnienfi duplici, seu utriusque Eclipsios, quam celebris vir
Christianus Severinus Longomontanus, Tychonis Brahei quondam
adjutor, descripsit.

Prodiit per hæc tempora liber Italicè scriptus, titulo Squinitii, quo
libertas Veneta ab ipsis Reipublicæ fundamentis fuit discussa. Is, quia
visus est continere exiniam quandam Imperii, Gotthorûmque Re-
gum Historiæ notitiam, idcirco statim creditus fuit (quæ etiamnum
est multorum persuasio) Peireskium habere auctorem. Enimverò te-
stari licet nihil tale ipsi venisse in mentem. Quin potius sic semper
reveritus fuit Reipublicæ majestatem, quosque in illa amicos habuit,
ut ad præstandum obsequium potius, quàm ad contumeliam fuerit
comparatus. Ac non disquiro quidem an auctor hujusce libri fuerit
Antonius Albizius, nobilis ille Florentinus, qui Christianorum Prin-
cipum Stemmata ediderat ante duos annos, ut nonnullis persuasum
est; an, ut videtur verosimilius, insignis ille Marcus Velferus, cujus
sæpius meminimus, ob consummatam eruditionem, propensionem-
que singularem erga domum Austriacam. Addo duntaxat, immerito
videri quosdam suspicatos tam Gualdum, quàm Pignorium, aut con-
tulisse operas in eo opere conscribendo, aut communicasse cum Peires-
kio quos digereret commentarios. Il fuere enim magis ingenui, patriæ-
que suæ magis amantes, quàm ut ea impietatis labe commaculati vo-
luerint. Utcumque sit, Peireskius certè nihil simile unquam cogitavit.

Parisiis porrò discessurus, ac vale jam amicis dicens, recepit, inter
cætera, se ad Mericum Vicum, hieme ingruente, transmissurum par
Phœnicopterorum. Subierat quippe earum avium enutriendarum de-
siderium, non ob pulchritudinem modò alarum rubore flammantium,
(unde nostrates *Flammantem* vocant) obque proceritatem crurum, &
colli, cujus causâ à Juvenale Phœnicopterus Ingens dicitur; sed præ-
sertim ob speciem victus, quo Peireskius quasdam apud Varium edu-
catus commemorabat. Referebat enim illas noctu potius, quàm in-

terdiù capere cibum (qui ferè illis parabatur ex pane aqua madescente:) 1612.
præsentire frigus adventans, ac tum ad ignem accedere, pedibusque
etiam interdum cremari; dolente pedum altero, illius vice uti rostro,
ipsòque, & altero pede alternando incedere: dormire erectas in alte-
rum pedem, reliquo in ventrem, plumasque subducto; parci esse so-
mni, aliaque similia. In ipso discessu summopere doluit eripi sibi ex-
tremo morbo amantissimum sui Nicolaum Fabrum, qui non multos
ante dies commendarat apud Regem egregium virum Thomam Bil-
lonum operosissima illa sua, ac foelicitatis miræ Anagrammata oblatu-
rum. In itinere divexatus est magna urinæ difficultate.

Postquàm rediit nulla res æquè eum affecit, ac injuria Vario à Se-
natorum uno illata, tum ante Natalitia, tum initio alterius anni; 1613.
cujus proinde toto decursu vix à latere ipsius discessit, nisi quo octi-
duo gravi morbo laboravit sub finem Aprilis. Rediit interea Frater
Parisiis, ipseque per illum varia munera ad amicos dedit. Misit quo-
que multa in Italiam ad Paschalinum, Benedictum, alios, quibuscum
varia edisseruit, & ex quibus aliqua pro amicis aliis vicissim expetiit.
Hos inter fuit Casaubonus, itémque Henricus Polanius Monetalis
Ex-præfectus, qui postularat tum varios libros operà ipsius in Italia
investigandos, tum pondera antiqua varia, aut institutam certè ipso-
rum cum Parisiensi comparationem. Scribens aliunde Parisios, nihil
æquè fategit, ac Hannibalem Fabrotum Juris professione clarum, &
meliorum literarum studio cum primis insignem, facere tam apud Thua-
num, quàm apud cæteros amicos, quibus illius eruditio jam innotue-
rat, commendatum.

Ad eruditos alios quod spectat, Edens non multò pòst Sirmondus
in Sidonium Apollinarem Notas, constitutionem retulit, quam Cusa-
nus esse Constantini Magni, Scaliger Constantini Tyranni opinati fue-
rant; Peireskius verò docuit, ex Codice Arelatenfi, fuisse potiùs Ho-
norii, & Theodosii Augustorum, scriptam scilicet ad Agricola Præ-
fectum Galliarum de agendo singulis annis Arelate septem Provincia-
rum conventu. Deinde Jacobus Fontanus nuncupans illi Commenta-
rios in Aphorismos Hippocratis, hisce verbis inscriptos voluit, *Hunc
verò, quem in hoc opusculo condendo insumpsi laborem, tum favore lectum in lu-
cem prodire exopto, qui virtutum, & scientiarum omnium cumulo coruscans,
sugabis omnia omnium obrectatorum convitia, efficiésque ut hoc opus medicina
studiosa*

1613. *studiosis utile, sit omnibus futurum jucundum; cum ita his non tantum placeat, sed etiam reliquis omnibus, qui literarum studiis incumbunt, ut nullam sibi ipsis propriam virtutem esse putent, nisi tibi testatam, & acceptam intelligant.*

Dicatum quoque, editumque eodem tempore fuit opus à memorato suprâ Taxillo, continens Judicium de ea nova Stella, quæ colluxerat ante novem annos. Verùm Peireskii neque consilium, neque judicium probare potuit; quod ille adversus meliores auctores, etiam à se communicatos, argumentaretur Stellam sublunarem, ac suprema aëris regione non superiorem. Nimirum ferre non poterat, ut observationibus, demonstrationibusque refragantibus, quærerentur argutiæ, quibus opiniones in scholis inveteratæ stabilirentur; tanquam docere nihil dies posset, neque experimenta forent ratiociniis umbratilibus præferenda. Quocirca eodem tempore collaudavit Pacii candorem, qui rogatus sententiam ferre de Solaribus Maculis Telescopio jam observatis, ad deliberandum tempus petiit, conturbatum se asserens, & ex observationibus novis hypotheseis novas constituendas sentiens.

Sub idem tempus rumor percrebuit de Giganteis ossibus, quæ in Delphinatu reperta Rex imperavit ad se transmitti. Ferebant enim detectum fuisse in fabuloso quodam loco, non longè ab ipso confluyente Rhodanum inter, & Isaram, sepulcrum lateritium, triginta longum pedibus, latum duodecim, altum octo, cum superposito lapide, in quo hæc inscriptio, THEUTOBOCHUS REX. Addebant, sepulchro aperto, apparuisse intus Skleton humanum, longum pedes viginti quinque, cum semisse; latum ad humeros, seu scapulas decem; profundum ad thoracem quinque. Cranium observatum fuisse quinque pedum secundum longitudinem; secundum verò ambitum, decem. Spectato prodigio per integrum diem, cætera quidem ossa abiisse in cineres; at superfuisse, quæ translata nemo non vidisset Parisiis, partem maxillæ inferioris, vertebrae duas, portiones costæ, humeri, femoris, alterum femur, tibiam, astragalum, calcaneum; præter non transmissa aliquot fragmenta, ac nominatim femoris, itemque duos dentes. Memorabant etiam reperta argentea numismata, numero circiter quinquaginta, cum effigie Marii, & in averfa parte literis MA, nominis ipsius initialibus; unde & confirmatum volebant sepultum illic Theutobochum Theutonum Regem à Mario devictum, virum tantæ

tantæ Proceritatis, ut Auctores meminerint fuisse trophæis eminentiorem, & quaternos, senosque equos transilire solitum, aliaque id genus.

Porro ut Peireskii rem vertit in dubium; ita expendit quidam potuisset fabulæ locum facere, idque præsertim, ex quo libellum à Nicolao Habigoto Parisiensi Chirurgo ea de re conscriptum pellegit. Ac non hæsit quidem, quin ossa in ea regione detecta fuissent: concessit posse alicujus vetustioris Gigantis esse; at cujus esse perhibebantur, in animum nunquam induxit. Nam primum quidem, neque Theutobochus, neque illius subditi latinam linguam usurpârunt, ut excitato tumulto inscriberetur Latina vox; neque Romani, si pro sua illa hostili pietate monumentum condidissent, illud extruxissent ex lateribus (signinum certè opus non fuisset, quale ad sepulchra tunc usui non erat) sed potius, nisi ex marmore, saltem ex alio lapide, in quo & suæ victoriæ, & pietatis adversum hosteis insculptæ notæ relinquerentur: cum aliunde locum delecturi fuissent, nisi sublimem, aut faxeum; saltem non ita arenosum, atque lubricum, cujusmodi is fuerat; ne facilè obrui, aut subverti posset. Mirabatur etiam neque asservatum, ostensumque fuisse inscriptum illum Lapidem, qui Parisios sanè fuerat transferendus; neque sepulcrum relictum fuisse vel intemeratum, vel cum insignibus vestigiis; ut Dominus illius loci propagandæ ossium Giganteorum famæ curiosus, videbatur cordi habere debuisse. Suspicionem adaugebat, quòd acceptæ Cranij dimensiones perhiberentur, cum id nimirum solidum, nec cinereum existeret; & tam citò tamen, aliis ossibus superstitibus, exsolutum fuisset. Videbantur enim fabulæ auctores subveriti fuisse, ne ex accurata ejus inspectione comparationeque cum humano canio posset veritas foeliciùs exquiri.

Ad Numismata quod spectaret, dicebat illas literas designasse non MARIUM, cujus prænomen C. non fuisset omissum, neque integrum nomen MARIUS Romanorum more exprimi neglectum; sed potius MASSILIAM, tum Rempublicam, cujus, ut civitatis Græcæ, ea numismatum argenteorum forma erat propria, non ipsorum Romanorum. Quoniam verò à paucis annis, neque longè ab eo loco reperia complura hujusmodi numismata fuerant, ipsæque nonnulla ab illustri Frereo, cujus est superius facta mentio, habuerat; eam ob causam subdubitavit, num callidè, ut tempora, ita loca forent confusa.

M

Quòd

1613. Quòd Theutobochus verò legatur fuisse Trophæis procerior, arguere id quidem, fuisse illum altitudinis decem, duodecimve pedum nostrorum vulgarium, cujusmodi erant trophæa, quæ in ovationibus, ac triumphis gestabantur (idque computata gestantium, brachiorumque elatorum altitudine) cujusmodi etiam Heroum exhibebatur statura (ad humanam nempe communem sesqui altera) non verò pedum viginti quinque. Sed neque id, quod legitur de Equis quaternis, senisque, ita esse intelligendum, quasi distentis cruribus ipsos unà complecteretur: sed potius, quòd moris haberet ex uno transire in alium; hoc est, mutare sæpius equum, tamquam brevi spatio pondere lassatum. Argumento esse, quòd Florus (à quo id scriptum) prodidit illum quaternos, senosque equos transilire solitum, vix unum, cùm fugeret, ascendisse; quasi indicetur non unà deductam equorum multitudinem, uti deduci moris erat. Denique plura edisserbat & de loco victoriæ, & de triumpho, cujus pars, seu spectaculum Theutobochus fuit, & de nonnullis aliis rebus, quibus evulgato rumori habita fides elevaretur.

Obtinuit etiam postremis annis aliquot fragmenta hujusmodi ossium: sed ex illorum inspectione confirmatus magis in sententia fuit, ratus tum demum grandia ossa, quæ effossa sæpe sepulcris miramur, esse Elephantina; quasi belluarum Domini illa cara habuerint, aut fortè etiam posteritati illudere voluerint ex ea sepeliendorum cura. Opinatus est etiam, commonstrari interdum ossa, quæ effossa fuerint ex arenis, aliisve locis, ubi casu quodam fuerint obruta; cùm reperire vix liceat virum aliquem fide dignum, qui sepulcra fabrefacta oculis suis conspexerit, fidesque penes illos sit, qui divendunt, monstrant, aut se invenisse, eruisseque profitentur. Heinc optavit sæpius virum aliquem tam falli, quàm fallere nescium, in Siciliam navigare, explorareque quæ effossa non procùl Panormo Gigantum ossa perbibentur, ac specialiter Crania. Speravit enim fieri posse, ut is uteretur ingenua illa voce Suetonii, esse Capreis immanium belluarum, ferarumque membra prægrandia, quæ dicuntur Gigantum ossa. Sed hæc jam nimis.

1614. Sequutus annus feralis fuit amicorum illustrium morte. Accepit enim ex literis Aprili mense à Gualdo scriptis, obiisse & Contarenum Procuratorem Venetiis, & Lælium Paschalinum Romæ, & Veronæ Niche-

Nichezolan. Accepit etiam postmodum obiiſſe Auguſtæ optimum Vellerum, die Junij vigefima quarta; quo etiam proximè tempore Caſaubonus mortuus in Anglia. Quin ipſe quoque literis ad Natalitium Benediſtum menſe Majo ſcriptis meminit Ducis Arſchotani, tanquam antè demortui. Meminit aliàs, ut vita funſti Heidelbergæ, Marquardi Freheri Jurisconſulti, & Hiſtorici, cujus amicitiam Vellerus parârat. Nefcio an alij fuerint; ſed numerare ſolebat annum ab alio ferali quintum, ereptorum nempe ſibi capitum cariffimorum jaſturâ, numeróque infaufiſſimum.

Addebat ſibi ſolario fuiſſe, quòd inire intereà amicitiam licuerit cum aliis viris oppidò magnis. Unus fuit Ioannes Franciſcus Vidius à Balneo, Patracenſis Archiepiſcopus, & per ea tempora Avenionenſis Vicelegatus. Singularis enim deinceps neceſſitudo interceſſit, ſeu donec ille Avenione degit; ſeu cùm eſt verſatus per illuſtris Nunciũ tam apud Principes Belgarum, quàm apud Regem Chriſtianiffimum; ſeu poſtquàm factus eſt Cardinalis raræ, & ſpectatæ virtutis. Alius fuit Franciſcus Savarius Brevius, qui diù fuerat Orator Regius ad portam Ottomanicam, quique tum Roma rediens, vere novo fuit Aquis-Sextiis; ac ſecum habuit Gabrielem Sionitam ex Maronitis Libani montis, linguarum Orientalium interpretatione jam clarum, quicum etiam Peireſkius amicitiam contrahere, porróque excolere ſuaviſſimum habuit. Alius rursùm fuit Guillelmus Catellus, eximium Senatus Tolofani lumen, quicum multa communicavit, ſeu ad ſpeciale Comitum Tolofanorum hiſtoriam, ſeu univerſè ad Occitanix commentarios ſpectantia; quod ipſe etiam teſtatus alicubi eſt, Peireſkium *virum doctiſſimum, curioſiſſimumque* appellans.

Infœlicitas alia, quæ illum eodem anno exercuit, morbus fuit graviffimus, qui totos duos menſeis ſic Patrem afflixit, ut ipſe, pro amore ferventiſſimo, vix unquam ab illius lecto, cubiculove receſſerit. Allevamento intereà fuit, quòd rara nonnulla accepit ex Belgio, ac ſpeciatim iconem Iacobi Metij Teleſcopiorum inventoris, quam procuravit Winghemius, quòd obtinuit etiam Arelate expreſſam è marmore novem Muſarum effigiem; & Monſpelio aliam duarum Muſarum cum Homero in medio, & inſcriptione O M H P . . . & aliqua alia, quæ ſtatim cum variis numiſmatibus ad Natalitium Benediſtum miſit. Succidit etiam aliquas horas, quas lectioni cùm deſti-

1614. nasset, infumere præsertim voluit pellegendæ expendendæque Provinciali Historiæ, quam tum edidit Cæsar Nostradamus. Ut verbum autem adjiciam de illius examine, non prorsus quidem probavit sty- lum magna parte poëticum: non etiam fidem habitam commentariis nescio quibus, adversus quos authentica quædam monumenta exsta- rent: non aliquos metachronismos, & annorum initia Kalendis Ja- nuarii constanter tributa, cum potius ad Incarnationis Dominicæ diem spectarent: non antiquam nobilitatem novis hominibus quæsi- tam, antiquis verò familiis ereptam, aut præteritam; non aliqua id genus alia. Verùm cum ista excusaret, quod Author omnia pervide- re non potis, fidei alienæ sterisset; commendavit pium consilium, laborémque sanè ingentem; & candorem plurimi fecit, quo ille ma- luit Comitum Provinciæ seriem à Gilberto incipere; de quo indubia fide constat; quàm à Bosone illo, de quo, ejusque ad Gilbertum us- que successoribus adeò sunt variantes sententiæ.

Prætereo autem ut Peireskii etiam ipsi caligini ex ipsa fide instru- mentorum, actorumve authenticorum adferre lucem studuerit. Ad- notavit enim Rothboldo, qui ante annum millesimum fuit, successisse non modò Bosonem (de cujus progenie nihil, præter Rothboldum filium, comperit) sed alium etiam filium nomine Willelmum, qui ipse filium cognominem, & unà cum Gauzfredo fratre Comitem re- liquerit. Successisse illi Bertramnum, qui partim cum Gauzfredo patrio, partim cum patruele Willelmo regnârit. Bertramno natum alium Willelmum, aliumque Gauzfredum, qui Cōmes etiam fuerit. Et probabile quidem esse fuisse Gilbertum Willelmi filium; sed ad id statuendum non suppetere instrumenta, cum etiam Franciscus Cla- perius Odonem interjiciat. Quanquam de isto Odone hæsit, quem ille regnasse scribit ab anno supra millesimum trigésimo nono, ad us- que nonagesimum: cum annis intermediis, ut quadragesimo secun- do, sexagesimo tertio, & aliis regnasse Willelmum, Gauzfredumque comperisset; & anno etiam nonagesimo præter Gilbertum, fuisse unà Comitem Provinciæ Raymundum Sancti Ægidij, qui fuerit fortè fi- lius Gauzfredi.

Prætereo quoque, ut deinceps plurima observaverit, in quibus tam Claperius, quàm Nostradamus sint hallucinati. Illi enim, exem- pli gratiâ, fecere Gilberti, & Tiburgidis filiam, non modo Dulciam, quæ

quæ Raymundo Barcinonis Comiti nupsit: verum etiam Phaëtidem, 1614.
 quæ Ildefonso Comiti Tolosæ; ut hac ratione Provincia inter Ray-
 mundum, & Ildefonsum fuerit divisa, anno, ut supra attigimus, cen-
 tesimo vigesimo quinto; cum tamen Phaëtis fuerit potius filia Ray-
 mundi Sancti Aegidii, Comitissæque Alviæ; adeo ut divisione illa id-
 circò minor pars Provinciæ Phaëtidi obveniret, quod compensatio
 fuerit facta cum Ruthenensi, ac Givaldensi Comitatibus, quos Dul-
 cia ex Matre Tiburgide tulerat. Fecere illi rursus ex Dulcia progeni-
 tum alium Gilbertum, & ex hoc Gilberto Stephanitidem, quæ nup-
 serit Raymundo Baulcio; cum is tamen Gilbertus secundus nullus fue-
 rit, & Stephanitis fuerit non ipsius filia, sed Gilberti illius primi, at-
 que unici, ac soror proinde, & non neptis Dulciæ, licet non ex Ti-
 burgide, sed ex uxore alia, seu Geriberga, seu Francisca. Plura me-
 morare importunum foret: cum hæc attigisse sufficiat, ad designan-
 dum studium, quod Peireskius interposuit tum amicorum calibus,
 tum paternæ infirmitati.

Parum porro abest, quin ad eundem annum referendus sit sævis-
 mus morbus, quo conflictatus ipsemet fuit. Videlicet mense Novembri
 Rocca-brunam profectus est, oppidum prope Forum Iulii, unum ex eo-
 rum numero, quæ solvendo æri alieno imparia, ipsum fundis redimebant,
 instituta speciali Classe Disceptatorum, & Judicum, quibus Peireskius
 erat conscriptus. Et quoniam constituerat non prius in urbem redire,
 quam perfecta essent præscripta negotia; ideo postulavit licentiam
 perseverandi à Vario, qui literis variis amore plenissimis se illius ab-
 sentiam ferre graviter testabatur. Postulavit etiam à Patre, qui invi-
 tâtat illum ad nuptias Susannæ sororis, à memorato Seguiranno in
 uxorem ductæ, sequente Januario. Ac interfuisset quidem lubens, 1615.
 absente præsertim Valavesio, quem Nobilis Provinciæ ordo ad ge-
 neralia Franciæ Comitata, Rege jam majore quatuordecim annis, Pa-
 risios destinaverat: sed valetudini consulens abstinendum duxit ab iti-
 nere, illa præsertim tempestate.

Ad morbum autem ut veniam, regrediebatur sub vespere Kalen-
 darum Februarii ex pervetustis nescio quibus monumentis intervise-
 dis, cum animadvertit atram nubem ex hiemali ortu sensim proce-
 dentem; monitusque ut maturaret, vix maturè satis pervenit ad oppi-
 dum. Exhalabat illa foetorem propè intolerabilem; adeo ut conje-
 cerit

1614. cerit exortam fuisse ex Strongyle, cæterisque Vulcaniis, quarum fuissent igne commota, perturbataque interanea. Eadem paullò pòst, & nocte sequente eam effudit grandinis copiam, quæ die altera libertatem incedendi præcluserit, nisi quæ priùs egereretur. Die tertia supercidit nix, quæ totam Provinciam ita occupavit, ut meminerim me tum ex hac urbe pergentem Aquas-Sextias, fuisse treis dies totos ad Valentiolam detentum; tantâ scilicet ejus copiâ itinera obruta erant. Cæterùm Peireskii ex eo tempore infandis fuit doloribus universo
1615. propè corpore correptus; sed ad dorsum potissimùm, secundum ferriem vertebrarum. Heinc neque lecto decumbere, neque sedere ad cathedram, neque pedibus consistere potuit. Durabat solùm aliquantisper, cùm duo famuli sese heinc inde supponerent, sustentantésque humeris, ad incedendum adiutarent. Non postremus verò ex vigiliis penè continentibus labor; adeò in somnum erat proclivis, adeò, quocumque statu esset, doloribus excitabatur. Translatus Aquas-Sextias, vix quidquam melius habuit reliquo anni decursu toto. Caput illi totum nudatum, eoque casu effectum est, ut pro capillis densis, rigidisque, quos eò usque habuerat (sentiebat nempe inter mirandum, hærescendumque ipsos attolli, ac pileum etiam subvehere) rariores simul, ac molliores, & suborti fuerint, & deinceps perseverârint.
1616. Et jam quidem accedente vere anni millesimi sexcentissimi decimi sexti convalescere videbatur, cùm supervenêre hæmorrhoides, quibus fuit acerbè vexatus. Non morbus tamen sic discruciauit, ac obstaculum propemodùm factum, ne exhiberet Vario, quod destinaverat obsequium. Quippe Varius jam aliquoties à Rege vocatus, ut Nomophylaciæ, sacroque Sigillo præesset, tum demùm in Aulam discessurus erat; ac jam tota Provincia, ut abeuntem velut parentem prosequeretur lacrymis, Aquas-Sextias convenerat, cùm morbus ille visus est solum Peireskium remoraturus. Laborabat porrò decimum jam diem, cùm Varius illum invisens, & valere jussit, & clavim, curamque librorum, ac cimeliorum concredidit. Ipse autem lecto confurgens, & aliquo-usque comitarilecticâ volens, tentavit primùm, si vel tantillùm equitationis patiens foret. Rem semel expertus, eam sibi paullatim virium accessionem sensit fieri, ut vix pauca milliaria cogitare initio ausus, totum denique iter conficere par fuerit.
- Nihil hîc opus commemorare quanto cum applausu à Rege, ac Regina

gina Matre, & à viris Principibus, magnatibus, omnibûsque bonis exceptus fuit Varius, quàm generosè protestatus, sacramentum præstiterit Regii Sigilli dispensandi; qua deinceps constantia, integritatēque defunctus fuerit eo munere. Consentaneum solùm dicere Peireskium fuisse ipsi semper summas inter curas magnum lenimentum; & quemadmodum cætera, sic specialiter adnotasse, descripsisseque quicquid illi memorabile accidit. Proximum proinde delegit hospitium, ut (quod solebat Aquis-Sextiis) posset cum ipso singulis diebus & leviores illa cœna comestari, & supremis illis horis, quibus ferè solis vacabat, congregi familiariter. Consentaneum quoque referre Peireskium eam sibi legem edixisse, ut nullam unquam Vario commendaret causam, nisi virorum literatorum. Id etiam in Provincia perquam rigidè observârat, veritus semper ne foret viro, sui licet amantissimo, importunus. Exceptos autem semper voluit benè merentis de literis, ingenuisq; artibus viros; tum quia sibi temperare illorum ergo non poterat; tum quia nôrat Varii genium, qui ut erat æqui servantissimus, ita non ferebat cultores Musarum anfractibus illis forensium contestationum distineri.

Heinc patens, magnûmque asyllum literatis omnibus fuit; quando ad ipsum concurrerunt quotquot in Aula, ac præsertim referenda ad Varium habuere negotia; nemòque unquam abiit, cujus patrociniûm non fuerit ab eo cum alacritate susceptum. Qui primus est statim initio sollicitudinem illius expertus, fuit memoratus Ioannes Barclaius, qui post editum de summo Pontifice opus, nec jam solitâ apud Regem, suosque pollens gratiâ; quam primum accepit Peireskium accessisse Parisios, subduxit sese ex Angliâ, & in amici sinum prorepit. Ipse verò non modò illum excepit perhumaniter; sed egit etiam ut Varius complecteretur, tuereturque. Discessuro Romam, literis prævit ad amicos omnes in itinere, effecitque ut varia exhiberentur officia; ac Massiliæ præsertim, à sibi affine Balthasare Viassio, inter Latinos Poetas hujusce ævi celebri, qui illum per aliquot dies detinuit, ac fovit, & apparato navigio rebus necessariis instructum dimisit. Prætereo fuisse Peireskio sollicitudinem non minorem circa Barclai uxorem, filium, & Io. Ludovicum Debonærum uxoris germanum, cum quarto post anno profecti Romam ad illum sunt.

Quod etiam statim in bonarum literarum gratiam peregit, fuit editio

1616.

editio Inscriptionis, quâ Romæ effossâ ad portam Capenam, continebatur elogium Lucii Scipionis Barbati filii, ob Corsicanam expeditionem. Quippe non prius ab Aleandro, & Pignorio exemplum habuit, quàm laboravit non leviter, ut quantum posset, illustraretur. Existimavit enim vix ullam antiquiorem ostendi posse, aut aliam formâ characterum vetustiore existere; constructionem Grammaticam à vulgari quidem abhorrire, at sæcula tamen prisca sapere; denique edoceri res, ignotas alioquin mansuras; ut quò referri deberet illud ex Ovidio inexploratum,

Te quoque, Tempestas, meritam delubra fatemur,

Cùm penè est Corsis obruta classis aquis.

Inscriptio enim sic habuit, HONC. OINO. PLOIRUME. COSENTIONT. R. DUONORO. OPTUMO. FUISE VIRO. LUCIOM. SCIPIONE. FILIOS BARBATI. CONSOL. CENSOR. AIDILIS. HIC FUET. A. HEC CEPIT. CORSICA. ALERIAQUE. URBE. DEDET. TEMPESTATIBUS. AIDE. MERETO. Itaque cùm ipsi maximè placuisset illa Sirmondi interpretatio, qua probatum est Inscriptionem hanc esse anni ab urbe condita CCCCXCIII. Sicque anno solum posteriorem inscriptione Duilliana, sive columnæ Rostratæ, habita hûc usque pro omnium vetustissima; idque præter explanationem orthographiæ, phraseos, rerumque in ea contentarum; ita nimirum legendum censuit, HUNC UNUM PLURIMI CONSENTIUNT ROMÆ BONORUM, OPTIMUM FUISSE VIRUM, LUCIUM SCIPIONEM. FILIUS BARBATI, CONSUL, CENSOR, ÆDILIS HIC FUIT. HIC CEPIT CORSICAM, ALERIAMQUE URBEM; DEDIT TEMPESTATIBUS ÆDEM MERITO: idè ipsam quoque edi procuravit, sed tacito tamen nomine Sirmondi, quòd ille, præ modestia, referre eam laudem noluisse. Enimverò illius nomen Peireskii non reticuit; cùm missitatis quoquoersum exemplaribus, literas ad amicos dedit. Heinc mentionem fecit ipsius Seldenus erudito illo de D I s Syris opere; inscriptionem secum communicatam dicens à Cottôno, cùm is habuisset, è Gallis, inquit, à Nicolao Fabricio Petrisco, viro & genere, & eruditione clarissimo. Itémque mox antè nominatus Aleander, qui editione Romæ iterata, & additamento facto, respondit ad difficultates deinceps objectas. Cùm porrò, inter cætera, mirum videretur mentionem nullam ejus triumphî, quem Scipio egit, fieri; subditum ab Alean-

Aleandro est, Vir sanè perspicacissimus, ac literatorum non minùs, quàm lite- 1616.
rarum amans Nicolaus Fabricius Peireschi Dominus, desiderari meritò suspicatur
alteram L. Scipionis Inscriptionem huic nostræ geminam. Grandi enim mole se-
pulcra apud veteres exadificabantur; neque existimare absurdum est, ab uno qui-
dem latere hoc elogium, ab alio marmor itidem fuisse aliud, in quo triumphus me-
moraretur, etasque, & dies obitus, &c.

Hæc, & id genus alia moliebatur Peireskius, cùm à Vario, No-
vembri mense, Sigillum repetitum est, perillustriſque ille vir fuit in
privatam asertus vitam. Peireskius porro, qui in eo, non tam splen-
dorem muneris, quàm eminentiam virtutis spectabat, noluit unquam
deferere; indignum ducens facinus, si qui perstitisset in prospera, re-
cederet in adversâ fortuna. Quamquam testari de viro solebat, duxisse
illum semper hunc casum non infœlicem, infaustumque, sed fortuna-
tissimum; ut quo solo posset exoptatam diù tranquillitatem adipisci.
Quare & magna alacritate restituisse depositum; & redeuntem ex
Regia, voluisse paulò uberiùs unà cum Malherbio, ipsòque Peires-
kio (tanquam negotiis nihil jam inturbantibus) cœnare; & seces-
su factò, placidissimè, jucundissimèque cum libris, amicis, eruditis
viris, conversatum fuisse.

Fuère per id tempus Riantiensia negotia Parisiis Tolosam transla-
ta; fraterque Valavesius sub anni sequentis initium eam in urbem 1617.
profectus est. Tametsi verò ipse quoque illeic desiderabatur, pluri-
mumque suâ præsentia expectabatur profuturus: attamen adduci
non potuit, ut, quantumcumque negotia periclitarentur, dimitte-
ret virum. Nec verò putes illum propterea rei literariæ dimisisse cu-
ram. Siquidem innumeram propè librorum multitudinem ad erudi-
tos partim ultrò, partim requisitus quoquoersum misit; uti in Ita-
liam, ad Pignorium, Aleandrumque, & ad Scipionem Cobellu-
tium; tum primum purpurâ donatum, renuntiâtumve Cardinalèm,
titulo Sanctæ Sufannæ; cui est quoque non multò pòst Vaticanæ Bi-
bliothecæ gratulatus custodiam. In Angliam verò ad Camdenum,
Seldenumque, & alios, qui ipsum seriò interpellârunt, ne literatæ
hominum nationi invideret diutiùs eruditæ suas in Nummos anti-
quos, & in Galliam Narbonensem observationes. In Hollandiam au-
tem, cùm ad cæteros, tum potissimùm ad Thomam Erpenium, Ara-
bicæ linguæ Professorem celebrem; adjecit verò libris, literisque
N Arabicos

1617. Arabicos nummos, in quorum interpretatione minùs comperta adjutaretur.

Prætereo ut vicissim multa expetita acceperit; uti ab Alexandro, modulum Congii Farnesiani, cum literis, quibus ille scripsit revocasse se ad examenaquam Tiberinam, fontanam, & alias; ac post multiplicem comparationem, discrepantiam in pondere reperire nullam potuisse. A Nicolao Alemanno Vaticanæ Bibliothecæ ante annum præfecto, notitiam Poëtarum Provincialium. Ab Andrea Bruggioto, supplementum Indicis MSS. Græcorum, qui in eadem adservantur. A Pignorio, breviarium vitæ, ac tempus, quo obierat Ludovicus ille Cornarus, qui sibi sua sobrietate adeò longævam, vividamque senectutem effecerat: scripsit enim sepultum Paduæ, postridie Nonas Majas, anno supra millesimum quingentesimo sexagesimo sexto. A Jacobo Colio, librum, cum excusatione, quòd non alia illustratione ipsius nomen expressisset, quàm appellando *Nobilissimum Gallum*. A Sandero, elogiaz; à Ioanne Meursio, varios ejus factus; à Willerio, genealogica: à Winghemio, botanica, & ab aliis alia.

Cœpit etiam ex hoc tempore apparare Notas in Kalendarium Constantinianum, quod post annos septemdecim Ægidius Bucherus Societatis Jesu transtulit totum in commentarium Canonis Paschalis Victoriani, à pagina nempe ducentesima trigesima sexta, ad usque ducentesimam octogesimam octavam. Et non requiro quidem modum, quo obtentæ schedæ, & cum viro eximiè bono, eruditòque communicatæ: hoc solum moneo, illas aliunde non fuisse exscriptas, quàm ex perraro Codice, qui Peireskii fuit, ac etiamnum in illius Bibliotheca asservatur. Egit autem multis de eo tam cum Aleandro, quàm cum aliis plerisque eruditis viris, qui ipsius evulgationem summo perè desiderarant; quoniam thesaurus visus est ingens, corrigendis fastis, emendandæque tam sacrae, quàm prophanae Chronologiæ. Exempli enim gratiâ, observare in eo licet Consulatum Probi, & Paterni, non fuisse in fastis illis præterminissum; qui præterminissus ab Onuphrio, illum in errorem unius anni induxit; neque etiam antecedentem, qui simul omissus à Baronio, errorem fecit duorum annorum circa Christianam Epochen, uti est à Scaligero, & Setho Calvisio notatum. Sed ne confectus id genus alia, obiter exinde perspicies, quid sibi eruditus vir Jacobus Godofredus voluerit, cum post annos undecim

Geo.

Geographum Anonymum edens, neque Peireskium nominare ausus, 1617. ob non impetratam licentiam circa editionem Kalendarii, commutatam ea de re in præfatione Periodum hujusmodi verbis conclusit. *Si quid intra unius, aut alterius pagella angustiam concluditur, non eò minus est maximi momenti; cujusmodi etiam veteres Notitias, & Consularia propediem expectamus.*

Hæc inter, dolor infandus fuit, quo mortem excepit amicissimi capitis, Jacobi Augusti Thuani. Vix certè unquam sine suspiriis meminisse illius potuit, vix unquam sine elogio; quippe continuò illum dicens, quem & avitæ nobilitatis decus, & singularis erga Deum, Patriam, Principem suum pietas, & doctrina eximia, summusque erga literatos, ac probos omnes viros amor, & inexhausta bonitas, morèque candidissimi, verè *Dei* reddidissent. Solatio fuit primum nobilis Progenies, in qua jam manifesta erant virtutis paternæ, avitæque femina; & maxime quidem in Francisco Augusto natu primo, qui vix ingressus adolescentiam, præ se jam ferebat animum Senatorium; & quantum Parens calamo ex toto orbe descripserat, tantundem ipse oculis haurire coràm destinabat. Deinde commissa Bibliothecæ cura nobilibus illis, atque eruditis Petro, & Jacobo Puteanis, Claudii Senatoris Parisini filiis, proxima cognatione cum ipso conjunctis; qui, ut literatis omnibus semper affulserunt, & gratificati sunt, ita semper Peireskio conjunctissimi exstiterunt. Speravit nempe, id, quod evenit, ipsis eam animantibus, Thuani genium superfuturum; & nobilem Musarum sedem, ex ingeniorum lectissimorum confessu, & frequentia, quam ipsorum candor, & antiqua fides conciliarèt, agnitam fore. Contigit ea mors sub initium Maij.

Cùm Varius autem ineunte Junio restitutus fuisset, ingenti applausu, suo Muneri; perseveravit Peireskius, neque ab eo abfuit, etiam in Comitibus virorum Notabilium, qui è tota Gallia convocati, confedere Rhotomagi, sub Novembris finem. Procuracionem in iis egit communis sui Senatus causæ (ac potissimum circa jus, ut appellant, annum, seu pensionem, qua Magistratuum munera fiunt hæreditaria) unà cum viro bono, & collega amico Honorato Agutio, qui ad eadem concesserat. Non modò verò adnotavit quicquid in eisdem consultum, decretum, peractumque est; verum etiam, quia ex universa Gallia selecti viri convenerant; ideo non commisit, ut quisquam rediret

1617.

in suam Provinciam, quin illum aliquo officio demereri adnixus fuisset, & repetitis colloquiis plurima (nisi potius omnia) in ejus regione singularia addidicisset. Unum, quod permolestè tulit, fuit mors Nicolai Neovillæ Villaregii, inclyti illius à Secretis Majestatis primarii, à quo unice amabatur, quique etiam apud Varium, atque omnes bonos desiderium sui maximum reliquit. Habuerat ille magno in pretio virum eximie probitatis, prudentiæque Eliam Deodatum, quem sanè ipse quoque Peireskii non potuit ex eo tempore non suscipere plurimum, non impensè diligere: siquidem, præter cæteras dotis, commune illi cum ipso fuit, nullum non virum doctrina conspicuum totâ Europâ demereri. Cùm rediret postea, sequente Januario, transire voluit Lexoviis, ut suâ industriâ temperaret quædam Capituli jura adversus Episcopum; idque in gratiam Varii, Episcopatu recens donati.

1618.

Parisiis reversus, nihil potius habuit, quàm Regium stemma vindicare à technis cujusdam Theodorici Piespordii, Archiducibus, seu Principibus Belgii à Secretis, qui, imitatus Jacobum Valdesium, Hispanum consiliarium, conatus est Austriam familiam mascula serie à Pharamundo Francorum Rege deducere, atque idcirco Franciæ Regnum Catholico, seu Hispano Regi ipso successionis jure vindicare. Videlicet ab anno usque superiore ediderat stemma Habsburgi-Austriacorum Principum, seu Genealogiam Austriacam, per nobilissimos Habsburgi Comites ex prima Regum stirpe deductam; illiusque exemplum ante Natalitia missum à Winghamio ad Peireskium fuerat, missio prius alio, ac Regi oblato per Archiducum Oratorem; quod Peireskii non poterat, tanquam indignum facinus, non iniquo animo ferre. Ad refellendum autem imposturam, faciliè detexit imprimis nullam Chartam authenticam, nullumque Authorem citari centum & viginti annis superiorem; ante id videlicet tempus, quo Trithemius, & alii Maximiliano Imperatori assentantes, prolixam illam Avorum seriem, non consentientes licet inter se, pertexere non erubuissent. Deinde, cùm Sigebertus Austrasius, unus ex filiis Clotarii Regis à Pharamundo septimi, delectus fuerit, à quo familia Austriaca deduceretur; nulla ratione ostendi potuit integra illius successio ad Habsburgicos usque Principes; quos aliunde Piespordius per absurdè, ac perperam ante annum Christi septingentesimum vigesimum sic

fic nominaret ; cùm Habsburgum conditum solùm anno supra mille- 1618.
simum vigesimo septimo constet. Argumentabatur etiam Peireskius,
quamobrem illi Principes , qui ex Sigeberto orti fingerentur , quique
vixissent tum Pipini , tum Capeti temporibus , conquesti nullo mo-
do fuissent injuriam sibi fieri , tanquam ex Pharamundi stirpe supersti-
bus , & successione legitima ad Francorum sceptrum vocatis ?

Verùm quia tamen Comites Habsburgici secundùm lineam ma-
sculinam ex Regum nostratum stirpe descendissent , noverat tamen
Peireskius ex actis Murensis in Helvetia monasterii nuperrimè editis
perspicuè probari Principes Austriacos serie duntaxat sceminea ad
Habsburgicam familiam spectare , masculâ verò pertinere ad Tier-
steinicam , cujus Piespordium , & alios supputere non debuisset ; id-
circo magna contentione , & repetitis literis curavit , ut amicus sibi ,
& nominatus jam antè Vicus tum legatione Regia ad eas parteis fun-
gens , dextrè obtineret authenticâ formâ Actorum Exemplum , quod
posset inferri in Chartophylacium Regium (adeò verebatur ne Auto-
grapho sinistri quidpiam contingeret) ac præsertim antiqua illa , quæ
præfixa Actis erat Principum Monasterii fundatorum Genealogia.
Re jam in tuto collocata , procuravit sollicitè iteratam editionem tum
Actorum omnium , tum maximè ejus Genealogiæ , quàm , ne unâ
quidem syllabâ additâ , vel demptâ , redegit in perspicuum schema.

Ex eo autem statim patescit Wernerum Comitem Habsburgi , qui
obiit anno millesimo nonagesimo sexto , filiam habuisse nomine
ITAM de Tierstein , sive Homberg , hoc est , more loquendi Ge-
nealogistæ , Rudolpho Tiersteinico , sive Hombergico nuptam ; quæ
Wernerum genuerit , Patrem Alberti , Avum Rudolphi , Proavum
Alberti alterius , Abavumque alterius Rudolphi , qui fuit ejus nomi-
nis , & familiæ Austriacæ Imperator primus . Et mira sanè est indu-
stria , qua tam Franciscus Guillimannus , quàm ipse Piespordius ,
Wernerum Itæ filium sic dissimulant , quasi ille fuerit non ipsius Itæ ,
sed fratris ejus filius ; de cujus tamen progenie nulla usquam mentio :
ut neque Adelberti alterius fratris , ex quo successio Habsburgica ad
familiam Tiersteinicam , seu Hombergicam transiit . Sed nempe ad-
versari fidei manifestæ non puduit , & ita variè comminisci , ut Guil-
limannus quidem fecerit Itam Ottonis sororem , neptem ; & Pies-
pordius sororem , uxorem , nurum , & sororis neptem ex Wernero

1618. Tiersteinico. Et sic quidem Peireskiius latabatur se præsecuisse anam adulatoribus illis Genealogisticis; ac tantò magis, quantò Guillimannus magnam se fidem habere dixit Actis illis Murenſibus, ipſumque Guillimannum duobus annis poſt delegit Gaſpar Scioppius, quem in ea parte ſteinmatum Auſtriacæ domus ſequeretur.

Non memini porrò, an hæc, an alia ipſi cauſſa fuerit inviſendi Rhemis Capitulare Archivum, Canonicis diplomate juſſis aperta ipſi facere acta, & tabularia omnia; exhibere duo quædam inſtrumenta præcipua, magni momenti res continentia. Id memini, habitum ipſum penitiòris hiſtoriæ Gallicanæ ſcientiſſimum, ac editum fuiſſe ab eo ſpecimen, cujus, præter ipſum, alios habui enarratores. Cùm enim menſe Martio contigiffet illa memorabilis Baſilicæ Curia conflagratio, ad cujus ſpectaculum unà cum Jacobo Gilloto Senatore optimo intempeſta nocte accurrit, deduxit eò deinceps quotquot penè erant in urbe eruditos viros, ut conſiderarent Regias ſtatuas, quæ truncæ ſupererant, cæteris in calcem converſis. Et cùm nemo dicere poſſet, cujuſnam eſſet Statua, quæ etiam ante incendium præfecto vultu fuerat viſa; ipſe ex ſuperante uno loculamentorum, ediſſeruit jam fuiſſe Henrici Angli, quam Carolus ſeptimus mutilare contentus fuiſſet, neque omninò deſeciffet, tanquam locum deſtinans ſuæ alium à loco, quem ſtatua uſurpatoris occupaviſſet.

Nec modò verò ſpecialem illam adverſus Pieſpordium, & alios navatam voluit operam; ſed quo affectu proſequebatur, & ſacræ Regiæ Majeſtatis, & Francici nominis gloriam, meditatus eſt ex eo tempore editionem Auctorum omnium, coætaneorumque præſertim, qui Francorum originem, Hiſtoriâque ſcriptis mandârunt. Tum quia nôrat plurimos adhuc in variis Eccleſiis, Monafteriis, ac Bibliothecis privatorum aſſervari ineditos; conquirendi curam aſſumpſit; & (quoniam ipſi non vacaret) communicandi cum Andrea Duchefnio Hiſtorigraphorum diligentiffimo, ipſo quoque ex eo tempore ad id animato. Is apparabat editionem Hiſtoricorum Normaniæ: Peireskiius verò, ut ſuam illi ſagacitatem, & diligentiam argumento quodam probaret, quæſivit, ac obtinuit à Roberto Cottono Anglo tum Anonymum, de geſtis Emmæ Reginæ Anglorum; tum Guillelmum Piſtavinum, quos ipſe brevi poſt adjunxit, teſtatùſque eſt, Camdeni interventu tranſmiſſos, *Ad virum*, inquit, *Ill. & de literis*
bene

benè meritum, D. Nicolaum Fabricium de Petrisco Regium in Aquì-Sextuensi 1618.
 Provincia Curia Senatorem, mihi summo amicitia vinculo carissimum.

Quoniam verò Fronto Ducæus parabat. eodem tempore editionem Codicis Græci, literis majusculis scripti, magnâque Bibliorum partem continentis; & ea quidem antiquitate, ut diceretur correctus manu propria Origenis, attestantis cum Tetraplis mage vetustis fuisse collatum: idèò cùm Peireskius probè meminisset exstare apud eundem Cottonum MS. Græcum pretiosissimum, ab usq; Theodosij temporibus, caractere etiam majusculo exaratum, & à Rege Jacobo mille aureis coemptum; idèò, inquam, ut ea editio ex collatione fieret completior, scripsit, misitque in Angliam, & fide sponsioneque data, Codicem obtinuit, cùmque Frontone communicavit.

Autumnus porrò fuit ejus anni, cùm nominatus est à Rege in Abbatem Sanctæ Mariæ Aquistriensis in Aquitania. Quam operam ejus occasione præstari Romæ oportuit, contulere ultrò Cardinales varii, ut Cobellutius, Ursinius, & (qui postea fuit) Marquemontius; sed nullus tamen studiosius, quàm Maffæus Barberinus, qui deinceps fuit, ac etiamnum vivit summus Pontifex. Nempè ex eo jam tempore necessitudo intercessit, exultaque est literis, ultrò, citròque sæpiùs datis. Occasionem fecit perelegans Ode à Cardinali in Beatam Magdalenam composita, cujus initium, *Immixta pennis versicoloribus*. Cùm enim Peireskius illius exemplum ab Aleandro accepisset, mirificèque ea delectatus, applausum etiam ab omnibus, quibuscum eam communicarat, eruditis viris tulisset; impetravit, eodem Aleandro intercedente, licentiam, ut typis mandata ampliùs vulgaretur. Distractis exemplaribus, placuit iteratò poëma edere, sed grandiore forma, ut posset & ad Sanctam Balmam (rupem, ac Ereum pœnitentiâ B. Magdalensæ insignem) & per Ecclesias, sacellaque reliquæ Provinciæ appendi. Quinetiam rursùs edere visum, postquàm procuravit ab eodem in gratiam S. Ludovici Franciæ Regis Oden contexi, cujus est initium, *Objectu gemini maris*; & post conditas etiam alias, quas obtinere licuit Aleandro, quasi suffurante.

Sub anni finem celebris in cælo Cometes effulsit, ad quem observandum adhortatus est quotquot novit industrios viros. Ipse destitutus organis idoneis, & cùm se multùm credere cælo, ob inavetudinem, non auderet, alia ratione non attendit, quàm Telescopo capitis

1618. pitisformam, & diversitatem à cauda discernens, caudamque ipsam comparans cum Solaribus radiis per fenestellam trajectis. Lætatus autem postmodum est, cum accepit potuisse non versanteis Aquis-Sextiis paullò post diligentius omnia observare. Ut pauca ex iis feligam, in illorum gratiam, qui scire hæc volent, Apparuit Cometes à Novembris fine in medium Januarium; & quia emerisio fuit matutina, idcirco cauda sursum nitens aliquot diebus visa est, priusquam caput conspiceretur. Caput fuit subpallida stella, quantæ sunt fixæ primi honoris (sed non illarum instar scintillans) rotunda, quæ Solem spectabat; crispata, quæ erat aversa. Cauda, seu Crines, radiatio fuit tenuior, & paullò candidior, longa initio octantem coeli, & lata ad extremum, (quæ etiam nonnihil primis diebus versus austrum deflectebatur) sextantem propè prolixitatis. Apparitio Capitis prima, quæ Scorpius brachia contrahit, fuit; desitio, quæ Draco Urfas dirimens, postremo loco explicat caudam. Scilicet præter motum diurnum, quo Cometes Siderum instar oriebatur, occidebátque, progressus est etiam motu proprio à meridie in boream; sed ita tamen, ac si cœpisset à medio Scorpione, secuissétve ibi Solis orbitam, cum inclinatione ad occasum graduum proximè sexaginta trium. Cum initio verò is motus esset dietim duorum graduum cum besse, factus est sub nonas Decembris velocior gradu integro; deincepsque ita decrevit, ut tandem elanguerit; uti etiam cauda, quæ fuit illis iniitijs adèdè proluxa, ita sensim contracta est, ut evanuerit denique unà cum capite confusa.

Peireskii, hac re intellecta, parùm absuit, quin Kepplero assenserit, existimanti illum motum trajectionem fuisse rectilineam, quæ facta fuerit proxima nobis, cum velocissima apparuit; neque diurna revolutione impediri potuerit, quasi ea foret ipsi afficta ex revolutione Telluris: aliunde tamen, ut agnovit non esse Cometam halitum terrestrem, sic persuadere sibi non potuit, vel eructatum fuisse à Sole, vel concrevisse ex aura ætheria. Concessisset lubentius in eam Senecæ opinionem, quæ statuit Cometæ non minùs perpetuos, quàm sidera perpetuò visa; adèdè ut iste, cum est conspectus, non recens fuerit genitus, sed recens apparuerit; nec interierit exsolutus, sed ob immensam longinquitatem videri tandem desierit. Res tamen ipsi visa est dura, finitum esse mundum persuaso; facilièque solùm admisit, quòd

quod ex observatis demonstratum est, trajectionem Cometæ fuisse non modò superiorem Luna, sed vix etiam Sole ipso inferiore. 1618.

De directione caudæ Cometæ in plagam Soli oppositam, non est cur aliquid addamus; cùm præsertim locus non ferat, ut edisseratur, quamobrem ab exquisita oppositione, & nunc quidem ad dextram, nunc verò ad lævam, cum inæquabili quadam deflexione recesserit. Non est etiam cur de præfagiis; cùm non postremum sit argumentum imbecillitatis humanæ, ad ista expavescere, quibuscum res nostræ commercii nihil habent. Mirum, cur saltem Deo non credatur, dum à signis cœli nihil metuendum jubet; scilicet ipse signa non faciens, ex quibus non expositis, quid futurum sit, caveri non possit. Nisi autem Deus Cometam calamitatum signum constituat; unde-nam esse in Cometa potest aut futurorum notitia, aut affectus significandi? Annon ille suam pergit viam, ut naturalia cætera; parùmque ejus interest, quid humanæ gentes inter se moliantur? Ac iste quidem dictus est portendisse cladeis postmodum sequutas: sed nempe antè non fuerant bella, pestes, ac Reges mortui? nullæ jam viginti pòst annis excitantur tragœdiæ? Referunt adhuc ad Cometam: verùm erit cur pari jure exoriturus referant turbas, quousque novus Cometes sit, qui oblivionem istius creet, tametsi antè centum annos appariturus non fuerit. Attamen digredimur nimis.

Nihil non deinceps egit Peireskius, ut tam specialis, quàm generalis Orbis descriptio perageretur. Nam primò, ut studiosè fovit, sic non leviter animavit Petrum Bertium, tum ex Hollandia primum adventantem, ut Geographicas illas suas molitiones in lucem daret. Deinde, quia tum prodiit illa orbis Terræ descriptio secundum septem climata, & Nubiensis Geographia à Gabriele Sionita (qui textum Arabicum est interpretatus Latine) inscripta; curavit statim Peireskius, exemplo ad Cluverium misso, condi ab ipso Tabulam, qua locorum situs juxta hanc Geographiam expressi intelligerentur. Ad hæc, quia perhibebatur Joannem Mærium, navarchum Hollandum, detecto spatioso, & tranquillo freto ad ortum Magellanici, observatisque novis rebus regionibus, ac populis, circumnavigasse scèliciter orbem, nec velle tamen, certo consilio, observatorum narrationem publici juris facere, idcirco tantùm advigilavit, ut à Gulielmo Schuttenio, nauclero præcipuo, Navigationis totius diarium obtinuerit, quod

1619. quod latinitate donatum edi illicò procuravit. Quia verò Marius propterea cum Schuttenio litem instituit; ideò delitis æstimatione dependenda securum voluit.

Neque id porro obstitit, quò minùs quidpiam simile circa profectiorem aliam attentaret. Nimirum fama percrebuit rediisse Hollandorum navim ex mari Hyperboreo, quæ septem gradus proximè accessisset ad ipsum polum, sed nullo tamen modo potuit velificationis seriem obtinere. Commendavit autem interea Navarchum, quòd quamvis potuisset se polo, minore cum difficultate, quàm credatur, supponere: non fecisset tamen, quoniam aliàs incertissimus plagarum Mundi effectus fuisset: nullo quippe jam existente septentrione, aut meridie: nullo exortu, vel occasu: nullo magnetis ad ventos usu; nulla methodo, qua in unam partem, potiùs quàm in aliam discedendum nosset.

Rursus, quia nòrat Vincentium Clancum civem Arelatensem longè, latèque peregrinatum, conguessisse quam plurimas rerum visarum observationes: idcirco illas quæsitus misit, ut (liceret modò per ipsum) dari in lucem procuraret. Obtinuit ergo: verùm attendens omnia ratiociniis infecta, ac ea præsertim opinione, quòd Terræ superficies non globosa, sed plana sit: eapropter totum negotium erudito viro Nicolao Bergerono commissum voluit, mandavitque feligeret, ac suo modo diceret quæ essent merè historica, narrationisque haberent fidem. Suadere deinde conatus est Blanco, ut id probaret consilium: præstitum idem in historiis, sive relationibus Pirardi, Moqueti, aliorum: permittendum Philosophis, ut eas quæstiones disputent, neque esse recitatoris dogmaticum agere, præsertim contra communem fidem: posse quidem sententiam de terræ planitie attingi: sed tamen tanquam à Barbaris creditam, non ab eo defensam: fore, ut si institerit, literatis ludibrio sit, narrationique aliunde suæ, tametsi veræ deroget fidem: integram, & sinceram laudem ex nuda peregrinationum historia illi superfuturam: curaturum sese, ut opus dedicetur Regi, aut alii, qui gratè accipiat, cæteraque hujusmodi: quæ virum tamen ab instituto dimovere nunquam potuerunt.

Præterea curavit incidi, excudique denuò Tabulam Chorographi-
cam, seu delineationem Provinciæ à Petro Joanne Pompario ante annos triginta confectam. Cùm forma, elegantior licèt, nihilominus

non placeret, effecit, ut Jodocus Hondius eandem biennio pòst iteratò sculperit; qui adhùc non modò in eo displicuit, quòd reticuerit Bomparii nomen: sed in eo etià maximè, quòd editiones alias imitari maluerit, in quibus gradus latitudinis pràter verum designantur. Nam Aquis-Sextiis, exempli gratià, adscribitur gradus quadragessimus secundus cum besse, cui debetur quadragessimus tertius cum semisse, & uno, alteròve minuto pràtereà. Heinc fuit ille semper in votis Tabulam novam construere, quæ adhibitis novis observatis, dimensionibùsque magis exquisitis, exhiberet singula loca, tam cum cœlo, quàm inter se ad amussim consonantia: verùm instituto fata obstiterunt.

Postremò, quia mirè illum delectavit, quod Joannes Baptista Morinus, cujus jam antè meminimus, quique deinceps inter Professores Regios Mathematicos meritò inclaruit, de sua illa in Hungaricas fodinas peregrinatione aliquoties commemorabat; ideo auctor fuit, ut eam Relationem scriptis mandaret, ac ederet. Id autem ille pràstitit; sed pràmissa Mundi sublunaris Anatomia, qua evincere est conatus, uti aer in treis regiones distribuitur, ex quibus suprema semper calida, media semper frigida, infima nunc calida, nunc frigida est; ita terram in treis discerni, quarum infima semper frigida, media semper calida, suprema, aëri contigua nunc illo calefcente frigeat, nunc frigescente caleat.

Non fuère illi hæc studia satis; sed variis pràtereà officiis commendatos virtute viros demereri conatus est. Quid memorem enim, quòd Pacium ex hoc tempore pro ipsius votis Catholicum factum, ac jam exoptantem redire in Patriam, donari curavit professione Juris primaria in Acadèmia Patayina, ut etiam cùm idem Valentiam repetere post biennium voluit, accersiri ipsum procuravit per literas à Delphinatus Prorege ac Præsìde primo, jussu Regis scriptas? Quòd cùm Philippus Jacobus Maussacus magnum Senatus Tolosani ornamentum nactus fuisset jam memoratos Iulii Scaligeri in Aristotelis historiam de Animalibus Commentarios, ipsum non parùm animavit, ut eos cum Notis ederet; neque fegnis fuit, ut jam editos ad omneis viros per Europam eruditos transmitteret, uti ad Aleandrum, Pignorium, & alios? Quòd Barclaii operà usus, exscripta habuit ex Vaticano codice Erotica varia, in gratiam Gilberti Gaulminii, insignis

1619. bonarum literarum luminis: cùm accepisset ea deesse in Theodoro Prodromo, tum brevi edendo ex Salmasiano Codice; ut ille quoque testatus est in præfatione ad lectorem? Quod exemit variis varios scrupulos, ut Pompejo Paschalino de Patruī defuncti Cameis; ut Thomæ Erpenio de Saracenica historia, ac hujusmodi alia multa.

Inardescabant tum studia inter memoratum aliquoties pereruditum Jacobum Sirmondum, & Claudium Salmasium, illud aliud humanioris literaturæ decus eximium, citra quæstionem celebrem, cui ab uno anno locum dederat Jacobus Gothofredus duabus dissertationibus de Suburbicariis regionibus, & Ecclesiis, seu de Præfecturæ, & Episcopi urbis Romæ Diœcesi, conjecturâ. Et quousque quidem ea controversia processerit; quàm multi utrimque eruditi viri symbola sua contulerint, referre haud est hujus loci. Dico solum Peireskium omni cura allaborasse, ut, quod eruditòs decebat, res leniter perageretur. Certè cùm ipse quoque Aleander se interposuisset, misissetque Româ ea de re tractatum, qui ederetur Parisiis, vix id probare Peireskii potuit: & cùm urgeretur, editionem procuravit quidem: sed temperatis priùs quæ ille de Conciliorum, Pontificumque auctoritate attigerat, quæque adversus sententiam improbatam respererat paullò acerbius.

Eadem libertate, ut aliquid attingam, usus est adversus Barclajum, qui Argenidi intexuerat nescio quem Dialogum paullò liberio-rem. Accepit nempe sub idem tempus magnam operis ejus partem, quam mandari typis curaret. Et Barclajus quidem in illo, tam ipsi, quàm Vario certam destinavit personam; at Peireskii, laudato affectu, majoris longè duxit, graviorémque habuit, quam se illi debere, dixit, Virginii Cæsarini, bonis literis, artibusque excultissimi viri amicitiam, acceptis ejus literis, elegantissimisque elegiis. Sed Barclajus nempe laudandus, qui quocumque potuit modo est gratitudinem testatus; veluti rursus, cùm exceptâ per id tempus Romæ familiâ, Elegiam texuit nomine uxoris, in qua hæc, præter cætera,

*Vera loquor, multum, divine Viæstie, juvit,
Quò fugèrem luctus, tunc meminisse tui,
Ingentisque viri, servant quam Numina Gallis,
Perestii: nihil, hoc sospite, triste dabunt.*

Ingentium

Ingenium spectes, credas de Pallade natum :

Virginis hæc quam sic ponere nomen amet !

Quicquid erant Musæ, quicquid Prudentia quondam ;

Hunc unum Gallis scilicet esse putes.

Vivat, amêque meum, rata sint ea pacta, maritum :

Vivat, & in laudes crescat ad usque suas.

1619.

Atque hæc quidem anno jam sexcentesimo, ac vigesimo; cujus ineunte, ac ruente vere, stranguriâ, aliisque morbis ita laboravit, ut non sine magno animi dolore præpeditus fuerit, ne sequeretur Varium, cum Rex ætatis initio ad sedandum Normaniæ, Provinciarumque aliarum turbas; ac postea etiam in Aquitaniam, Bearniamque discederet. Convalescens, accepit Genuâ à Pio Mutio literas, quibus certior effectus est, nonnullas adhuc Pinellianæ Bibliothecæ reliquias exstare. Scripsit enim ille reperisse se quinquaginta duas orationes Themistii, quæ servata ex illa fuissent, quæque editæ non reperirentur, etiam inter evulgatas ante duos annos à Dionysio Petavio, viro, quo nescio an habeat erudita J E S U Societas doctiorem. Id ad ipsum retulit statim; & cum offendisset meditantem jam opus illud ingens de Doctrina temporum, quod paucis post annis in lucem emisit, non paucâ, ejus occasione, in gratiam Scaligeri, amici quondam sui, disseruit.

1620.

Circiter id tempus, spectavit curiosius Sacelli Basilicæ, seu, ut vulgò indignant, Sanctæ Capellæ Gazophylacium. In rarissima autem illa, pretiosissimæque supellectile, Cimelium detexit omni pretio majus, Cameum videlicet, sive Achatem Orientalem, Sardonychemve Arabicam, amplitudine Parisiensi, seu Regio pedi exæquatam; in qua sculptæ viserentur miro artificio viginti quinque figuræ, omnes candore eminentes, & in nigro æquore flavedine quadam subobscura interstinctæ. Exornata illa circum fuerat Christianis figuris, & epigraphis à Græco quodam Imperatore: adeo ut cum Balduinus eam oppignerasset D. Ludovico, ac postmodum tandem venisset in manus Caroli Regis, nomine quinti, & crederetur sacram quandam continere historiam; in eum Thesaurum, quasi Donarium religiosum, fuerit illata. Peireskîus porrò, cum rem spectasset, & ad figuram conditionem attendisset, cognovit potius prophanam quandam representari historiam; & quantum conjecturis potuit assequi, credidit esse Apotheosin defuncti Augusti.

1620.

Eam nuper Ioannes Tristanus Santamantius, rerum antiquarum eximiè peritus, ære inciso exhibitam in suos inseruit Commentarios. Testatus est autem se primam illius notitiam hausisse ex Peireskio; præfatus virum rare adedò, exquisitaque eruditionis, ut omnem suam commendationem inferiorem censeat ea claritate nominis, qua totà Europà evasit illustris. Scribit deinceps se prima vice in comitatu Peireskii spectasse hoc rarum antiquitatis monumentum, occæpissèque conjicere, ecquid rei repræsenteret. Quandoquidem verò temporis progressu circa nonnulla capita à Peireskii mente deflexit, contigitque, ut aliquoties differentem ea de re *à Peireskio* audierim; ideo rem ingratam fortassis non faciam, si præcipua quædam interpretationis discrimina heic attigero, in illorum gratiam, qui rem totam studiosius examinaturi Achatem ipsum, aut ectypum, memoratumve habuerint librum.

Ergo, quem Santamantius interpretatur esse Jovem, succedente Ænea; Peireskii esse censuit Augustum, Deæ Romæ ope elatum in cælum; & quem ille vult esse Augustum; ipse interpretatus est Marcellum equorum amantem, quem fata terris solum ostendêre, innuente Roma, quod ab illo recusabatur Orbis imperium, tradere sese Tiberio proximè supposito. Et certè, si attendas ad prototypum, quatenus certè ectypi illum referunt, adolescentis potius, quàm senescentis vultum agnosces. Sic quem Peireskii sub Marcello existimavit esse Drusum Tiberii filium, manu versus Jovem extenta, tanquam postulando, post patrem, imperium; autumat Santamantius esse Numerium Atticum, contemplantem, attestantemque fuisse Augustum raptum in cælum: Et quam assidentem Druso Livillam uxorem ille censuit; censet hic esse posse Juliam Augusti filiam in exilium actam; ut credidit illum ad dextram Jovis esse Drusum Tiberii fratrem; quem potius Julium Cæsarem Peireskii esse existimavit. De Germanico, Agrippina, Caligula, discrimen nullum; imo nec de Tiberio; nisi quod Peireskii vestem Imperialem serpentibus circumdatam esse dixit Ægidem Jovis; appellavitque lanceam sine ferro, sceptrum prælongum. Sic censuit Antoniam Germanici matrem, quam Santamantius Liviam; & contra Liviam esse putavit, quam Santamantius Antoniam. Sed hæc obiter.

Cæterum Peireskii ita exsultavit, ob præclarum adedò Cimelium repertum, ut non modò ad intuendum & Santamantium, & cæteros,

quot-

quotquot erant Parisiis, curiosos viros invitârit ; sed etiam de eo literas ad amicos in Angliam, in Germaniam, in Italiam, per totam Galliam dederit. Scripsit autem de eo præsertim ad Petrum Paulum Rubenium Antverpiensem, pictorem celeberrimum, & totius antiquitatis, sed Cameorum imprimis studiosissimum, peritissimumque, qui dicto citius exsiliit, ut rem spectaret cominùs, & exprimeret coloribus vivis. Tulit autem Peireskius, Cimeliisque vice nobilem habuit effigiem, præter ectypos varios sulphureos, gypseos, chartaceos, quos ex Achate ipso expressit.

Adjiciendum verò, quòd prætereà, non sine quodam numine, ectypum sulphureum obtinuit Camei alterius, in ipso Imperatoris Cimi-liarchio asservati. Achates est similiter, sed superiore nonnihil minor, quem Philippus Pulcher Pissiaci monialibus legaverat (cùm habuisset ipse ab Hierosolymitanis Equitibus, illum in Palæstina nactis) quémque per bella civilia furto sublatum, Mercatores quidam detulerunt in Germaniam, ac divendiderunt Rudolpho secundo duodecimi millibus aureorum. Expressus autem fuerat, adservatúsque ectypus, quem nescio qua sorte Peireskius fuerit assequutus. Neque verò ectypum modò, sed germanam etiam picturam consequutus est, elaboratam jampridem celebris illius Nicolai pictoris manu, cujus egregia opera in Fontis-bellaquei xylo inspèctantur. Prætereò autem ejus figuras ita esse interpretatum, ut opinatus fuerit illis designari Apotheosin viventis Augusti. Quippe, uti apud Josephum legitur factus ab Herode Cæsaris Colossus, forma, ac magnitudine Jovem Olympium referens, itémque alius Romano par, referens Iunonem Argivam: ita videtur in his figuris repræsentari Augustus habitu Jovis Olympii, unà cum Dea Roma habitu Iunonis Argivæ: apparéntque aliunde Jupiter, & Juno abeuntes, locum cedere; itémque signum Scorpîi contrahere brachia, cæteraque hujusmodi.

Laboravit quoque deinceps infestissimo oculorum morbo. Sed ut prosequamur quàm multa proptereà non destiterit per hæc intervalla morborum moliri, curavit ecce æri incidi elegantissimas figuras, quibus illustraret librum à Rege Renato Comite Provinciæ de Torneamentis conscriptum, ac editioni destinatum; idque postquam obtinuit à Ioanne Jacobo Chiffletio Vesuntino, medico claro, aliud de Torneamentis volumen. Meminit hujus curæ Andreas Favinus in libro Theatri

1620. Theatri honoris, ordinumque Equestrium tertio. Resumpsit & curam memorati suprà Constantiniani Kalendarii, de quo proinde scripsit ad Schilderum Cameracensem Canonicum, à quo illum habuerat; simulque ad Franciscum Carondeletium, ejusdem Ecclesiæ Decanum, qui eximia rerum bonarum curiositate tenebatur. Sollicitus fuit de variis rebus, quæ asservabantur in Musæis Ducis Arschoani, & nominati mox Rubenii: ea verò in re fecit illi satis Ioannes Gaspar Gevartius, celebris, & si quispiam alius, germanus Musarum alumnus, quicum amicitia non levis fuerat Parisiis jam inita. Præterea singularia quæque cum Rambervillerio Vici commorante numismata communicavit; ne vicissim commemorem ipsum Rambervillerium nihil prorsus habuisse in pretiosis loculis, quod non fecerit cum ipso commune.

1621. Anni insequentis primo statim vere amplius, quàm mense decubuit: adeò ut neque discessurum iteratò cum Rege Varium comitari potuerit; neque Hugoni Grotio, tum primùm in Galliam appulso, quàm multa, magnaque officia destinaverat, exhibere: scilicet tanti illum ducebat, ut in vicem Scaligeri assertum Galliæ diceret. Prætereo autem, cùm Grotius deinceps sese ad scribendum historiam suorum temporum compararet, communicasse cum illo Peireskium tum monumenta varia, tam privata, quàm publica, quæ fuere sibi præ manibus; tum complura, quæ ex Italia repetita obtinuit, nominatim verò ab Antonio Querengo docto, & magni nominis viro, ad quem multa fuerant ex Gallia transmissa, conscripturum Ducis Parmensis, seu Alexandri Farnesii gesta. Transiit sub id tempus Parisiis memoratus suprà Vicelegatus à Balneo, Pontificis Nuncius destinatus in Flandriam; qui cùm vellet singularia quæque in urbe spectare, sed tamen quasi incognitus, commodum profecto convaluit Peireskii, qui ipsum variè deduceret ad eruditos, ad Musæa, ad opera omnia rariora; ac insigni alacritate præstaret unus officia, vix à pluribus simul expectanda.

Atque id quidem mense Julio: sequutus est verò Augustus, quo luctuosorem non habuit. Eo nempe mortuus est Varius, cui per otidium laboranti non potuisse suprema quæque exhibere obsequia, molestissimum sanè fuit. Obiit autem vir ille magnus Tonini Notiobrigum, in obsidione Cleracensi, tertia die jam mensis die, ingenti
Galliæ

Galliæ totius luctu. Quàm verò speciatim percussus eo casu fuerit 1621.
Peireskius, nihil est necesse commemorare: quippe perspecta jam in-
doles, vehemensque amor, & diuturnus cultus, quo prosequutus vi-
rum fuerat, vel me tacente, satis insinuant. Meritò sanè quotquot
penè de Varii morte condidère carmina, nuncupavère Peireskio: ne-
mo enim fuit ut afflictior, ita consolatione dignior. Fuère in iis Hugo
Grotius, qui sic illum affatus est,

*Quod tu, qui nuper Regni moderantibus omne
Arbitrium curis dulce levamen eras,
Morte super cunctos fasceis exstantis amici
Attonitus, tanquam propria damna, doles,
Optime Piresi, tanto indignissime casu,
Invidet hunc luctum Gallia tota tibi;
Atque in communi Mundi, Patriæque dolore,
Præcipuas parteis unius esse vetat, &c.*

Itémque Petrus Bertius, cujus hoc inter cætera,

*Si, Peiresce, tamen sic placuit Deo,
Quid mæsti querimur! quin potiùs modum
Lesso figimus, & nos quoque, cùm vocat
Sors nostra, has patimur vices?*

Alios ut mittam; dico solùm, cùm Peireskius in eo incubuit, ut hæ-
nones Viri virtuti, dignitatique debiti, & decernerentur, & exhibe-
rentur; egisse id illum, & quòd foret unus ex tribus supremorum man-
datorum Curatoribus (legatis simul Cimeliis, quæ fuère maxima ex
parte numismata Gotthica) & quòd non posset satis pro votis erga
ejus Maneis testari affectum.

Casum istum fuit consequutus alius, quem etiam ægerrimè tulit.
Obiit enim Romæ Barclajus, eodem penè tempore, quo in Castris
Varius: aded ut illum Peireskius tum elatum acceperit, cùm ab eo
consolatoriam, epicediùmque expectaret. Urgebat tum fortè Peires-
kius, ut editioni Argenidis extrema manus imponeretur: quare, inter
cætera, doluit visam absolutam Auctori non fuisse. Consolationi alicui
fuit, quòd præhabuisset illius elegantissimam iconem: subscribi autem
ipsi voluit carmine elogium, ex ejusdem Grotii vena divite, quod ad
ipsam quoque Debonerum misit. Non fuère casus isti satis; sed super-
venit

1621. venit brevi mors alia, quam ægerrimè etiam tulit. Ea fuit Henrici Lotharingii, Meduani Ducis, qui die Septembris decima sexta Montalbani occisus est. Amor illius erga Peireskium fuerat vehemens, & candoris plenus; unde voluerat, suamet sponte, Abbatiam Aquistriesem factam, testamque facere; in seseque recipere & fundorum, & hominum, per ea bella, protectionem.

Cùm renunciata hæc mors fuit, laborabat Peireskius octavum jam diem dolore renum, ac stranguria; sub cujus initium non potuit id Prodigium perspicere, quòd non in ipsis modò castris, sed Parisiis etiam, & per totam Galliam, alibique visum, stuporem creavit. Claritas nempe insignis fuit, quæ nocte sequente diem duodecimam, borealem cæli faciem ita occupavit, ut auroram clarissimam per multas horas fuerit mentita. Id sanè mirum, silente Luna; sed mirabilius visum est, vaporem ea regione fusum, & ad polum usque evectum, sic fuisse distinctum in quasdam veluti columnas albescents, & subobscuras, alternatim sitas; ut cùm horizonti ad amussim forent, promoverentur lentissimè ab Oriente in Occidentem. Denique miraculo fuit, ex albescensibus attolli, brevi spatio, ad verticem usque pyramides quasdam, sive obeliscos valdè candidos; ipsisque consistentibus, trajectos vapores, ut tenuissimos, ita candidissimos, motione adeò celeri, ut fulgetra imitarentur.

Hæc attingo, quia Peireskius lætatus est, rem fuisse nobis observatam; factusque exinde est certior, nihil aliud fuisse, quàm naturæ lusum, quem Apparatum bellicum, aut Ideam exercitus multi fuerant interpretati. Addiderant sanè nonnulli visas sibi instructas acies, incedentibus peditum, equitumque ordinibus; ac postremò visum confictum, cum explosione globulorum è tormentariis fistulis. Mirum, quòd non simul clangorem tubarum, clamoremque virum auditum depredicavissent; quando eadem credulitas, infirmitasque humana est, quæ his figmentis locum facit. Credibile profectò est, nisi omnia, at benè multa, quæ in historiis similia existant, ex eadem esse origine, neque ampliorem fidem mereri.

Ad lugubris illos eventus ut redeam, nihil est quòd memorem de morte Cardinalis Bellarmini, quæ sub idem tempus Romæ contigit. Quippe licèt eà inauditâ Peireskius nonnihil conturbatus fuerit, consolationem tamen cepit ex opinione præhabita, & subsequuta statim fama

fama admirabilis sanctitatis. Attexenda est potiùs, quæ virum eximie constantem examinare penè potuit, nunciata Pauli Gualdi mors, quæ contigit mense Octobri. Ea nimirum fuit æstimanda ex habita usque apud Pinellum consuetudine, & ex officiis variis, literisque suavissimis supra vicennium communicatis. Miserat ad illum Peireskios mox antè, cum varia Telescopia, tum vitra Microscopica, non ita pridem adinventà à Cornelio Drebelisio, ipso quoque Alcmariensi, & Regi Britannia à Mechanicis. Quia porro Gualdum ipsum tandiù, tantoperèque amaverat, carissimos propterea habuit illius ex fratres nepotes, Josephum Archipresbyterum, & Ioannem Baptistam Equitem; huncque inprimis, qui sede Romæ delecta, ut rerum bonarum fuit studiosissimus, ita illarum promptuarium cumulatissimum apparavit.

An heic adjiciam non proprium quidem, sed labentabilem tamen casum, cui interesse eum contigit? Is fuit incendium memorabile publici illius, ac gemini Pontis, superexstructarumque ædium, quibuscum opes argentariorum, sericeorumque Mercatorum aut exustæ sunt, aut submersæ. Ille certè & promptus occurrit, & magno dolore spectavit, & sollicitè descripsit quicquid infandâ illâ ignis vehementiâ patratum est. Dicere autem solitus fuit; se quovis pretio redempturum pictam tabulam, in qua illæ eructationes, molésque flammarum exhibitæ forent. Siquidem nihil æquè horrendum fuisse à Nerone spectatum; quod tota penè materies ardens heic esset mera lignorum strues: cum succensa illa spectante Nerone ædificia lapidea fuissent, neque fluctus, aut gurgites adeò immensi suppositi.

Posthæc, subiit illum quidem cogitatio redeundi domum; sed sensum tamen procrastinavit in unum, alterumque annum. Commissam tulere per ea tempora Sigilli sacri custodiam tum non postremus amicorum dictus sæpè Mericus Vicus, tum Ludovicus Faber Caumartinus, quorum uterque ejus affectus, quo Varius illum prosequeretur, videri hæres voluit. Perseveravit quoque gratus, carusque ærarii Præfectis, eoque maximè nomine, quod sibi nihil postulans, intercessorem solum egit virorum benè meritorum. Deinde finem nunquam fecit mittendi quoquo versum libros. Quamobrem Camdenus præ aliis, *Par est, inquit, tibi de tua munificentia, & optimorum librorum tanta supellectile gratias agere cumulas.*

1622. Ad Seldenum cùm mitteret, rogavit ipsum aliquando, ut, vel sui causâ, observaret situm Ecclesiarum Angliæ, an nempe ingredientibus constitutæ forent versus ortum, & respectarent-ne Æquinoctium, an Solstitiorum alterum. Rem videlicet dignam judicârat, quæ exploraretur; ad examinandum, ut puto, num majores nostri direxissent potius ad ortum hiemalem, quàm ad alium; quòd juxta antiquam Ecclesiæ observationem, traditionemque, Christus Dominus, qui dicitur Oriens, natus fuerit Sole versante in hiberno Tropico. Res profectò ipsi non malè Parisiis jam successerat, cùm exploratione facta per Jacobum Alleaume celebrem Mathematicum, deprehendisset omneis veteres Ecclesias ab Æquinoctiali exortu versus hiemalem deflectere, exceptâ solâ San-victorina, quæ deflenderet in æstivum; & & nulla habita ratione San-benedictinæ, quam Bistornatam hærebat dici, quòd fuisset seu bis, seu malè conversâ.

Procuravit ad-hæc complura viris eruditis Manuscriptorum exempla; ac nominatim ex Bibliothecis Escoriali, & Vaticana: ex quibus habuit, præ cæteris, exemplum Syncelli, cujus copiâ adjutavit virum eruditum Ioannem Baptistam Altinum, qui tum operis interpretationem, editionemque moliebatur. Cùmque ea occasione misisset ad Alemannum ichnographiam exquisitam porticus Sanctæ Genovesæ, plurimumque aliorum locorum, accepit rursus pro eodem Altino exemplum *αὐθεντικὸν* Procopii, eo animo, ut ederentur. Obtinuit etiam tum ex Vaticana, tum ex Ambrosiana Mediolanensi exempla quædam Africani, aliorumque Tacticorum, in gratiam Ludovici Machalti viri strenui, auctorumque Militarium, & Mathematicorum studiosi. Is est, cui Peireskii pulchro quodam diagrammate demonstravit modum multiplicandi species unius, ejusdemque rei, inter duo specula à se invicem lateraliter declinantia.

Rursus, cùm Nicolaus Bergerus Rhemenfis scriberet Gallicè historiam publicarum Romani Imperii viarum, quas *βασιλικαὶ* Græci vocant, testatus est in Præfatione *indicatam sibi à Peireskio itinerariam Tabulam operi suo pernecessariam*. Ea verò est, quam M. Vellserus ex Pentingerorum Bibliotheca eruit (editis prius, & commentario illustratis schedulis duabus, sælici quadam sorte repertis) quamque Abrahamus Ortelius post desideria longa obtinuit, & Ioanni Moreto evulgandam primum reliquit, Petrusque Bertius, non sine Peireskii consilio,

Ptole-

Ptolemæo suo apposuit. Insuper varia fuere officia, quæ plerisque 1622.
exhibuit. Veluti Joanni Mocenico, cui cimelia rarissima fuerant Venetiis furto sublata: Claudio Menetrio Vefuntino, rei antiquariæ studiofo, & à Chiffletio literas habenti; Kufflero cuidam Drebelſii affini, & Microſcopicæ fabricæ perito, pergenti in Italiam: & aliis oppidò quam multis.

Inierat jam annus alius, eratque Februarii dies duodecima, cùm 1623.
Cancellarium Sillerium invifens, coronamque virorum illuſtrium, eruditorumque offendens, admonuit Nivem decidere, quæ ſexangula, ſeu ſtellata foret. Re obſervata, omnibuſque quaſi prodigium habentibus, diſſeruit rem eſſe magis, quàm crederetur, familiarrem. Scilicet aliquoties per ſingulas hiemes ningere ſimilibus ſtellis: ſed neminem advertere, tum quòd plerumque ex ſtellulæ in flocculos quofdam inconcinnos abeunt, tum quòd decidentes ſolitariæ, vel humeſcentes citò evaneſcunt, vel commiſtæ citò confunduntur. Ac mirabilem quidem eſſe contexturam illam ex virgulis tribus ſeſe interſecantibus, adeò ut appareant ſex radii ex uno quaſi centro prodeuntes: ſed mirabile minùs non videri, radios illos nunc eſſe nudos, nunc quaſi foliatos, arboreſcenteſque, nunc quaſi inſertos in modiolum, aliaque id genus, quæ ab amico acceperat. Illum fuiſſe aliàs conatum cauſam reddere, tum candoris Nivis, ex bullulis lucem refleſcentibus; tum formæ ſtellatæ, ex ſex triangulis æquilateris, in quos circularia ſponte naturæ conformantur: ſibi verò nihil viſum probabilius, quàm creari, formarique Nivem ex ſeminibus propriis; ut lapidum quoque varia genera eodem ſemper modo, non ſecùs, ac plantæ, animaliaque figurantur.

Requiſivit tunc aliquis, num fortaffis hæc ſemina fertilitatis anni eſſent cauſa, teſtantibus agricolis uberiorem eſſe agrorum proven- tum, ubi nix diutiùs incubuerit. Ipſe excepit, alia Nivis, alia plan- tarum ſemina eſſe; nec provenire iſta uberius, quòd nix ſua pingue- dine, ut vulgò putant, agros ſœcundet; ſed quòd prodeunteis ex imò terræ pingueis halitus reprimat, & in alimentum ſatorum convertat. Id intelligi, quòd eiſdem exiſtentibus calidis, nix infernè ſic ſolvi- tur, ut locum faciat ſucceſcentibus plantis, incuſtetur fornicetur- que, & ſuccedente veris tempore, per latera montium in ingenteis moleis diſrupta excedat, proveſtamque herbam interim relinquat.

1623. Facta exinde est occasio differendi de vi aquarum in quas nives resolvuntur ; adeò ut jam Nili exundatio germanam hanc causam agnoscatur ; & cum ipse dixisset non totam hanc aquam in torrenteis effluere , sed quadam ex parte etiam imbibi , scaturiginibus fontium adaugendis , quippe & Fontem Vallis-clausæ non uberiorem modò tunc erumpere , sed aliquantulum etiam conturbari ; pergratum fuit toti coronæ audire illum paullo copiosius de origine Fontium differentem.

Tum verò sententiam exponens , qua constantiorem non habuit , declaravit sibi nunquam visum originem Fontium ex mari , aut ex æris in aquam conversione esse , sed deberi prorsus aquis pluviis (adde & quidpiam nivalibus) quæ longè , latèque decedentes ita combibantur , ut in terram penetrent , quousque incurrant in varia receptacula , quorum sit fundus ex lapide , argilla , aut alia materia aquæ continendæ idonea ; quæque infernè desinant in eas meatuum angustias , ut collecta aqua sensim effluat , suppetereque adeò possit in dies , in mensibus , in annos. Argumento esse , quòd insignes quæque scaturigines sint ad radices montium ; in quibus , quòd sint rupei , pleraque interiùs existant ejus generis receptacula , in unum tandem concurrentia : & quæ in locis planis visuntur , ex montium procùl positorum receptaculis per subterraneos ductus deriventur. Possè quoque eadem ratione scaturire aquas non longè à verticibus inferiorum quorundam montium , quòd nisi illis sufficiant receptacula propria , possint per simileis meatus ex receptaculis editiorum montium deduci ; cum aqua tantundem refluere sursum , quantum effluere deorsum valeat. Unde & ratiocinabatur , neque in continente , neque in insulis , quæ haud dubiè superficie maris elatiores sunt , scaturigines existuras , si ex mari deducerentur ; quòd aqua non altiùs emergat , quàm demersa fuerit. Nam aquas quidem in summis ipsis summorum montium verticibus , quod vulgò dicunt , scaturire , id ipsum fide plane carere ; nullis nimirum testibus existentibus oculatis. Causam proinde quare æstate , & per siccates præsertim diuturnas Fontes inarescant , aut valdè minuantur , non aliam posse assignari , quàm quòd aquæ jam memoratis receptaculis contentæ , vel omnino effluant , vel paucae supersint. Inde esse , cur redeuntibus pluviis Fontes rursus scaturiant ; quasi oppletis denuò receptaculis , non per levis quidem ,

dem, aut raras; sed per insigneis, continenteis, & complurium dierum, atque mensium pluvias. Verum autem esse, quod Scriptura refert Originem fluminum, atque adeò fontium ad mare; sed nempe quatenus ex mari partim aperto, partim subingresso in specus, ductusque subterraneos, evehuntur vapores, qui in pluvias versi, originem fontibus, ac fluminibus expositam faciant.

Sensit deinde necessitatem discedendi incumbuere; quocirca edemum concessit, cum facta sibi à Pignorio nuncupatione, Opusculum illud de Magnæ Deum Matris, Attidisque initiis. Id quia continebat interpretationem Symbolorum eminentium in manu quadam ærea Tornaci inventa, & à Dionysio Villerio cum Peireskio communicata; institerat à tribus jam annis, ut mutatam dedicationem ad Villerium ipsum Pignorius referret. Impetrare cum non potuisset, differti diutius editionem noluit, agente cum ipso Pignorio his verbis. *Tibi ut inscribam, multa faciunt; sed imprimis humanitas tua singularis, quæ me totum penè quotidianis beneficiis ita devinctum habet, ut mihi non supersit amplius, quod meum jure possim appellare. Deinde vis omnigenæ eruditionis tuæ, quæ antiquitatem omnem, & quicquid uspiam præclari est, animo, & studio es mirifice complexus.* Imprimi etiam procuravit Georgii Ragusæ Epistolarum mathematicarum, seu adversus arteis divinatrices libros duos, quos à Paulo Gualdo acceperat, quosque carissimo sibi Hannibali Fabroto, memorato superius Antecessori Aquensi, Parisiisque per id tempus agenti, reliquit. Sic sollicitè animum intendit, ut opera Varii adauctissima ederentur: quod quia non potuit ante discessum, ut optaverat, perfici, ideò absolvendæ editionis curam universam Duchesnio commisit. Sic repetitam, adauctamque editionem poematum Cardinalis Barberini semiperfectam relinquens, totam penes Viassium, tum agentem Parisiis, operamque ultrò pollicitum, sollicitudinem deposuit.

Quod illum porro ita adegit ad maturandum reditum, fuit ætas, ac morbus ingravescens Patris. Et expectasset tamen autumnum, nisi ex quadam destinatione, ac necessitate transituro per Aquitaniam, ut Abbatiam inviseret, præoccupandum fuisset tempus. Discessit ergo mense Augusto, hoc est post menseis aliquot supra septennium Parisiis exactos. Aureliæ cum foret, accepit Româ à Debonæro litters, renuncianteis electionem Cardinalis Barberini in Pontificem
Maxi-

1623. Maximum, nomine Urbanum octavum. Ea re gavissus, scripsit illico ad Pontificem epistolam gratulatoriam, quam illi fuisse incundissimam neque ipse Debonarius, neque Aleander reticuerunt. Minimè verò etiam reticuit Pontificis Nepos Franciscus, qui Cardinalis Barberini cognomentum deinceps tulit; quique incumbit continuo artibus bonis promovendis, eruditorum fautor eximius, ipseque captus omnium studiorum in genuorum illecebris. Ille ex eo tempore usque, ut à Peireskio crebras accepit, ita & dedit literas, non eruditionis minùs, quam humanitatis, & amoris plenas.

Aureliâ discedens habuit inter alios ex suo comitatu memoratum Joannem Lombardum, cui à septem annis impetraverat, & ne cogitanti quidem miserat diploma antigraphiæ, cognitionisque Regionum, & publicorum per Provinciam ædificiorum. Destinârat illum Reginaldus parens, qui sollicitaret discessum, Peireskio verò jucundum fuit socium habere itineris, quod illius industriam utilem fore existimârit. Heinc præstò habere semper debuit calamus, chartam, regulam, circinum, ceram, sulphur, & id genus alia, ad delineandum, conscribendum, adumbrandum, exprimendûmque ectypis, & apographis, quicquid viseretur adnotatu dignum. Et apud Andeis quidem exprimi potissimum voluit icones Principum Andegavensis stirpis, quales obtineri potuerunt ex vitris, Ecclesiisque tam S. Mauritii, quam Franciscanorum. Turoni diutiùs moratus est, quod præter alia quamplurima, detentus fuerit potissimum S. Martini Tabulariis, in quibus diplomata Regum, aliæque acta perantiqua. Circa Abbatiam, totus fuit in suadenda reformatione, destinandâque instauratione ruinarum insignium, quas Monasterium fuerat per bella civilia perpeßum. Nimius sanè forem, si enumerarem quæ innumera observavit itinere deinceps toto, quæque est consequutus honoris, ac benevolentiae testimonia Burdegalis, Tolosæ, cæteris in locis, in quibus nemo fuit dignitate, aut eruditione conspicuus, qui non illius frui conspectu, colloquiôque desiderârit.

D E V I T A

P E I R E S K I I,

L I B E R Q U A R T U S.

1623.



OCTOBER jam erat, cùm domum accessit plurimis quidem expectatus, sed Patri potissimum, per id tempus melius habenti. Non longè autem à reditū Diploma Curiae exhibuit, quo à Rege permittebatur perseverare in functione dignitatis pristinae, seu exercere saeculare, laicumque, ut vocant, Officiū; tametsi factus Abbas induisset Ecclesiasticam personam. Ipsa verò Curia non modò assensit, sed unanimi etiam Senatusconsulto decrevit, ut jam admissus in primam Classē, in ea perpetuò consisteret: neque, ut fieri per vices solet, ad minus Auditorium, quod appellant Turriculam, & in quo de criminibus ferè cognoscitur, rediret. Ac obtinuit quidem præterea Rescriptum à summo Pontifice, quo capitalium facinorum interesse judiciis licuit (nempe in majore quoque Auditorio selectiora quædam dijudicari mos est) attamen illo nunquam est usus; sed semper, quotiescunque ventum ad disquisitionem fuit, & duo, vel tres calculi in capitalem ierunt poenā, solitus est pedem efferre, neque conferre symbolum.

Musæum quamprimū aperuit, consternatione maxima fuit, ubi capsam non reperit, in quam conjecta reliquerat omnia ex Cimeleis rariora. Subducta nempe unā fuerant aurea antiqua numismata pondo coronatorum mille; ex cælatis gemmis mille, ac ducentæ, prætereaque nonnulla alia. Desideravit autem præsertim inter nummos quidem, Talentum Ægyptium, seu Arsinoën Philadelphi, pondo coronatorum decem; & Solidum aureum Ludovici Pij, quem, ut jam antè diximus, singularem opinabatur: ex lapidibus

1623. dibus verò cælati Prasinum quendam, cum capite, epigraphéque Servii Sulpitii; & Onychem jam aliquoties memoratam, cum capite Aëtionis Regis Ciliæ, & iatæ Phrygiæ ornamento. Dolorem adauxit, quòd non ausus fuit in illum inquirere, quem furti reum suspicabatur. Id scilicet non poterat, quin jactura Patri innotesceret, qui bona fide uni civium familiari, domesticoque putandæ è fenestra vineæ crediderat Musæi clavim: verebatur autem ne Patri indicata perfidia morbum illius exacerbarét. Cavet proinde sollicitè, ne quid perveniret in ejus notiam; imò requisitus ab ipso, num se omnia probè haberent, probè se habere respondit.

Non destitit tamen aliunde sagacitate singulari subolfacere distractarum rerum vestigia. Heinc, ne recenseam quo studio, quo silentio, qua cautione adhibita, missitaverit quoquo versum literas, & amicos fidos; ea demùm fuit foelicitate, ut rerum, quæ erant cordi maximè, recuperarit præcipuam partem. Gemmas certè obtinuit, ac in iis Aëtionem, & Servium Sulpitium: sorti autem bonæ tribuebat, quòd neutram auro circumornasset, alioquin enim simul periissent cum aliquibus aliis, quibus aurum fuerat loco lenocinii. Sic longo pòst tempore habuit Talentum Ægyptium, seu Thebaïcum, cujus causâ ipse ab initio concesserat frustra Massiliam. De Solido autem Ludovici Pil, quòd recuperaverit, nunquam memoravit.

Tenuit diu jacturâ illa renuntiata amicos anxios; ex quibus fuère, qui condolentes, congratulati aliunde fuerint, quòd revixisse videretur. Nempe rumor de ejus morte disseminatus fuerat; & primùm quidem Parisiis, per nebulonem nescio quid rei inde consequi meditantem. Ipse verò quamprimùm potuit, repertorum securos jussit; se quod attineret, optare tam benè optimo Camdeno quàm sibi foret vita superstes.

1624. Postquam nonnihil ab hisce curis interquiescere licuit, ad suum genium reversus est. Testis esto vel unus Grotius, qui, novo statim anno ineunte, *Non otior, inquit ad illum scribens, sed in illo de Jure Gentium opere pergo, quod si tale futurum est, ut lectores demereri possit, habebit quod tibi debeat posteritas, qui me ad hunc laborem & auxilio, & horratu tuo excitasti. Et statim, Pergis autem tu obligare me, cum incommotis meis nunc quoque & tam bona fide tangi ostendis, & qui præsens præsidio solebas esse, nunc absens es solatio. Ego verò, vel per te unum ita sum Gallia obstrictus,*

ut ad ultimas humana potentia metas trudi malim, quàm sedem hanc deserere. Ac rursus, Literas dedi nihil quidem continenteis illas, quod te scire attineat; sed testeis tamen ejus, quod tibi debeo, sempérque debebo gratia, pro tot summis in me adjuvando, ornandóque beneficiis. Id porro Opus de Jure Gentium, cujus Grotius heic meminit, non videtur aliud à præclaro illo, quod de Jure belli; ac pacis, anno pòst in lucem emisit. Cùm Peireskium certè exemplo donaret, literas adjecit, ex quibus hæc non pigebit excerpere. *Accipe jussis Carmina cæpta tuis, ait Poëta. Ego verò, Peirese amplissime, non carmen, sed librum tibi mitto, tuo hortatu, tuisque auspiciis cæptum. Adderem, quod ipsa hæc mea in Gallia habitatio non parùm tibi debet, quo conciliante in virorum maximorum notitiam perveni: ita ut hoc quoque titulo, si quid inde fructus, nascitur, id à te possit vindicari. Si dicam magno mihi dolori esse, quod tuo conspectu, tuisque colloquiis frui non licet, dicam quod verissimum est; sed huic damno solatium aliquod adhibet V. N. frater tuus, frater sanè, non naturâ tantùm, sed morum humanitate, qui, &c.*

Prætereo autem studium, quo ipsius Grotii iconem Duvrisii manu habere expetiit; & fœlicitatem, cui vertit, habere simul Claudii Salmasii, Petri Puteani, Hieronymi Bignoni, (magni bonarum literarum, & arcis legum, ac justitiæ apud Senatum luminis) aliorumque amicorum. Miserat ipse prius ad Puteanos earum exempla, quas habebat, Vincéntii Pinelli, & Jul. Cæs. Scaligeri, missurus quoque Paschalini, Portæ, Pacii, Camdeni, Lobellii, Barclaii, Marani, cæterorum plurium. Quoniam Iconum incidit mentio, addere sanè illas licet, quas per idem tempus obtinuit tam Pontificis Maximi, quàm Cobellutii, & Barberini Cardinalium. Effigiem simul Virginii Cæsarini optaverat; verùm prævenit pictorem mors, ac tum quidem penè, cùm Peireskius ageret gratias, ob missum exemplum Sagiatoris, hoc est Libripendis Galileani, operis nempe de Cometis, quod adversus libram Astronomicam Lotharii Sarfii (seu, ob literas permutatas, Horatii Grassii) Galileus condiderat, inscripserátque ipsi Virginio.

Adhæc, non est sanè oblitus factæ pridem Pontifici, circa habendas aliquas B. Magdalenæ Reliquias, pollicitationis. Quippe quod paucis antè annis populus San-Maximitanus seditione facta obslisset, ipse tunc & Regis imperio, & Senatus auctoritate, & Præsidis

1624. primi præsentia, & Latrunculitoris, ac satellitum stipatione usus, obtinuit tandem, quod Pontifex pro sua pietate expetebat. Heinc habitæ sunt nomine illius à Cardinali ingentes gratiæ; testante aliunde quàm gratam habuisset commendationem ab ipso factam, cum aliorum Gallorum nobilium, tum maximè Thuani illius, cujus suprà meminimus, quique post lustratas regiones occiduas, etiam orientales invisere meditabatur.

Plurimus adhæc etiam fuit in procurandis negotiis Regiensis Episcopatus, quo eximius Cardinalis Guido Bentivolus pro Regis voto fuerat donatus. Fecit verò pro amicitia, quam insignem cum illo fovit, ex quo advenit Nuncius in Galliam, & Roberto Cardinali Ubalino, qui Peireskium quoque maximopere amârat, successit. Non tacerendum verò quod interea Cardinalis Bentivolus ardentissimè intercessit, ut ex prædivite Scipionis Cardinalis Burgheſij Cimeliarchio obtinerentur, & ad Peireskium transmitterentur moduli varii ponderum, mensurarum, aliarum rerum. Erat Romæ id temporis Claudius Menetrius jam nominatus: ipse autem misit, simulque adjecit pondera pleraque antiqua, cum modulis, ac ectypis; neque deinceps desinit mittere & numismata, & quæcunque alia vetustatis monumenta quovis pretio eruere, & acquirere Romæ potuit.

Totus præterea penè fuit in exhibendis officiis laboranti graviter Patri. Cum dolores verò illius nonnihil sedati per æstatem viderentur, divertit Belgenſerium, unde priusquàm regrederetur, concedere Tolonum voluit ad Corallii expiscationem. Id nempe raris quidem locis in nostro mari nascitur; sed angusto præsertim spatio, quod à Cithariste promontorio non ampliùs, quàm duobus Provincialibus milliaribus distat. Et quoniam accepit tempestatem esse illi eruendo opportunam; ideò naviculam conduxit, viròsque delegit idoneos, à quibus deduci sese observavit, quousque certis quibusdam montium, colliumque cacuminibus in eandem lineam coire visis, subindicatus locus fuit. Tum demissa per funem cratis, seu mavis, crux lignea, cum appensis retibus, quamprimùm hærescere fundo deprehensa est, variè toto tractu detorta, diducta, devoluta est, ut plantæ Corallinæ retibus implicarentur. Ubi id actitatum satis, machina sursum educta est, animadvertumque retia dirupisse, avexisseque plantas Corallii non paucas, unà cum plerisque fragminibus siccis, putridis

dis, cariosis, ut putà quæ aliàs evulsa, aut relicta fuissent, aut inter abducendum retia, decidissent. Quæ plantæ porro tunc avulsæ, eductæque fuerant, neque rubescebant, neque tersæ erant, nisi detracto cortice; molles aliunde, tactuque cedentes ad ipsa cacumina, quæ rupta, pressaque, emittebant lac, sicuum instar, & compressione desinente, apparebant interpunctæ tenuibus foraminulis, seu quasi vacuis venuilis, quibus lac illud fuerat emissum. Id quoniam admonitus est esse admodum causticum, idcirco sollicitè cavit, ne cutis ipso attingeretur. Et quia rogando didicit id esse instar seminis, adeò ut contingens quidpiam solidum veluti concham, lapidem, aliud, cohærentem illi plantam generet; ideò conjecit quemadmodum Pisano illi Cranio supercreatum corallium fuisset. Fuère, præter Corallii plantas, aliæ quoque multæ, & quam-multa etiam animalcula implexa, ac speciatim Limax sine cochlea, sive testaceo cortice. Eam verò totam congeriem translatam Belgenserium immisit in furnum, ut exsiccaretur, asservareturque. Deprehendit autem Limacem effusam in liquorem purpureum, & quicquid erat contiguum, tinxisse colore purpuræ perfectissimo: quamobrem ansa illi est facta subdubitandi, num ea fortè esset vera Purpura, isque liquor germanum Ostrum, quo, seu Murice Tyrio, tinctæ olim vestes leguntur.

Reliquo, & sequente anno qui fuit sæculi vigesimus quintus, discedere prorsus à Patre non potuit, nisi quantum necessitas ad exhibendum Legato exegit. Eo nempe anno Pontifex, propter Reipublicæ Christianæ negotia, destinavit Cardinalem Barberinum in Galliam, isque sub veris initium allapsus est Provinciæ oris. Appulsurus erat Massiliam; verùm tempestate cogente Tolonensem subiit portum, indeque pergens Avenionem Aquis-Sextiis fuit transiturus. Occurrit verò Peireskius ad tertium, aut quartum milliare, nihilque non egit, ut decretis ipsi pro dignitate honoribus civitatem ingrederetur: at ille certo consilio prætergrediendum censuit, diverteréque Lambisici maluit. Inde sequente die profectus Avenionem cum accessisset, consequutus illum Peireskius non est: sed quarto demùm die adfuit, deducto Aleandro vetere amico, quem oppiparè exceptum detinuerat interea domi. Aleander nimirum adscitus in Cardinalis familiam, è comitatu ipsius erat, unà cum nobili Equite Cassiano à Puteo, qui profectò quantus vir fiet, eruditi, bonique omnes ipsi devincti, Romæ loquun-

1625. loquuntur : itémque cum illo aliquoties memorato Debonæro , quem cum ob propria merita , tum ob Barclaii memoriam satis complecti nunquam potuit : ac rursus cum Ioanne Baptista Donio , eruditionis profundæ viro , quem Cardinalis habere voluit à Latinis Epistolis : & cum viro omnino bono Ludovico Aubrio Menilio Parisino , cuius fuerat varia officia tam Parisiis , quàm Romæ expertus . Ac fuere quidem alii plerique ; sed speciales tantum Peireskii amicos commemoro .

Fuisset deinde Peireskii Cardinalem lubens sectatus , statuerat enim nec Parisiis , nec totâ Galliâ dimittere : sed repugnavit pietas , quæ Parentem deferere acerbissimè vexatum prohibuit . Cum esset verò Frater Parisiis , dedit ad illum literas , hortatusque est ut obsequium , quod ipse non poterat , cumulatissimè exhiberet . Dedit & ad varios amicos , ac nominatim ad Rubenium , pergulam Luxemburgicam Palatii novi Reginae Matris pictis Tabulis adornantem : quod nosset illum pro ingenii sceleritate , suavitatèque , & pro rerum exquisitarum uberrima copia mirè placiturum . Ipsi , ut à Patre rursum non abesset , non postrema causa fuit , quod duo illi Medici , quibus salvis benè semper sperare erat solitus , superstites amplius non forent . Si quidem Jacobus Fontanus , cum ipse esset adhuc Parisiis , extremum diem obierat : Antonius verò Merindolus à superioribus proximè Natalitiis concesserat fati .

Quo loco obiter dicendum , vix quicquam potuisse ad dolorem accedere , quem ex huius morte Peireskii concepit . Quippe & rara eruditio , & lenitas morum eximia , & diuturna consuetudo , & humanissima officia , jam pridem amicitiam conciliaverant non vulgarem . Non addo verò quid ad illam contulisset Peireskii : id enim potius intelligendum ex testamento Merindoli , quod est in Operum ipsius nuncupatione expressum . Scilicet ille declaravit velle se quidem opera sua sub Regis Christianissimi præsidio mittere in lucem : Veruntamen , inquit , *sepositum velim Tractatum de Febris , eo quidem nomine , ut nomen mihi carissimum in fronte præferat , videlicet D. Nicolai Fabricii de Peiresc , in supremo Aquisenensi Senatu Consiliarii Regii , & Abbatis Guistrensis , omnibus florentissima fortuna , & absolutissima doctrina virtutum comitatu stipata subsidis , atque ornamentis instructissimi . Hunc enim virum , in quo veteris vestigia recti , & mores video ductos meliore lapillo , semper inter ingenii mei patronos habui ; proindeque*

déque hujus libelli consecratione, tanquam obligatoria syngrapha omnibus testatum cupio, quot, quantisque nominibus ipsi me devinctum esse confitear. 1625.

Ad Patris morbum ut redeam, fescui-annus erat, ex quo præter vesicæ, ac renum dolores, conflictabatur cum Podagra pertinaciter hærescente. Tum verò ab uno, aut altero mense eò morbus evaserat, ut ex pedum articulis extraherentur lapilli, ac tantâ quidem copiâ, ut asservati per octo menses potuissent molem conficere ipsis pedibus non minorem: & quoniam vix unquam poterant avelli, quin nervorum, ac tendinum extremæ partes discerperentur, evenit, ut intra id tempus, gangræna quinquies invaserit. Peireskius porrò continuò adfuit non remedia modò, ac regimen victus consultans, præscribènsque cum chirurgis, ac medicis; sed simul etiam omnia apparans, tractansque, & quicquid Pater ore sumebat, manu propria semper ministrans. Id videlicet caverat, Patèrque ita suave habebat, ut non lenimen doloribus efficacius experiretur. Cùm sic autem foret assiduus adedò, ut, nisi urgentibus in Senatu negotiis, à latere Patris non discederet, mirum non fuit, si ipse, præter frequentem stranguriam, hæmorrhoidas ita irritârit, ut ad eam partem subnatus fuerit importunissimus tumor.

Eo laborabat jam graviter sub Octobris initium, cùm imminentem reditum Cârdenalis Legati accepit. Dilatis ergo remediis, præscripsit primùm quo Pater foret continendus regimine, ac Legatum deinde Avenionem convenit. Cùm Pater verò præscriptas metas aliquantulùm excessisset, incidit statim in catharrum, de quo Medici desperantes revocandum mox Peireskium censuerunt. Nuncio accepto, is rediit, sed Patrem ita collapsum invenit, ut continere spiritum duos duntaxat dies potuerit. Obiit ergo bonus ille, magno optimi filii luctu: sed testari luctum diu non permisit accessus Legati, quem Laribus suis excepturus fuit. Quippe efferebatur funus, cùm ecce renunciatum est propè jam Legatum adesse. Quare pompâ domum reductâ, excessit confestim, & vix ad milliariis dimidium advenienti Legato occurrit. Is, cæremoniis in Ecclesia ritè, & ex more peractis, ingressus est Peireskii domum; cujus stupendum fuit totam faciem ita momento immutatam, ut quæ aulæorum atrore, ob excessum Patris-familias, mox antè præferebat luctum; illicò aliorum rubore, propter accessum hospitis, demonstrayerit effusam lætitiâ. Confestim etiam,
post

1625.

post salutem ab universo Senatu, omnibusque aliis civitatis ordinibus dictam, mensæ ita fuere instructæ, ut excogitari non potuerit apparatus magnificentior. Octo profectò cœnaculis tempore eodem, & absque ulla confusione est ministratum: suspiciendusque admodum fuit excelsus viri animus, cujus providentia non potuerit consternatione exturbari. Mensis remotis, voluit Legatus etiam Musæum invisere, & suaveis horas ducere familiari colloquio, singularibusque rebus inspectandis. Hūc spectat illud Viasii in Panegyri ad Urbanum octavum.

— sic vidimus illum

Post reditum à Francis, Peiresi ad vota receptum,
 Illustresque domos, quas virtus, priscaque laudum
 Nobilitas, Musaque fovent, & quicquid Athenæ,
 Romæque, post veteres potuit servare ruinas,
 Intus adest, meritumque illeic se subtrahit avo.

1626.

Abscedentem cum deduxisset, concedendum fuit Riantium, ubi prætextu paternæ mortis subditos moliri res novas audierat. Iis utcumque compositis, ventoque adverso Legatum intereā ad Toloni portum detinente, iterum illuc ipsum convenit, obtulitque duas Capellas auribus promissis, adeoque oblongis, ut capite vel leniter depresso, contingerent terram. Hacce Legatione functus Cardinalis occæpit statim aliam ab ineunte sequente anno. Scilicet profectus in Hispaniam est; sed vi tempestatis aliquoties in oris Provinciæ retentus. Hæsit verò, commoratusque præsertim est ad Turrim Buquiam, quæ prostat in ingressu plagæ Martigiæ, seu Colonix Maritimæ; adeò ut Peireskii rescire, conveniréque ipsum potuerit. Et certè grande illi solatium; quando præter aliquot dierum jucundissimam consuetudinem, libri etiam allati sunt, quorum lectione tædium levaret. Cætera inter, fuere nonnullæ marini æstus observationes, quas Peireskii non ita pridem fieri procurârat per Antonium Natalem, Provinciale medicum in Aremorica versantem. Cum eæ Legato mirè placuissent, pollicitus est operam, ut fierent similes complures. Ultrò etiam promisit se, quicquid in ea Legatione singulare occurreret, cum ipso communicaturum, ac nominatim effecturum, quod ille maximè expetiit, ut exscriberentur Epitaphia, & fierent icones Barcinonensium Comitum, præcipuéque Alphonsi Casti.

Redit

Rediit porrò Peireskius domum rheumate insigni laborans; idque præter renum dolores, incommodaque alia à morbo usque Paris contracta, quæ nocteis insomneis deinceps creârunt, & ne in ipso quidem lecto permiserunt conquiescere. Inter cætera levamenta, non postremum duxit ex libris, quos amici varios miserunt, & inter quos fuere nonnulli mentionem ipsius facientes; veluti Glossarium Archæologicum, continens voces Latino-barbaras, auctore Henrico Spelmano Anglo, qui in operis præfatione, *Si ad exteros*, inquit, *abeam, non me leviter incutârunt nobilissimus apud Gallos Nic. Fabricius Peireskius, Regiæ Majestatis à Consiliis in Senatu Aquensi, Hieronymus Bignonus, &c.* Ubi notandum est Bignonum, & quos præterea ille citat, excitatos fuisse à Peireskio, ut Spelmanum ad operis editionem sollicitarent. Itémque Notæ Pignorii in Vincentii Cartari librum de Deorum imaginibus; ac rursus ejusdem Epistolæ Symbolicæ, in quarum vigesima nona Pignoriùs recitat Peireskio Epistolam Marsilii Ficini de causâ amicitiae inter se, & Bembum, eodem die natos, ex Codice, qui fuerat in Bibliotheca Pinelliana, *quam tu, & ego*, inquit, *florentem olim vidimus.*

Non postremum etiam quælivit ex variis antiquitatis monumentis, quæ Aquas-Sextias transferri voluit. In iis præcipuum fuit Lectisternium, seu tumulus marmoreus elegantissimæ structuræ, cui prope Brioniam eruto, & ad se convehendo tum specialem curam, tum viginti industrios, lectosque viros destinavit. Hoc certè opus tanti fecit, ut Rubenium postea discedentem in Hispaniam, non potiore ullo ad se lenocinio, quàm illius inspectione invitandum censuerit; & cum in eo figuras quasdam seu vetustate, seu injuriâ malè affectas observasset, habere Roma voluerit ectypum gypseum alterius, in quo visas sibi figuras consimileis notaverat, ut illarum instar curaret restitui. Allevamento quoque fuit Barbleus quidam Colonienfis, juvenis industrius, & Medicinæ etiam peritus, qui ipsi fabricatus est chartaceas sphaeras omnimodas, hoc est juxta hypotheseis Ptolemæi, Copernici, Tycho-nis, aliorum. Non omittendum, fuisse quoque magnopere exhilaratum consuetudine perhumana Jacobi Lorini è Societate Jesu, Psal-morum Commentatoris, qui cum priùs Româ rediisset, Avenione ad ipsum venit, & autographo quodam Bellarmini donavit. Tandem, ut mentem diverteret, legit per id tempus quod tum è prælo primùm prodibat, Arelatense Pontificium, auctore Petro Saxio ejus

1626.

Ecclesiæ Canonico. Plurimum verò fuit indignatus, quòd ille, studio nescio quo, affectasset elevare Principum nostrorum jura, & non modò non reposuisset quæ opponi potuerant, sed interdum etiam tentasset præter fas illa enervare. Quamobrem non interquievit, donec placito Curiaë libri evulgatio prohibita fuit.

Paullo jam meliùs Peireskio erat, cum post literas varias & à Cardinali Legato, & à Puteano Equite, & ab aliis Madrito acceptas, admonitus denique est Cardinalem rediturum, transiturumque Massiliâ initio Septembris. Itaque, sanitate licet parùm firma, illuc accessit, Cardinalisque appulsum aliquot diebus expectavit. Frustra id tamen; quoniam ille vento fruens secundo prætervectus est, substititq; solùm nonnihil Toloni; undè rariora quædam ex iis, quæ ex Hispania advehebat, cum excusatione Aquas-Sextias misit. Ea Peireskio cum accepisset, gratias egit per literas, quibus aliunde Christophorum Puteanum professione Carthusiensem (quem aliunde & eruditio, & morum innocentia poterat satis arguere Parisiensium illorum fratrem) studiosissimè cõmendavit. Non refero autem quàm gratam hujusmodi commendatione Cardinalis habuerit: nam & ipse Puteanus scripsit imparem se esse, qui exprimeret quam propterea benevolentiam, comitatéinque fuerat expertus. Subjungo potiùs ipsum Puteanum haudquaquam degenerasse à necessitudine fraterna cum Peireskio arctissima; quandò nullo officii genus præstare unquam potis fuit, quod non ultrò præstiterit.

Memorari verò heic debet commendatum sub idem tempus Josephum Mariam Suaresium Avenionensem, pereruditum juvenem, eumque propterea in familiam Cardinalis adscitum fuisse. Nec reticendus Lucas Holstenius Hamburgensis, eruditorum ocellus, qui est etiam non longè post in eandem adscriptus familiam, cum illius virtus Puteanis commendantibus innotuisset Peireskio, & commendante Peireskio ipsi Cardinali Parisiis Legato. Uterque sanè est deinceps testatus gratitudinem, literisque frequentibus, atque eruditis benevolentiam demeruit: Peireskio verò nullam unquam, quin gratificaretur utrique, occasionem prætermisit.

Vexavit rursus per hiemem rheumatismus, & renum dolor; nec desuit tamen propterea literas varias conscribere, sed ad Puteanos potissimum, quorum operâ prædicabat se eominùs conspici, quæ gererentur in mundo, ut Telescopiorum subsidio eo, quæ in cælo procùl latent,

latent. Inter alia verò causam edisseruit, cur constituti pridem Census 1626. deminuti jam tantopere forent. Cùm enim, inquit, proavi, majoresque nostri illos florenis exprimerent, qui tum temporis erant aurei, solatissime nummis valore præstabant; effectum est, ut quia floreni tunc elocabantur duodecim solidis argenteis. census jam unius floreni non redimatur pluribus, quàm duodecim solidis; cùm tamen hi nostri ab antiquis illis sic degeneraverint, ut sextuplò aucti iis non æquipolleant. Dicendum nunc octuplò foret, ac brevè etiam decuplò: ut edoceantur, qui volunt census temporis lapsu non imminuendos constituendos, ne aut libris Turonicis, aut vulgari pecunia; sed frumento, aut alio simili proventu illos estimant, persolvendosque stimulentur. Nam cùm semper sit eadem propè seu feracitas, seu sterilitas ejusdem telluris; debet quoque caritas frugum constare eadem circiter: at pecuniæ usualis valor non par ratione idè perseverat; sed decrescit continuò, ut superius est declaratũ.

Interea porrò Valavesius est reversus Parisiis, negotiaque illa Riantiensia post insuperabiles tam multorum annorum liteis Transactione decisa sunt. Inibat tum sæculi annus vigesimus septimus, cùm ab ejusmodi negotiorum sollicitudine respirans, constituit proximo justitio perlostrare Provinciam, ad congerendum inscriptiones tum nondum habitas, tum manu non satis vel fida, vel erudita descriptas; idque ut gratificaretur nominato jam Donio, qui paratum editioni habens ingenè volumen Inscriptionum apud Gruterum non exstantium, optarat collectas ab ipso Provincialeis intexere. Et non est quidem nactus otium perficiendi quod destinarat: non destitit tamen propterea sollicitare Donium, ut eam congeriem emitteret, sperans interea fasciculum Provincialium contextum iri; ac præferens ipsas ad calcem continua serie subjici (Hispanicarum scilicet instar in Gruteri volumine) quàm confusè interjici, ut in cæteris factitatum. Cœpit porrò exinde agere cum Donio non de inscriptionibus modò, sed, ut ille est reverà multifcius, de ejus Onomastico, de opere Musico, de Convivalibus, de monetis Hetruscis, de Justinianeis quibusdam numismatibus, de generibus armorum Antiquis, & id genus compluribus.

Egit quoque sub idem tempus cum Nicolao Rigaltio Bibliothecario Regio, eruditioneque perrara conspicuo de solutione illorum Virgilianorum ænigmatum, circa eas Terras, in quibus inscripti nomina Regum nascuntur flores; & eas, in quibus cœli spatium non amplius, quàm

1627. quam treis ulnas pater. Cùm verò circa illud prius, retulisset præclara quædam de variegatis floribus, tum circa posterius, quod solent interpretari de Puteo, meminit inter alia effossum Riantii fuisse puteum, è quo profectò oportuerit exiguum videri cæli spatium, cùm stellæ interdum conspicuæ ex ejus fundo fuerint; oculis nimirum ob profunditatem in tenebras quasi nocturnas immersis, pupillisque ob dilatationem (ut in obscuro fieri solet) admittentibus rerum etiam minutissimarum uberiores species.

Aderat tum recens Archiepiscopatu Aquensi Alphonfus Plessæus Richelius, præsul insigni eruditione, raraque pietate assumptus ex Carthusia; cùm Peireskii sese ab illo eximè adamari sentiens, nulla non assiduitate, testationeque officii dignum se ipsius affectu probavit. Invisenti Massiliam comitem se illi addixit, eaque occasione ille salutavit Gabrielem Albaspinæum Aurelianensem Episcopum, qui tum eò secesserat, ac meditabatur opus, quod & post modum edidit, de Eucharistiæ mysterio. Meminit in eo aliquoties communicatorum à Peireskio Codicum, ipsum appellando delictum, amorémque literarum, & ornamentum Provinciæ. Fuit etiam Archiepiscopo non multò post adiutor strenuus, ut institueretur Cursor publicus, qui fasciculos literarum in singulas hebdomadas feredis deferens Lugdunum, parique ratione inde afferens, etiam cum Parisiensibus hebdomadicum faceret commercium. Et diù quidem id exoptarat, aliquotiesque tentaverat, ut rem publicè utilem, & amicis gratam futuram: sed nemo ante eum Præfulem satis animatus ad id fuerat, neque comitia Provinciæ, ut impensas decernerent, potuerant unquam persuaderi.

Mira porrò fuit exinde lætitia, cùm eruditorum omnium, qui crebras à Peireskio expetebant literas; tum Puteanorum maximè, qui ea ratione potuerunt sæpiùs, faciliùsque communicare quicquid aut recens cûsum fuit, aut rerum novarum occurrit, ut ipse vicissim ad eos mittere quicquid ex Italia, Africa, Oriente toto impetravit. Quippe abheinc quoque commercium uberius, quàm antè, instituit cum Consulibus, Mercatoribusque illeic ubivis agentibus, ut illorum operâ usus Græcos, Hebræos, Arabicos, cæterarum exoticarum linguarum libros nancisceretur.

Heinc statim aliquos obtinuit, ac nominatim ex Cypro præclarum
volu-

volumen *αὐτῆς, καὶ καλίας*, Constantiani Porphyrogenetæ, continens excerpta ex Polybio, Diodoro, Nicolao Damasceno, aliisque historicis, ex quibus possent variæ auctorum nobilissimorum supplementi lacunæ. Incredibile autem dictum, quàm pro nihilo duxerit ducentas Turonicas libras numeratas in pretium, vel ex eo quod est conjectatus ipsissimum esse exemplum, quod Imperator sibi habuerat, ob characterum formam, nitorémque, ob compactionis elegantiam, ob præclara carmina in illius laudem præfixa. Obtinuit quoque diù requisitas, & ex Vaticana etiam descriptas aliquot Assisias (sic appellant Comitia Christianorum Procerum à Palæstina recuperata) persuasus dudum, aliquod demùm in illis regionibus earum exemplum reperi-
tum iri.

Eodem circiter tempore scripsit quoquoversùm ad adiutandum Holstenium, meditantem nobilem manum Geographorum veterum nondum editorum proferre in lucem. Desiderabatur præsertim ab illo *ἀναπλοῖς* Thracii Bosphori, auctore Dionysio Byzantio, quo Petrus Gyllius usus est; sed Latine solum, ac per particulas, in eo Bosphoro describendo. Et quia congruum existimavit, ut textus Græcus reperiretur inter Codices Bibliothecæ Cardinalis Armeniaci, è cuius familia Gyllius fuerat; idcirco Peireskius dedit operam, ut Episcopus Rutenensis totam Bibliothecam versaret, catalogumque demùm mitteret, quo faceret fidem huiusmodi librum irritò conatu perquisitum fuisse. Quas putas proinde literas non dedit ad Apostolicos Nuncios, ad Oratores Regios, ad quoscunque novit eruditos viros (quos inter profectò speciatim dicendus eximius ille Tolosatus Antistes Carolus Monchalus, è cuius penu divitè tot rari Codices educi) ut quomodocumque tandem certus fieret, ille-ne uspiam gentium exstaret. Et credibile sanè est vix exstare alicubi: quando tantam viri sagacitatem effugit. Meritò quippe idem Holstenius, cum ad illum scriberet, *Neque enim; inquit, quemquam mihi mortalium hactenus videre contigit, qui te antiquitatis cognitione superet, vel pervestigandi diligentia, & felicitate aquet.*

His dum vacaret, accepit librum à memorato superiùs Joanne Jacobo Chiffletio, jam tum Isabellæ infantis cubiculario Medico, de Portu Iccio Morinorum, è quo Julius Cæsar in Britanniam solvit. Et facile quidem discessit ab ea sententia, qua ratum habuerat ejusmodi

1627. portum esse Caletum, seu Calitium; sed optavit tamen præclarum eum virum explorare uberiùs totam illam oram, ut quamvis acutè probasset portum illum Mardicum esse, videret tamen, ne oræ nobis superstiti foret vindicandus. Quem legimus certè ulteriorem Portum, interpretandum videri non interiorem, ut designetur interior plaga sub Audomaropoli stagnantibus aquis interstincta; sed magis occiduum, ut indicetur vicinior, undèque trajectus in Britanniam brevior. Cæterùm nihil gratius habuit, quàm quod simul legit exstare ad lacunam illam Audomaropolitanam Insulas Nanteis, quæ veterina, & homines ferant, & quibus alni, salicèscæque latis frondibus innascantur. Voluit proinde ut biennio post, cum illac iter facerem, spectarem illas curiosius, referre inque quicquid id esset. Præstiti autem, ac interim ramulum transmissi, quem decerpseram ex non humili salice, suo cum fundo simul nante.

Sollicitus etiam tunc fuit de observatione illius articuli, quo clandestina conjugia à Tridentino Concilio damnata sunt, neque interquievit, donec Judicibus quibusdam ordinis Ecclesiastici scrupulosioribus fidem fecit, illum non modò pro comitiis sanctione Regia confirmatum; sed specialibus etiam Synodorum hujusce Provinciæ Metropolitanorum decretis. Non addo quanto simul ardore sollicitaverit Aleandrum, ut seriò se accingeret describendo illi Terræ-motui, quo Aquila concussa fuerat à die Julii penultima, & quo Septembri tandem mense Archiepiscopatus San-severinatum absorptus fuisse perhibebatur.

Non addo alia: refero solùm singularem modestiam, qua commutatam voluit nuncupati sibi libri Epistolam dedicatorem. Complectebatur liber ille spiritualia quædam Sanctorum Diadochi, Nili, & Hefychii opuscula, quæ Aleander Fichetus ex Societate Iesu vir pereruditus, cum Lugduni daret in lucem, nomini ejus inscripta voluit. Usurparat autem Bibliopolæ nomen, neque se putarat hyperbole uti, dum commendaret Peireskium, cujus virtutem cum Aquis-Sextiis profiteretur Philosophiam, publicèque concionaretur, perspectam jam habuerat. Verùm Peireskii ipse non tulit, sed missurus Romanam quædam exemplaria (ut nihil novum prætermittebat) seponi jussit Epistolam, imprimique aliam, quæ præfigeretur. Et nonnulla

ex ea, quam suppressam voluit. Regia Solis est mens tua, domus tua, bi- 1627.
bliotheca tua, omnium ingeniorum orbis stellifer, in quo cœlestes imagines, in
quo doctrinarum omnium, & doctorum hominum astra coruscant; ita ut non
aurea, non argentea, sed stellata omnia videantur; stellati pluiei, librorum stelli-
fer ordo. Tu verò in medio residens complectensque omnia, lumen omnibus fœ-
neraris, decus addis omnibus, omnibus vitam quodammodo, æternitatem impar-
tiris; ut ad te meritò libri omnes, qui genium habent, quasi quidam ignes sacri bo-
narum mentium de toto orbe, velut ad cœlum suum revolare gestiant, ibi lucem
accepturi, redditurique, &c.

Epistola hæc revocat in mentem, quòd cùm exemplum Cœli Chri-
stiani à Ioanne Bayero affecti, & à Iulio Schillerio confecti sequenti 1628.
anno allatum fuit, commendavit quidem Peirekius pietatem, qua illi
vulgatis Planetarum nominibus substituerunt propria Adami, Mo-
sis, aliorumque Patriarcharum; indideruntque duodecim signis Ap-
ostolorum vocabula, & Asterisimis cæteris aliorum Sanctorum,
rerumve religiosarum nuncupationes; præter figuras recens confi-
ctas, conditaque nova de iis carmina: sed institutum non compro-
bavit pervertendi, confundendique quicquid cœlestis notitiæ à me-
moriam usque antiquissima respersum est in omneis libros. Quan-
quam seriò non timuit, ne propterea Astronomi universam il-
lam astrorum nomenclaturam immutarent; quoniam illicò per-
viderent nihil se inde adjutari, turbari verò quamplurimum. Ad-
debat pervetustos illos Schematismos siderum, tametsi prophā-
nos, nihil officere Christianæ pietati; cùm & ipse olim observas-
set Vercellis hujusmodi imagines, à mille & ducentis annis forni-
ci Ecclesiæ impressas. Denique optare, ut quæ solers manus novas
istas cælaverat, Vercellenseis illas sua antiquitate commendabiles
expressisset.

Longè sanè magis commendavit opus Tabularum Rudolphina-
rum, quod tum à Kepplero evulgatum est. Quippe quòd illæ dedu-
ctæ forent ex novi Atlantis Tychois Brahei acuratissimis observatis,
haud malè opinatus est posse ex illis exquisitiorem cœlestium rerum
notitiam; quàm ex quibuscvis aliis haberi. Heinc quia id opus fuerat à
multis annis expectatum; ideò maturè collegerat observationes varias
ex quibus examinarentur. Non postremos verò rogavit viros eximios
Petrum Franciscum Tondutum San-legerium Avenionensem juriscon-
sultum,

1628. sultum, & Jacobum Valesium Scotum apud Delphinates generalem thesaurarium, utrumque omnis quidem matheseos, sed Astronomiæ cum primis peritum. Habuit præterea ab utroque unde errata varia Typographica emendaret; & cum posterior significasset institutum à se fuisse Eleazarum Feronceum Ledigueriorum Viziliæ hortorum olitorem oppidò industrium, & quo non alius unquam est magis opportuna loquutus, qui observaret cœlestia; idcirco sategit Peireskii speciatim ab ipso observationes obtinere.

Mitto quòd meas quoque nonnullas habere, asservarèque voluerit, priusquàm Parisios discederem (unde Tabulas ad ipsum transmissi) ac cæteras inter nuperæ Lunaris Eclipseos, cujus Phases præcipuæ Aquis-Sextiis observatæ prodiderunt illius medium contigisse eo ipso anno, die Januarii vigesima, ac hora nona, cum tribus quintis. Ipsam verò Parisios, Romam, Florentiam, Patavium, Lovanium, aliò destinavit, ut sicubi fortè peracta observatio similis foret, expendi posset intercedens meridianorum differentia. Nimirum cordi semper habuit instaurationem Geographiæ; de qua tum quoque ad Bertium scripsit; adhortando illum, ut simul cum edione Eusebii, quam pollicitus fuerat Geographiam sacram maturaret. Ne memorem, quòd auctor fuit illi, ut Typum orbis ederet pro varietate figurarum, quæ varii τὴν ἐκσυρμένην, seu habitabilem Terram describendam olim censuerunt, ut Dionysius, Strabo, Plinius, Ptolemæus, & alii.

Circa observationes ut quidpiam adjiciam, exoptavit omnibus votis exoriri interpretem, qui explicaret, figuras, characteresque conspicuos in fragmento quodam Lateritio, Babylone non ita pridem eruto, & ad se transmissio. Ipsum quippe esse rebatur ex illis costilibus laterculis, quibus Plinius docet, ex Epigene, inscriptas apud Babylonios observationes siderum per septingentos viginti annos. Qua occasione mirè suspexit venisse in mentem hominibus haud dubiè bonis inscriptionem lapidi insculpere ad portam Sacelli, supra rupem ad Druentiam propè Mirebellum eminentis, quam indicatam habuit à viro amico, eruditionis paternæ hærede Joanne Gallaupio Castuelio, Regio apud Magistros rationaleis cognitore. Quippe ea nihil continet aliud, quàm monimentum Eclipseos Solis, quæ III. Nonas Junii, anno M. CC. XXXIX. contigit; cujus notitiam jam habuerat ex Necrologiis aliquot, ac nominatim nostræ Ecclesiæ; in quo

memo-

memorata quoque alia, visa anno M. cccc. xv. die Veneris septima Junii, horâ à Solis ortu primâ, tantæ obscuritatis, ut stellæ clarissimè conspicerentur. 1628.

Inaudierat paullò antè abiisse è vivis Iacobum Allealium Mathematicum : quare magnoperè condoluit ; veritus jacturam operum quorundam tum ipsiusmet, tum Francisci Vietæ laudatissimi Geometræ, veluti etiam non longè pòst audita Fontanei morte, jacturam timuit cimeliorum, Manuscriptorumque complurium ; quos inter, ipsum Alciati autographum de rebus Mediolanensibus commendare solitus fuit. Expetebat verò ut rari, & bonæ notæ MSS. nisi quamprimùm ederentur, asservarentur saltem in publicis potiùs, quàm in privatis Bibliothecis ; quòd ea ratione longè minùs malo fato forent obnoxii. Sed & simul expetebat viros non deesse, quibus curæ foret, nimis diù latenteis ex illis eruere, eamque ob causam ad Cardinalem Barberinum cùm scriberet, enixè contendit, precatùsque est, ut, pro summo suo in bonas literas amore, procuraret typographiam Vaticanam restitui, quò tot præclari codices Græci meritam reciperent lucem. Atque hujusce quidem rei occasionem sumpsit, ex eo quòd Michaël Iayus civis Parisinus, generoso ausu, typographon instituisset, quo jam cœpta erat editio Bibliorum, futura locupletior Plantinianâ, & Regiâ dictâ ; quòdque Romæ esset Holstenius, operam lubens collaturus.

An memorabo conscium fuisse meæ cujusdam dissertationis cum Merindolo pridem habitæ, de transfusione chyli in jecur ? Aperueram scilicet iter per porum dictum Cholidochum, mezenterii venis obstructis. Cùm scripisssem ergo evulgatum librum, quo Gaspar Asellius, Anatomicus Ticinensis, referebat se detexisse venas in mezentorio Lactæas, probabilitérque chyli vectatrices (scilicet præter vulgareis rubeas) ipse mira festinatione conquistum misit libri exemplaria, quæ in medicos amicos distribuit, ac simul experiri voluit in cane, in ove, in bove, in plerisque omnibus animalium generibus, quod ab Asellio fuerat de singulari invento scriptum. Cùm simul monuissem Gulielmum Harvæum, Medicum Anglum, edidisse præclarum librum, de successione sanguinis ex venis in arterias, & ex arteriis rursus in venas, per imperceptas anastomoseis ; inter cætera verò argumenta confirmasse illam ex venarum valvulis, de quibus ipse inaudierat ali-

1628. quid ab Aquapendente, & quarum inventorem primum Sarpium Ser-
vitam meminerat; ideò statim voluit & librum habere, & eas valvulas
explorare, & alia internoscere veluti mæandros mediastini cordis,
quos Harvæus est inficiatus, & de quibus ipse feceram securum.

Ita admonitus de lingua muscarum multicuspe microscopio con-
spicua; experimentum multiplex peregit in insectis adfinibus, ac in
Ape potissimum, ut ex inde ansam præberet Rigaltio emendandi, il-
lustrandique Plinianum caput de Apibus. Ita, cum Grotius significas-
set insectum quoddam multiceps ex lignis in mare demersis progna-
tum; non auctores modò omneis, qui simile quidpiam haberent,
consultuit; sed requisivit etiam piscatores, curiososque omneis ad
oram maritimam; effectumque tandem; ut nisi eandem planè rem,
saltem piscem compererit, præditum septem capitibus, mediisque
quasi corporibus, longitudine inæqualibus, cuidam quasi umbilico,
seu placentulæ satis densæ, circum-implantatis.

Hæc, & similia cogitabat, dum à satis crebris hæmorrhoidum,
stranguriæque laboribus conquiescere permetteretur. Cum Septembri
autem mense, relaxandi animi causâ, discessisset Belgenferium, maturè
fatis rediit, ut die mensis ultima præesset, adhortationeq; egregia præ-
iret municipalibus comitiis, quibus Aquenses Consules, iidemque
Provinciæ Procuratores, creari solent. Non longè post renunciata
est, quam acerbè profectò tulit amicissimi Malherbii mors. Cum verò
luctum non modò sibi, sed Musis etiam Gallicis indicendum arbitra-
retur; consolationi tamen fuit, quòd successisse videretur & sui ami-
cus, & Gallicæ linguæ, poëseosque arbiter, singularis vir Joannes
Capellanius; in quo semper eruditionem, cum sapientiæ studio; &
morum lenitatem, cum animi candore conjunctam, suspexit.

Accepit deinceps exemplum historiæ Genealogicæ Regii Franco-
rum stemmatis, quam San-Marthani ediderunt, & in qua ipsius cum
elogio meminerunt, occasione communicati M. S. codicis Matthæi
Giovanazzii, de Regibus Siculis ex Andegaveni stirpe. Cum eodem
verò tempore vir bonus, doctusque Dominicus à Jesu Maria Carme-
lita, scripturus de Sanctis ex Regia stirpe progenitis, monumenta quæ-
dam ex ipso quævisset; nihil potius habuit, quàm commemorare Ca-
rolum secundum Regem Siculum, unàque Comitem Provinciæ. Is
enim & mortuus venerationi habetur, integro ejus corpore in hunc
usque

usque diem Aquis-Sextiis asservato; & vivus ea fuit *foelicitate*, ut Ludovicum filium, Tolosanorum Præsulem designatum, & cum fama sanctitatis præmortuum, viderit referri in Sanctorum catalogum; atque adeo vota illi voverit, pecuniamque legaverit, extruendæ ipsi Ecclesiæ Massiliensium Minoritarum. 1628.

Non parùm postea laboravit, ut Incile amplum, seu canalis ex Druentia, aut ex Verduno fluvio, qui Druentiâ excipitur, Aquas-Sextias deduceretur. Opinatus est enim tum demùm Civitatem fore florentem, atque opulentam, cùm ejus canalis beneficio facile rerum necessariarum, tam cum superiore Provincia, quàm cum ipso mari habuerit commercium. Septuaginta jam anni erant, ex quo Adamus Craponus Salonensis canalem ex Druentia in Campos lapideos, Crautiamve totam deduxerat, Aquis-Sextiasque illum etiam adumbrârat; & quoniam opus jam erat alio seu designatore, seu directore operarum; idcirco scripsit in Belgium, ad obtinendum unum ex iis, qui ducendis per eam regionem canalibus fuerant præfecti, recensque communicationem Scaldis cum Mosa meditabantur. Ac futurum quidem esse videbatur, ut quod generosè proposuerat, *foeliciter* exsequeretur; verùm quæ insequente anno sexcentesimo vigesimo nono supervenit pestis, & rerum perturbatio, secessusque factus Belgenferium; consilium ipsius planè everterunt. 1629.

De hujusmodi autem rebus priusquàm dicamus, attingenda aliqua sunt, quæ interea molitus est. Imprimis enim occasione cœptæ Bibliorum editionis, non contentus indicasse, procurasseque, ut Româ mitterentur Parisios Biblia Samaritana, apud virum eruditum, & de bonis literis benemeritum Petrum Valleum patritium Romanum exstantia; misit ipse in Orientem virum sagacem Theophilum Minutium, ex Minorum ordine, qui uberiora requireret, obtentâ illi prius licentiâ tam à Summo Pontifice, quàm à Generali Ordinis, provisioque, ne vel comatus, vel necessarium voluminibus cœmendis pretium dedit. Et sua sanè spe frustratus non est; ille enim, optima forte, comperit statim, acquisivitque Biblia Samaritana, cum adjunctis, in Tritaplorum formam, Hebraicis Arabicisque (sed eodem tamen, videlicet Samaritanico charactere) idque præter duo Testamenta Syriaca, Arabicisque Codices complureis. Non est verò reticendum Daniele Dayminium, ex iis Francis-

1629. nis, quos Recollectos nominant, seriam navasse operam, ut tam hi libri, quàm alii, ac varia etiam numismata in Minutii incederent manus.

Mandârat etiam, ut in Cypro perquirentur Codices, quibuscum fuerat jam memoratus Eclogarum, seu excerptorum Porphyrogeneticorum repertus: at ii sic fuere exturbati, ut nulla tandem exploratione, quantumlibet sedula, reperiri potuerint. Summoperè verò id doluit, qui ex uno, tanquam ex ungue, magna spe concepta, tulerat iudicium. Quare, ne saltem illius fructu viri studiosi frustrarentur, mittendum censuit Parisios, ut Grotius, Salmasius, eruditi alii, pro suo quisque instituto, & pervolutarent, & utilia deligerent. Adfuit porrò imprimis Grotius, qui ejus hortatu se statim accinxit ad describendum, interpretandumque illustria Nicolai Damasceni fragmenta, quæ etiam, cum nuncupatoria epistola, ad ipsum misit.

Dum adesset qui similem operi residuo operam navaret, procurare intereà voluit iteratam editionem Pharmaceutices Antonii Constantini Provincialis Medici, qui ante annos circiter triginta in id incubuerat, ut ostenderet nihil esse opus ad plantas exoticas, peregrinæque remedia confugere; cùm, benignitate naturæ, idem patrium solum, quod homines gignit, ipsis nutriendis, curandisque consentanea & alimenta, & medicamenta provideat. Quare quod habuit libri exemplum misit ad Renatum Moreum, magnum medicæ facultatis Parisiensis lumen, cui id curare pergratum fuerat.

Per idem tempus accepit aureum eruditi Seldeni librum, de Arundellianis Marmoribus, sive saxis Græcè incisis, quæ perillustis ille Comes transferri ex Asia in Angliam, hortosque suos curaverat. Ac memorare quidem par est, Marmora illa fuisse primùm operâ Peireskii detecta, erutæque, persolutis aureis quinquaginta, per Samsonem quendam ipsius negotia Smyrnæ procurantem; & convehenda cùm jam essent, nescio qua venditorum arte, Samsonem conjectum in carcerem fuisse, Marmoraque ipsa intereà distracta. Sed & illud addendum est, maximoperè lætatum Peireskium, cùm accepit præclaras illas antiquitatis reliquias in tanti Herois incidisse manus; ac tantò magis, quantò agnovit Seldenum, veterem amicum, eas foeliciter illustrasse. Scilicet cui unicus scopus utilitas publica fuit, nihil putavit interesse, seu sua esset gloria, seu alterius; dummodò quod esset è reipu-

reipublicæ literariæ bono prodiret in lucem. Existimavit autem the- 1629.
saurum incomparabilem contineri in illis præsertim rerum Græcarum
Epochis, quæ non modò historicum, sed fabulosum etiam tempus
summè illustrant, conciliantque; dum memorabilia omnia, ab annis
usque octingentis ante Olympiadas, ad usque quingentos quinquagin-
ta post earum initium describunt.

Adhæc variè communicavit priorem partem Epitaphii, quod Adria-
nus Cæsar Borystheni Equo in his, ut par est credere, regionibus mor-
tuo, humatòque inscripsit. Videlicet effossa est ex agro Aptensi Ta-
bula marmorea illam Epitaphii partem continens; cum residua non-
dum reperta, necdum eruta fuerit. Curavit deinceps Peireskius trans-
ferri in ædeis hujusmodi marmor: intereà verò quia Inscriptio, de
qua celebres auctores certârunt, potuit ex hoc archetypo nobilissimo
corrigi; idèd ad omneis eruditos ejuscemodi versùs misit, exscriptos
ex eo marmore, cui insculpti sunt elegantissimo charactere.

BORYSTHENES ALANVS
CÆSAREVS VEREDVS
PER ÆQVOR ET PALVDES
ET TVMVLOS ETRVSCOS
VOLARE QVI SOLEBAT
PANNONICOS IN APROS
NEC VLLVS INSEQVENTEM
DEN.

Notum est verò, inter vetera per Petrum Pithœum edita Poëmatia;
Epitaphium integrum legi, speciatimque postremos versùs ex heic de-
scriptis, in hunc modum, PANNONICOS NEC VLLVS * APROS
INSEQVENTEM DENTE APER ALBICANTI AVSVS EVIT NOCE-
RE, &c. Ille scilicet alio modo restituere ipsos non potuit. Et Casau-
bonus quidem in illud Lampridii de Adriano scribentis; *Equos, & Ca-
nes sic amavit, ut sepulchra constituerit*, retulit quidem inscriptionem; sed
supra Pithœum nihil immutavit. Salmasius verò pro sua solertia, me-
dicam manum adhibens, sic legi posse existimavit, PANNONICOS
NEC VLLVS APROS EVM INSEQVENTEM: verum nihil jam conje-
cturis opus, cum ipsissima exstet tabula.

Prætereo autem, ut occasione hujus inscriptionis requisitum mi-

1629. ferit Augustam, num uspiam repireretur nummus, cujus Adolphus Occo meminit; cum inscriptione ex una parte, KAICAR ΣΕΜΝΟC AΑRIANOC, & ex adversa, ΒΟΡΥΣΘΕΝΕΣ, idque cum columna, seu cippo, cui impositus est Equus: utque proinde differens de Græcorum adulatione in affectu Imperatoris erga hunc Equum commendando, censuerit nihil esse id mirum; quando ipsi quoque, (nec soli Ægyptii) evexerunt in cælum usque Antinoum ejus amasium. Communicavit etiam inscriptos Constantini titulos in columna quadam milliari ad Forum Julium eruta; delineationemq; marmorum aliorum recens effossorum, in quibus Bacchi effigies cum variis Circes incantamentis: ne ea memorè, quæ explicuit circa figuras Thymelicæ, appositosq; in iis thyrsos, cum vitta, & seu scolymo, seu nuce pinea in apice.

Addam-ne, quod sollicitè elicere voluerit quid ipse sentirem de Parheliis, quæ die Martii vigesima conspecta Romæ fuerant, quorumque descriptionem, delineationemque cum Cardinalis Barberinus accepisset à docto, atque laborioso Christophoro Scheinero Societatis JESU Mathematico, jusserat ad ipsum transmitti. Cum voluerit sanè meam evulgari sententiam, memorabile solùm est, excepisse illum cum applausu, quod, post naturalem considerationem, visus sum ridere persuasionem vulgi, qua ex hisce phænomenis præsagia dicuntur pro rebus humanis. Nisi id quoque est notandum, cum Soles quinque visi tum fuerint (seu, præter verum, spurii quatuor) vix prius unquam visum fuisse tam magnum Solium numerum; & rem stupendam contigisse, cum idem Scheinerus decimo post mense, seu die Januarii vigesima quarta septem simul conspicuos eadem in urbe observavit. Addere certè heic licebit, cum jam mense Junio, versarer in Belgio, quod ad me de Parheliis scripsit, fuisse eum mirè sollicitum, ne ex lue, quæ in hac Urbe dirè grassari cœperat, supellex mea libraria detrimenti quid pateretur.

Cæterum nondum Aquas-Sextias, cæteraque Provinciæ inferioris loca prorepserat malum; cum versante Rege apud Arecomicos (seu in ea parte Occitanix, quæ est proximè ultra Rhodanum) discessere ex aula non pauci, qui Peireskium inviserent, salutarèntque. In iis fuère Stephanus Haligræus Cancellarii filius, ex legatione Veneta redux: itémque Henricus Grandis libellorum supplicium magister, & Ludovicus Peletarius thesaurarius, qui apud ipsum diversantes, cum accepis-

cepissent Thuanum ex oriente reducem, appulisse Massiliam, eò, cum 1629.
Peireskio, statim accurrerunt. Fuere præterea Drusus Daubrayus libellorum magister, (nec multò post inspector Regius, Intendensve iustitiæ) Philippus Fortinus Hoguetta, & alii.

Sequente Julio, profectus est, cum Oppedeo Præside primo, salutatum Regem. Ea occasione, vidit complureis ex amicis aulicis; & Nemausi cum foret, commendavit raram virtutem, eruditionemque Samuelis Petiti quibusdam ex Primoribus, ut Michaëli Marilliaco Procancellario, Antonio Ruzæo Dessiati Marchioni, ærarii Præsecto, & aliis. Erat Petito præ manibus fasciculus Miscellanearum observationum in bonos auctores: itaque ipsi auctor fuit, cum aliorum inferendorum, tum non negligendæ interpretationis in ea, quæ linguâ Punicâ apud Pœnulum Plauti efferuntur. Arelate cum rediret, reperit ibi, acquisivitque anulum quendam Pronubum, seu Arrham genialem, de qua plura per literas cum eruditis disseruit, occasione inscriptionis, *TECLA VIVAT DEO CVM MARITO SEO.*

Postquam rediit, Civitas suspicione pestis brevi laboravit. Ea innotuit primum initio Augusti, ex quo usque tempore constituit Belgenferium secedere, illucque proinde familiam præmisit. Nimirum, præter mali perniciem, providit insignem futuram perturbationem ordinum, præfensitque sibi non fore satis virium, ut contentionem sedandis turbis, arcendisque malis imminentibus sustineret. Et experiri tamen voluit, ne videretur patriæ, communique saluti deesse; verum coactus tandem fuit medio Septembri excedere, conclusis domo famulis, qui totam suppellectilem, & quæ ex sua Bibliotheca, atque Cimeliarchio non asportaret, tuerentur. Belgenferii dies quadragenos pro more transegit, absque ullo commercio, intra ædēs proprias, hortosque contentus. Consumpsit verò totum id tempus in recuperandæ sanitatis studio (quippe non prorsus benè habuerat) inque plantis horti, viridariisque amœnissimi excolendis. Excepit deinde partim domo, partim reliquo oppido amicos cum familiis varios à civitate exturbatos; ac Bonifacium Borrillium imprimis, virum optimum, & cui est spectatissimum cimeliarchium.

Defævit autem morbus in urbe, non modò toto reliquo anno, sed 1630. etiam parte millemi sexcentesimi ac trigesimi insequentis. Quo loco recitanda foret insignis tumultuatio, quæ exacto morbo concitata

1630. in urbe est, serpsitque etiam in alia loca, ac potissimum per autumnum. Verum renovare dolorem infandum nihil attinet, ac multo minus commemorare publicas, privatasque causas, quæ terram cælo commiscuerunt. Referre sufficiat Peireskii domum à direptione vix abfuisse, cum attigua direpta est; ipsumque fuisse repentina consternatione percussum, cum res ita fuit renunciata, ut penetratum in Bibliothecam, Cimeliarchiumque intellexisset; revixisse verò, cum inauduit direptores, tametsi visos impetu magno irruere, nihilominus sibi temperasse.

Invisere illum plerique per ea tempora; ac inter ceteros, commorati aliquandiu sunt Henricus Gornæus Marchævillæ Comes jam tum discessum apparans; profecturus nempe Orator Regis nomine ad Imperatorem Turcarum. Philippus quoque Bethunius, qui Regius antea Romæ Orator, sese in Galliam recipiebat, quique deinceps literis compluribus testatus est, quanto teneretur jucundissimæ consuetudinis desiderio. Philippus item Nunnescius, Emmanuëlque Costæus, quos discessuros in Indiam, nullis non officiis, muneribusque devinxit, datis per ipsos literis ad Ludovicum Herriardum in Magni Mogoris aula residentem; ad Loppesium Silvanum Goæ versantem, & ad alios; ut exinde nancisceretur, tum rara alia quam-plurima, tum matrices rupes variarum genimarum.

Sic commoratus Samuel Petitus, cujus mentio facta jam est, quemque tum Parisios brevi discessurum quibus demeruerit officiis, intelligi præstat ex nuncupatione Eclogarum Chronologicarum, quas non multò post ille edidit. Nam, *Gestiebat*, inquit, *jampridem animus, vir illustris, votiua hac tabella testatum palam facere, quantum te colam, quantum tibi debeam: cum mortalium nemo vivat hodie, qui tibi magis sit obnoxius, quam ego; nemo, cui ego magis sum obnoxius quam tibi. Verum ut appensa hac tabella tuo nomini, vir amplissime, & tuum nomen his nostris libellis inscriptum testimonium potius dicent spei, quam de tuo in nos affectu concepimus. Te enim Patronum advocamus, qui adsis mihi, meisque. Tu verò, vir illustris, patrociniū ne denega; ita vivas, & valeas; nostrā quippe interest. Nam si hi libelli in tuo nomine apparent, nemo bonus est inter eruditos, cui non probentur, tanquam tibi, viro castigatissimi judicii, & eruditionis summæ, probati, &c.* Sic Henricus Dormalius Leodiensis Canonicus, omnibus quidem literis bonis, sed fœlici tamen Græcorum Poëtarum imitatione præsertim

conspicius, quem nisi negotia domum revocassent, prolixius longè 1630. detinuisset.

Sic Ioannes Jacobus Buccardus Parisinus, ipse quoque omni ingenua literatura perpolitus, qui, quò posset melius excolendis Musis, bonisque auctoribus quàm Græcè, quàm Latine versandis ævum terere, constituerat solum patrium cum Romano commutare. Eò ergo pergentem detinuit Peireskius quantum potuit, non dimissurus hieme tota, nisi præoptasset ejus studia quam-primùm inclarescere in magno illo orbis theatro. Heinc & paterna monita dedit, & literis variis ita commendavit, ut Cardinalis Barberinus illum non modò pro solita humanitate exceperit, sed voluerit etiam inter literatos, quos domi habebat, subinde conscribi. Sic Antonius Natalis, doctus Medicus, qui Hispali antè moratus fecerat ipsi occasionem Americani commercii, & qui tunc res naturæ perraras ex novo illo orbe advexit; alteróque pòst anno, priusquàm regrederetur Hispalim, dicavit ipsi quandam suam adversus Medicos Apologiam.

Sic Franciscus Gallapius nobilis Aquensis, qui Hebraicè doctus, si quis alius, & peregrinationis orientalis cupidissimùs, Marchæ-villæum apud Peireskium rediturum, præstolabatur. Is fuit, cui simul ac Lombardo demandavit præcipuam curam observandi Eclipsim Solis, quæ die decima Junii contigit. Id tamen frustrà; quòd montes occidui deficientem Solem interceperint, observataque solùm fuerit magna aëris obscuratio. Defecit nempe Sol ad occasum; nam & nobis Parisiis, Horizontem liberum subiit obductus adhuc digitis duobus; cùm deliquium maximum fuisset digitorum undecim, ac minorum triginta duorum; cœpisset verò horâ sextâ, cum quadrante, & sesqui-minuto.

In talium igitur virorum conversatione dies ducebat; interjiciebatque tum crebram lectionem; tum rariorum plantarum cultum; tum studium, ac varia de rebus lapidescentibus ratiocinia. Et circa Plantas quidem, viderentur heic enumerandæ præcipuæ; sed immorandum non est in iis, quæ, tametsi habitæ raræ, in aliis tamen hortis videntur. Aliquæ solùm attingendæ ex iis, quarum habendarum, & per Europam excolendarum prima laus Peireskio debetur. Ejusmodi censeferi potest Gelseminum Indicum, arborescens, semper virens, flore luteo, ac suavissimè odorato. Id scilicet primùm ex Sina advectum, &

1630. Belgenferii excultum, fuit deinceps in hortos Regios, & Barberinos propagatum. De his certè Ioannes Ferrarius, ex Societate Jesu eruditus vir, in iis libris scripsit, quos tribus pòst annos edidit de Florum cultura. Sed addendum est Cardinalem misisse vicissim Belgenferium Sinensem Rosam, cujus pulchritudo odorem desideratum mirè compenfat.

Deinde quæ dicitur Lifa, sive cucurbita Mechana, quæ advecta nempe est Mechâ, dicique potest planta sericea, quòd filamentis turgescat ad opus textorium non absimile sericeo idoneis. Peireskiius certè simul accepit & grana, quæ ferenda primùm, curandaque Viassio dedit; & Cucurbitam integram, totam intus filamentosam; & telam, seu pannum ex ejusmodi materia confectum.

Tum Papyrus Ægyptia vera, aliaque ab ea, quam Prosper Alpinus descripsit. Peireskiius nempe illam obtinuit ex Saïtarum regione, ubi germana creditur nasci; tametsi, quod sciam, non fuerit expertus, an charta confecta, sive crassior ex cortice, sive tenuior ex phyliris, satis patiens scriptionis foret. Opinatus certè initio, cum vidit umbelliferam, posse pediculos compingi, & ad scribendum usui esse, in sententia non perstitit.

Præterea quæ Nux Indica appellatur Cocos. Non quòd Nuces hujusmodi non fuerint jamdudum in Europa visæ; sed quòd ipse etiam tentârit, num sub hoc cœlo provenirent. Ac germinanteis quidem vidit; sed vel aëris inclementiâ, vel quòd non satis curatæ fuerint, non adoleverunt pro votis.

Rursus Zinziber, quod ex India allatum virescere deprehensum est, transmissumque deinde Parisios ad Vidum Brosseum celebrem Medicum, & Regionum hortorum instructorem primum, demonstratoremque primarium; à quo aliunde, & ab antè nominato Vespasiano Robino subdemonstratore perrara obtinuit.

Nihil autem dico de Myrto latifolia, ac flore pleno, de Styrace, de Lentisco, unde Mastiche, & aliis priùs memoratis. Multò minùs refero Gelseminum Americanum majus, flore phœniceo, Persicum violaceo, Arabicum pleno: Arantia flore rubeo, atque variegato: Mespilum, & Cerasum acidum, sine nucleis; ficum Adameam, cujus fructum Peireskiius est interpretatus ex eo genere racemorum, quos exploratores ex terra Chananæorum retulerunt; vites rariores habitas Tuneto,

Smyr-

Smyrna, Sidone, Damasco, ex nova Francia, aliisque locis. Minime omnium denique hæreo circa sollicitudinem, qua opus topiarium curavit; qua arbores in quincuncem disposuit; qua totum solum irriguum fecit: qua cavit, ne per hiemem tenerioribus plantis noceretur: qua accersivit ad florum copiam peritissimos odorarios, qua, ut paucis dicam, nihil prætermisit, quod existimaverit facere ad amœnitatem.

Hoc potius insinuo, peregrisse illum experimenta varia circa plantarum semina, gemmæque, & surculos variè commiscendos. Placuit autem potissimum inferere Myrto non Gelseminum modò, sed etiam Apianam (dicunt vulgo Muscatam) vitem: ut experiretur quale esset vinum, Myrtites antiquitus dictum. Expertus porrò Lapidem esse, è quo in humente loco erumperent, ac succrescerent fungi: deprehendit denique ipsum nihil aliud esse quàm Tuber insolitæ magnitudinis, instar lapidis induratum. Et cùm Renatus Moreus retulisset ex Mercurio Gallo-belgico manum è suggesto enatam, monuit disquirendum num ea fortè fuisset ex ramosis fungis, qui non ex iis lapidibus solum, sed ex lignis etiam putrescentibus exoriuntur: ac num impostura fuisset, aut credulitas, quæ fabulam de digitorum observato motu fecisset. Sed hæc de Plantis.

De studio rerum lapidescentium paulò uberiùs dicendum est: quando& copiam,& occasionem de iis differendi creberrimam habuit: & ad ipsa loca frequenter deduxit hospites similium curiosos; ut comprobatiorem faceret sententiam. Cùm ergo in colle, quem Defensum vocant, occurrissent Pectinitæ, Ostreitæ, Cornu Ammonis, alique lapides diversimodè figurati: & in campo re, ac nomine longo, intrâque cavernam Guerineam reperta fuissent folia ex quercu, alno, ilice, ulmo, nuce, populo, hedera, lauro, aliisque arboribus, ita conversa in lapides, ut suis tamen nervulis, & denticulationibus suas indicarent species: cœpit exinde recudere, firmarêque antiquam suam de lapidum universorum generatione opinionem. Quippe in ea non fuit sententia, ut existimaret omneis lapides ab Mundi initio formatos: sed voluit temporis progressu plerosque ita fieri, ut singuli originem debeant suæ materiei, propriisque seminibus, configurationem verò partim ad naturam, partim ad casum referant acceptam. Nam cùm omnium materies sit aqua, seu liquor, aut succus: existimavit variis

1630.

in locis contineri varia rerum semina, ac speciatim lapideum, quod liquori immistum, lactis instar ipsum coagulet, specialémque imprimat formam.

Heinc Crystallum, Adamantem, Amethystum, simileisque lapides fieri, cum illorum semina limpidum liquorem, cujusmodi solum perficere possunt, nata fuerint; ceteros verò, cum semina eorum magis turbidum, & obscurum. Et quoniam liquor tunc contineri, conquiesceréque in cavitate quadam, & quasi vase, seu conceptaculo debet; inde effici, ut pretiosi etiam illi lapides fundum habeant crassum, obscurumque, tum quia conceptaculum terreum, immundumque ut plurimum est; tum quia quicquid est in liquore crassum, subsidit, coagulationemque proinde in fundo facit hebetiorem. Ceterum ipsos, dum coagulantur, diffindi, & multiplicari, ut grana spicæ, intra vaginam: subire autem Crystallum figuram oblongam, hexahedricam; Smaragdum dodecahedricam; Adamantem, & Rubinum octahedricam: & ita de aliis, propter specialia semina, juxta quæ lapides non minus constanter, regularitérque, quàm stirpes, atque animalia suarum sunt configurationum.

Quod spectat verò ad figuras Concharum, Cochlearum, Strombylorum, Ostreorum, & innumeras alias; id esse ex casu, quo, animalibus demortuis, contingit testas, corticéve conceptacula fieri excipiendo, continendóque lapidescenti illi humori, qui coagulatus induratusque, continentis figuram induat; quo etiam modo lapides Stelati ex spolio, atque incisuris quorundam vermium formari possunt. Quin-etiam partem humoris subtiliorem, penetrare in ipsam testam, adeò ut ipsa quoque lapidescat; licet evadat friabilior (unde in multis non cohæret) & remaneat tamen candidior interiore nucleo; qui aliunde, præter crassiorem humorem, immistam habere corrupti animalis substantiam possit. Mirum eam ob causam non esse, si non modò intra hos nucleos, sed etiam interdum intra Crystallum, & lapides alios transparenteis observentur paleæ, muscæ, & id genus similia; has enim res casu repertas, aut in conceptaculo, aut in fluore illo, cum induruit in lapidem. Folia autem illa plantarum lapidescere, eo modo, quo dictum est testas; scilicet subeunte puriore humore, qui, si impurior fuerit, lapidem crassum circumformet; uti constitit in lapide quodam intra Muscæum asservato, qui diffusus florem contentum,

tentum, petrificatūque exhibuit. Sic etiam Osteolitha fieri, seu 1630.
ossa humana, & alia lapidescere censuit.

Et ad generationem quidem illorum lapidum polyhedricorum, argumentabatur ex conformatione salis, aluminisque in suas figuras. Circa alios verò, meminerat primum, quod primis pubertatis annis observasse illum memoravimus, dum ad minorem Rhodani alveum, in quem Sorga fluviolus sese exonerat, nataret. Nimirum simul adnotarat turbatiorem tum fuisse Sorgam, ex terramotu ad illius scaturiginem excitato; & propter intumescentem ea tempestate Rhodanum, aliquot diebus restagnasse. Unde & ratiocinabatur, potuisse ex ea concussione germen lapideum ex ipsis usque visceribus terræ excerni, & cum aqua sic devehi, ut limo ex illa restagnatione subsidentis, sensimque concreto, commistum, lapides illos efformârit. Deinde, quod ad indurationem; meminerat trium calculorum, quos Joannes Brunus Chirurgus sibi dederat, recens ex vesica infantis eductos. Siquidem, cum is, qui primò emerferat, esset planè durus, qui secundò mollis, qui tertio penè fluidus; omnes tamen paucis post diebus ejusdem suere duritiei.

Quod autem morantes diutius in vesica calculi ex accedente nova materia pluribus crustis supervestiantur; dicebat id esse, quod in variis cryptis observamus fieri, ubi aqua lapidosa supernè distillans topfos, aliòve lapides creat. Et quòd granula fabulosa, quæ intra vesicam, compingantur sæpe à viscido illo, & calculoso humore, qui defluit ex renibus; declarabat id ipsum esse, quod in montibus ac fluminibus plerumque contingit. Siquidem plureis rupeis videmus, quæ ex pluribus minutioribus lapidibus constant, intertexente illos communi materia, quam necesse sit fuisse posterius saxeam effectam. Habuit & ipse intra Musæum eductam ex Druentia equinam soleam ferream, quæ ita est circumdata lapillis flumatilibus, ut lapidosa alia substantia illos inter se, & cum ferro adglutinet. Idem visitur & in ense, & in circulo ferreo, eductis ex Rhodano; idem in magno clavo æneo, quem eductum ex Sequana Lomenius ad ipsum transmisit. Argumentum inde ducebat, tum de germine lapidifico ex montibus usque, & aquarum scaturiginibus derafo; & de lapidibus, qui in singulos dies in mediis fluviorum alveis generantur; qui ipsi quoque suapte natura ad rotundam, vel ovalem figuram accedunt; nisi quòd pro conditione

1630. conceptaculi, aut ex volutatione, detritione, confractione, degenerare ab ea possunt.

Ut de fabulo autem illo calculoso observationem adjiciam, animadvertit ille primus, ipsum à natura ita conformari in figuram rhomboicam, ut microscopio inspectum, appareat veluti rhomborum lateriorum congesta moles. Ex quo difficile non est causam explicare illius doloris, quem fabulum ejusmodi cum urina egestum creat; nempe singulorum granorum acutiores anguli canalem ita vellicant, ut sui sensum acerrimum faciant.

Ex his, rogatus aliquando de flexilitate illius Cotis, quam à Jacobo Hallæo Parisiensi Rationum Magistro communicatam habuit; illam ad Talchum retulit: opinatus nempe fluorem talcho gignendo comparatum sic fuisse commistum arenæ, seu iis granulis, ex quibus cos pertexitur; ut crassitudo coticularis talchi pelluciditati, lævori-que obstitit; & talchica flexilitas obstitit cotis rigori.

Sic rogatus de lapidibus Crautiæ, Herculeorumve camporum; censuit totam illam planitiem potuisse olim restagnare exundante potissimum seu Druentia, seu Rhodano, & lapidifico germine simul devecto, coagulante. Argumento fuit, quòd in salium concretionem observamus. Quippe, ut in vase, ex quo aqua salii commista evaporatur, tessellæ majores in fundo, quàm ad latera relinquuntur; quòd illeic falsedo uberius, diutiusque resideat: sic in medio Crautiæ, quod depressius est, majores longè lapides, quàm ad oras observantur; & ad maritimas quidem, paludosasque præsertim, ubi lapilli vix attingunt nukulæ magnitudinem; cum in medio lapides sint capiti humano plerumque æquales.

Quod difficultatem potissimum fecit, fuit multitudo incredibilis piscium, concharum, aliorumque marinorum animalium, quæ in summis etiam montibus saxificata visuntur. Attamen, quoniam observavit in benè longa montium serie à Belgenseriensibus usque quandam quasi zonam exstare, editam quidem, sed libellatam tamen, & horizonti, planoque maris parallelam, quæ ejusmodi animalibus faxeis effectis referta sit: nullus penè dubitavit, quin mare eò usque pridem occupaverit, & saltem ad diluvii tempus (nisi ad mundi usque initium, priusquam aquæ diffuerent) recurri posse existimavit. Nam mare quidem paullatim aliquas deferere oras, invadere alias, duxit

com-

compertissimum; uti Aristoteles comprobavit de *Ægyptiaca*, Polybius de *Euxina*, ipse de *Arelatensi*: quippe Nilo, Danubio, Rhodano, aliisque fluminibus ex terra continuò delata producentibus continenteis; adè ut temporis progressu, & loca humilia evadant excelsa, & littoralia mediterranea. Quam etiam ob causam scripsit aliquando se credere fore, ut Veneta urbs continenti adjungeretur: quòd ex tempore nescio quo, promota foret continens passibus mille, & quingentis.

Exinde præterea conjecturam duxit de formatione Rupium, quas mundi præsertim initio censuit genitas ex copiosissimo humore universam terram obruente, & semine saxifico ejdem terræ intersperso. Heic evenire certè potuisse, ut molli adhuc concretione, quæ flumina tunc erupere, cœperèque decurrere, rupeis passim perfrigerint; neque enim alveos profundissimos, quibus ad utramque ripam rupes eminent, uniformis contexturæ, atque altitudinis, excavari ita potuisse ex detritione insensili, si durities perpetua fuisset. Fortè etiam inde effectum, ut aqua ab ortu in occasum diffluente, & quæ Mediterraneum jam est, locum excavante, pleræque convalles ita apertæ fuerint, ut rupes, atque adè montes eundem situm ab oriente in occidentem servaverint: cujusmodi sunt non præcipui modò, qui in hac Provincia, sed & Pyrenæi, Appenninus, Rheticæ Alpes in Europa: Taurus in Asia: Atlas in Africa: ac nostratibus etiam plerumque ostendantibus faciem præruptam versum mare. Quòd autem maritimæ Alpes, & minores quædam montium, consequenterque vallium series alium situm obtineant: id esse potuisse ex speciali aquæ defluxu: ad eum modum, quo observamus post fluminis exundationem, recurrentem ex ripis aquam limum congestum exarare, seu creare fossulas, atque adè protuberationes, situ versus alveum fluminis transverso. Sed de his jam nimis.

Solitus est etiam sermones eruditos conferere, de cadavere Giganteo Tuneti effosso, ac immensæ propè magnitudinis, ut Thomas Arcosius, vir profecòdè multiscius, illa ex ora significavit. Scripsit nempe Cranium continere posse mellereolas Provincialeis octo, hoc est, Parisiensem liquidorum modium, cum dodrante. Immanis sanè vastitas: & ob quam Peireskios Arcosium admonuit, spectaret omnia propius, expenderetque scrupulosius. Posse certè molarem dentem,

1630. dentem, quem ad se transmiserat, aut prægrandis Elephantis, aut Balæne cujuspiam esse.

Summam ad hæc lætitiæ cepit tum ex Minutii reditu, tum ex inventione Tripodis cujusdam. Siquidem ille prospero successu ex Ægypto adveniens, libros adsportavit non paucos, ac potissimum Copticos, hoc est caractere, & idiomate Ægyptio antiquo conscriptos; idque præter alios, quos cum jam antè memoratis Samaritanis miserat, Advexit & Mumias duas (cadavera videlicet antiquissimæ illius, & sumptuosissimæ condituræ) quarum altera fuit præcipuè grandis, integra, insignis, &, quantum licuit ex ornamentis conjicere, Principis viri. Attulit & numismata, ex quibus magni æstimavit tetradragmata duo, alterum Atticum, alterum Tyrium; ac numisma Hugonis, Regis Hierosolymorum, & Cypri.

Ad Tripodem quod attinet, is ad Julii Forum fuit erutus; & quia non fuit multum pedali procerior, existimavit Peireskii fuisse ex votivis per templa dispositis, instar illius præcipui, cui Phæbas insistent, & ex subjecto antro spiritum ducens, bacchabatur, credebaturque oracula fundere. Ejus occasione deinceps varias literas Parisios, Romam, & aliò dedit, ut provocaret eruditos ad differendum de incomperitis quibusdam Tripodum mysteriis. Baseos illius triquetra medium foramen est triangulare, ex circularibus lineis: extrema autem Empusas fulciunt sustentanteis scaphidium: sed ita, ut cum omnia simplici attractu cohæreant, motu minimo collabantur. Nimirum interpretabatur illo spiritu agitante, corruere debuisse omnes Tripodas, facta aliqua partium concussione. Ratiocinatus præterea est Cortinam fuisse non illud vas (neque enim Pythonissam eò conscendisse) sed hemisphærium aliud superficiæ quasi squamosæ (ut imitaretur Pythonis serpentis ab Apolline interfecti exuvium) quo memoratum mox foramen immediate obtegeretur: adeò ut Sacerdos haberet Cortinam suppositam, & imminens scaphium.

Laboravit autem solum, ut exprimeret, conjecturisque approbaret ecquid illo triangulo curvi-lineo designaretur. Quare neminem virum doctum ea de re non consuluit; ipse interea tam circa id, quam circa parteis alias eos eruditionis fundens gurgites, ut omnes omnino concesserint palman. Omnium nomine audiat Holstenius, Nam, qua, inquit, hac super re ad reverendum Patrem Puteanum bene longa su-

Latini scripsisti; ea frustra expectaveris vel à me, vel à quovis alio antiquitatis 1630.
studio: ita tu omnem diligentiam, curamque praveritisti, &c. Prætereo autem ut ad habendum pleniorẽ ejus rei noticiam, conquiescit Tripodas plureis, maxime verò ex Italia: unde Menetrius aliquot misit, præter exquisitam descriptionem, delineationemque aliorum, quos obtinere non potuit.

Sub initium sequentis anni, perseverabant adhuc turbæ, cum Princeps Condæus in Provinciam missus, eas demum sedavit. Vere novo Cardinalis à Balneo utraque sua legatione functus, & accepto Parisiis purpurato pileo, Romam rediit, ac per Provinciam iter instituens, invisere voluit Belgenferii veterem amicum. Inter cætera autem suavissimum habuit & Mumiam illam antedictam conspicerẽ, & Peireskium tam de illo, quàm de cæteris condiendi generibus, ediferentem audire. Quæstione interim suborta, num Ægyptij quoque Naulum ori apponerent; placuit varia linteamina fasciolasque effringere, & ~~domum~~ rem explorare. Itaque capite vix tandem ex involucris evolutò, studiosè quidem, sed frustra tamen Naulum in ore perquisitum. Discessurum non erubuit exorare Peireskius, pateretur sarcinas suas novo onere prægravari. Quippe transmissurus erat ad Holsternium ad usque viginti MSS. Codices Græcos, ex Platonis, Aristoteleisque interpretibus, quos ex Bibliotheca Pacii erutos, & ducenis aureis coemptos pridem mittere destinârat. Itaque Cardinalis volens, ac pro suo in literas, literatosque affectu, convehendorum assumpsit curam.

Quo loco memorandum est deduxisse tum illum secum Gabrielem Naudæum Parisinum, nonnisi inter literatos magni, & ex libris jam editis Peireskio cogniti, & cari. Quamobrem Peireskius jucundissimum duxit tum virum complecti, affarique coram, tum gratulari Patrono, quod talem à studiis virum delegisset. Et quantum quidem fuerit illius consuetudine delectatus, retulit profectò non semel, nescius an magis admiraretur animi candorem, atque lenitatem; an inexhaustam eruditionem, noticiamque omnium librorum. Quantum verò ipse Naudæus & Peireskium suspexerit, & illius beneficentiâ cumulatus discesserit, testatum deinceps fecere tum privatæ Epistolæ, tum nuncupatio publica Jatrophilologicæ quæstionis, *An matutina studia vespertinis sint salubriora.* In hac certè *Mecænatem* *literatorum omnium* appellans,

1631. pellans, veritúsque prisci Meccenatis sortem, voyet Panegyricum, & cur dedicet interea id opus, in causa fuerunt, inquit, admiratio tua virtutis, & indignatio, quam dudum in me concepi, quòd ipsa non omnibus eruditorum calamis celebretur, quibus tamen quotidie materiam suppeditat de cunctis ferme rebus doctè, subtilitèrque differendi. Et rursùs, Quod equidem ut faciam, induxerunt me primùm propria mea rationes, qui jamdudum in tuo are vivo, omnémque cultus, & observantia significationem tibi exhibere flagrantibus voris aveo, desideròque supra modum. Deinde verò optimi, & eminentissimi mei Meccenatis Ioannis Francisci Cardinalis à Balneo exemplum, qui cum aliàs tecum adeò lubenter, suavissimèque versaretur, ut cum nullo alio literatorum magis, nunc etiam nihil de antiqua sua benevolentia remittit, sed te, licet absentem, amat, suspicùtque quàm-maximè. Illa autem omitto, Qui me jampridem incredibilibus amoris, & beneficentia tua illecebris devinctum esse voluisti, compluràque alia.

Deducto Tolonum usque Cardinali, neque priùs dimisso, quàm è portu solvisset, rediit Belgenferium. Ex aliquo tempore usque agebatur de nuptiis, quas Claudius ex fratre nepos in comitatu Venascino, seu Avenionensi ambiebat. Tunc itaque assensum præbuit, ut ille exinde in uxorem duceret nobilem puellam Margaretam Alresiam, donatione facta Riantiensis Baronix, & concessione dignitatis Senatorix, ea solùm lege, ut sibi functio integra per triennium reservaretur.

Imminebant Paschalia, cum corripuit illum insignis quædam Paralysis ad dexteras omneis corporis parteis. Scilicet extra limen domus, ac in aditu horti confidebat, reclinatúmque fortè habebat totum corpus in dextrum femur, cum subito sensit ejusmodi femur non leviter obstupefactum. Conatus loco emovere, nisi adjuvante famulo non potuit; neque deinceps incedere, ob similem cruris, pedisque stuporem. Perrepsit continuò in brachium affectio, adeò ut scriptionis fuerit incapax. Serpsit & in linguam, quæ proinde hæsit, ac licet non nihil balbutire, murmurareve videretur, voces tamen distinguere, dearticulareque non potuit. Subiit quoque aurem tinnitus, qui, nisi aliis partibus simul solutis, non evanuit. Est autem facta solutio post exactam hebdomadam, occasione hilaritatis, admirationis que subnata. Cum allatæ nimirum fuissent à Thuano litteræ excusationem continentes, cur Belgenferio non transisset, læritia quadam gessit; & cum.

cùm subinde nescio quis hymnus in Lili, Rosæque amores scite caneretur, ita captus est suavitate cantus, & strophes cujusdam lepore, ut, quemadmodum Cræsi filius, prorumpere volens in aliqua verba, ac in ea speciatim, *Quàm pulchrum est hoc!* prorsus in illa proruperit, eoque momento libertas fuerit membris omnibus restituta.

Destinavit porro deinceps iteratò Minutium, ut venatum iret liberos orientaleis, factò præsertim animatus præclari viri Jacobi Golii, quem Hollandiæ Ordines, propter insignem Arabismi, Marthesiõsq; peritiam, substituere inclitis duobus Academiæ Professoribus, Thomæ Erpenio, de quo antè, & Willebrordo Snellio, quem Kepplerus meritò censuit subtilissimum Mathematicorum. Golius scilicet nomine, impensisque Ordinum bis jam in Orientem profectus, tantum corrogarat, & in Academia deposuerat librorum thesaurum, ut viso eorum indice, quem ad me à Golio transmissum, & volentibus bene multis typis evulgatum ad eum miseram, subito studio inarserit, mittendi rursus in Orientem, qui in id incumberet, ut, quantum liceret per privatos sumptus, simileis libros Gallia haberet. Dedit autem Minutium in comitatum Marchevillæ, qui mense tandem Julio Constantinopolim discessit. Et dare quidem præterea voluerat Holsternium, Buccardum, aliõsque eruditos viros, qui freti patrociniò auctoritatèque Regii Oratoris Bibliothecas in monte Atho, aliisque locis explorarent; verùm illi, utcunque forent ad id peragendum propensi, non potuere tamen esse satis temporis, ad discedendum comparati. Unicus comparatus fuit nominatus antè Gallaupius, qui non multum tamen temporis Constantinopoli moratus, discessit in Libanum montem, & cum Maronitis ita constitit, ut etiam-num cum illis degat.

Post Marchevillæ discessum, reruntiatum est fuisse Elephantem Tolonum advectum. Procuravit ipsum adduci Belgenferium, ut posset quædam explorare, de quibus ante annos quatuor ad Puteanos scripserat, cum animal fuisset deductum Parisios. Advehbatur tunc ex Italia, idèmq; fuit, qui ante annum ostensus Romæ fuerat: Demiror autem quorsum possessor dixerit Peireskio annorum esse quatuordecim, cum Romæ superiore anno fecisset solum undecennem, ut ex ipsius effigie dicata Gualdo Equiti, exque facta per Bottifangum descriptione, intelligi licet. Peireskio porro toto

1631. biduo, seu rogando, seu experiundo, ita multa addidicit, ut sibi factum putârit satis. Inter cetera, cùm probasset omne genus edulii, jussissetque dulcia præsertim (quodd gratissima forent) ministrari, adeo ut Elephas jam ipsum & agnosceret, & blanditiis prosequeretur, fiduciam cepit (sed præeunte animalis Gubernatore) ingerendi brachium in os, explorandique ipsius denteis. Deprehendit autem hinc inde in utraque maxilla binos, ut planè octo exsisterent, & non solum quatuor, ut voluerat Plinius. Neque verò denteis attrectavit modò, sed etiam per Gubernatorem ceram ipsis applicuit, quò illorum simul magnitudinem, formamque faceret expressam. Exinde autem perspectum habuit, memoratum molarem dentem ex Africa missum ab Arcosio, Elephantis esse, non Gigantis dentem: neque est ampliùs demiratus, cur ex Gigante Theutobocho tam pauci fuissent dentes ostensi.

Ad hæc depingi Elephantem triplici facie voluit, ac recubantem potissimùm, ut commissuræ meliùs paterent, quæ inter pedem, & tibiam, tibiamque & femur; ad convincendum errorem, qui auctoritate Strabonis, aliorumque invaluerat de inflexilitate crurum, fabulisque superexstructis. Adjicere autem solebat, cùm hæc deinceps memoraret, minime potuisse antiquos articulationem latere, quòd in quibusdam vulgò vocatis Medallionibus expressissent Elephantem funambulū; insigni quadem utique non mobilitate modò, sed & flexilitate crurum. Rursùs non modò partium omnium dimensiones excipi jussit, sed etiam cùm animal foret postea deducendum Aquas-Sextias, demandavit Fratri, itémque viris industriis Joanni Lombardo, & Josepho Sucheto, ut explorarent ipsius pondus. Itaque ipsi rem peregerunt, confecta balance ex trabe debite suffulta, idoneisque funibus illigatis & machinæ lignæ, qua animal sustentabatur, & lignæ cuppæ, quæ pondera (tormentarios nempe globos) continebat. Hoc proinde modo exploratum est, comprobatumque Elephantem pendere libras Provinciæ quater mille, & quingentas: hoc est Parisiensis proximè ter mille quingentas: & Romanas duodenum unciarum quinquies mille proximè.

Accepit deinde magno cum dolore obiisse duo carissima capita, videlicet Aleandrum Romæ, & Pignorium Patavii, quorum quàm antiqua, & constans, quàmque variis officiis exculta fuisset amicitia,

intelli-

intelligitur ex hæcenus dictis. Cariores porro exinde habuit, quas 1631
jam asservabat illorum icones, ipsasque, cum rediit in urbem, sic in
Musæo posuit attriguas, ut ingredienti statim paterent. Consolationi
etiam fuit, quod ita Aleandro parentatum inaudit, ut ipsius laudatio
pronuntiata publicè fuisset per disertum virum Gasparem Simeonium
in concione percelebri Academicorum Romanorum; & Pignorii me-
moriæ ita fuisse caram laudatissimo illius, literatorumque aliorum
fautori Dominico Molino, Sancti Marci Procuratori, ut & tumultus
excitatus, & epitaphium positum ab ipso exstitisset, quod Philippus
etiam Tomasinus, ille de sua patria, concivibusque eruditis adeo benè
meritus, ad calcem eorum, quæ de Pignorii Bibliotheca, Musæoque
scripsit, memoravit. Prætereo autem, neque Simeonium, neque To-
masinum silere potuisse amicitiam, quæ inter ~~Musæi~~ illos, ipsum-
que intercesserat.

Hoc anno, ac mense Novembri memorabile illud contigit, quod
Planeta Mercurius fuit primum sub Sole, seu in disco Solis conspectus.
Admonuerat antè Kepplerus publico scripto Astronomos, rerumque
cœlestium studiosos admirandi spectaculi: quamobrem ipse quoque
Peireskii suarum partium esse putavit ad illud attendere, ac tantò
magis, quantò priùs persuasus visam in Sole Mercurii stellam Caroli
Magni temporibus (ex Eginhardo, & Adelmo, Ademaroque in serie
Annalium Aimoini) dissuasus jam fuerat, ratumque habuerat visam
solum fuisse Maculam insignem, ex iis, quæ pervulgatæ jam sunt;
quod per octo dies apparuisset, cum Mercurius sub Solis disco aliquot
solum horas insumat. Apparuit itaque scenam, in quam Solis radii
telescopio transmitterentur, ut exhibita Solis specie proderetur Mer-
curii umbra. Atque advigilavit quidem, quantum licuit, aut meminit
(siquidem Kepplerus calculo diffusus attendi voluerat toto triduo ante,
& post diem septimam, ab exacto cujus meridie apparitionem mediam
celebrandam deduxerat) Verùm cum apparitio antemeridiano tem-
pore desierit, observandi memoriæ toto illo manè ademit hospitum
quorundam præsentia, quibus & ad sacrum audiendum ducendis, &
mensâ lautissimâ excipiendis sese addixit.

Insigneis proinde fudit querimonias, cum tempus accepit celebrati
spectaculi, ac mirè aliunde gratulatus est, quod mihi primo, ac fortè
soli, cum versarer Parisiis, id observare concessum fuisset. Observavi

1631. nempe Mercurium à medio ferè Solis disco in lumbum usque excurrentem (ac tanta quidem exilitate, ut trientem minuti non excederit) excedentem autem à limbo horâ matutinâ decimâ, ac minutis viginti octo, cum boreali latitudine minutorum sex, & trientis. Hinc lætabundus observationem quoquoersum destinavit, neque ipsam modò; sed quos de ea etiam edidere commentarios, tum Willelmus Schickardus, optimus ille, doctissimûsque apud Tubingenseis Professor, tum Martinus Hortensius, laudatus Hollandiæ Mathematicus, & Philippo Landfbergio in condendis Tabulis Astronomicis adjutor.

Hieme ingruente laborare cœpit solitis hæmorrhoidum, calculique doloribus; adeò ut cum Prorex Marescallus Vitrius in Provinciam missus, adesset Toloni, illum quidem inviserit, sed fellâ gestatoriâ vinctus. Quin-etiam inter colloquendum affectus est discruciatûsq; summa urinæ difficultate. Apud amicum cum divertisset, nescio quis admonuit in Zembiorum insula paucis milliaribus distante scaturire aquam hujusmodi doloribus sedandis mirè conducentem, ac, cæteros inter, Andream Davoriam sic fuisse illius utilitatem expertum, ut & Genuâ usque quæsitum ex ea mitteret, & Præfectus triremibus, eò sæpe defleckeret, ut ex ipso biberet fonte. Itaque Peireskiius confestim in insulam misit, aquam usurpavit, ipsamque non utilem modò ciendæ urinæ, sed immutando etiam toti corporis habitui invenit; adeò ut relatus Belgenferium visus fuerit brevî prorsus convalescere.

1632. Verùm non diù constitit hujusceinodi valetudo: siquidem statim tempore vernò insequentis anni sexcentissimi, ac trigessimi secundi sic variè divexatus fuit, ut actum de eo sæpiùs videretur. Quippe ad hæmorrhoidum, urinæque difficultatem accessit febris continua, quæ remitti quidem nonnihil est visa sub decimum quartum diem, cum Marescallus ipsum invisit; verùm inarlisit magis deinceps ad diem usque quadragesimum secundum, quo quotidiana illi successit dierum quindecim, aut viginti. Nec verò cum iis solùm morbis conflictandum ipsi fuit; sed & cum insigni tumore ad regionem abdominis, superiorémque femorum partem; itémque cum inflammatione, tumoreque ingenti in altero brachio. Ac parùm fortè hæc omnia: gravissimum fuit, quòd clystere non satis cautè administrato, eo facta fuit hæmorrhoidum læsio, ut gangræna ad eas parteis subnata brevi fuerit. Et statim quidem Cassanei imploratum auxilium; verùm ipse quoque deten-

detentus in valetudine adire non potuit. Misit tamen ad ipsum Sebastianum Richardum, qui medicinam Diniae primum, ac deinde Massiliæ magna cum laude exercuit; quique eâ solertiâ serpenti jam morbo ivit obviam, ut illum planè restinxerit, Peireskiumque non multò post reliquerit convalescentem.

Ut omnino porrò convalesceret, non contulit parùm insignis lætitiæ, qua perfructus est, cum à Ludovico Meynerio Lirinenſi Religioſo, viro erudito, ac imitatione Antonii fratris optimi ſtudioſo Mathematices, duo habuit pocula argentea ex Vallaurienſi agro, dum in vineam effoderetur, deſoſa. Nempe, quòd unum intra aliud appoſitè contineretur, ratus eſt ea eſſe ex iis, quæ & *σύνδο*, & Symbibæ appellerentur; &, quòd ad oram interioris corona aurea viſeretur, perſpicuum fieri cenſuit, quid eſſet antiquis, *Vina coronare*. Quin ex punctatis etiam ad oram exterioris literis ΟΥΕΝΙΚΟΙΜΕΔΟΥ, iudicavit eadem eſſe ex iis poculis, quæ *οὐγενικαὶ*, ſeu Literata dicerentur (quandò præſertim capacitas deprehenſa eſt tredecim continere cyathos, juxta numerum earum literarum) cujuſmodi fuerunt & illa, quibus olim inſcribebantur voces CAIUS, JULIUS, PROCULUS, unde carmina.

Navia ſex cyathis, ſeptem luſina bibatur, &c. Ad hæc deduxit originem, cur geminata ebiberentur, ex antiqua uſque barbarie; qua in craniis hoſtium interfectorum bibeſatur, & quò quis plureis occidiſſet, eò in pluribus agglutinatis biberet. Nempe homines manſuefactos id tandem moris exhoruiſſe, & ſubſtituiſſe tamen vaſa, quæ cranii formam retinerent (ut quodammodo iſta retinent) &, propter materiam, nihilominùs parem horrorem non creavit.

Denique occaſione nata tum ex hiſce poculis; tum ex hemina, ſeu ſemiſextario æneo antiquo, quem Nemauſi repertum, viſumque (neſcio an apud Paludanum, an apud Tornerium, ante annos treis) Petitus deinde ad illum detulerat: tum ex alabaſtro per æſtatem accepto ex reliquiis naufragii, quod perpeſſa eſt triremis Pontificis Nuncium Cevam in Galliam vehens, poſtquàm effractum inſtauravit, uſuſque eſt jucundiſſima per aliquot hebdomadas conſuetudine Mennetii; tum ex modulo Congii per Aleandrum habito, ac deprehenſo continere ex Aqua Gapelli libras Provincialeis novem, & duas uncias, per ec̄typica pondera; tum ex pluribus aliis vaſis, quæ aut ille habuit, aut quæſitum miſit; occaſione, inquam, ex iis nata, cœpit varia cum.

1632. cum Salmasio, aliisque viris eruditis circa mensuras, pondera, vasaque ipsa differere.

Scilicet opinatus est, fuisse antiquos adeò solerteis, ut nullum vas conficerent, quod non & præscriptam mensuram, & certum pondus contineret. Confirmatus autem per id tempus est, cum pilam ponderum antiquam ab Aleandro ad se allatam, cum veniret in Galliam, exploravit, & comperit vascula ejus singula videlicet libræ, senissis, trientis, quadrantis, sextantis, uncia; continere ordine eodem acetabulum, cyathum, mystrium, concham, chemen, & cochlear: idque præter incithegam, seu situlam vasa continentem, quæ & pondere est dupondium, & mensurâ quartarius; sed ansulis nempe ad oram depressis. Prætereo verò, ut ejus rei factus deinceps fuerit certior, cum postquam in urbem, ac Musæum rediit, quoddam reperit vasculum, in quo circulis variis, & uncia, & cochlearis partes minutiones interstinguntur; ac rursus omnimoda vasa domi relicta observavit.

Sed ut insistamus in iis, quæ Belgenserii peregit, miram quoque cepit lætitiā, ex communicata secum egregia quadam demonstratione, qua antè memoratus Josephus Galterius perfecit Ptolemaicam, circa obtinendam distantiam, magnitudinēque Globorum cœlestium. Ac ille rem quidem pro sua solertia meditatū fuerat ante pluris annos; sed eam retexendi occasionem sumpsit ex edita nuper Landsbergii Uranometria, in qua cum senex optimus quid Ptolemæus, Albategnius, Copernicus, Tycho, & alii summi artifices peccassent, adnixus fuisset ostendere; ipse deinde visus est pauldò segniùs sese habuisse. Quippe lineas ductas ex centris tam Solis, quàm Terræ, in contingentem ab angulo usque terrenæ umbræ directam, distinctas non habuit à veris, apparentibûsque semidiametris, ut in exquisito negotio oportuit; veluti etiam oportuerat apparentem Solis semidiametrum, non ex centro terræ attendere, sed ex superficie, unde ea spectatur. Cum itaque Galterius & rationem omnium habuisset, & diagrammate exornato demonstrationem construxisset, missisq̃ue omnia ad Peireskium; ipse summoperè lætatus, congratulatûsque est, ac procuratis quàm pluribus demonstrationis exemplis, ipsam cum viris, quos harum rerum Parisiis, Romæ, & alibi, studiosos novit, communem fecit.

Sic cùm obtinuisset exemplum eorum Galilæi Dialogorum, in quibus ex motu Telluris in eadem parte superficiei bis quoque die retardato, acceleratōque, ob compositionem motus diurni, & annui, declaratam pervidit causam geminatā in singulos dies reciprocatōnis, seu æstus marini, eatenus incognitā; dici non potest quantā lætitiā sese perfusum senserit: & cùm non sine approbatione opus editum observasset, quanta cum exultatione exclamaverit, fœlix esse hoc sæculum, quo viri sagaces ex positione motus Telluris exposuerunt causas tum proprietatum Magnetis, tum æstus Oceani, habitas præcipuè admirabileis, atque incompertas; alteram quidem G. Gilbertus in opere illo suo de Magnete, alteram verò Galilæus, in libro hoc Systematum.

Recrearunt etiam illum edita in lucem à Chiffletio Insignia gentilitia Equitum aurei velleris, Fecialium verbis enunciata; acceptis simul literis, quibus Petrus Hoferius (quo nemo fuit unquam nobilium Galliæ familiarum notitiā instructior) significavit se quoque insignia Ordinis sancti Spiritus, tanquam jam affecta, brevi editurum. Sic edita quoque Historia Romanorum Pontificum, qui è Gallia oriundi in ea federunt, opera Francisci Bosqueti Narbonensis Jurisconsulti, viri commendatissimi, & totam Historiam Ecclesiæ Gallicanæ tum meditantis. Sic missa à Naudæo germana Ariminensis Pontis inscriptio, qua certior est factus contineri Consulatum Augusti xiii, & Tribunitiā potestatem xxxvii; cùm subdubitasset non benè apud Gruterum legi xiiii, & xxxviii. Misit verò etiam Naudæus relationem suam de Vesuviano incendio, quod à Decembri usque superiore cœptum, nondum prorsus desierat; eamque, præter complureis alias, quas ex variis corrogavit.

Tandem, cùm in urbem redire sequente autumnō statuisset, apparatus prius voluit Samaritanos Codices, ut libertate viarum facta, mitteret Parisios unā operā, permolestè ferens, quod illeic fuissent tandiù desiderati. Videlicet, ut compleretur magnorum Bibliorum editio, perdoctus ille Ioannes Morinus, ex Congregatione Oratoria, curabat Pentateuchum Samaritanum, & ab anno usque superiore Exercitationes in ipsum præmittens, publicam mentionem ita fecerat ejuscemodi Codicum, ut Peireskius deinceps mirā fuerit eos transmittendi impatientiā. Ille siquidem præloquutus de Samaritanico exemplo,

1632.

quod procurante Peireskio Petrus à Valle communicârat, verba ista subjecerat, *Præter Codicem istum, duos alios Hebræo-Samaritanos quotidie expectamus, ut eorum cum isto comparatione editio nostra omnibus suis numeris absoluta prodeat. Hos paucos ante menses è Palestina accersiri curavit vir amplissimus, literarum decus, deque literis bene semper merens D. Peresius, in suprema Provincia Curia Senator integerrimus. Codicum istorum alter tricolonnatus est, & trilinguis, unaquaque dialecto per columnas exposita, &c.* Persensit ergo Peireskios vellicatam sibi ea ratione autem: quare ad tutam, opportunamque occasionem solum attendens, non alii voluit commissos, quàm Dionysio Guillemino, viro eximie comitatis, domesticoque ab ineunte usque ætate habito; unde & pridem Romollarum, & nunc etiam Belgenferii Prioratum, ut vocant, obtinuit. Et dimittebat quidem illum ad Abbatiam in Aquitaniam: sed præfixit tamen, ut via compendiosiore relicta, Parisiis iter faceret, Codicisque secum transferret. Non memoro autem quàm ingentis gratias pro iis Morinus habuerit, quas in laudes proruperit; adnoto solum ipsum tunc transtulisse, remisissetque Samaritanas Epistolas, quas dictum superius est fuisse ad Scaligerum jampridem conscriptas.



D E V I T A

1632.

P E I R E S K I I,

LIBER QUINTUS.

TRIENNIO Belgenferii exacto, rediit in urbem mense Septembri. Advenerat jam Helias Lainaëus Marguerius, quem Rex post Oppedæi mortem Principem Senatus creârat: & quia illius integritatem cum eximia juris notitia conjunctam Peireskii probè noverat; idcirco partim dignitatis, partim virtutis reverentiâ, domus suæ limen revifere noluit, quin virum prius salutasset. Inclinate postea Octobri, cogitare cœpit de Nepote in Senatum admittendo; illum quippe sibi, ut jam dictum est, destinaverat successorem. Itaque, dum Nepos Senatores omneis, ut moris est; præsalutaret, deducere ipse ad limina omnium, commendareque voluit, alacritatem summam testatus. Evenit tamen ex eo labore, ut dolorem renum concitaverit, excito inde calculo, quem post quartum, quintumve diem satis fœliciter emisit. Quam-primùm convaluit, non destitit munia Senatoria repetere, reservata quippe, quod & diximus, libera per triennium functione. Id voluerat autem, non sanè vanitatis, aut lucri gratia; sed ut non deesset occasio exercendæ beneficentiæ, ac potissimum erga literatos, religiosos, aliósque viros benè merentis; solitus eorum jura tueri, patrociniûmque suscipere.

Recreare porro illum, qui libri fuere à Minutio ex Oriente missi, cum numismatibus variis, ac Basilidianis præsertim; itémque cum bulbosis plantis, aliisque hujusmodi rebus. Inter ceteros, ut minimum mole, ita pretio maximum habuit quoddam volumen, (quod ita dici à volvendo reverâ potuit) repertum intra capsulam ad Mumiaë cujusdam pedes. Id universè conscriptum erat hieroglyphicis literis,

1632. constans ex germana papyro, ac faciliè sua vetustate superans bis millia annorum. Alia postea vice accepit magnum Græcorum codicum copiam (quantam scilicet capere poterant duæ capsæ peramplæ) at scelicitas par non fuit, seu quod ad integritatem, seu quod ad subjectam materiam attinuit. Nam præter Biblia Arabica, Arabicè, Persicè, Chaldaicè, cum Rabbi Salomonis commentariis scripta, & alia item Arabica cum initiis capitulorum Samaritanis; cæteri omnes valdè vulgares, aut mutilati admodum fuere.

1633. Verùm id quidem sequente anno, quo aliunde plurimus fuit in mensurandis, comparandisque vasis antiquis compluribus, quæ, ut jam dictum, habebat domi. Scilicet præter notitiam omnium omnis generis mensurarum, quam ducebat suavissimam, sperabat quoque se posse tandem ex collatis quamplurimis conciliari pugnancia multa auctorum de mensuris loca; ut, dum Columella facit cochlear quartam partem cyathi, & Fannius vigesimam quartam: cum idem Fannius, & Plinius volunt cyathum decem drachmas pendere: Marcellus & alii, duodecim; atque id genus alia, quæ in animo habuit non nudis solum conjecturis, sed ipsismet quoque mensuris, & ponderibus explanare. Heinc operam dedit, ut etiam quæcunque ubivis gentium exstare novit, antiqua vasa mensurarentur. Habendam autem censuit pretiosorum rationem magnam, quod veteres in iis præsertim soliti fuissent affectare certa genera mensurarum, tum ut ea ratione commendatiora facerent, tum ut destinata sacrificiis, vel asservata in templis (erant scilicet plerumque donaria) diuturniores moduli mensurarum efficerentur.

Voluit proinde, ut Guilleminus per complureis mensis moraretur Parisiis, ad emetiendum pretiosa vasa, quæ ad S. Dionysium, & in cimeliarchiis præcipuis Civitatis asservarentur. Expertus verò est præcipuè humanitatem Rociaci, dum non modò capacitatem, ectypòsque vasorum obtinuit; sed ipsissimum etiam unum vas acceptum ferre coactus est; unde à Peireskio literæ conscriptæ, plenissimæ simul gratitudinis, & inexhaustæ eruditionis, qua elegantissimæ cælaturæ, adhibitique ornatus rationem fusè edisseruit. Sic quia Jacobus Gassarellus vir & Hebræis literis, & aliis dotibus clarus, versabatur Vennetiis, mensurari pereum curavit quæ pretiosa vasa advecta ex Cipro, & Constantinopoli, in S. Marci Thesauro habentur; idque cum illustris

illustriſſis dynaſtes Eques Valletanus interceſſiſſet, qui decretum à Senatu, exorante Peireſkio, ut id liceret, impetravit. Sic per Naudæum quoque egit de Ravennatibus impetrandis; perque Suareſium, de magno illo, qui apud Genuenſeis, catino Smaragdino, Scela ipſis nominato; & per Menetrium, de pluribus, quæ nōrat Romæ aſſervari. Quo loco taceri non debet accepiſſe illum dono Tryblium minus, ſive cochlearium ex cryſtallo, à generoſa, & ſupra ſexum erudita ſcœmina Felice Zacchia Rondenina, adjectis ad alias mariti Alexandri Rondenini literis, quibus laudatiſſima heroïna per-eleganter teſtata eſt quanti faceret Peireſkii virtutem. Eſt autem mirabile viſum; quòd ſub idem tempus Carolus Tabaretius Cadaſalcus Dinienſis proſeneſcallus miſerit ad ipſum, cochlearium, ſive Tryblium majus, unà cum trecentis numiſmatibus Gallieni ſæculo cuſis, quibuſcum id fuerat repertum.

Alia ut attingam, ver erat, cùm Petro Seguierio per-illuſtri Præſide in Sigilli Regii cuſtodiam aſſumpto, Peireſkius tum eſt gratulatus, tum literas ab eo accepit, quibus vir magnus teſtatus eſt nullas poſſe ſibi gratiores, quàm à Peireſkio obtingere, tum ut affine, tum ut viro, cujus ſumma virtus, rerumque peritia commendatiſſima foret. Eodem tempore Frater Valaveſius delectus à Rege Maſſilienſium Viguerius, in eam civitatem conceſſit: quotannis nempe is magiſtratus init munus Kalendis Maij, perfeveratque toto anno Municipalis curiæ princeps.

Aderam ipſi interea, dum accerſitum quoque voluit Athanaſium Kircherum Germanum, virum è Societate Jeſu eruditionis oppidò magnæ, Avenione tum commorantem. Is perhibebatur eximie calere Hieroglyphicorum myſteria: quamobrem ipſi adjutando tum varios libros tranſmiſerat, tum Iſiacæ menſæ ſuperiùs deſcriptæ exemplum. Et quoniam eidem præ manibus erat inſignis codex MS. hoc eſt auctor Arabicus, Rabbi Barachias Abeneſphius, à quo dicebatur traditio Hieroglyphicorum interpretandorum: idcirco illum exoravit, ut ad ſe accedens tum codicem ipſum, tum ſpecimen quoddam interpretationis, notarumque ſuarum adferret. Cùm feciſſet, dici non poteſt, quàm ardenter illum animaverit, ut cœptum opus perficeret, editio-nemq; maturaret. Fuit deinceps vir Romam evocatus, ut ſuccederet in locum inſignis Mathematici Chriſtophori Scheineri, quem Imperator penes ſe habere exoptaverat: ſategit autem Peireſkius non modò

1633. apud Mutium Vitellescum Societatis Jesu Generalem, sed etiam apud Cardinalem Barberinum, ut & stimulos adderent, & satis otii facerent, quò id opus brevi prodiret.

Accersivit quoque eodem tempore Salomonem Azubium Carpentoractensem Rabbinum, nihilo sanè doctrinæ specie antiquis illis inferiore. Is, quas habebat, detulit Astronomicas Tabulas, à quodam Judæo ante annos trecentos Tarascone conditas, & ad longitudinem, latitudinèque ejus loci accommodatas. Quia verò nôrat quos labores nominatus antè Schickardus in restituenda Astronomia, Geographiâque exantlabat; ideò procuravit, ut Azubius exemplum earum Tabularum Hebraicè describeret, quod ad Schickardum mitteretur. Misit autem postea, simulque adjunxit interpretationem Azubii, nonnullaque Arabica, quibus ipsum iri delectatum, ex peregrina opera circa Historiam Tarichi de Persidis Regibus navata, perspectum habebat. Quin-etiam, quia ejus responsum ad Epistolas de Mercurio, prodebat illum neque vidisse opus perantiquum Aristarchi Samii, de Solis, ac Lunæ magnitudine, neque certum esse, an liber usquam gentium reperiretur: ideò, cùm ipse meminisset librum Græcè adhuc exstare in Bibliotheca Regia, interpretationemque ejusdem Latinam, unà cum commentariis per Federicum Commandinum, in Italia editam fuisse: ideò, inquam, & procuravit habere exemplum è codice Græco, & nullum non lapidem movit, donec per Naudæum exemplum Latinum detexit, ac obtinuit; & utrumque, unà cum variis circa cœlestia observatis congeffit in fasciculum; quem tandem nihil tale expectans, & ne cogitans quidem, Schickardus accepit.

Pari ratione sese gessit circa memoratum Hortensium, à quo cùm nosset expeti exemplum Dialogorum Galileanorum, ut ea quæ ille de stellarum exilitate conscripserat, conferre posset cum iis, quæ ipse de simili argumento propter observatam Mercurii exilitatem disseruerat: illicò exemplum conquistum misit, ultròque ad virum nihil tale suspicantem destinavit. Pari erga nescio quem alium, à quo cùm accepisset Alcorani exemplum totis votis desiderari; impetravit statim Grationopoli, intercedente Philippo Lagneo, viro bono, ac erudito, & studiosorum planè studioso, quod ad virum, à quo nihil fuerat, tale rogatus, mitteret.

Pari etiam erga Claudium Gasparem Bachetum Meziriacum, qui post Diophantum editum, aliaque opera eximia, Gallicam operum Plutarchi interpretationem instaurare, castigationemque notis illustrare magnò animo moliebatur. Cùm is enim significasset vitam Homeri per Plutarchum nunquam sibi Græcè conspectam, idque ad Peireskii aures pervenisset, dedit illicò operam, ut ea vita exscriberetur è codice Græco, quem se vidisse meminerat in Bibliotheca Regia, & cùm re penè jam peracta illam editam accepisset ab Henrico Stephano, ac præmissam volumini Poëtarum Heroïcorum, coemptum statim misit volumen, cujus ac simul desiderati Scaligerani Eusebii, & recuperatæ nuper ex oriente Homericæ Iliados, cum notis quibusdam Porphyrii, aliarumque rerum non expectatarum Bacchetum participem fecit. Sed possent adferri sexcenta similia.

Addo quòd exscribi curavit ex Bibliotheca Augustana, opera quædam B. Cyrilli, docto viro Joanni Auberto, ad complendum editionem sacri auctoris, necessaria: ob quam etiam causam, evolvi curavit Bibliothecas varias tam Hispanas, quàm Siculas; ac præ omnibus Vaticanam, è qua nonnulla adeptus est, quæ ut Holstenius percenseret, corrigeretque lubentiùs, procuravit ut Aubertus Parisiis vicissim censeret, & corrigeret aliquot Græcos Astronomos, quos expetitos Holstenio ipse Peireskius ex Bliibliotheca optimi Archi-episcopi Tolosani curârat exscribi. Addo quoque, cùm jam Duchesnius admo-veret seriò manum edendis Aucto-ribus, qui de Francorum Historia, & rebus Francicis scripserunt, obtinuisse illi Peireskium, præter non paucos sanè alios, tum Petrum, dictum Bibliothecarium, quem Naudæi sagacitate, diligentia, fœlicitate est adsequutus; tum Chronologica fragmenta Abbatix Sublacensis, quæ ut adipisceretur, Cardinalis Barberini auctoritatem, & Buccardi manum imploravit.

Addo complureis etiam alios, ejusdem implorantis gratiâ, imperasse multos codices exscribi. In iis fuit Henricus Memmius, ille adeò illustris Præses, qui animi nobilitate genus superans, gentilitium de literis, literatîsque benè merendi sollicitudinem mirè fovet. Fuit etiam Comes Marchævilla, à quo accepit Librum de variis Muhammedanorum Sectis, & ad quem præscripsit cujus notæ esse deberent cælaturæ, camei, numismata, & id genus cætera, ex oriente expetita. Fuit memorata Fœlix Zacchia, à qua monumenta aliquot Gen-
nuen-

1633. nuenſium familiarum obtinuit. Fuit, ea occasione, Julius Pallavicinus, ipſe Genuenſis, à quo volumen integrum de eiſdem familiis habuit; præter quaſita alia ex Petro Maria Boëro, quicum illi fuit perpetuum commercium; fuère alii, ex quibus quaſiuit antiquitates Hadriæ, Piſæ, aliarum inſigniorum Urbium; ſed memorare omnes moleſtum.

Non eſt verò heic prætereundem, quòd cùm jam antè agitaſſet curam inducendæ, propagandæque per Europam Copticæ linguæ, ac jam Salmaſius, Petitusque ex paucis libris communicatis in ea plurimùm profeciſſent; adiecit volumina plura, ac mirè ſategit, ut Petrus Valleus commodaret Vocabularium, quod ex oriente advexerat, ut illius interpretationem, editionemque per Salmaſium ad id paratum procuraret. Cùm non obtinuifſet, adhortatus eſt, ut ſaltem Kîrchero illius copiam faceret, qui & Romæ præſens, & linguæ jam gnarus, incumbere in eam rem poſſet.

Cæterùm magnam concepit ſpem tum Copticòrum, tum aliorum præclarorum voluminum ex oriente obtinendorum, cùm accepit exemplum prodeuntis tum primùm in lucem Epistolæ B. Clementis ad Corinthios ſcriptæ, & nuper ex Ægypto, Conſtantinopolisque in Angliam allatæ; cumque ſub ipſummet tempus vir omninò bonus Ægidius Lochienſis, è Capucinorum familia, ex Ægypto rediit, ubi toto ſeptennio linguis Orientalibus operam navârat. Is nempe magna exultatione exceptus à Peireſkio, à quo non parùm ſubſidiû in ea regione acceperat, indicavit codices raros in Cœnobiis variis exſtanteis. Memorabile autem eſt, viſam ipſi Bibliothecam octies mille voluminum, quorum pars non exigua præ ſe ferret ævi Antoniani notas. Quandoquidem verò inter cætera animadvertiſſe ſe dixit Mazhapha Einok, ſeu prophetiam Enochî, declarantem ea, quæ ad finem uſque ſæculi eventura ſunt, Librum Europæ pridem inviſum, illeic autem charactere, ac idiomate Æthiopico, ſeu Abyſſinorum, apud quos is fuerat ſervatus, conſcriptum: ideò Peireſkius ſic fuit accenſus ejus, quoquo pretio, comparandi ſtudio, ut nullis parcens ſumptibus, ipſum denique ſui fecerit juris.

Cùm porrò idem optimus vir mentionem obiter feciſſet inſignis incendiî, quod in Semo Æthiopum monte eodem tempore contigit, quo Veſuvianum in Italia; idcirco varia ediſſerunt de canalibus ſubterraneis, quibus communicare poſſint non modò aquæ, ſed etiam
ignes,

ignes, atque adeò Vefevus cum Æthna, hic cum Syria, hæc cum Arabia foelice, ista cum regione Erythræo vicina, in qua Semus mons: idque seu series quædam rupium incurvatarum canales faciant, seu ipsi ignes in rimas subeuntes vias sibi aperiant, & canaleis creent, bituminosaque suffumigatione incrustationem obtendant, quæ aquam marinam superpositam arceat. Igneis autem subterraneos aperire sibi vias, indicio esse montem Pyteolanum tempore Pauli tertii, alióque aliis temporibus eruptione ignium creatos. Incrustationem verò illam interdum abrumpi, ita ut aqua subeat, indicio esse, quòd tempore Vesuviani incendii littus Neapolitanum aliquantisper resiccatum fuit, revomente interim monte absorptas hiatibus aquas, verùm admixta materia combustibili, ignescenteis. Sic postmodùm etiam est interpretatus Torrentem illum igneum, qui ex monte Æthna defluxit anno integro, decurrens summo cum ardore ultrà duo, triave milliaria, latitudine passuum quingentorum, misto fluore ex sulphure, sale, plumbo, ferro, terra.

Desinente anno suavissimum habuit detinere domi per aliquot dies celebrem Poëtam Santamantium, cum Duce Crequio Roma redeuntem. Cùm fuerit verò mirificè illius lepore, ac venustissimorum poëmatum recitatione delectatus; lætitiâ tamen præcipuè duxit ex recitatis præclaris rebus, quas partim ipse, partim frater in suis in Indiam, aliasque regiones peregrinationibus observassent. Retulit, inter cætera, fuisse fratri visâ in Java majore animalia quædam, quæ forent naturæ, homines inter, & Simias mediæ. Id cùm plerisque non videretur, protulit Peireskîus quæ ex Africa potissimùm acceperat. Significârât nempe Natalis, medicus antè memoratus, esse in Guinea Simias, barbâ procerâ, canâque, & pexâ propemodùm venerabileis, incedere ipsos lentè, ac videri sibi præ cæteris sapere: qui maximi sunt, & Barris dicuntur, pollere maximè judicio; semel duntaxat quidpiam docendos; veste indutos, illicò bipedes incedere; scitè ludere fistulâ, citharâ, aliisque id genus (nam quòd everrant domum, convertant veru, pinsant in mortario, aliaque ratione famulatum præstent, haud reputari admodùm) scæminas denique in iis pati menstrua, & mares mulierum esse appetentissimos.

Arcosius verò (qui hisce annis nuncupavit ipsi libros varios, ut Memoriale principum, Commentarios politicos, Relationem de

1633. Africa) literis quibusdam exposuerat quidnam Ferrariensi cuiuspiam contigisset, cum in regione Marmaricæ, Angela dicta, versaretur. Incidit nempe quadam die in Nigritam canibus venantem homines, ut visum, silvestreis. Capto, cæsoque illorum uno, inhumanitatem Nigritæ increpuit, qui in suum genus ita sæviret. Ille verò, falleris, inquit, nam hic non est homo, sed bellua homini persimilis. Quippe solâ pascitur herbâ, intestinâque ovina habet, quod ut credas melius, rem ecce; simulque abdomen aperuit. Sequenti die rursus venatum, captique mas, & fœmina. Huic mammae ad pedis longitudinem: cætera mulieri simillima fuit; nisi quòd intestina quoque herbis oppleta, & cujusmodi ovis, habuit. Totum utrique pilosum corpus, sed pilo brevi, ac satis leni.

Ista de Africa insinuant, ut attexam commercium, quod ineunte proximo anno Peireskii instituit hujuscemodi occasione. Vermellius quidam Monspeliensis, initio gemmarius, sese militiæ dederat, opibusque dilapidatis, ad priorem artem reversus erat; cum monilibus variis corrogatis, discessit navi Massiliensi in Ægyptum, & occasione proxima in interiorem usque Æthiopiam. Cum gemmas, totamque pretiosam supellectilem eò transtulisset, etiam Reginae Abyssinorum, cui ornamenta Europæa placuerunt, innotuit; & jam in aula celebris, ipsi quoque Regi ignotus non fuit. Contigit interea, ut Rex arma moveret adversus quendam Imperii hostem, apparantem exercitum militum quinquaginta millium. Vermellius autem, inita quadam cum Rege familiaritate, poposcit ab eo licentiam erudiendi solum brevi tempore militum octo millia, pollicitusque est se parva ea manu illas inimici copias everfurum. Rex, animosum, industriumque ratus, illi annuit; ipse verò & delegit, & ita exercuit milites concessos, methodo Hollandica iis regionibus incomperta, ut tandem vireis illas ingentis fœlicitatè fregerit. Reversus victor, Præfectus fuit totius Regni militiæ, ac tum ad amicos Massiliotas scripsit, ut curarent ad se transmitti libros aliquot, ac militaris præsertim, quasdamque etiam imagines, tabulasque pictas, & alia id genus. Id igitur ubi rescivit Peireskii, certusque fuit amicos illos nihil simile curaturos, apparavit ultrò, misitque ad virum, tum liquores odoratos, & exquisitissima elaboratione eductos ex gelsemino, rosâ, arantiis, gariophilatis, munera Reginae pergrata futura: tum
imagi-

imagines, tabulasque, & icones varias Regum, Reginarum, virorum- 1634
que, & fœminarum illustrium; ac magnam librorum congeriem, sed Mathematicorum præsertim ex architectonica militari, ex vulgari architectura, ex perspectiva, & cæteris. Nempe indignum esse duxit talem fortunam deferere, ac virum tam procùl conspicuum pro viribus non adjutare. Cùm confidisset autem illum gratissimè id accepturum, licere opinatus est petere ab eo libros aliquot Æthiopicos, inscriptiones obvias, descriptionem Amarae montis, itémque rituum Religionis, vasorum, & similium, quæ Europæis sciret ignota. Atque hoc quidem moliebatur, cùm interim distraheretur mira sollicitudine, quòd aliud quidem Senatui, aliud Marefcallo Vitrio Proregi placeret.

Inter hæc etiam excipiendus fuit, assiduitatēque, & officiis demerendus Franciscus Comes Noallius, qui Regius Orator cùm pergeret Romam, aliquot diebus tum Massiliæ, tum Aquis-Sextiis substitit. Ut taceam, quòd illo secum deducente Juvenem supra ætatem medicæ doctrinæ, praxeosque peritum, Petrum Michonum Burdelotium, voluerit Peireskius plusquam obiter ejus consuetudinē frui, tum ob doteis proprias, tum ob intercedentem cum erudito illius avunculo Joanne Burdelotio amicitiam.

Excepit quoque non multò post Pontificis Nuntium Georgium Bolognetum, cùm in Galliam adveniens Aquis-Sextiis faceret iter. Memorabile autem est, quòd, cùm is fortè Peireskium occupatum reperisset circa nescio cujus oculi anatomiam, interesse ipse voluerit, curiosēque cognoscere singulareis speculationes. Scilicet ille tenebatur insatiata aviditate noscendi visus organum, germanumque locum, in quo visio ex impressione, reflexionēque imaginis peragitur: unde ex avium, piscium, quadrupedumque generibus vix obtineri ullum potuit, cujus oculi dissecti non fuerint, ut in quo vel congruerent, vel dissiderent, adnotaretur. Non tacendum verò, quòd, ut mihi, quem ea in re adjutorem voluerat, uberiùs gratificaretur, omnia copiosè perscripserit ad Franciscum Luillerium Regiarum rationum Parisiis Magistrum, quem amicum mihi singularem nôrat, cujusque eruditionem, candorem, affectumque in bonas arteis, & in æquitatem, omnemque virtutem, si hoc loco attingerem, non alio sanè facerem fine, quam ad insinuandum ejus amicitiam Peireskio quoque carissimam non immeritò exstitisse.

1634.

Quia res porro valdè percrebuit, neque de ea tamen planè constitit; ideo videtur operæ pretium quid id fuerit commemorare. Inter antiquiorem sententiam, quæ statuebat visionem fieri in humore crystallino, & recentiore, quæ in tunica retina, Peireskius mediam elegerat, in humore vitreo fieri opinatus. Quippe cùm dignum existimaret facultatem visus suo munere fungi circiter medium oculi, ac in eo loco, unde rei imaginem in suo situ spectare posset; idcirco hunc locum designaverat intra humorem vitreum, qua parte radii ipsarum rerum trajecti per crystallinum, & reflexi ex retina, in unum quasi centrum coirent. Ratus enim crystallinum sua convexitate invertere imaginem, suspicatus fuerat retinam sua concavitate eandem restituere: quare & debere facultatem in ejus concavitate centro residere, unde imaginem è retina reflexam, restitutamque, atque adeo rem in suo situ naturali contemplaretur. Id animo cùm infixisset, superesse solum censebat, ut veritatem ejusmodi restitutionis exploraret.

Cùm primum ergo concessum est per ferias Paschaleis nonnihil interquiescere, exercere cœpit anatomicos in generibus animalium variis. Universè autem apparuit posticam illam, interiorémque circumductionem oculi speculum esse concavum, propter inversam tam candelæ, quàm aliorum quorumlibet objectorum reflexionem. Id scilicet, ita exemptis anterioribus tunicis, omnibûsque humoribus, ut tota illa capacitas in suo situ perseveraret. Tunica enim choroidi diversimodè coloratæ politura inest veluti metallica, quæ splendescat facillimè, adjutante humore atro, quo à terga imbuitur, & conferente nigritie, qua interior circumductus, antrorsum quasi illinitur, ut lux, aut imago impacta in id speculum, fortiùs, distinctiùsque in illo pingatur. Cùm choroidem verò dico, non excludo Retinam, quæ difficillimè quidem, & in paucis oculis sic illi adjuncta conservari potest, ut cum humore vitreo exeunte non loco excedat, colligaturque, & appareat, quod reverâ est, nervi optici dilatata productio: at ubi tamen choroidi adjuncta tenetur, adeo tenuis, teresa, pellucida est, ac potissimum quidem humectata, ut una, eadémque videatur esse superficies, unum, idémque speculum, id quo imagines rerum imprimantur. Tametsi verò opticus, seu retinæ medium, non respondet è diametro apertæ exterius pupillæ (paullò enim inferius est)

respon-

respondet tamen medium postici illius colorati, & metallici splendoris, qui circulo quodam tanquam Horizonte dirimitur ab anteriore obscuritate. 1634

Cæterum Peireskii mirè exultavit, cum post humores omnes eductos, appensoque deinde crystallino, & in locum penè suum restituto, imago candelæ observata est pingi interiùs in retina, non inverso, sed recto situ; ac rursus, cum fundo ita illustrato, ut crystallinus ex eo solo posset lucem accipere, inversa per retinam imago, deprehensa est in crystallino ipsam excipiente erecta. Planum quippe duxit conjecturam suam undequaque successisse; unde ut illam magis firmaret, conquisivit vitra, & specula varia tam convexa, quàm concava, tam reflectentia, quàm transmittentia; etiamque varias phialas, in quibus variè comparatis, mirum dictu est, quàm multa, quàmque repetita perfecit experimenta. Non facile porrò dimoveri potuit à memorata sententia; meminique solum, cum objiceretur facultatem visus intra oculum confidentem non respecturam foràs versus ipsas res, sed intrò versus speculum, atque adeò dici non posse verè conspiciere res ipsas, præter nonnulla alia, quæ visionem in retina probabiliorem facerent; memini, inquam, eò adductum, ut existimaret posse facultatem, suam functionem exserere non in retina, non in crystallino, non in vitreo solo: sed in tota illa humorum, tunicarumque capacitate.

Sic immutavit etiam nonnihil opinionem de myopum, senumque perspicillis præconceptam. Cum observasset enim imaginem specillo concavo trajectam ampliari, convexo verò contrahi; existimarat myopes ideo specillis concavis uti, quòd ampliacione indigeant; senes convexis, quod contractione. Postquàm verò monitus fuit oculum in loco papyri collocatum, contractum videre objectum ex concavis, amplificatum ex convexis (nempe quòd ea speciem ita distrahant, ut paucæ partium objecti partes incurrant in oculum, unde id contractum appareat; ista verò sic contrahant, ut ejusdem partis plures partes ineant, unde dilatatum videatur) tum opinionem sic temperavit, ut opus esse censuerit ampliacione contractioni mista. Ne memorem quòd myopibus humore vitreo abundantibus vitra concava ideo profint, ut radiorum decussario ultra crystallinum facienda promoveatur versus retinam: senibus eodem humore nonnihil consumpto,

1634. convexa ideò conferant, ut eadem decussatio ab eadem retina non-nihil abducatur, quasi visio sit elicienda in moderata ab ipso puncto decussationis distantia, eadem ratione qua in Telescopio debet oculus ab illo non-nihil abesse; quod à Scheinero ostensum est.

Sed quæcunque tandem fuerit veritas, aut incertitudo sententiæ, præstat heic referre nonnulla, quæ nescio an prorsus, an satis observata prius fuerint. Constitit nempe crystallinum non in omnibus animalium generibus agglutinari, cohæreréque cum ciliari circuitu: sed in variis piscibus vitreo veluti innatare; ac in Thynnis specialiter sustentari solum duabus ansulis, quarum altera ab optico nervo producatur. Constitit rursus crystallinum figuræ esse in variis animalibus variæ. Nam tametsi in pluribus quasi lenticularis sit, in piscibus tamen magis accedit ad globosam figuram, in volucris vero minus. Quin etiam in Thynno planè sphericus est posteriore parte; antrosum autem planus esset, nisi, relicto circum margine, attolleretur in medio portio quædam globi longè amplioris, quàm posterior; diametris nimirum existentibus in sesquialtera proportionem. Cum idem verò margo visatur in oculis quarundam avium, ac potissimum Aquilæ; in quadrupedibus tamen, ac in homine nullus est; sed cum pars posterior sit portio minoris globi, quàm anterior, segmenta cohærent eodem ambitu, diametris globorum excedentibus, proportionis, in ove quidem, quasi sesquiseptimæ, in bove quasi sesqui-quartæ, & in aliis alterius. An verò illæ portiones non globorum sint, sed parabolarum, figurarumve aliarum, difficile sanè iudicatu est; ac præsertim quia mortuo animali humor flaccescit, collabiturque, &, seu digitis tractetur, seu suspensus teneatur, seu supra papyrum resideat, vix potest non deflectere à nativa sua figura.

Constitit præterea in genere piscium humorem aqueum vel nullum esse, vel certè perexiguum (in Thynno certè, ac Pelamide, Mustella, & quibusdam aliis nullus unquam inventus est) vitreum verò copiosum esse. In genere autem tam avium, quàm quadrupedum, nocturna illa animalia veluti Bubones, ac Feleis plurimum aqueo abundare, paucissimum vitreo. Constitit quoque non pro ratione magnitudinis animalis, magnitudinem esse oculi. Nam cum aves pro corporum, capitumque mole maximum possideant, uti Aquila, quantum penè ovis; in piscibus tamen Delphin, qui mille libras pendit, longè

minor

minorem oculum habuit, quàm Thynnus, qui trecentas solùm, & 1634.
species Phocæ, quæ visa est esse prima Rondeletii, cùm pependisset li-
brarum circiter octo millia, non habuit tamen oculum memorato
Thynno majorem. Ut missum faciam, quòd cùm Peireskius nullo
non studio procurasset obtinere oculum Balænae, ex iis, quæ immanes
capiuntur in mari Aquitanico, retulit interea religiosus vir Josephus
Antonius Dominicanus Massiliensis, qui non ita pridem unius capturæ
interfuerat, oculos ipsius vix fuisse humanis majores. Cùm id verò de-
miraremur, mirabilius aliud subjunxit, scilicet, illud animal, cùm os
habeat adeò vastum, ut exempta lingua (ex qua sunt libræ olei mille,
& sexcentæ expressæ) potuisset eques, haud palatum vertice feriens,
ingredi, (nimirùm quasi navis illa in os Balænae Lucianicæ) gutturis
tamen fuisse adeò angustum, ut vix potuisset capere simul duos ex illis
pisciculis digito auriculari non majoribus, quos Mellitas vocant, quo-
rùmque magna copia deprehensa in ore est.

Nimiùm fortasse heic hæreo; sed cùm nonnulla sint relata ex iis,
quæ Peireskius in alienis observavit oculis, æquum est sanè subji-
ci quæ in propriis observavit. Animadvertit siquidem oculos suos sic
excipere imagines rerum, ut asservarent illas diutius, & maximè qui-
dem cum à somno humescerent. Sic expertus est millies, cùm respexis-
set in fenestram clathris ligneis, quadratulisque papyraceis interstin-
ctam, circumferre sese deinceps illius formam in oculis; sed cum eo
discrimine, ut si clausos quidem contineret, tum clathros obscuros,
& quadratula candida, cujusmodi conspecta fuerant, videre adhuc
videretur: sin autem apertos in parietem non valde clarum conver-
teret, tum obscura quadratula; clathro verò ejus candoris, cujus pa-
ries, contueretur. Idem apparebat discrimen, si in vesteis nigras, sed
aliqua tamen luce illustratas, direxisset oculos; videlicet quadratula
nigrore vestium erant nigriora. Idem, si in apertum librum; caracte-
res enim clarè discernebat, quæ observabatur clathrorum, non quæ
arearum quadratarum species. Ex quo argumentatus est mirum non
esse, si splendor lucis, & candor nivis hebetent visum, excæcaréque
etiam valeant, ut historiis proditum est; cùm illa non admodum vi-
vax papyri albedo organum ita vitiet, ut facultati quasi velum non
statim arcendum obducatur. Existimârat autem, ut lux Solis unâ cum ar-
dore, Bononiensi lapidi imprimitur, ita lucem, candorémve humori
vitreo

1634. vitro imprimi, & propter corpulentiam umbram sui quandam creare: sed opinatus est postea apparentem exterius umbram non à crassitudine lucis, candorisve productam, sed affectam ex vitio, quod contrahi possit, non in vitro solum, sed etiam in aqueo, & in crystallino præsertim. Ad-hæc, rei objectæ species in oculis ejus sic geminabantur, ut præter primariam, claramque, aliam secundariam, atque obscuriorem insinuantem se ad latus prioris videret. Sic libro aperto, aut in pagina, dum aliquid scriberet, ita distè intuebatur, & marginem album, & linearum initia, ut digito tamen citrà, seu in margine, obscuriora alia initia contueri sibi videretur. Quin aliquando etiam in montem Soli occiduo obversum spectans, ter geminam ejus speciem vidit, ut & multiplicem in filo; quod primam ipsi ansam fecit attendendi ad cætera.

Cùm nosset porro me pridem esse in ea sententia, ut oculorum amborum axes nunquam coeant, sicque angulum in re visa (uti recepta apud omnes fert opinio) non faciant, sed perpetuo parallelismo incedant, unusque solum oculus, altero otiante, dirigatur in rem visam (is scilicet natura duce, qui à natura obtigerit melior, cùm ut manuum, sic oculorum alter semper valentior sit) adeò proinde, ut visione, quam distinctam vocant, solus videat, licet alius possit eam videre, quam confusam: cùm id, inquam, nosset, mirè exultavit, quasi factò adversus illum parallelismum experimento. Quippè oculos aliunde immotos alternatim claudens, & aperiens, animadvertit speciem dextram in sinistram, & sinistram in dextrum ferri, sicque decussationem fieri parallelismo repugnantem. Et monui quidem ipse, ut attenderet dextram, seu distinctam speciem pertinere ad sinistram, qui fuit illi potior; sinistram, seu confusam ad dextrum, qui imbecillior; dirigi verò unicum axem, nempe ex oculo sinistro; speciem autem in dextrum non directè, sed obliquè incidere, sicque decussationem creare: quo modo res omnes geminæ videntur, cùm detorqueamus oculos, existente nempe visione utriusque oculi confusa, propter obliquum solum allapsum: verum non planè conquievit, imò etiam est opinatus posse inter observandum cœlestia discrimen contingere, si unus pinnacidia dextro oculo dirigat, & alius sinistro: nec sibi factum putavit satis, donec Schickardus ea de re litteris suis securum fecit.

Mittamus verò tandem ista, & attingamus alia, quæ per idem tempus multa observavit. Ejusmodi fuere imprimis venæ in mezenterio Lactææ, quarum jam antè meminimus, quasque rursus, in quotquot licuit animalibus, requisivit. Quoniam autem illas discerni nisi in animali vivo, aut palpitante adhuc non posse, tum ex Asellio inventore, tum ex factis compluribus dissectionibus noverat, resque propterea in homine, quem vivum disseccare nefas, inobservabilis videbatur; non ideò tamen desperavit, quin, si paucis horis à suffocatione, interanea disquirerentur, vestigia hujuscemodi venarum sese proderent. Quamobrem damnatum suspendio procuravit primùm, antequàm judicium capitale pronunciaretur, securè, & egregiè pasci (ut nempe esset unde chylus lactesceret, quo tempore requiretur) ac inde, non nisi horà cum semisse post suspendium expectatà, cadaver devehicuravit in anatomicum theatrum. Præstitum est verò eà diligentia, ut aperto abdomine venæ albescentes apparuerint, utque ex nonnullis resectis colligi potuerit liquor lacteus; quod profectò visum est mirum.

Hæc præter, sollicitus fuit, ut observarentur variæ scaturigines ventorum. Nam primùm quidem opinatus fuit ventos ex Aristotele terrenos esse halitus, qui ex offensus aëris frigidioris percussi, transversum prorumpant, & pro conditione vallis, aut alterius loci, unde prodeunt, aut quem offendunt, in boream, aut meridiem, ortum, vel occasum ferantur: verùm tam multas expertus est in ea sententia difficultates, ut ad materiàm halituum recurrendum censuerit, examinandumque, num, exempli gratià, vitriolum, halinitrum, bitumen, sulphur, & similia, dum exhalantur, condiciones, varietatèque ventorum subeant. Quamobrem observari voluit tam mirabiles quosdam ventos in suis originibus, quàm proprietates ipsas locorum, attendendo ad mineralia, fossiliaque omnia, & plantas congenas. Hinc destinavit Peirescum, versùs eruditum medicum nomine Malianum, qui in Coyero monte observaret antrum, è quo frigidus prodit ventus, tantò minùs sensibilis, quantò ad originem acceditur propius: cujusmodi etiam observatus est in hiatu boreo Montis-ventosi. Ut observaret quoque exstantem non procul lacum Legnium, è quo dum exoritur fumus, nubes haud dubiè creanda est, quæ sit brevi in tempestatem favissimam exoneranda; quod memorant

1634. etiam de lacu Pilati in Delphinatu, & de alio in Pyrensis. Ut denique ea occasione observaret fontem, qui ad Collem-martium statis intervallis effluit, ac subsistit; nimirum octies circiter intra spatium unius horæ.

Sic per Bulæum virum doctum, observari curavit ventum Pontiam, sive Ponticum dictum, ad occasum Alpium Cottiarum, oppidumque dictum Nihontium. Is flat à borea secundum fluvium, & neque leucæ quadrantem secundum latitudinem excedit, neque secundum longitudinem, cursumve, dimidiam, aut integram leucam: nisi quod nonnumquam factus vehementior plureis superat, Rhodanumque etiam attingit. Quotidianus est; & dum flat, non intermittitur, aut fluctuat; sed uniusmodi est tenoris. Oritur hieme sub mediam noctem, & in nonam usque decimamve matutinam constat; ætate, ab aurora in octavam, vere, & autumno, à quarta in meridiem. Est autem per hiemem præsertim violentus, maximèque reflante austro; interdumque frigidus adeò, ut, ipso vigente, aqua in aëre congelaret. Ventus alioquin saluberrimus; ut sunt etiam ejusdem loci fruges, fructus, nonnulli fontes.

Sic per Antelmum Foro-Juliensem, virum Sacerdotem, omninoque bonum, observari ventum, qui ad Malignonum montem nascitur, nec declivitatem illius excedit; itemque consuetum Vulturii, & Cori, qui ad promontorium Rufum occurrentes, sese ibi mutuo conficiunt. Mirabile id sanè; sed non minùs illud, quod Vulturii illeic salubris, & fruges perficiens, insalubris est, frugisque adurit Aquis-Sextiis; & Corus ex opposito: ac rursus, quod Cannis observatum est à memorato antè Meynerio, nullos planè ventos ex cardinalibus flare, sed lateraleis solummodò; cum aliis locis secus contingat. Sed magnum nimis foret tædium, si plura congererentur: nisi taceri fortè non debet, quod qui utrimque subeunt foramen Lançonium, Pausilyppæo simile, ventum exeuntem utrimque sentiunt; argumento quod extrorsum efflet, non introrsum insiliat.

Rursus, non minùs curiosus fuit, ut attenderetur ad motum maris Mediterranei, quem cum ad nostras Europæ oras versus occasum esse constet, exploratum voluit, num ad oras oppositæ nobis Africæ versus ortum foret: idque observando præsertim regionem, qua in fluminum ostiis arena aggeritur; cum soleat in eam egeri, in quam

maris

maris aqua fluviatilem trudit. Exemplo ipsi erant arenæ, quas uberes Rhodanus vehit. Mare quippè illas propellit in oram Occitanæ, quæ propterea facta importuosa est; nam vel à solo tempore D. Ludovici, mare recessit ab oppido Aquis-mortuis, integrâ leucâ. Et quamvis arenæ Argentei fluvii in Orientis oram propulsæ videantur, ac Forojuliensem portum complevisse; sentiebat tamen idèò factum, quòd sinus Grimaldicus, seu Sanctorpetianus consequenter situs, copiosorem aquam alliciat, & interpositum promontorium gyrationem efficiat; quæ Argentei aquam, limûmque in averfam seu Orientalem plagam, compellat.

Eadem occasione adnotatum voluit marinum æstum, quisquis is esset, & in mari Hadriatico, & in quibusdam Africæ oris. Cùm ex disquisitis autem variis Mediterranei motibus, circuitibusque, constitisset aquam perpetuò ex Ponto Euxino per Bosporum Thracium, Propontidem, ac Hellepontum in Ægeum ita influere, ut non modò Smyrnæ, sed etiam in Creta, imò penè ad Africam illius motus posset agnosci: cùm item constituisset Oceanum Atlanticum per fretum Gaditanum continuò influere: quippe sextante solum spatii intercepti ad ipsa littora, reciprocatio fluctuum est: toto verò besse intermedio perpetuus est Oceani in Mediterraneum influxus: cùm de his inquam constitisset, recurrendum esse necessariò censuit ad canaleis subterraneos, quibus mare Mediterraneum cum Oceano communicet, & ad libellam reducat. Nempe eadem ratione volunt Hyrcanum, sive Caspium mare undique conclusum, nec tamen exundans tot exceptis fluminibus, communicare cum Euxino per meatum subterraneum, quo aquæ scaturiant ea parte, qua medius Euxinus dulcescit, cuique ex Aristotele, nomen est *βathyra*, seu profunda Ponti.

Contigit ad hæc perillam ætatem diversumodè fulminare. Cùm mea autem foret opinio ignem fulmineum, quo terrena feriuntur, non emitti procùl ex alto, sed proximè ex nubis glomo ejus materiam continente, transferentéque, erumpere; voluit ipse eam flammulam, tametsi rem fluxam, tanta extrudi vehementiâ, ut ex regione aëris media, inextincta perveniat ad terram, ubi vim miram exserit. Adjecit, cùm ante triginta sex annos altare majus Capuccinorum Aquensium ictu fulminis fuit disruptum, versatum se in urbe fuisse, & pertranscuntem, casu quodam, plateam dictam Prædicatorum habuisse oculos

1634 in cœlum, ac in eam regionem conversos. Quod mirabile verò fuit, observasse se in aëre medio, manipulum quendam radiorum igneorum, utrimque partim directorum, partim undulantium; eo planè modo, quo antiqui pinxerunt fulmen in manu Iovis. Ac nihil attinet quidem memorare quid repositum fuerit; referendum potius, quòd cum fulmen dejecisset cruceem è fastigio turris campanilis D. Ioannis, ferrum infernè lapidi impressum deprehensum fuit habere circum rubiginem, seu crustam ferrugineam vi magnetica maxima pollentem. Ac mirati quidem non sumus de ferro, quod per aliquot sæcula expurgatum, contraxisse vim poterat: at recrementum ipsum ferri tantundem potuisse, fuit stupore dignum.

Habuit interea ex Africa semina, plantasque, & animalia nonnulla. Ex his nullum majus, pulchriusque Alzarone puncupato, quod summo ore, caudaque taurum, cætera cervum referebat. Cornua illi nigra, erectaque, & futura miræ, ut perhibebatur, altitudinis. Animal velocissimum, & quod non potuisset, nisi ab ipso ubere, capi. Illud verò diù non detinuit; sed postquam satis observavit, pròque votis depictum habuit, ad Barberinum Cardinalem misit. Accipit autem non multò post similis animalis spoliū à Comite Marchævilla Constantinopoli redeunte, eaque occasione experiri voluit (& nescio tamen quid inturbârit) num pelli ejus animalis idem contingeret, quod cervinæ. Constabat enim pellem cervi, si fuerit à coriariis in fundo cuppæ constituta, suppositaque tam bubularum, quàm aliarum ingenti acervo, non conquiescere, ex quo primum infusa aqua fuerit, donec sese subduxerit, omnibusque evolutatis, se cumulo toto superiorem statuerit. Cùm id miraremur, retulimus causam in ampliorem pilorum cervi, quàm cæterorum cavitatem (singulos enim pilos esse canaleis, sive tubos quosdam declarant microscopia) adeò ut, illi aëre oppleti, & intra aquam constituti nixum faciant, instar scilicet vesicæ inflatæ. Credibile quoque id non parùm ad animalis celeritatem conferre, dum propter calorem ex motu, ea capacitas spiritu diffatur; ut probabile quoque est conferre in volucris eam pennæ partem, quæ cava, spiritu impletur, juvatque, ut aves faciliùs sustententur in aëre. Sed attigisse id sufficiat.

An subjiciam verò quòd Peireskii voluit supra domus suæ fastigium locum idoneum construi, è quo abundè eminente quicquid foret

foret cœlitus observabile notaretur? Quàm multa certè observata ex eo fuerint, non est heic referendi locus: verùm reticere non potest insignis lætitia, quam cepit, cùm inde attendit ad Martem occultantem stellam, quæ extrema est in Virginis ala. Permoverat scilicet illum quod narraveram observatum mihi superiore Decembri Iovem occultantem Geminorum Propoda; adeò ut diebus aliquot manè, vesperèque telescopio inspectus, deprehensus fuisset transivisse illi ad austrum, non amplius quàm minutis quatuor, die ejus mensis decimana, ac hora undecima matutina. Et cùm die octava Junii sub vesperam admonuissèm illum, fore ut Eclipsin non ab similem per Martem conspiciere posset, tum maxima alacritate advigilare constituit, neque discessit, nisi post elapsam mediam noctem, cum horæ besse; quo tempore Mars fuit stellæ conjunctus, præteritque ad austrum non amplius, quam sesquiminuto.

Sed & dici debet lætitia, qua apud se habuit Thomam Campanellam, philosophum celebrem, quo observanda tempore fuit, (nempe sub Novembris initium) Mercurii cum Sole conjunctio. Quippe is esse testis potuit in conspectum fuisse sub Sole planetam in conjunctione propè centrali; argumento, quòd tum directus supra Solem exstiterit, quemadmodum retrogradus visus fuerat priùs sub Sole, quòdque proinde motu suo ipsi Soli circumducatur, non verò feratur in Epicyclo nos inter, & Solem detento. Simili sanè observatione id eviceramus Parisiis, ante duos annos, cum semisse, ut pote sub finem Aprilis.

Cæterùm qua humanitate Campanella exceptus fuerit, haud explicari facile potest. Recipiens enim sese in Galliam, non priùs appulit Massiliam, curavitque adventum suum renunciari Peireskio, quam missâ læticâ accersitus est in ipsius ædeis, & curatus egregiè per aliquot dies, dimissusque Parisios partim læticâ, partim curru, non modò ab illo habuit literas, quibus pecuniam Lugduni acciperet; sed accepit etiam discedens quinquaginta aureos, adeò ut tanta beneficentia obrutus, & quasi suffusus, testatus fuerit se priùs quidem habuisse satis constantiæ, ut per tormenta sævissima continere lacrymas posset: at non habuisse, quando est virum adeò munificum expertus. Spectare huc putes, quod postea inseruit in Tomum secundum suorum operum, ac sub Oeconomicorum finem. Nam, *haud negem*, inquit,

1634. *amicos splendidè excipiendos esse mensâ, sed frugaliter, & cùm opus habent: eumque amicum potiùs reputabis, qui tibi pecuniam suam, quàm qui vitam suam offerre: veluti mirificus Fabricius, Dominus de Peresc, Gallorum decus, & Philosophorum, & clarorum virorum Mecœnas, & perennis hospitalarius, exemplar est mundo.*

Quibus nempe diebus ille est apud Peireskium commoratus, tum alios diversanteis vidit, tum generalem apud Augustodunenſeis Pro-prætozem Montagutium, qui loca Provinciæ sacra invifens, inviferus quoque eum fuit. Is porrò detulit ad ipsum cochlearia duo argentea antiqua, & nonnulla alia, quæ Augustoduni è ruinis vetustatis eruta videre Peireskius optârât. Emenſus cochlearia, ac illud præſertim, quod fuit magis integrum, dici non poteſt quàm exultârît, cùm duas argenti uncias animadvertit pendere, ut pendit sextans pilæ antiquæ; & continere præciſè drachmas olei duas, ſeu sextam partem cyathi, ut continet etiam memoratus sextans. Hinc ad Puteanos literas dedit & fuſiſſimas, & pleniffimas inexhaustæ eruditionis, occasione præſertim ſumpta ex Mercurii effigie in altero cochleari expreſſa, cùm didrachmalis illa menſura, appellata fuerit cheme, nomine deſumpto ex conchylio, cujus cochlear retinet formam, quòdque Mercurio ſacrum eſt; adèd ut vaſritiei, ſeu duplicitatis Mercurio tributæ ſymbolum fieret tum drachmalis, unciaſque duplicitas; tum genus conchylii bivalvii, & alia id genus ſexcenta.

Acceperat non ita pridem à Montagutii affine Venoto Abacum antiquum, Augustoduni quoque effoſſum, ſtudioſèque etiam de eo ſcripſerat; propter diſcrimen aliquod notarum numeralium, cum iis, quæ aſcriptæ ſunt in modulo abaci ex muſæo Ciaconiano habiti, & in exemplo apud Gruterum delineato juxta illum, quem Velferus ex Occone evulgârât, ac deſcripſerat. Quo loco adnotari poteſt non probaſſe illum quod Velferus exiſtimavit (ut apud Gruterum licet legere) duos illos claviculos ſub ſemuncia, & ſicilico, duas eſſe duellas; voluit enim potiùs eſſe ſextulas, quæ junctæ duellam efficiant, quarum unâ additâ ſemunciæ efficiantur duellæ duæ, uti ambabus additis efficiuntur ſextulæ quinque (nimirum ſemuncia æquivalet tribus) adèd proinde, ut hac ratione ſupputari poſſint omnes uncia partes tam duellares, quàm ſextulares; quod fieri non poſſet, ſi claviculi duellas ſolùm designarent. Addo, ſi eoſdem claviculos pro ſextulis habue-

habueris, etiam duodenas uncia^{rum} parteis, præter unitatem, supputari 1634. posse. Nam sextula una valet parteis duas; sicilicus treis; sextula utraque simul juncta quatuor; sicilicus cum una sextula quinque; semuncia sex; sicilicus cum duabus sextulis septem; semuncia cum una sextula octo; semuncia cum sicilico novem; semuncia cum duabus sextulis decem; semuncia cum sicilico, & sextula una undecim.

Non heic subijcio, ut interim egerit cum Ludovico Savoto de usu æris in numismatis, de quæ armis antiquis, quæ & fuerunt ænea, & in sepulchris solita condi; & cum Ludovico Auberio Menillio de cælaturis supposititiis, quas Chaducus à se confectas non erubescere pro vetustis evulgare. Non rursus, ut curaverat exscribi MSS. omnes, & Græcos quidem potissimum, qui de Ponderibus & mensuris, ex Bibliotheca Vaticana, ex Regia, ex Augustana, & cæteris; præter collectanea Angeli Colotii, tribus voluminibus; & Onuphrii Panvinii volumina duo; præterque insigne volumen circa theoriâ Musices, quod misit primum ad Donium, ac deinceps, addito volumine Arabico, cum elegantissimis figuris, ad Marinum Mersennum, ex Minorum ordine, virum eximie bonum, doctum, curiosum, & in illustranda naturæ Religionisque veritate indefessum. Non denique complura alia: sed subijcio potius modestiam, qua excepit nuncupationem Excerptorum Polybii, Nicolai Damasceni, & aliorum historicorum, factam à verè erudito, nobilisque notæ Henrico Valesio, qui ipsa Græcè edidit, Latine vertit, notis illustravit.

Is enim, inter alia, affatus ipsum his verbis est. *Quid-ni te parentem appellem, & auctorem hujus libri, qui primum à te repertus, adventus quo sumptibus tuis ex insula Cypro, & in hanc urbem est missus? Et statim, Nunc verò tandem operâ nostrâ prodit in lucem, non magis Constantini Augusti purpurâ, quam nominis tui titulo conspicuus. Ac de Constantino quidem alii viderint: Tu quidem & antea sæpè de literis benè meritus es, & posthâc etiam benè mereberis: feres tamen æquo animo id inter tua de studiis, ac studiosis omnibus merita proprium à me numerari. Et rursus, Quam quidem operam, qualiscumque est, tibi, Nicolae Fabrici, dono, ac nuncupo; ut jam hic liber præfixis titulis tuis ex asse censeatur tuus. Postea verò præfatus, ex tribus, atque quinquaginta Excerptorum titulis, unicum superesse, de Legationibus inscriptum, inque libros divisum duos, partim à Eulvio Ursino, partim à Davide Hœschelio editum, miminit etiam hujus,*

1634. hujus, qui, inquit, nunc primùm in lucem prodit, beneficio viri clarissimi, doctissimique, & ad juvandas literas unicè nati, Nicolai Fabricii Peirescii, titulo *Sei Des-
m, & regias*. Peireskiius autem planè suffusus, nolisset prorsus nomen suum cum Imperatoria illa commisceri purpura: rescribènsque ad Valesium, satis futurum fuisse dixit, si, facta alii nuncupatione, memoratum fuisset duntaxat, visum sibi obiter librum, ac præ manibus habitum, in angulo quodam obscuro, cùm ex Oriente adveheretur.

1635. Consimili moderatione sequente anno usus est, cùm Philippus Rubeus Romæ edidit, ipsique dicavit inscriptionem illam antiquissimam Columnæ Rostratæ, C. DUILLIOS. M. F. M. N. COS. ADVORSO. CARTACINIENSIS. IN. SICILIAD. REM. CERENS, & C. cujus suprà meminimus; idque cum apposisis supplementis, & illustrationibus per Gaugen Gozzeum. Et tamen id videtur factum, non sine quodam numine; cùm eodem tempore agigaret curam obtinendi ejus Inscriptionis non modò apographum, summa fide, & exquisita imitatione confectum; sed etiam gypseum ectypum, ut consideraret ipse omnia, exploraretque judicia, atque supplementa Ciaconii, Lipsii, & aliorum, qui in eam incubuerant curam. Prætereo autem, ut voluerit simùl habere ectypum alterius illius memoratæ inscriptionis Scipionis Barbati, unde agnosceret formam antiquissimam Romanorum characterum; quia ejusmodi inscriptio intemerata perseveravit, secùs ac Duilliana, cujus characteres instauratos fuisse, ex Plinio, intelligimus. Sic, ut formam agnosceret antiquissimam Atticorum characterum, ectypum quoque habere voluit inscriptionis illius, quæ legitur apud Gruterum, ΟΔΕΝΙ ΘΕΜΙΤΟΝ, & C. cujusque Scaliger scribens in Eusebium, opinatus fuerat Ionicos esse characteres. Tametsi id egit ex parte, ac Salmasio faceret satis, qui hujusmodi inscriptionem perinde illustrare in animo habuit, ac illustraverat quasdam alias de consecratione Templi, & dedicatione Statuæ. Denique petiit ex Donio accuratum apographum Tabulæ Eugubinæ dictæ, areæ scilicet illius, Eugubii ante annos centum repertæ, & à Grutero quoque relatæ: idque ob voces quasdam Thufcas, in quarum interpretatione non desperabat se nonnihil adjutare, ne dicam emendare posse Bernardini Baldi conjecturas.

Sub anni porrò initium accepit, non sine dolore, obiisse Valentæ Julium Pacium, quem ab ipsis usque juris studiis amabat, ac venerabatur.

batur. Divertit interea ad illum Theodorus Cardinalis Trivultius, 1635. qui tum Italiam repetens, recepit sese curaturum, ut ex Ambrosiana Bibliotheca exscriberentur Orbicius, & alii Tacitici auctores, quos Salmasio necessarios, Peireskii habere summè laborabat. Divertit etiam non multò post Cardinalis Lugdunensis, qui Romam pergens, commorari aliquot diebus voluit in Archiepiscopatu primævo. Cum verò ille magnâ pompâ, ob benevolentiam, venerationemque pridem quæsitam exciperetur; ubi ipsum quoque Peireskium aliquouſque obviam euntem & vidit, & complexus fuit, tacere omnino non potuit, se pluris paucos illius passus, quàm numerosa milliaria antevertentium æstimare. Divertit & Petrus Aloysius Caraffa, dum Coloniâ Agrippinâ, ac Leodio Pontificis summi Legatus rediret.

Cum verò Peireskii super ea regione multa rogaret tam ipsum, quàm eruditum comitatum, è quo Silvester Petrasancta; accepit, inter cætera, versari Leodii religiosum, ac industrium, è Societate Iesu, virum, nomine Linum, qui phialam complevisset aqua; ejusmodi temperationis, ut internataret medius globulus, cum descriptis circum horis viginti quatuor, quæ ad pisciculum, seu indicem fixum allabentes ex ordine, horas diei connotarent, tanquam globulo cœli motum exactissimè imitante. Confirmatum id ipsi est, tum ex Rubenii literis, tum ex relatione Dormalii, qui ruente vere in Italiam rediens, & aliquot diebus detentus Aquis-Sextiis, rem sibi ipsi visam descripsit. Laudavit proinde Peireskii inventum admirabile; cœpitque variè requirere, quanam vis naturæ præstare id posset; cum haberet ipse aliundè à multis jam annis Drebelianam machinam, in cujus vitreo, arcuatòque tubulo inclusa aqua bis in dies singulos iret, redirètque, ac parùm abesset, quin maris insequi æstum videretur. Revocavit autem præcipuè in mentem, quod ante duos annos Kircherus enarraverat, se fragmento subereò inseruisse grana cujusdam Heliotropii, quæ (floris, instar) in Solem conversa, innatans suber converterent, indiculòque appposito notatas in vase horas designarent. Qua occasione venit in mentem circumcidere Lapidem natantem, quem à Mersenno acceperat, ut in globiformam tornatus, esse posset suberis loco, faciendis heliotropicis, magneticisque experimentis.

Sperarat sub veris ejusdem initium divertentem excipere Pomponium Bellevreum, cum nomine Regis pergeret legatus ad Principes

1635. Italos: sed itinere aliàs instituto spe videndi frustratus est, complectendique unà pergentem Franciscum Vayerum à Motha, cujus eruditionem, candoremque tum literis, operibusque, tum amicorum communium sermonibus cognoverat. Dum expectaret porro ex Italia memoratos Tacticos libros, misit interea ad Salmasium delineationes varias ensium, gladiatorum, securium, cæterorumque armorum, quæ apud antiquos fuere ænea, ac nominatim cassidum duarum, quarum altera ex Samnitum finibus, seu ex Aprutio missa fuerat; altera ad ipsummet lacum Thrasymenum fuerat reperta; cum dependentibus utrimque superstitibus bucculis. Nec verò ista modò misit, ut suppetias ferret scribenti de Romanorum militia; verùm expressa quoque varia fibularum genera, ad complendum opus, quod ille de re vestiaria aggressus fuerat, occasione dissertationis institutæ de Acia molli, quam non nimis tortam usurpandam esse ad suturas, & fibulas glutinandis vulneribus comparatas, Cornelius Celsus scriptum reliquit. Nempe Alphonsus Nunnescius, & Iacobus Chiffletius medici celebres contendunt Acia nomine intelligi debere acum, vel quidpiam aliud metallicum: eruditus verò Franciscus Rioya, & Franciscus Figueroa, ipse quoque medicus clarus, debere potius intelligi vel lineum, vel sericum filum. Expectatur autem quid de controversia tum Salmasius definiat, tum alius quoque Peireskii amicus ex Dania, Ioannes Rhodius medicus, qui sede Patavii delecta, non minùs literis ingenuis, quàm artis præstantia clarescit.

Quin-etiam misit insigne quoddam de animalibus opus, ab Ebebitare Arabicè scriptum, nupérque ex Ægypto advectum, postquam exemplum aliud magno labore, atque sumptu conquistum naufragio periit. Misit & codicem alium Arabicum, in quo Canones Conciliorum Niceni, Constantinopolitani, Ephesini, Laodicensis, Cæsariensis, Gangrensis; Canones Apostolorum, & Sancti Clementis; Constitutiones Constantini, Valentiniani, Theodosii, & nescio quæ alia. Misit Ritualia Cophitarum, ut Epistolas, Evangelia, Psalmos, ac præ cæteris codicem continentem treis Liturgias, Basilii, Gregorii, Cyrilli, cum Arabica interpretatione.

Misit plura; sed pluris nihil fecit, quàm Volumen quatuor Evangelistarum Elcuphticè, seu Cophiticè scriptum, Arabicèque declaratum; & maximè propter appositos annos, quibus singuli Evangelistæ scrip-

scripserunt. Quippe tametsi initio defuit præfatio in Matthæum, qua 1635;
annus contineri debuit; & præfatio in Ioannem visa est mendosè habere scriptam historiam anno sexto Imperii TARSOS pro Nerone, & Dominicæ Ascensionis trigésimo: quod tamen spectat ad duas alias, altera in Lucam, planum fecit scriptam ab illo historiam Antiochiæ, anno Claudii duodecimo, & Ascensionis vigésimo; altera verò, quæ in Marcum, scriptum ab ipso Evangelium anno quarto ejusdem Claudii, & duodecimo Ascensionis. Existimavit autem posse quoddam subsidium exinde peti, ad dijudicandum controversiam de anno Passionis Christi Domini, & fortè etiam de Natali, quem initio vulgaris æræ vetustiore faciant duobus annis Iosephus Scaliger, & Sethus Calvisius; pluribus Laurentius Suslyga, Ioannes Kepplerus, & alii. Scripsit proinde non modò Romam, si fortè suppleri, atque emendari priores præfationes possent; sed rursùs etiam in Ægyptum, ad obtinendum, si fieri posset, simile volumen completius.

Quàm exultasset verò, si id, quod nobis deinceps innotuit, perspectum habuisset! Exstare nempe Codicem Arabicum persimilem penes illustrem Mon-morium Libellorum Supplicum Magistrum, quo Præfationes integræ continentur? Habent illæ ex per-eruditi Hardyæ interpretatione, fuisse MATTHÆI Evangelium Hebraicè scriptum anno Claudii primo, Ascensionis nono: MARCI Evangelium Latinè scriptum anno Claudii quarto, Ascensionis duodecimo: LUCÆ Evangelium græcè scriptum anno Claudii decimoquarto, Ascensionis vigésimo secundo: IOANNIS Evangelium græcè scriptum anno Neronis octavo, Ascensionis trigésimo: ex quibus melius congruentibus, quàm illa sint emendanda, constat.

Misit aliunde in Ægyptum ad Capuccinos illic degenteis, maximè verò ad Agathangelum Vindocinensem, cum libros alios plurimos, tum postulatòs duos quosdam tomos Baronianorum Annalium, præter donatam priùs totam seriè, itemque ad Cœlestinum à S. Liduina Carmelitam discalceatum, Golisique fratrem, libros varios; sed præsertim magnum Thesaurum Arabicum Mediolani editum, voluminibus quatuor, qui ter, aut quater jam antè missus, seu ad ipsum eundem, seu ad alios, deperditus fuerat, intercipientibus piratis. Prolixa foret cæterorum consimilium enumeratio; cum prætermittendum non sit, quid interea curarit domi.

1635. Desiderium nōrat, quo pridem flagrāram habendi phaeis Lunæ varias, varietatēque in singulis per Telescopium apparenteis, vivis suis coloribus, proportionibūque, & situ servato, depictas. Hoc sanē sine exoptāram, ac tandem obtinueram ab eximio Galileo unum quoddam prolixitate, perfectionēque præcellens; expetebāque solum industrium, & patientem satis Pictorem. Ille itaque mei causā, ut magna parte superioris anni, sic maxima hujus detinuit redeuntem Romā egregium Pictorem Claudium Salvatum Alvernatem, qui, me operam dirigente, id muneris exsequeretur. Detinuit verò etiam sequente per complureis mensibus Claudium Mellanum Abbavillæum, artificem inter pictores, cælatorēque eximium, ipsum quoque Roma redeuntem; tum ut novas phaeis exquisito suo artificio depingeret, tum ut easdem, aut quasdam certè, ingeniosa manu incideret æri. Pervidit nempe vir optimus, posse exinde quandam speciem Selenographiæ institui, insignēque fore ejus usum tum in Physica, tum in Astronomia.

In Physica quidem, ad ratiocinandum circa phænomena perpulcra; & maximè, quandò ex serie adservatarum phaëon, probabile fieri videtur globum illum Lunæ tale quidpiam esse, qualis est globus iste Telluris. Siquidem, cū illæ maculæ majores nullo ævo non cognitæ analogiam habeant cum maribus nostris, ut proinde possint in iis discerni Eoum, Occiduum, Caspium, alia, cum deflexibus, sinubūque innumeris, videntur cætera nihil esse aliud, quàm continentes, Chersonesi, insulæ, cum suis campis, montibus, vallibus, lacubus, aliisque id genus. Et maculas quidem illas esse quasi æquora quædam, convinci videtur ex superficiē æquabilitate; quippe in qua nihil emineat, quod Sole adverso obscuritatem pariat, & per quam umbræ sectio traducta planissima sit: cū cæteræ partes elata, depressæ, anfractuosa sint; & transiens per illas umbræ sectio sit variè discerpta, atque interrupta. Quin-etiam partes littorales, cū stant ex adverso Soli accedenti, illustrantur citiùs, cū recedenti, tardiùs, quàm subjecta maria; projicientes alioquin umbram in parteis Soli oppositas, tanquàm præcellæ quædam rupes; adeò ut etiam longæ series umbrarum plerumque nigrescant. Sunt tamen in iis maribus quasi vada, aut breviora quædam, seu majoris series scopulorum, in quibus, seu aqua spumante, observatur quædam candidantia.

De continentibus id mirum, quòd cùm generatim albescant, sunt tamen prorsus heterogenei, ut si varietates terrarum, silvarum, stagnorum, & similia diversum crearent alborem. Nam aliunde, convallium, montium, & planitierum vicissitudines ubique occurrunt, suntque solùm ad medium discum areæ quædam ex ordine humilioribus collibus obseptæ. Secus sanè est de cæteris locis, quæ per plenilunium candidiora sunt; profundiores enim sunt valles, quæ dum Sol proximè accedit, absceditve, apparent obscurissimæ, Sole nempe non illustrante nisi circumposita juga; adeò ut fiat gemmarum species; deinde verò summè candescunt, quòd lucem plenè combibant, & radiis ex lateribus reverberatione coactis compleantur. Quanquam sunt etiam partes quædam, quæ, præter lucis coitionem, mirè candicent (ut cuspis insignis versus orientem, qua illustrata, nihil statim candidius) quasi illeic forent montes quidam gypsei, aut Riphæorum instar nivibus obducti. Veluti, ex opposito, partes quædam sunt suapte natura ita livescentes, ut nulla lucis plenitudine alborem concipiant; quasi illi essent aut lacus, aut tractus terræ nigricantis, qualis est ad boream, nec longè à maris magni littore phaseolus, seu ellipsis quædam, & qualis penè est anfractus circumdans illum umbilicum, qui est ad austrum adeò præclarus. Præclarus, inquam, ob radios longè, latèque circumfusus, quasi ii essent partim convallium, partim niveorum scopulorum series: quod idem dicendum de radiis alterius, qui est centro vicinior, & quo, dum primùm, ultimùmve illustratur, nulla est species unionis pulchrior. Enimverò has varietates percurrere immensum foret.

Quare illud de ora Lunæ adnotare sufficiat; cùm æquabilissima videatur, id esse tamen ex eo solùm, quòd oculus noster loca ad eas partibus depressa, ob devexitatem, non videat; juga verò antecedentia, consequentiæque, & mista componat. Cæterum enim parem ubique inæqualitatem illud arguit, quòd dum Luna falcata est, apparent ultra cuspides, ac potissimum inferiorem, lucidi quidam globuli obscuritate intercepti, quasi ii sint editi montes in ipsissimo margine. Argumento sanè, quòd ea pars Lunæ, quæ nunquam nobis obvertitur, ejusdem sit diversitatis. Possset id verò confirmari, vel eo quòd, cùm non semper eadem partes visibilem occupent limbum (videlicet Luna libratione quadam, propter varios situs in Zodiaco, & supra Horizon-

1635. tem, ita contorqueri apparet, ut nunc parteis quasdam revelet ad orientum, occultet ad occasum, nunc contra; parique modò ad austrum, ac boream; adeò ut etiam partes intermediæ sint centro, sive medio disci nunc propiores, nunc remotiores) quòd, inquam, re sic se habente, eadem semper varietas in partibus circum relictis visatur. Nam verbi causâ, macula illa solitaria, quæ quasi mare quoddam Caspium ad occasum conspicitur, dum ipsi oræ proxima est, nihil præter tenuem alborem, inter se, oramque relinquit; dum verò remotior, tum in interstitio duæ longiusculæ maculæ apparent.

Ex quibus, aliisque id genus videtur quidem consentaneum, ut in globo Lunæ perinde, ac in globo terræ plurima in singulos dies oriantur, & intereant; sed nullo tamen modo probabile esse illa esse istis similia. Nam, si non omnis fert omnia tellus, deprehensumque est in America animalia, plantas, cætera, nasci à nostris planè diversa; cum America tamen, & Europa ejusdem globi partes sint: quantò æquius est reputare, omnia quæ gignantur in Luna, orbe planè alio, à terrenis hisce differre? Quod dico, ne quis arbitretur posse illeic homines esse, aut quidpiam aliud simile, cujus formam, aut faciem vel conjiciendo assequi liceat: uti nunquam conjecissemus formas fructuum, animalium, aliarum rerum, quas in novo-orbe nuper vidimus. Quòd illa enim possint unquam ullo Telescopio discerni, præter spem omnem, fidemque est: quantumcumque jam audiamus fabrefactum Neapoli, quod speciem Lunæ amplifcet, demonstrétque omnia, quàm antè, distinctius; & quantumcumque Rubenius ante annos aliquot ad Peireskium scripserit, versari apud se egregium, probumque pictorem, nomine Hyemum, narrantem sibi conspectum fuisse penes Drebelsum Opticum tubum, diametri palmaris, quo liceret in disco Lunæ discernere campos, silvas, ædificia, & munimenta locorum nostratibus non absimilia.

Atque hæc circa Physicam satis; nisi fortè addendum est, si illæ quidem plagæ obscuriores in Luna sunt veluti maria, nihil fortassis mirum fore, si exinde quidpiam humoris in terram trahatur, quod agnoscere liceat ex animalium medullis, ex conchyliis, ex plantis, universæque ex humidis rebus. Dici enim posset Solis radios in humenteis illas regiones impactos, & in terram reflexos imbibere, devehéréque aliquid illius humoris, ut dum ex vitro colorato deradunt, deferuntque ali-

aliquid intincti coloris: hancque esse causam, cur in plenilunio ossa, 1635.
ostrea, & alia fecundiore humore polleant, propter copiosiore[m] radi-
orum affluxum. Qua sanè ratione posset quoque Lunæ fieri com-
pensatio circa novilunium, ob rep[er]cussionem scilicet radiorum è ma-
ribus nostris, tantò uberiorem, quantò lux è terra, corpore majore,
revibratur in Lunam amplior, ut arguit illa secundaria, & debilior
lux, quam Luna, præter falcem argenteam, intra quadraturam osten-
tat, donec nimirum vicina Soli reflexionis est particeps.

Jam, quod spectat ad Astronomiam, videtur sanè Selenographia
non mediocris fore usus. Imprimis enim ex vero situ, ac delineatione
partium præcipuarum, cum inditis nominibus, observari potest, at-
que designari, quando Luna est bisecta in nodis, quâ terminentur
cuspides, quâ exstet medium inter ipsas; adeo ut ad oram connotare
liceat cardinalia puncta, boreum, austrinum, eoum, occiduum; è
quibus, aliorum circularum instar, divisio in gradus possit inchoari.
Et quoniam situs cuspidum non modò pro recessu à nodis, sed etiam
pro Lunæ ætate est varius, quatenus sese Soli ad boream, austrumve
supponit, aut subducit; ideò heinc penè pronunciare de ejus in orbita
loco, deque distantia à Sole licet. Deinde, existente Luna in Nodis
opposita, seu statim ante, seu post Eclipsin, adnotari potest, atque ex-
primi, quo situ sint quælibet partes tum inter se, tum cum ipso cen-
tro, ac limbo vicino; ut, evariato aliàs disco ob memoratam quasi
librationem, ille pro germano habeatur. Exinde autem, si stella quæ-
piam condatur à Luna, designari potest qua parte ineat, qua discedat,
& an describat diametrum, an boream, austrinamve chordam, quæ
ex gradibus circumscriptis, viæ translunaris quantitatem prædat. Quo
etiam modo notari potest, si Luna transeat proximè stellam, quando
sit cum illa in eadem longitudine, & quanta à limbo distantia; quate-
nus illa comparatur cum interapedine duorum intra discum puncto-
rum, seu locorum mensurabiliu[m]. Adhæc, internosci, exprimique
potest quadratura quælibet (quam veteres quidem in arduo diame-
trorum negotio usurpare attentaverunt, neque nisi procùl assequuti
sunt, ob visus fallaciam citra telescopium) itémque phases cæteræ,
quæ tempore phænomeni alicujus sint describendæ, ita sanè variantes,
ut nisi post multos annos eadem non redeant. Quippe cum in horas
mutentur, tum memorata libratio, tum recessus à nodis, tum diver-
sitas

1635. sitas temporis efficit, ut quo tempore consimilis phasis speranda videtur, aliqua semper dissimilitudo sese ingerat, quæ novam picturam deposcat.

Denique quod spectat ad Eclipseis Lunæ, Iconismi illi mirificè profunt, ad dignoscendum, declarandumque quæ defectus primum incipiat, quæ ultimùm desinat, quæ fiat totalis immersio, quæ prima lucis recuperatio; adeò ut propter memoratam circumscriptionem graduum, agnoscatur quantum hæc puncta à cardinalibus, inter se, atque adeò à nodo distent. Profunt quoque ad designandum ipsos defectus digitos; scilicet subnotatis punctis, partibusve conspicuis, quæ aut attinguntur, aut deseruntur ab arcu umbræ. Ex quo proinde maximè profunt ad describendum umbræ arcum ex tribus insignibus locis per quæ eodem tempore transeat: quo tandem modo diameter umbræ cum diametro Lunæ potest eximè comparari. Ea verò re nihil esse potest in toto hoc negotio utilius; cum præsertim constet idcirco peccari in describendo tempore, quantitæque Eclipseon, quòd ea proportio ignoretur, & diameter Lunæ ferè supponatur quinta sui parte major, quàm oporteat.

Quòd si quis requirat rem pernecessariam, germanas nempe, observatasque Diametros tam Lunæ, quàm Solis, noverit eas quoque intra ædeis Peireskii, & ipso spectante sæpius habiras ex duobus pinnacidiis, umbraque unius decurtata in alio, ad extrema Trabeculæ quatuor propemodum orgyas, seu Parisiensis Toisas longæ. Et loci quidem obscuritatem, cautionesque alias heic non explico: refero solum in eorum gratiam, quibus res grata futura est, Solem esse diametro, Apogeiū quidem, minorum primorum triginta, secundorum duodecim; Perigeiū verò, primorum triginta unius, secundorum sex: & Lunam Apogeiā primorum viginti sex, secundorum triginta sex; Perigeiā primorum triginta unius, secundorum sex, quemadmodum Solem. Decurtatio profectò magna, præter communem sententiam: sed velim solum attendatur quanta sit visus hallucinatio, dum pro variis lucis, tenebrarumque gradibus, quibus pupilla afficitur, eadem res spectatur, atque mensuratur. Eadem certè diametur Lunæ per nocturnam obscuritatem observata mihi est amplior, quàm mediâ aurorâ, & tunc major quàm oriente Sole, & tunc adhuc major quàm die splendescente. Quod moneo, ut tutiorem innuam istam observandi metho-

methodum per umbram; quasi nempe umbra non sit tot fallacibus affectionibus, oculi instar, obnoxia. Fuit porro Peireskii mira exultatio, cum ejusmodi rerum usum experiundo agnovit circa eam Eclipsin, quæ die tertia Martii observata fuit, cujusque medium contigit hora octava, cum minutis quadraginta tribus. 1635.

Cœpit consequenter seriò cogitare, quod pridem destinaverat, de adjutandis Geographis circa obtinendam differentiam longitudinis variorum locorum. Quippe & voluit methodum quandam observandarum Eclipsion scribi; & sategit mirificè, ut defectus Lunæ proximo Augusto futurus observaretur, tam per Europam, quàm in variis Asiæ, & Africæ locis. Nam præter nostrates, magisque occiduos, procuravit, ut instigante Cardinali à Balneo, viri docti, ac celebres Andreas Argolus Patavii, & Scipio Claromontius Casennæ observationem peragerent; & Barberino intercedente, tum peractam Romæ duplicem obtinuit, tum duplicem Neapoli, ubi exquisita præ cæteris fuit, cui Ioannes Camillus Gloriosus, vir sanè eximius, jurèque laudatus, incubuit. Ita ex urbe Ægypti Cahiro eam habuit, quam illeic perfecit memoratus suprâ Agathangelus Capuccinus, adjutus à Ioanne Molino Dragomanno Veneto; & Alepo Syriæ, quàm optimus alius Capuccinus Michaël Angelus, unâ cum antè nominato Cælestino à Sancta Liduina.

Et omnium quidem observata commemorari heic non possunt; sed taceri tamen non debet, quod pro votis Peireskii fuit, constituisse exinde Tabulas, Chartasque Geographicas omneis nimis à nobis abducere illa Ægypti, ac Syriæ loca. Quippe cum tribus propè horis, hoc est gradibus quadraginta quinque, Alepum Massiliâ orientaliorem constituant; prodiderunt observationes integram penè horam detrahendam esse, quòd inter hæc loca non plures, quàm triginta gradus fuerint numerati. Heinc cum non malè res successisset, sollicitè egit, ac per Cardinalem Barberinum, perque Generales ordinum tam Dominicani, quàm Jesuitici obtinuit, ut præscriberent Religiosis in utraque India, ac ubivis degentibus observandarum Eclipsion, consimiliumque rerum curam. Nullus quoque deinceps, sive Capuccinus, sive alius studiosus vir, in Orientem, aut aliò peregrinaturus, moraturusve discedens, per Provinciam transiit, quem non demeruerit variis humanitatis officiis, cuique simul non demandârit observationum ea-

1635. rundem studium, donando libros, telescopia, & id genus cætera, quorum etiam usum, si qui ignorarent, curavit ut ante discessum & addiscerent, & experiundo comprobarent.

Cum nosset autem Galileum elaborasse methodum, cujus supra meminimus, definiendæ nempe locorum longitudinis ex Sideribus Mediceis; idè ab ipso Galileo postulavit in usum proprium, Telescopium quàm optimum, ut explorare ipse, & cum aliis conferre observata posset. Id egit verò perscriptis priùs compluribus literis, quibus licere sibi putavit consolari talem amicum, condolorèque ob gravem casum. Quinetiam magna illum tenuit per hoc tempus sollicitudo, qua procurare adnixus est per Cardinalem optimum, ut temperatâ sententiâ, libertas ipsi restitueretur. Id enim sponte cum ageret, putavit officium à se exigi jure amicitia, ac merito viri, cujus memoria foret posteris jucundissima exstituta.

1636. Sub Octobris finem gravissimè tulit, non expectasse Curiam, ut sponte sese abdicaret functione Senatoria, quam in Nepotis cooptatione ante triennium reservarat. Quare, agente Parisiis fratre, obtinuit diplomate Regio restitutionem in integram, & prorogationem etiam in quinquennium. Verùm id demùm sequente anno, quo rursus toto non destitit fovere literarum curam. Nam primùm quidem suspiciens variam, insignemque eruditionem, qua Leo Allatius vir per-eruditus Romæ degens, tot Græcos auctores hætenus invisos, aut inemendatos profert, castigat, interpretatur, fœlicitate mirabili; favere illius conatibus voluit, studiosèque egit cum Typographis Parisiensibus, ut lucubrationum ipsius editionem aggredirentur. Id egit etiam de quibusdam præclaris operibus Fortunii Liceti, qui Philosophus pridem clarus in Patavina Academia, nunc in Bononiensi Professor primarius, est merito magno celeberrimus. Sic audita morte optimi Schickardi, quem pestis à Novembri usque superiore abstulerat, omnem diligentiam adhibuit, ut inedita ejus opera servarentur, lucemque acciperent: id agens præsertim Matthiæ Berneggeri Argentinensis, viri celebris interventu. Prætereo autem ut ad ipsum, intercedente, cujus supra meminimus, Alio Deodato miserit varia Epicedia, quæ dum evulgarentur, Thomas Lansius Jurisconsultorum decus, & τὸ κινεῖται Achates, edi simul procuravit orationem funebrem, in qua Zaccharias Schæfferus insignis eloquentiæ,

quentiæ, & Historiarum apud Tubingenseis Professor, tacere non potuit Schickardum fuisse à Peireskio prolixè, splendidèque invitatum, ut tumultus patriæ declinans, ad ipsum diverteret, quietem studiis assequuturus. 1636.

Sic Elichmannum doctum Hollandum sollicitavit ad editionem quarundam vitarum Pythagoræ, Empedoclis, aliorumque Philosophorum, quas ille habebat Arabicè scriptas; itémque Tabulæ Cebetis, in qua legi observasset inauditum quendam Herculem Socraticum, aliarumque rerum similium. Sic cum Samuel Petitus appararet tum novam interpretationem, tum eruditas in Josephum notas, obtinuit ipsi per Holstenium variorum locorum collationem cum tribus Codicibus Vaticanis MSS. Sic cum Buccardus moliretur interpretationem, editionemque Georgii Syncelli, ac Theophanis, exscribi curavit exemplum, quod & Romam misit, & rursus accepit, ut cum M. S. Bibliothecæ Regiæ conferreretur; neque interquievit, quousq; collatio, & quorundam etiam locorum castigatio perfectâ fuit per Salmasium, qui tum in Galliam advenerat. Sic occasione præbuit Ismaëli Bulialdo Matheos eximiè perito, ut prolixam primum de natura Lucis conscriberet epistolam, ac deinde etiam volumen justæ magnitudinis ederet; postquam accepit illum de luce beneficio speculi in centrum coëunte, interpretatum id problema, quod à Baptista Poissonio Regio apud Andeis cognitore fuerat his verbis propositum, Utrum sit aliqua demonstratio perfectè Logica, perfectè Mathematica, perfectè sensibilis, qua probetur dari magnitudinem latitudinis non expertem, quæ aliquando, & alicubi sit in puncto verè Mathematico, & cujus puncti nullæ sint partes, & tamen in eodem ipsa habeat parteis extra parteis.

Ad hæc, varia cum variis pereruditè edisseruit. Quippe ad Anastasium Nannetensem Capuccinum plurima perscripsit de lingua Aremorica, in qua consensit plurimas antiquarum vocum Latinarum esse radices. Nam antea quidem improbârat Adrianum Scribeckium ideò fecisse Teutonicam, Belgicamve linguam primam omnium, quod una eademque cum Hebræa foret, ac proinde matrix reliquarum omnium: itémque Goropium Beccanum prætulisse Hebrææ tanquam imperfectæ, ceterisque Cimbricam, quasi continentem radices tam Hebrææ, quàm Græcæ, quàm Latinæ, quàm cæterarum: sed aiebat se non

1636. improbaturum, si illi radices, aut voces nonnullas magis conspicuæ affinitatis venditare contenti fuissent, non detorquendo facere universas ejusdem juris. Quod nonnullæ verò originem eandem primitus habuerint, haberé potuerint, declarabat exemplo nuncupationis fluminum, quam ferè ita deducebat, Varus, Guarus, Garumna, Guardonus, Guavardonus, Verdonus, Rhodanus, Eridanus, Duranus, Druna, Druentia, Durius, vel Duerus, Iberus, Hebrus, Tiberis, Tigris, Ligeris, &c. Idque præter vulgareis appellationes, quæ diversissimæ licet à Latinis, aut aliis antiquioribus, agnoscuntur tamen semper ab eisdem, vel ex unica litera retenta, esse derivatæ. Neque id magis mirum esse, quàm ex vocibus Petri, Jacobi, Joannis, vernaculas fieri Pir, Diego, leims, aliasque exorbitantiores.

Multa quoque differuit de Vocabulario quodam, & Grammatica linguæ Provincialis, prout se Petrarchæ tempestate habuerat (videlicet postquàm utrumque obtinuit ex Bibliotheca Florentina, quæ S. Laurentii dicitur) itémque de Poëtis Provincialibus, qui Trobadores (quasi dixeris Inventores) appellati sunt, eo videlicet tempore, quo Principes etiam, ac Reges linguam, Poësinque Provincialem excolebant. Quo in argumento fuit non parùm adjutus indicibus, librisque missis ab erudito Comite Friderico Ubaldino apud Cardinalem Barberinum commorante. Conciliârat hunc illi amicum Buccardus, ac simul Vincentium Nogueram Lusitanum nobilem: ne quidpiam dicam de Constantino Cajetano, ob pervetustos codices claro; neque de Augustino Mascardo, quicum egit Peireskii de methodo historica, occasione accepti ab illo exempli, quod propter singularem viri eruditionem, atque elegantiam gratissimam habuit. Egit verò tempore eodem cum illustri Marchione Vincentio Justinianæo de præclaris statuis, quibus ille exornârat celeberrimam pergulam, quarumque partem æri incisam, & in nobilem codicem compactam, à Cardinali Barberino donatam accepit; idque cùm ad ipsum mitteret vicissim duo prima volumina scriptorum Francicæ historiæ à Duchesnio jam concinnata.

Ad hæc, non pauca differuit de Characteribus Planetarum, quos ex characteribus Græcarum vocalium majusculis deductos probabile censuit, exigua cum immutatione. Non pauca etiam de Ptolemæi Astronomi patria, & quibusdam corporis, animi, vitæque ipsius cir-

cum-

cumstantiis; occasione codicis Almagesti MS. non multum inferioris 1636.
 ea ipsa ætate, qua generosus, eruditusque Imperator Fridericus secundus Latinam interpretationem ex Arabica fieri procuravit. I neo quippe Ptolemæus legitur Pheludienſis, pro Pelusiensi; diciturque illum non fuisse ex Regibus; vixisse annos septuaginta octo; stature fuisse mediocris; subtilium pedum; barbæ spissæ; & similia, quæ nescio unde sciri potuerint. Subjiciuntur quoque dicta gravia, seu morales ejus sententiæ; &, quod videtur notabile præsertim esse, additur, *Liber hic præcepto MAYMONIS Regis Arabum, qui regnavit in BALDACH, ab ALHAZEN, filio Iosephi, matre Arismetici, & SERGIO, filio Elbe Christiano in anno XII. & CC. sectæ Sarracenorum, translatus est.* Aded proinde, ut Almagestum ex Græco idiomate in Arabicum fuerit versum, anno Æræ Christi vulgaris septingentesimo quadragesimo quarto.

Præter hæc, copiosè differuit de hominum longævitate, occasione illius Senis, qui superiore Novembri occubuerat in Anglia, post exactos annos centum & quinquaginta duos; & postquam aliunde accepit Alepo, ex literis Petri, & Ioannis Constantinorum, hominem esse in Perfide, Capuccinis, aliisque viris fide dignis cognitum, annos jam natum quadringentos: idque ipsis omnino esse exploratum, atque indubium.

Itémque de Tritonibus; occasione hominis marini, quem cum accepisse visum pridem fuisse ad Bellam, sic vocant, Aremorica Insulam, rem disquiri, ac scribi ad se procuravit ab Henrico Gondio Duce Radefiano, & Insularum Gubernatore. Prætereo autem, constitisse, quicquid ex illo apparuit, humanâ exstitisse formâ, nisi quod pro crassitudine corporis brachia breviora, & manus grandiores, candidioresque ad palmam habuit. Capillos densos, candicantesque; promissos supra humeros: barbâque ad stomachum usque. Oculos prægrandes, ac truces; cutim, quantum visu licuit assequi, asperam; & neque candidam, neque pullam. Ferebatur primùm delectatus fuisse, accedente navicula, aspectu virorum, fœminarumque, & coloribus clarioribus vestium; aded ut etiam se retibus concludi passus fuerit: at simul atque vis fuit facta, ut educeretur, & priusquam constare potuisset, quam formam infra umbilicum foret, tum nullo negotio retia perripisse, tum levi conatu subvertisse naviculam. Addebatur, il-

1636. lum deinceps procùl duntaxat apparuisse; apricatum ad inaccesas rupes, & parte sui inferiore intra aquam semper demersa; plausu interdum manibus facto, emissioque sibilo, quem risum interpretabantur. Atque id quidem, donec quispiam tormentario globo impetiit, à quo usq; (seu terrefactus, seu interfectus fuerit) nusquam deinceps visus fuit: tametsi visa fuisse dicatur, quæ credita est scœmina (scilicet ob barbæ defectum) desinens infernè in geminâ caudam, cujusmodi Salmonca est.

Rursus de animalium initione, plantarum instar; occasione Prunuli in regione thoracis medii, sive ad sternum frutescentis, ex quo Pastor Tarraconensis in prunulum incidit, spinâque ad eam partem implantata, sic per biennium radices egit, ut post resectos furculos varios, aliqui tandem prodierint, in quibus flores, & fructus visi. Non destitit porro instare, donec Cardinalis Barberinus curavit fidem fieri per illius loci Archiepiscopum; & Eques Puteanus non literas modo attestanteis, sed furculos etiam accepit, & cum ipso communicavit. Hæsit verò deinceps minùs, cum accepit simile quidpiam contigisse in Thuscia, circa Gallinæ cujusdam collum; & Frontiniani in Occitania, circa digitum Piscatoris, in quem cum implantata fuisset spinula Scorpionis marini, res eò evasit, ut Chirurgus exinde eduxerit treis pisciculos generis Scorpionum. Quanquam hæc omnia qui viderit, fidem habere tutiorem potest. Attendens deinde Gallorum calcaria in cristarum locum insita ritè vegetari, & succrescere; nullus dubitavit, quin hædorum cornua cornibus agnorum possent inferi, & alia id genus similia non sine successu tentari; quorum proinde mandavit curam viris quibusdam industriis.

Præterea etiam de Crocodilo, in quo singularia quædam observavit, non modò circa motum maxillæ superioris, sed etiam circa numerum dentium, quos Achilles Tatiùs dixerat esse plureis trecentis, Alianus non plures sexaginta: ipse verò in Crocodilo duodecim pedibus Parisiensibus longiore, quem ex Ægypto ad Thuanum transmissum aliquantisper domi habuit, esse deprehendit, in superiore quidem maxilla triginta septem, ut puta sexdecim utrimque, & quinque anteriùs; in inferiore verò quindecim ad utrumque latus, antrorsum autem quatuor; si tamen probè memini. Hoc memini, dentes magnitudine valde inæqualeis, superiorésque exsertos, neque inferioribus occurrenteis, carnivororum terrestrium instar; & alioquin pellucidos.

Sed

Sed prolixum nimis omnia recensere: nisi quòd unum præterea 1636.
tacendum non est, cujus ipse quoque aliqua pars fuit. Exoptarat doctus, sagaxque Godefridus Vendelinus tum Condatensis Canonicus, & dum juventutem in Provincia exigeret, Peireskio charus, maximam, sive Solstitialem Solis altitudinem observari Massiliæ: ut suam de Solis obliquitate Diatribam iteratò editurus, posset ipsam expendere ex nostra observatione, comparata cum ea, quam sub Alexandri magni tempora Pytheas Massiliensis peregit. Quandoquidem verò id factum superiore anno voluerat, & literæ tamen ipsius allatæ à Dormalio serò nimis fuerant acceptæ: idcirco Peireskios hoc anno maturè providit, ut fieret satis illius votis. Imprimis quippe veritus, ne ipso tempore Solstitii aut nubes occuparent Solem, aut quidpiam nobis contingeret (ut se habent res hominum) unde observatio præpediri posset; voluit Massiliam per ipsas ferias Pentecostes contendere, ut observaretur tam Solis, quàm aliquarum stellarum meridiana altitudo, ac proinde Poli elevatio, unde saltem ex consequenti res expetita deduceretur.

Deinde verò, cùm sub Solstitium viderentur negotia quædam ipsum haud-dubiè detentura, perrupit tamen, denuòque concessit, ut interesset, ac si quid foret obstaculi, amoliretur. Et sanè, cùm requireretur ædificium altissimum, quòdque intus liberum foret, neque, exploratis tota urbe templis, ullum commodum visum fuisset: ac solum quæ ædes Collegii ad ortum Ecclesiæ recens exstruebantur, viderentur percommodæ, ob tectum quinquaginta duos regios pedes altum, & tabulatum unicum media regione tum interceptum; factum est illius præsentia, ut perforato tecto, & contignatione tabulati præfracta, locus optimè cesserit. Et quorsum quidem, aut quomodo usurpatus gnomon altitudinis ædium, quique potuerit in partium nonaginta millita discerni, non est heic enarrandi locus. Dicere sufficiat, reductione facta ad numeros eosdem; quos usurpavit Pytheas (qui in parteis plusquam sexcentas divisum gnomonem non habuit) fuisse, ex nostra observatione, Gnomonem ad umbram, ea proportionem, quam habent centum viginti ad quadraginta duo cum tribus quintis; qui fuit juxta illum ea proportionem, quam habent centum viginti ad quadraginta unum, cum quatuor quintis.

Voluit autem Peireskios, ut non modo observationem perscriberem,

1636. berem, sed quæ etiam argumenta permoverent me, ut probabile dicerem non fuisse propterea Solis obliquitatem priscis illis temporibus, quàm tempestate nostra majorem. Et quia obiter mentio facta fuerat illius Scaphidii, quo Eratosthenes, aliique, & verisimiliter etiam Pytheas, usi; idcirco præproperè scripsit ad obtinendum vel scaphidium, vel modulum saltem illius, quod apud Cardinalem Barberinum accepit exstare. Voluit rursus, ut quoniam Strabo multa congeffit adversus Pytheam; ipse in gratiam Comprovincialis apologiam conscriberem, purgarémque virum, qui primus Thulen insulam demonstravit, & quo non habet Occidens totus quem antiquiorem in doctis habeat.

Denique voluit exponerem solutionem problematis, quod eò usque frustrà & Nautas, & Mathematicos torserat. Illud scilicet hujusmodi erat. Quì fiat, ut Nautæ, postquàm superârunt Sardiniam, & Africæ oram, aut saltem vicinas salutârunt insulas, ac potissimùm ex quo præterierunt Meliten, debeant, ut in Cretam appellant, non rectæ viæ insistere, sed deflectere ad lævam, sive versus boream, unâ quartâ, ut vocant, venti, sive trigessimâ secundâ totius circuitus, prout pyxide nautica, seu magnetica indicatur; ac duabus etiam quartis, seu dimidio venti, ut ex Creta usque superata perveniant in Cyprum, & ex Cypro tandem Syriæ Alexandriam attingant? Quì etiam fiat, ut redeundo, non possint in Cyprum, & Cretam deduci, nisi venti dimidio, neque in Meliten, nisi quarta venti à recta via deflectentes: atque id quidem semper ad lævam, seu jam versus austrum, cùm oporteret tamen ad dextram, seu versus boream deflectere? Cùm pervidit porrò Peireskii, quæ responderentur omnia, conjectationes meras esse; mira fuit exultatio, qua agnovit totam eam praxin ortum habuisse ex eo errore, quo Tabulæ omnes hydrographicæ conficiuntur, dum artifices supponunt eas Orientis partis distare à nobis longè ampliùs, quàm revera distent, ut ex superiore Eclipsi subnotavimus: adeò proinde, ut intercapedine inter Meliten, & Cretam credita majore, quàm sit; & majore adhuc existente errore inter Cretam, & Cyprum, hanc, & Alexandriam; & dubia illa omnia facilitè solvantur.

Supponamus enim Meliten, sub quo meridiano, jacet; & fin-
gamus

gamus Cretam quinque gradibus orientaliorem, quàm sit, sed sub eodem tamen parallelo; constat ventum, seu rectum iter ex Melite in locum confictum, relicturum Cretam ad lævam, seu boream: quare & Nautas, ne aberrent, sequi debere ventum borealiorem; qui germanus est quidem, sed creditur tamen alius ab eo, qui falsus cum sit, verus esse existimatur. Ex opposito supponamus Cretam, in quo meridiano est, & Meliten occidentaliorem quinque itidem gradibus, quàm sit, servato semper parallelo; perspicuum est ventum, seu tramitem rectum ex Creta in confictum locum, relicturum Meliten ad lævam rursus, seu ad austrum: quare & ne navigando aberretur, sequendum ventum alium, qui verus quidem sit, sed pro quarta tamen à vero habeatur. Quod idem dicendum de distantia inter Cretam, & Cyprum, & porro usque Alexandriam, sed ita tamen, ut geminato distantiae errore, dimidium jam venti usurpandum sit. Re ergo constante, Peireskios convocavit Nautas, confectoque diagrammate, ita problema exposuit, ut illi obstupuerint, & interrogati singulareis distantias, non inviti concesserint ex bis mille, & septingentis milliaribus, quæ vulgò inter Massiliam, & Alexandriam numerantur, saltem quingenta detrahi posse.

Ut ista porro jam mittamus, prætermittendum tamen non est unum, alterumve testimonium, quod insigni ejus affectui erga eruditos, bonasque artes redditum fuit. Ac imprimis quidem Kircherus Romæ edens Prodromum Coptum, scripsit inter eos, qui editionem sollicitârunt, Peireskium non immeritò tenere locum principem; ut qui armata deprecatione operis hujusmodi agressionem extorsisset. Deinde Mersennus ipsi nuncupans libros Harmonicorum quatuor, in hunc modum adfatus est, Non debuit hoc opus *μὲν ἑλκεῖται* prodire in lucem, absque tui nominis honore. Licet enim Harmonia Gallica te propediem ampliore conventionura sit apparatu, si publicis negotiis tantisper sepositis, illi benignam aurem accommodes; existimavi Synopsin hanc esse præmittendam, cunctòsque mortales admonendos, nullum esse literatorum, qui tuam singularem benevolentiam expertus, tuas, quibus continuo stiparis, virtutes non suspiciat, atque veneretur; neque hos solummodò libros, sed alios quoscumque tibi meritò nuncupandos existimet. Hac igitur Musarum instrumenta, Heroum laudibus concinendis adaptata, sequentibusque libris comprehensa, manibus illis amplectere, quibus admiranda liberalitate nulli dees, &c. Ad Gallicam porro Harmoniam quod

1636. spectat, dicavit eidem Tractatus de Consonantiis, & Dissonantiis; de Modorum generibus; de Musica compositione. Professus est verò ipsi debitos, quòd illos benefica manu è tenebris eruerit, solitus tantà munificentia, totam cumulare Europam, ut eruditi probique omnes fateantur nullum esse mortalium cui litera bona, earumque cultores amplius debeant. Enumeravit deinde varia, quæ pro cuiusque genio, sive ex musæo proferre, sive ex regionibus etiam remotissimis querere nunquam destitit; tanta præterea humanitate, ac beneficentia universos excipiens, ut res ipsius tam videantur litteratorum omnium, quam sunt aër, & aqua respirantium omnium, communes. Non hæsit proinde, quin omnes ad nuncupationem suam plausum facerent, tanquam testatione facta posteris, existisse ævo hoc virum, quem in exemplum sibi proponant, quotquot divina bonitatis, quæ incessanter benefacit, imitatione tenebuntur. Mentionem prætereo, quæ Petrus Lafena Neapolitanus prosequutus est in Cleombroto, seu dissertatione Philosophica de iis, qui in aquis pereunt; cum prætereundus tamen non sit dolor, quo Peireskius affectus est, cum accepit præclarum virum, editione nondum perfecta, interiisse per autumnum.

Hieme jam ineunte, Arelatem profectus est, ut ad usque Provinciæ fineis occurreret viro perillustri Iosepho Bernetio, qui in Senatu Burdigalensi Præses, delectus fuerat Aquis Principes; post factam ejus Magistratus à Lainæo abdicationem. Nôrat illum videlicet, ex quo tempore in Magno Consilio personam Regii Cognitoris summa cum laude gesserat, adeò ut ipsius virtutem singulari veneratione, affectuque prosequeretur. Ea occasione vidit Salone eximium illud Præfulum decus Ioannem Jaubertum Barraltium, Arelatensem Archiepiscopum, cujus eruditionem, candorem, pietatem, prudentiam, satis commendare nunquam potuit; & quia per id tempus habuit literas à verè bono, erudito, celebri, Antonio Godello, quibus significabat se brevi ad Grassensem Episcopatum, cui destinatus fuerat, venturum, fœlicem dixit fore Provinciam, quæ tot jam præclaris Ecclesiæ luminibus illustraretur.

1637. Successerat feralis annus, qui trigessimus septimus supra millesimum sexcentesium fuit; cum jucundissimum habuit excipere, foverèque egregium virum Iacobum Ferrerium Aginnensem medicum, qui ex Lugdunensis Cardinalis comitatu, Romaque, & Lugduno rediens, expetita attulit multa. Cætera inter fuit modulus Farnesiani Congii, cujus

cujus suprà meminimus. Fuit & copia fossilis ligni, quod ad Aquam-Spartam est nuper detectum. Non quòd Peireskii ex ipso ligno non habuisset jam frustula; sed quòd alloqui exoptaret oculatum illius loci, unde eruitur, inspectorem. Et didicit sanè, quod voluerat nosse, exstare duntaxat quædam veluti caudicum segmenta; nulla verò vestigia ramorum, nodorum, radicum; quasi id foret argumentum, ligna ejus formæ nata concretæque; non verò ex vulgaribus obruta, & saxificata. Fuit denique Apographum Græcæ inscriptionis de laboribus Herculis, quam videre, obtineréque eò usque non potuerat; marmore intra easdem ædeis Farnesianas delitescente.

Pergratum quoque tum habuit concessum sibi ab Arnaldo Forcalqueriensi Propratore marmor, quod Reis Apollinaribus (Regium nunc appellant) fuerat erutum; & in quo exstat inscriptio continens votum persolutum Deo Æsculapio; Signum scilicet somni æreum, Torquem aureum, cum Dracunculis duobus, pondo scrupuli unius, Enchiridium argenteum, pondo unciarum quinque, & semis (sic enim notas restituit, quæ non benè apud Gruterum) denique Anaboliolum. Cùm id porrò fuisset illatum in ædeis, tacere non potuit se illi habendo quadraginta inhiasse annis. Nempe inscriptionis illius apographum habuerat, etiam antequam in Italiam proficisceretur. Et sanè Pignorius, ubi in symbolicis Epistolis loquutus fuit de Dracunculis semet respicientibus, caudisque connexis, subjunxit. Et hanc speciem exprimit antiquum marmor, *cujus mihi olim copiam fecit vir nobilissimus, idemque in literatos omnes propensissimus Nicolaus Fabricius Peireskii, Reginus in Aquisextiensis Curia Senator.* Quoniam verò meminerat vidisse se olim inter Lælii Paschalini cimelia, Torquem aureum ex duobus Dracunculis, qualis heic describitur; eamobrem scripsit illicò ad Franciscum Cardinalem Boncompagnum, in cujus nobileis, & curiosas manus cimeliarchium illud pervenit, ut Torquis ejuscemodi ectypum fieri pateretur. Id autem expetiit, in gratiam memorati ante Tomasini, qui de Donariis antiquis scribens, poterat suum opus illius mentione, descriptioneque illustrare.

Medio Februario, extremus Chamæleonum octo, quos ab æstate usque enutrierat, foveratque, interiit. Siquidem cùm annis superioribus singulareis, binosve solùm obtinuisset ex Africa, iique primis frigoribus obtorpuissent, occidissentque; idcirco magnam demùm co-

1637. *p*iam impetrare voluerat, ut summo aliunde adhibito studio experiretur, num aliqui superare hiemem possent. Quia enim deprehenderat fœminas abundare ovis : idèd auebat formationem, eruptionemque ex illis, explorando cognoscere, ratus eam fieri tempore verno. Hinc caveam, qua postremi illi concludebantur, pannis operuit, in tepidario collocavit, ad Solem interdum exposuit : verum, seu quia frigore primo, levior licet, laxi fuerant ; seu quia deinceps locus fuit obstructus, & calidus nimis ; seu quia à mense usque Novembri, nihil cibi ab illis degustatum est ; attingere ver nullus potuit. Curarat illos variè depingi, ac suspensos potissimum pedibus, & extrema cauda, quales ferè manent, ac dormiunt, & vermiculos, muscæve venantur.

Scilicet falsum comprobavit vivere illos ex aëre, ut vulgaris fabula est ; multaque expertus, deprehendit tandem nulla re æquè delectari, ac vermiculis, qui ex farinaceis matris colliguntur. Solent autem lingua, ut promuscide uti, quam, pedalis propè longitudinis, jaculi instar evibrant, & tanta quidem celeritate, ut penè visus aciem effugiat. Id præstatur verò beneficio officuli, quod bifurcatione quadam implantatur utrimque ad extrêmas fauceis, & cæterà teres secundum oris longitudinem, deseruit implicandæ, explicandæque linguæ ; cavæ scilicet, intestini instar ; nisi quod in summo caruncula est, non nihil viscida, ut prædam corripit. Falsum quoque expertus est, chamæleones induere rerum objectarum colores : seu virides enim, seu cinerei sint ; atrorem solùm quemdam subeunt, qua parte ad Solem, aut ad ignem obvertuntur ; præterea verò nihil imitantur.

Id rarum, ac mirabile ; non moveri oculos chamæleonis conjugatos ; sed uno aliquorsùm spectante, reliquum vel stare immotum, vel in aliam partem deflecti. Deflectuntur autem quoquoersùm, propter quatuor trochleolas, nulla ostentata distinctione iridis ; sed solâ pupillâ, ad quam cornea undique (cùm sit, ut corpus reliquum, radiata, variegata, granulata) terminatur. Sunt porrò etiam chamæleoni dentes eleganter dispositi ; non ut aërem sanè deterant, sed ut correptum cibum mandant. Unicum exinde intestinum est, non circumvolutionibus, sed curvaturis solùm productum. Excrementum intus satis liquidum, nisi qua parte ad anum accedit. Hepar bifidum, &

ex gibba quidem parte sanguinem in cor auriculatum infundens; at non superflite ascendente, descendenteve caudice venæ: quippe aliunde non porta modò nuncupata, in intestinum; sed venæ quoque aliæ, ad cæteras partes directè procedunt. Pulmò inflatus abiit in membranam tenuissimam, toti animali ambitu æqualem. In imo ventre nullum peritonæum, sed membrana solum parteis dextras à sinistris dirimens. Non item lien, non vesica, non renes, sed carunculæ solum observatæ sunt, quæ genitalia fortè fuerunt. In fœmina una, fuere ova intra membranulam supra centum, quorum nonnulla existere magnitudine nuclei olivæ, in quibus visum luteum solum, nihil verò albuminis: cum tamen parva viderentur quandam lactis speciem referre.

Quid heic referam continentem illam sollicitudinem, qua procuravit, ut Valesius Orationes Libanii cum accessione editurus, recuperaret ineditas? Exscribi jam antè curarat quæ in Bibliotheca Augustana exstant: hoc tempore verò cum haberet Romæ paratùm Dormalium, qui ad exscriptionem exstantium in Vaticana se accingeret; dedit operam, ut auctoritate Cardinalis Barberini id exsequeretur. Hortatus verò simul est Buccardum, ut aggredieretur interpretationem Epigrammatum Anthologiæ, quorum hætenus nulla exstat: Scripsisse enim se ad Salmasium, ut quod habebat illorum exemplum ad ipsum transmitteret. Ad Salmasium ipsum cum missurus esset M S. Vegetii quadringentorum annorum, conferri prius voluit cum alio paris fere antiquitatis, idque manu erudita laudati prius Fabroti, qui discrimina benè multa tam inter utrumque, quam cum factis hætenus editionibus margini apposuit. Quid dicam rursus, quam ardentè sollicitaverit Kircherum, ut discessurus in Siciliam, ac exinde in Meliten cum Darmstadiensi Land-gravio, adniteretur obtinere Polareis altitudines; observaret curiosius quæ circa Æthnam sunt evulgata: ac reporteret indices præcipuarum Bibliothecarum, & præ cæteris codicum Abbatis Cætani M S S.

Quid demùm, quam sollicitè exspectaverit ex Oriente libros hexaplos, octaplosque? Fuit in illis Psalterium, sex columnarum ordinibus, totidemque linguis, idiomatibusve distinctum, quod piraticam expertum injuriam, nullo non pretio fuit redempturus; etsi non emptum plaris, quam libris Turonicis viginti quatuor. Heinc nullum

1637. lapidem non movit, donec piratas appulisse Tripolin Africæ accipiens, ad Bassam, seu Gubernatorem illius civitatis scripsit, amicis interpositis, illéque spem fecit transmittendi librum. Contigit porro, ut nonnulli, perspecto ejus desiderio, sperataque magna mercede, advexerint librum optimè curatum; quem prædicabant fuisse sibi in ea urbe concreditum. Quæ prima fronte fuerit ejus lætitia, dici non potest: at cùm involucris sepositis; agnovit esse nihil aliud, quàm Arabicum Thomæ Erpenii Dictionarium; dici quoque non potest, quanta fuerit consternatione perculsus; nescius an infortunium, an imposturam magis culparet.

Attexenda heic forent quæ ex Africa aliunde obtinuit; ut numismata, inscriptiones, & narrationes varias rerum Australium, Borealium; Orientalium; partim recentis, partim antiquas, ac hujusmodi cætera: sed satius videtur coronidis vice, memorare solum Commentarium pereruditum, quod Jacobus Gothofredus ante memoratus de Imperio maris, ac jure colligendi naufragii, ex Jure Romano conscripsit, inscripsitque ipsi Peireskio. Siquidem inter cætera dum illum affatur, Te, inquit, hujusce facti mei conscium, & superstitem appellare nunc visum; cui secretiores quæque, melioresque literæ curæ, cordique aded sunt, ut nullis inter hæc impendiis parcere soleas, sive in iis, quæ eò faciunt, per utrumque orbem conquirendis, sive in protrudendis, qui suam iis instaurandis operam, vel industriam locare valent, quorum multi jam per te, & famam habent, & merentur. Quo facto, quid aut illustrius afferri possit, quando gloriam Principibus ferè dicatam in nomen tuum tam feliciter dirivas; vel ad æternitatem majus, cui tam multos ipse commendas, quæ rediivis veterum monumentis, quæ excitatis melioribus hujus ævi ingeniis? Fatear ipse oportet, nunquam ad hæc studia animum meum magis incallescere, quàm cùm eò me provocare soles: aded non suadent, sed trahunt me *ἰλαρύνει* illa literarum tuarum, quibus publicis immersum negotiis excitatum venis. Et paullò post, Ob singularem insuper illum, & eximium candorem tuum, quem pro exemplari candoris ipsius habeo, quémque omnes, qui ad scribendum animum appellant, tueri, atque aded ab omni acerbitate procul esse jubes. Et rursum, ut non possit non hic libellus tibi congruere, qui & dignitati, & studiorum proposito, moribus tuis denique tuis tam apprime convenit. Placiturum sanè ea quoque re puto, quod in argumento versatur *Βασίλει*, auctoremque habet, qui te amico optimo, & fidelissimo non tantum utitur, sed & passim gloriatur.

Inibat jam ver, cùm excepit Cardinalem Bichium, unàque Suare- 1637.
sum veterem amicuin Episcopatu Vafionensi jam antè donatum, qui
cum Cardinali Romam discedebat. Recreatus eodem tempore est ac-
cessu Francisci Bocharti Campinii libellorum supplicum in Regia Ma-
gistri, ac Intendentis justitiæ titulò in Provinciam missi. Singulari
quippe affectu illum amavit, & coluit, tum ob indolem miræ bonita-
tis, virtutémque eximiam; tum ob memoriam optimi Patris, quem
& Præfectum ærario, & Consistorianorum primum, & Principem
summi Senatus in se propensum habuerat. Unde & Campinius ipsum
tanti fecit, ac vicissim coluit, ut altero mense nato sibi filio sponsorem
lustralem, nominisque proprii nuncupatorem delegerit.

Sequuta est celebris illa Leronensium insularum vindicatio, de qua
fuit mirè sollicitus, cujusque historiam accuratè descripsit. Nullis non
interea officiis prosequutus est tam Præsidentem primum, quàm ejus ux-
orem, qui gravi morbo per Aprilim, ac Majum menses laborârunt.
Ac vidit quidem convalescenteis, vidit insulas expugnatas; sed sua il-
lum interim, eaque duriora fata manserunt. Quippe sequente statim
Junio in lethalem incidit morbum; de quo, & morte consequuta prius,
quàm aliquid dicamus, operæ-premium esse videtur paullo specialiùs
describere, & corporis habitum, & animi mores, & ingenii studia.
Tamen si enim ex vitæ serie, cui immorati hæcenus sumus, res vi-
deatur intelligi; innumera tamen supersunt, quæ luculentio-
rem vitam faciant, quæque eruditis plerisque expetita
cùm fuerint, non ingrata sint exstitura.



D E V I T A P E I R E S K I I, L I B E R S E X T U S.

ITaque, ut inde incipiam, statura illi iusta fuit, seu inter proceram, & humilem congrua. Habitus gracilis, venæque proinde in temporibus, manibûsque conspicuæ. Constitutio ut morbis obnoxia, ita non admodum robusta; unde postremis ætatis annis innitendum baculo fuit. Factum ex eadem causa est, ut facili ipsi membra luxarentur; humerus præsertim sinister, quem ter loco emotum habuit. Ampla frons, & quæ facili inter admirandum, contendendumque animum, rugis quasi exaretur; nec transversum modò, sed sursum quoque, ea regione, quæ inter supercilia est. Oculi cæsi, ac facili suffusione laborantes, disruptâ nempe venulâ, quoties tum conatu nareis expurgaret. Desigebat verò illos seu in terram, dum attentè quidpiam narraret, seu in auditores, cùm perciperet, quæ recitarentur, placere. Nasus levi aduncitate à rectitudine deflectens: genæ rubore temperatæ: capillitium flavum; itémque barba, quam solitus est prolixam gestare. Tota facie eximiam quandam præ se comitatem, & affabilitatem tulit: quanquam nullus pictor ita fœlix fuit, ut talem exhibuerit, qualis reverâ existit.

Ad corporis cultum quod spectat, munditiem quidem rerum omnium, quas contingeret, comederétve, expetiit; sed nihil vel superfluum, vel pretiosum requisivit. Certè tametsi id caverit, ut quas publicè præferebat vesteis nihil dignitati haberent incongruum; sericas tamen nunquam gestavit. Eodem modo reliquam domum pro conditione exornatam, apprimèque instructam voluit: at de proprio cubi-

cubiculo sollicitus vix quicquam fuit. Tapetum loco fuere icones præcipuorum amicorum, virorumque illustrium; ac innumeri præterea commentariorum, apographorum, excerptorum, epistolarum, cæterarumque id genus chartarum fasciculi. Lectus simplicissimus, & tabula chartis, libellis, literis, aliisque rebus semper onusta, occupataque; ut & omnia circum sedilia, & maxima parte etiam tabulatum.

Ita ad mensam quod attinet, operam dare solitus erat, ut splendida reliquis foret; at sibi ipsi pertenuem, ut persalubrem, semper præscripsit. Cœnitabat autem solus intra proprium cubiculum (nisi quod plerumque me comitem tulit) ne universam familiam expectatione conficeret; & quia nonnunquam cum amicis prandens, aliquid genio mensæ communis, & consuetudini indulgebat; idè deinceps, ut stomacho laboranti consuleret, à cœna profus abstinebat. Usui erat commune vinum, cum probaret tamen potissimum album, idque cum foret acidulum; sic melius sedari sitim opinatus. Diluebat autem plurimâ aquâ, nisi quod tempore peponum, quibus ad initium pascus utebatur, id servabat moris, quod à medico præscriptum fuisse jam diximus. Hoc porro edulii genus deperibat tantopere, ut sibi nullo negotio quibusvis aliis interdicens, se tamen, quod ipsum spectaret, profiteretur incontinentem. Suavissimum nempe effecerat usus, ac memoria recuperatâ per ipsum valetudinis, crebraque experientia, qua se peponum temporibus, nec laborare nephritide, nec arenulas gignere, emittere observârat. Ob eandem causam solebat vinum temperare aqua thermali, quam aliunde duxit saluberrimam, ex quo pridem, ædiculam prope Balneola ingressus, longævus in ea observavit tam viros, quam fœminas; & causâ quæsitâ, accepit uti illos thermali puteo, non ad potum modò, sed etiam ad pultum, jusculumque omne, ad subigendum farinam, pinfendumve panem, & alia. Cum foret porro admodum sobrius, neque in ciborum delectu morosus; eâ quoque fuit continentia, quam prædulce malum, luxuries tota vita nunquam fefellit. Et in promptu quidem causâ esse potuit, quod desidiosus non fuerit: attamen nisi sobrietas mali fomenta subdlexerit, ipsamet sese excitant, &, vel minima animi relaxatione, inardescunt.

Quod insinuavi obiter illum tardè cœnare solitum, id de pro-

vediore duntaxat ætate est intelligendum. Prioribus siquidem annis maturius, & pro occasione convivalium ita cœnabat, ut non multò post sese aut lectioni, aut scriptioni dederet, & in seram noctem, ac persæpè etiam in auroram usque protraheret studia; ex quo somnus illi præparcus, ac matutinus solùm erat. Cùm procedente verò tempore, nocere id sibi animadvertisset; cœpit nullum cœnæ, ac somno interjicere studium; at visus subinde est sibi ad matutina studia obtusior; & cùm aliunde negotia totos penè dies continenter absorberent, sensit nihil sibi temporis, quod impenderetur studiis, superesse. Itaque id cepit consilium, ut à quarta, quinta, aut saltem sexta post meridiem hora, qua vulgus de cœna solet cogitare, conclusus cubiculo, à nemine inviseretur; neque nisi quid maximè interesset, obturbaretur; sicque ad horam usque nonam, quam cœnæ destinaverat, sibi, Musisque totus vacaret. Quin-etiam, statis illis diebus, quibus cursores Parisios, aut Romam discessuri erant, cœnam differre solitus erat in decimam, undecimam, ac persæpè etiam ultra mediam noctem; ut posset literas & plureis, & uberiores conscribere; qua occasione sæpiùs cursores aut domi continuit, aut jam digressos, ut litteras expectarent, consistere, prece, ac pretio procuravit.

Penè verò statim à cœna ita ad somnum se comparabat, ut apparatus faceret excitabulum tempestivum. Non sanè quod pigeret illum quietis necessaria; sed quòd ultrà horas quaternas dormienti, tanta in vesicam urinæ copia conflueret, ut occluso præ nimia tensione orificio, emittere illam deinceps non posset. Illa proinde occasione interruptus somnus erat; & crebriùs quidem, si flaret corus, minimave aura frigidiuscula; tum quippe graviùs, frequentiùsque urina detenta ipsum divexabat. Erat & alia occasio expergiscendi sæpiùs, sudor; quippe seu integumentorum, seu tempestatis calore ad nativam imbecillitatem superaddito, semel, iterùmve, aut etiam aliquando tertium, in singulas nocteis commutandum indusum erat.

Manè exsurgens, id observabat, ut caput seu galero, seu alia re superadjecta oneraret, donec illi sudor, calorve ex somno, quietèque conceptus, temperationem admitteret; alioquin enim aër frigidior laxatos poros subiens, obstruènsque, solitus erat rheumatismos, doloresque dentium creare. Eandem ob causam legens, scribènsque, à fenestris procùl sedebat; aliàs siquidem nescio quid frigidulum penetrans,

trans, caputque, & faciem; aut genam obversam, ita paulatim afficiebat, ut excitatis fluxionibus dentes quoque malè haberent. Effectum hinc etiam, ut quantum interdum per officia licuit, à vento, ac Sole abstinuerit; & cum propterea excusationem aliquando prætexeret, caussatus est, quòd cæterorum robustiora corpora similia essent laminis minimè obnoxiiis aëris injuriis; suum verò corpusculum per simile esset folio papyraceo, cui penetrando vel minima aquæ guttula foret satis.

Nunquam proinde deambulatum (quæ ipsi una corporis exercitatio erat) pergebat, nisi tranquillo aëre, & cælo obducto, aut saltem Sole debili, & in occasum jam propendente. Aderat etiam famulus, qui ponè gestaret umbellam, ut fervorem solis, si quis superesset, vel auram quoque averteret. Quia verò id poterat ipsi, atque comitatu esse importunum; idèò deligere solebat convalleis, locaque umbrosa, per quæ liber incederet, oculos aliunde, atque aureis pascens. Nempe ad confabulationem, qua gratius nihil habuit, adhibere solitus erat viros eruditos, ac leneis; ut memoratum aliquoties Galterium, Antonium Arbaudum Bargemonium Aquensis Ecclesiæ Præpositum, & simileis alios; ac sese interea humanissimè recreari sentiebat plantarum virore, & florum pulchritudine; aquarum item murmure, & cantibus avicularum. Heinc videri mirum non debet, si hortum illum Belgenferianum tanta plantarum varietate exornatum voluerit; si præter insignem canalem, insignem etiam aquæ jactum singulari exsultatione erumpere curaverit; si aviculis hieme ad arbores citreas in xystos formatas convolantibus, disseminari grana curârit, & ne quispiam interea aucuparetur, vetuerit.

Præhabebat porrò vocibus humanis, instrumentisque harmonicis musicam illam avium; non quòd aliâ quoque non delectaretur: sed quòd ex musica humana, relinqueretur in animo continens quædam, attentionemque, & sonnum conturbans agitatio, dum ascensus, exscensus, tenores, ac mutationes illæ sonorum, & consonantiarum euntque, redeuntque per phantasiâ; cum nihil tale relinqui possit ex modulationibus avium, quæ, quòd non sint perinde à nobis imitabiles, non possunt perinde internam facultatem commovere. Voluit eamobrem continuo educari lusciniâs, simileisque aviculas, quas etiam in proprio cubiculo habuit, quarumque ita curam gessit, ut si

quid egerent, aut vellent, ex variis signis agnosceret, & ut fieret satis, statim provideret: illæ verò, quasi agnitione quadam, benefactori accinerent, & cùm eo absente plerumque silerent, ubi tamen adventus signum vel voce, vel baculo daret, in cantum statim prorumperent.

Quoniam autem incidit mentio affectus erga animalia, nihil oberrat adnotare adolescentem, ac juvenem deperiisse canum genus. Quorundam antè meminimus: amavit verò potissimùm quos singulari aliquo instinctu præditos agnovit. In iis fuit unus, de quo sæpius id memorabile narravit, quòd cùm fuisset à nescio quo vehemente ictu percussus, ipsum non modò jam in ædeis ingressum subodoraretur; sed ad quinquaginta etiam passus venientem persentisceret; allatransque ex improvìso, mox adventurum subindicaret. Caterùm occasione murium, qui libros, chartasque in cubiculo arrodebant, adamavit deinceps feleis, quos exosos habuerat; effectumque paullatim est, ut paucis primùm educatis necessitatis gratiâ; etiam ob solam delectationem numerosos habuerit. Ex Oriente quippe obtinuit cinereos, rufos, variegatòsque, elegantia spectabili; quos propagatos etiam Parisios, & aliò ad amicos misit. Cùm nihil autem non observaret, adnotavit feleis utero gestare hebdomadas præcisè novem; ultra annum decimum quartum parere; obstetricatione interdum uti, etiam cùm non conceperint lactare; & id genus similia.

Sed ad sui curam ut redeam, fuit ea quoque temporibus morborum simplicissima; ipsèque ferè experiundo didicit sui medicum esse. Nam primùm quod spectat ad febrim, curare illam solitus fuit inediâ sibi præstitutâ; ratiocinatus febris materiam aut non substituto fomite, citò absumi; aut non facto impedimento, citò subsidere. Deinde, cùm rheuma, tussisve urgeret, nihil aliud, quàm usurpabat buccellam crustæ ex pane sicco; cujus semper frustula quædam, cum tragemate odorato, theculâ argenteâ conclusa gestabat. Sic enim ex ea detrita, salivaque simul sensim instillata, opinabatur arteriam incrustatione quadam obduci; adeò ut humor superfluens illam non exulceraret, neque provocaret ad tussim. Hæmorrhoidibus leniendis alia nulla re utebatur, quàm ovi luteo, cui interdum aliquid butyri, aut laridi fuisset commistum. Agnovit etiam balneare in aquam in potum assumptam iis mirè prodesse; & vel calorem suppositum, vel

vel minimum somnum eas remittere. Circa urinæ retentionem, dictum est de usu aquarum; solebat verò, ut eam cieret, linteum, ejusve angulum dentibus premendo, quasi mandere; idque in ipso conatu, quo proinde sæpè urinam emisit. Nisi id verò sufficeret, ut in maxima vesicæ tensione, tum inter parietem, posticamque lecti partem intervallo arctissimo sese comprimendum sisteat; nam post multos saltem conatus, id experiebatur non inutile. Et non ad omnem quidem retentionem consequebatur arenularum, calculorumve dejectio: frequentius tamen prorumpabant, cum dolores renum, ureterumque præcesserant. Urinam autem excipere cucurbitulâ, quam ventosam vocant, solebat; ut in ejus fundo statim appareret, si parturisset aliquid: videlicet labores illos, eruptionesque calculorum, parturitio- nes suas dicebat. Denique nisi podagrâ, parentum instar, laboravit, causam ipse censuit victus regimen, quod etiam quoties pater servavit, toties consultum optimè fuit.

Non est verò heic prætereundum, imbecillam complexionem nihil obstitisse, quò minùs se in morbis illis, vehementibusque doloribus patientissimè gesserit. Nam frequentia quidem, & diuturnitas quendam quasi callum induxisse videbatur: sed patiendi tamen consuetudinem eo perfecerat ratiocinio, quòd quicquid pati necessum foret, ferendum esset leniter. Communis certè ejus vox erat, se non tam angî propter mala, quibus erat obnoxius; quàm lætari, quòd ea graviora, ut esse poterant, non forent.

Non dissimilis porrò animus erga fortunam adversam fuit. Nam jacturâ aliquâ factâ, ac rei caræ potissimùm, non potuit quidem non commoveri: verùm molestiam temperare ea ratione solitus fuit, quòd non tam spectaret rem deperditam, quàm cum voluptate possessam. Sic solamen etiam quærebat ex rebus superstitis: censebat enim non tam dolendum, ob id, quòd iniquus casus abstulisset, quàm exultandum propter id, quòd bona fortuna servasset. Heinc non infrequenter dicebat, cuius incerta bona paranti constitutum esse debere, se illa non sibi magis parare, quàm furibus. Contingebat etiam interdum, ut quæ proposuerat, pro votis non succederent, conatusque, & sumptus omnes efficerentur irriti; at solatio erat, quòd nihil tentasset non laudabile, neque officio, impensæve iterandæ impar foret. Eam ob causam non desisteat idem tentare sæpiusculè; tanquam

non desperans, quin prosperum quidpiam tandem affulgeret; ac aliunde existimans plureis labores irritos uno successu redimi; neque debere piscatorem idcirco retia abrumpere, quod jactum interdum sine fructu faciat.

Et sic quidem ille patientiam, constantiamque tuebatur; cum foret nihilominus suapte natura subiracundus. Dicebat verò nihil sibi unquam animi regendi persuasionem aequè fecisse, ac spectaculum casu quodam exhibitum in microscopio. Quippe cum in eo conclusisset pediculum, ac pulicem, observavit pediculum luctu instituta sic commotum fuisse, ut sanguis à capite in caudam, itu, redituque continenti distraheretur. Heinc nempe est argumentatus, quanta fieri per iram debeat humorum, spirituum, facultatum omnium perturbatio, quantam declinet perniciem, qui illi non fecerit locum. Duo autem quædam capita erant, ob quæ præsertim commoveretur. Unum, ac præcipuum, injuria ex ingratitudine profecta. Injuriam dico; nam ex oblivione sola beneficii, ne indignationem quidem ullam testabatur; qui ipse potius videbatur id oblitus fuisse, quod contulerat. Verum, cum quis sibi eam notam animi ingrati inureret, ut prætereà nocumento, vel impedimento sibi, suisve, circa negotia, aut destinationes foret; tunc incalcescebat, excandescibatque, & probra etiam effundebat; meminisque, dum statim sese ad sedationem componeret, conquestum, quod ea occasione philosophiâ defectus fuisset. Alterum, negligentia pravaque mandatorum exsequutio per famulos. Facile enim irascebatur, nisi quilibet primum audiens, exaudiret, accurreretque; ac nisi jussa faceret tempore, modoque præscriptis. Quippe cum de industria alicujus diffideret, aut de inversione, interpolatione, ex præsumpto ingenio, propemodum securus esset; tum disertè, articulatin, & ex ordine præcipiebat quemadmodum vellet quidpiam peragi; ac nisi deinceps, ut res fuerat inculcata, perfecta fuisset, vix se poterat continere, quin in querimonias, & convitia prorumperet. Unde sæpius ad me conversus, solitus fuit dicere, oportebat ergo te esse infirmitatis meæ testem? Continebat nimirum sese, neque, nisi coram familiaribus, hæc animo habenas laxabat. Ac ista quidem ferè fuit una animi ejus impotentia: quanquam in sese statim rediens, tranquillitatem repetebat; &, quod spectat ad famulos, sæpè querulus solùm fuit, ut excitaret socordiam, ac imposterum red-
deret

deret cautiores. Quin-etiam ita affectus fuit in eos, quos ducebat ingratos, & injurios, ut nunquam maluerit ulcisci, quàm oblivisci injuriam; nemoque agnoverit culpam, quem non complexus fuerit, beneficiisque novis cumulârit.

Nunc, cùm in locum de beneficiis inciderimus, ecquis ignorat quantum fuerit ad benefaciendum propensus? Nemo certè unquam alacrius, liberalius, frequentius donavit; & cùm proposuisset sibi Deum, ac naturam, omnia dono, nihil mutuo dantem, imitari; dici omnino de illo potest, quod vota præcucurrerit, quod spem superaverit, quod præstare illi fuerit, quàm aliis optare velocius. Millies enim non modò opem, opésque ultro obtulit; sed non cogitantibus etiam contulit reipsa. Et vide simul industriam. Cùm ad Holstenium mitteret, quos diximus supra, Aristoteleos, Platonicosque Interpretes, ducentis aureis nummis coemptos; scripsit quidem epistolam, qua videretur nihil aliud, quàm volumina commodasse; verùm post-scripto epistolio significavit se donasse, donatosque omnino velle, priorem autem epistolam eo duntaxat fine perscriptam, ut obtendere illam posset, si qui fortè molesti essent in deposcendis codicibus, quasi illos mutuo solum possideret. Quàm putas verò sapè egit, quod de Arcesila memorant, supponens putà cervicali dormientis, aut aliàs non advertentis amici, pecuniam, qua egere eum comperisset, & recusaturum tamen? Sanè cùm sapè id non posset, & pudorem alienum non ferret; familiaris manu est usus, ut eum, qui erat accepturus, confidentiorem faceret. Testari id profectò licet: nam etiam per supremos dies, dari per me voluit viro cuiuspiam ingenuo, cujus & indigentiam nòrat, & pudorem manifestandi. Neque putes id eum egisse, ut largitionis testem haberet; nam aliunde cùm nòrat minùs in accipiendo difficileis; longè aberat, ut quæreret tertium, cujus pudore afficerentur. Ipsemet enim exhibebat, neque semovebat modò omneis arbitros; sed ne familiarissimis quidem perspectum deinceps faciebat. Heinc si mihi innotuit (ut exempli gratià hoc dicam) largitio illa pecuniaria, qua in Campanellam est usus, ex Campanella ipso novi, qui & privatim recitavit, & declaravit publicè; non verò ex ipso Peireskio, tametsi tum ambo apud ipsum diversaremur. Quamobrem si in alium quoque contulit centum aureos, ducentos in alium, in alium trecentos; id sanè rescire aliunde, quàm ex ipsomet concessum fuit. Scili-

Scilicet non fuit ex odioso illo genere hominum, officia exprobrantium, quæ cum meminisse debeat is, in quem collata sunt, non commemorare, qui contulit; nemo esse potuit hujus regulæ, quàm ille fuit, observantior. Siquidem tantum absuit, ut deprædicaret quæ præstiterat; quin potius semper factam ab aliis mentionem averfatus est, nec sine quodam rubore passus; solitus aliunde ita extenuare quod concesserat, ut penè negaret quicquam concessisse.

Non ita verò sese habebat, quidpiam nactus ab aliquo. Quippe celebrare nunquam destitit, ac tametsi parvi momenti res foret, aut magno etiam pretio redempta, professus est semper se esse omninò devinctum; solitus præterea officiis, obsequiisque omnibus gratitudinem facere apertam. Nam si quis numisma, sigillum, membranam, marmor, vasculum, aut quidpiam aliud seu antiquum, seu peregrinum, seu alioquin rarum dedisset; tum præter animum effusum, dispiciebat statim qua ille re delectaretur, & qua verosimiliter caret; seu nempe libris, seu picturis, seu plantis, seu aliis rebus, quibus (cum non auderet pecuniâ) rem cum scœnore compensaret. Constat id speciatim de pluribus libris, etiam carissimè coëmptis; sed in exemplum hoc satis esto, quod cum bonam hominum partem delectari nosset Gallico Mercurio, Historia Romana Coëffetei, Octavio Strada de vitis Imperatorum cum iconibus, aliisque id genus; illorum semper copiam habere comparatam voluerit, ut ingerente se occasione, ad manum esset, quod donaret. Ex quo effectum est, ut plureis ejusmodi libros octies, decies, & pluries non magno intervallo habuerit, & donaverit, ac sæpè etiam cum spes non foret iteratò recuperandi; cujusmodi fuère Eusebius Scaligeranus, Ephemerides Origani, & alii sexcenti.

Tenere nempe se nunquam potuit, quin testatum faceret se conferendis potius, quàm accipiendis beneficiis natum; & cum majorem voluptatem, quàm ex dono probè collocato non perciperet, perditum diem illum habere, in quo se quavis occasione munificum non exhibuisset. Heinc viri cordati, & Cræsi divitias, & Arabum gazas illi exoptabant; ut suum illum liberalem, ingentémque animum testatiorem facere posset. Siquidem stupore dignum iudicabant, unde man illi ad tot sumptus, satis abundè suppeteret; qui aliunde & spretas opes, & intacta lucro pectora perspecta habebant. Et fuère quidem

dem qui improbârint, quod videretur non satis æquam familiaris rei habere rationem. Visus est enim sumptus superare censum; & iudicium vel ex eo factum, quod mitteret Romam quotannis tria millia librarum Turonicarum expendenda. Verùm ipse ante salutem ponendos rumores non censuit; magnumque semper quæstum duxit, opes honestè profundere, quæsito nempe bonis seu viris, seu artibus emolumento. Dici quoque potest, quod Poëta ait, *Quæsit nomen, quarat avarus opes*; nam profectò seu suæ familiæ reditus imminuerit, seu non amplificaverit; at quæsit tamen tantam gloriam, quantam immensis opibus, cæteræ tam multæ nunquam consequentur. Hoc est verò, quod viri illi cogitare debuerant; non quæri nempe solum divitias, ut fames, ut sitis, ut frigus arceatur; quippe ad hos, aliòsque usus naturaleis pauca sufficiunt; sed maxime, ut cum splendore ævum transigatur, relinquanturque monumenta propagandæ famæ post interitum. Is est enim tacitus finis, ad quem, dissimulanter licèt, mortales omnes collineant; & quem tamen non assequuntur, qui alioquin ditissimam efficere familiam student.

Taceo eam fuisse Peireskio mentem, ut pro familia duceret Mundum; ac parentum, fratrum, aut filiorum loco, quibuscum omnia essent communia, omneis & sapienteis, & bonos haberet. Hosce appello; quia tametsi nihil non est unquam benè merentibus largitus; delectum tamen semper eum habuit, ut in obvios quosque non esset profusus. Cùm enim minùs quis mereretur, liberalitatem temperare nôrat; meminìque poscenti cuiquam, ut decem nummos mutuò daret, responsum ab eo, non se decem, quos mutuò crederet, habere; sed duos habere, quos gratis donaret. Cùm ille verò accepisset, & ex ipso requireretur, quamobrem ita faceret; satis est, inquit, si præsentì necessitati succurratur; & fiam potius parvus donator, quàm molestus creditor; expertus aliunde complureis idcirco averfarime, quòd se meo ære obstrictos putent.

Porro cùm nihil æquè amicos, ac beneficentia, & obsequium patriat; nihil mirum, si totò orbe, tot, tam bonos, tamque illustreis, atque constanteis habuerit. Mirum est potius, quòd tam multis de merendis suffecerit; cum omneis ita coluerit, ut singularem non potuisset magis. Quippe in id semper incubuit, ut provideret qua tandem re cuilibet gratificaretur; & imploratus ita accurrit, ut infelicem se

duceret, nisi amici necessitatem non præsensisset, prævenissetque. Nō rat proinde quodnam esset amatorium poculum verum; sic præsertim amans, ut nunquam ad suam utilitatem respiceret, occasionem verò consulendi amicis præteriret nullam. Sic nihil sibi unquam à Magnatibus, Principibusque viris petiit; at in amicorum, ac potissimum literatorum gratiam, quicquid conducere visum est, postulare nunquam erubuit. Seu verò illi precibus suis, seu aliunde quidpiam concessum tulissent, agebat semper gratias; & recipiebat in se tam suo, quàm Musarum, & publicæ rei nomine, gratitudinis testationem. Nec suos verò amicos modò, sed quos prætereà illi amârunt, ac speciatim parentes, filios, consanguineos, affines ardentè prosequutus est; illisque consilio, auxilio, perfugio, patrocinio fuit. Ac parum fortè est dicere sumptibus nullis eum pepercisse, ut amicorum res promoveret; majus est, quòd nullum habuerit neque invaletudinis, neque injuriarum aëris rationem, quoties quidpiam periculi intervenire deprehendit. Tanto prætereà candore fuit; ut nunquam rationem creditarum rerum ab amicis exegerit. Quin etiam ægerrimè tulit, quòd, depositâ continuò comparandis libris, usibusque aliis apud optimos Puteanos pecunia, ipsi, contextis indicibus, pretium, summamque subducerent; voluitque planè sibi, cum ipsis non agi adeò scrupulosè. Ut paucis dicam, fuit illi pectus adeò niveum, ac innocens, ut merito jure amicos habuerit, quibus non potuerunt esse amiciores.

Ad hæc autem quantæ putemus consolationi illum fuisse, cùm amicos vel ægrotanteis; vel orbitate, aliove casu fortunæ perculsos invisit? Nemini quippe aut meliora, aut amabilia verba; & quia morbis, doloribusque tolerandis assuetus erat, ideò nemini lenimenta ægritudinum omnium perspectiora; nemini potius habita fides, quòd ipse expertus omnia crederetur. Novimus certè aliquos, quibus de salute propè desperantibus, animos restituerit; adeò fuit solers detegendis, facundusque edisserendis insolitorum ipsis morborum symptomatibus, prognosticis, caussis, & nisi planè curantibus, saltem lenientibus remediis.

Ex his licet intelligi, quàm jucunda esse deberet illius cum sanis conversatio; quandò tam benè noverat ecquæ res forent, cujusque genio, moribusque accommodatæ. Nimirum cùm tam multa nosset, impromptu erat deligere, quæ gratissima cuique enarraret; & cùm esset
sem.

semper ad discendum comparatus, percontabatur solum ea, quæ novæ collocutorem cum voluptate recitaturum. Ita cum frequens à peregrinis, curiosisque inviseretur, subodorabatur imprimis, cujus rei studio tenerentur potissimum; ac tum ea solum ostendebat ex libris, cimeliis, cæterisque rebus, quæ videre foret jucundum; neque aliquid ostendebat, quod ipsi nosse non affectarent. Rogitabat deinde ea, quæ ipsi vel in patria, vel iter faciendo rara observassent; habebatque semper quidpiam simile, quod vel monstraret, vel aliàs sibi visum, auditumve referret. Inde effectum est, ut nemo non invitatus discesserit, horasque, & dies non optaverit prolixiores. Quin longè etiam absuit, ut crebrò conversantibus tædium, aut fastidium crearet: exundabat enim semper novo aliquo eruditionis gurgite; ac vocibus vivis omnia exprimens, ita rapiebat animos; ut metum semper injiceret, ne citò nimis faceret finem. Et appositè quidem, seu perrarò tamen, jocos interseruit: seriò quippe solitus loqui, eâ oris facundiâ sermones fundebat, qui iis salibus parum indigerent.

Porro, cum ejus consuetudo foret cuique gratissima; ipsi tamen oneri erant, quotquot res duntaxat vulgareis loqui, audirève juvabat. Conqueri proinde solebat, quòd tam bonas horas cogeretur perdere, audiendo solum, assentiendoque, frigus, calorè inque vigere; tempestatem esse claram, vel obscuram; auram sanam, vel insalubrem, cæteraque similia. Eandem ob causam averfabatur mulierum consuetudinem; quod vix liceret quidpiam frugi ex ea consequi, & de tricis solum, ac nugis verba ferenda cum ipsis forent.

Impatenter etiam ferebat clamorosos, rixosos, loquaceis; tametsi istos levius ferret, quòd plerisque verbis inutilibus frugi aliquid interferi posset; id enim dicebat se eruere, ut ex paleæ acervo granum. Oportebat tamen eos esse veraceis, quod garrulis istis parum convenit; nihil enim æquè exosum, ac virum, quem posset mendacii coarguere, habuit. Quare & solebat hoc hominum genus ita exercere, varias percontando circumstantias, ut memores sanè esse oporteret, si quid mentirentur, nec sibi contradicerent. Par judicium esto de thrasonibus, quos pari modo non ferebat; nisi quatenus inter jactationes, ingeniosum quid coruscabat, quod afficeret animum. Cæterum enim gloriosos istos mirum in modum oderat; præditus ipse tanta modestia, ut cum præclara agere, non verò jactare placeret, nihil unquam super-

bè de se nec senferit, nec dixerit. Heinc potuit sanè vel suo exemplo facere illos admonitos, qui & sui laudes invitus audivit, & titulos omneis ambiciosos delatos rejecit, & virtutes suas, alioquin eximias, ita elevavit, ut semper vel infirmitatem, vel ignorantiam prætenderit; planumque fecerit nihil esse posse illa animi moderatione expetibilis.

Nihil proinde adjicio de summa mansuetudine, ac singulari humanitate, qua quosvis adeunteis, opisque quidpiam postulanteis excipere solitus fuit. In confessio siquidem est, quàm non puduerit illum habere majorem debito honorem quibusvis, inferioris etiam conditionis hominibus, quos vel genus, vel eruditio, vel dignitas quædam commendaret; quamque se erga obscuriores, rusticiores, pauperiores, affabilem præbuerit; animos addens sese adeundi, assidendi, alloquendi, interrogandi, respondendi; donec quisque sibi ab eo factum satis existimaret. Atque id quidem erga omneis; sed erga illos specialius, qui suas in judiciis commendatas causas optabant. Suavissimum enim habebat parteis ipsasmet privatim audire; & percontando, instandoque pleraque plurius accipere, quàm à caussidicis inter perorandum, scribendumve suggererentur. Nempe cùm ipsi elegantes, atque eruditæ actiones placerent: iniquo tamen animo tulit, si quando veritati fucum, æquitati insidias, legibus fraudem, innocentiam laqueum fieri, tendique observavit. Quanquam quo affectu sese comparârit, ut jus suum cuique tribueret, indicatum superius est. Addo illum ea industria, ac felicitate fuisse, ut aliquorum nobilium liteis, aliàs interminabileis, arbitrato suo composuerit, pacemque inter familias inexpectatam procurârit. Addo & cùm id moris foret, ut quæ partes coram Senatu liteis agitabant, Senatores ipsos in palatium, in templum, domum, aut ad alia loca procedenteis, agmine densò affectarentur; ipsum id nunquam passum fuisse, famulo contentum, aut prætereà uno, alterove ex familiaribus amicis, quibuscum posset colloqui, amandatâ sequentium turbâ.

Cùm illa porrò comitate, humanitatèque erga omneis foret, tum speciali quadam observantia prosequutus est, quos novit gradu, genere, virtute quadam eminentes. Quippe ut omneis est veneratus, ita singulis, si quid potuit, præter debitos honores exhibuit. Promotis quoque ad dignitates, reducibus in patriam, servatis ex morbis, adeptis

conjugium, donatis progenie, atque id genus alia fortunæ bona assequitis, congratulari solitus est, seu coram, seu per literas, voto, reverentia, & affectu plenas. Nullum non præterea officium, atque obsequium præstitit; munera insuper adjiciens, vel certè comunicans quicquid exquisitum variis ex locis obtinuit, prout unumquemque his, vel illis rebus capi agnovit, aut subolfecit. Et questus quidem persæpè est, exhibendis, excipiendisque honoribus deteri tempus, at cum ipse delatos sibi, quantum poterat, constantissimè recusaret, nullum tamen, quem crederet aliis debitum, prætermisissimè voluit. Id aliquando ipsi objectum; & maximè cum videretur ob imbecillas corporis vires excusatione dignissimus; At, debeo-nè, inquit, ut ineptus esse primus desinam, pro ineptissimo haberi?

Heic non adjiciam, quanta pietate erga Parentes fuerit; nam id suis locis satis insinuatum. Unum solùm addam, quod Novercæ mores planè acerbos deliniit. Non longè erat à doctoratu, cum illa die quadam considens ad mensam, bilem effudit adversus ipsum, quam in Patrem conceperat. Congestis plurimis convitiis, ac exprobrationibus, quibus contradicendum sperans, detumescere amplius contendebat; ipse nihil planè inficiatus, hanc unicam vocem emisit, Vera sunt quæ dicis, ô mater, imò & longè plura sunt, ob quæ jure conqueri possis. Tum quia verebatur, ne illa aut assensum hujusmodi sinistrè interpretata simulationem causaretur, ampliusque excandesceret, aut pudore quasi suffusa, aliam rixandi quæreret ansam; sese continenter è mensa subduxit. Illa tale nihil exspectans, & ad improvissum casum obstupescens, ita repente animos fregit, ut sese continuerit, effutieritque deinceps nihil. Privatiim postea ex eo quæsit, cur falsa cum sciret, quæ objecta fuerant, nihilominus admisisset; ille autem, Et admisi, Mater, & admittam in posterum; auctorque sum, ut quoties pectus efferverescere senseris, iram potius adversus me, quàm adversus alium profundas. Nam ego quidem patienter feram; at alii exasperabuntur, unde tu magis excandescens finem fortasse vix facies, quin graveis exinde contraxeris morbos. Neque porro id inutile fuit, illa enim sese deinceps longè mitiorem præbuit, ipsumque adeò amare cœpit, ut de hærede instituendo sapius cogitaverit; ac perfecisset, nisi cum obiit, is in Belgio procul abfuisset.

Ad Fratrem quod spectat, tanta propensiore erga ipsum fuit, tantam

vicissim expertus est, ut res in exemplum transire mereatur. Quippe ab ævo usque ineunte ea fuit, cum mutua, & maxima benevolentia, consensus; ut in eadem studia semper conspiraverint, &, ne minimo quidem ullo intercedente diffidio, de herciscunda familia ne cogitaverint quidem. De consanguineis, affinibusque illud sanè testari licet, quod omneis habuerit conjunctissimos, excipique voluerit domo, ceu communi hospitio, cum in urbem adventarent, non patruelis modò, sed etiam qui ex atavis, tritavisque ducerent ramos. Quin-etiam, cum omnium patrocinium alacri studio susciperet, solitus erat, si fortè quidpiam inter ipsos intervenisset, componendi auctor, & arbiter fieri. De Præceptoribus dictum suis locis; addo memoratum ab ipso non semel, nihil accidisse sibi jucundius, quàm cum à Vario nescio quid in Fonvivii gratiam obtinuit.

Quid est quod hoc loco attexam de caritate in Patriam, cum ex dictis perspicuum sit illum totum fuisse in ea exornanda? Ut mittam enim nullam unquam occasionem prætermisam, quin majestatem Principis, Gallici nominis honorem, & jura regia facta testata, adversus Scriptores peregrinos voluerit; attingo solùm circa Provinciam, curasse illum maximè, ut ea imprimis illustraretur. Eò nempe ejus curæ spectârunt, cum nihil non egit, ut quasi ex cineribus Comitum nostrorum erueret historiam; ac nobilissimas familias suæ luci restitueret; usus quippe non nuda traditione, non argumentis levibus, non auctoribus parùm certis; sed scripturis authenticis, ut testamentis, matrimoniis, transactionibus, clientelis, privilegiis; itémque statuis, tumultis, epigraphis, tabulis pictis, insignibus, numismatibus, sigillis, aliisque id genus rebus, quas ut detegeret, haberétque, nulli pepercit sumptui, nulli labori, nulli industriæ; evolvens ipse, aut procurans, ut evolverentur acta omnia, quæ in omnibus archivis, tabulariisque, Principis, Præfulum, Abbatum, Capitulorum, Cœnobiorum, Gynæceorum, nobilium, privatorum quorumlibet; inque Ecclesiarum Statutis, Necrologiis, Kalendariis; ac depingi mandans quicquid per vetusti adumbratum, effigiatum, incisum, expressum per libros, vesteis, vitra, ædificia tam sacra, quàm prophana foret. Quominus mirum, si nemini ex tota Provincia majores sui nobiles perspectiores, quàm ipsi fuerint; quando & omnium genealogias retexit, & ex actis expendit, & insignibus, cum ipsorum, propter varias stirpeis, variatione

tione exposuit. Sic speciatim labore magno seriem texuit Vicecomitum Massiliensium, deducens illos ab usque Guillelmo S. Honorati Massiliensis Episcopi fratre, hoc est, ab anno nongentesimo sexagesimo secundo. Quo etiam modo condidit synopses Episcoporum, Abbatum, omniumque virorum illustrium; ac plurimus præsertim fuit circa Trobadores, Poëtasve suprâ memoratos.

Eodem spectavit studium emendandi, & excudendi chorographicam Tabulam, disquirendisque varia, per varias ætates confinia, cum specialibus populis, regionibusque, & Principibus, qui in illa fuisse leguntur; ne quidpiam dicam de legibus, magistratibus, judiciorum formis. Fuit autem curæ potissimum scrupulosa pervestigatio, & ichnographia viæ Aureliæ, quatenus traducta per Provinciam fuit; Amphitheatrum item tam Foro-Julienſis, quàm Arelatenſis; Arcuum triumphalium tam Arauſionis, quam S. Remigii; trium Turrium superstitum adhuc in Sextienſi Palatio; &, ut paucis dicam, rerum omnium, quæ saperent antiquitatem. Nam quod præterea Inſcriptiones, marmora, imagines, & alia id genus non neglexerit, manifestum est ex hæcenus dictis; ut etiam quod attigimus de Animalibus, fossilibus, plantis, aliisque, vel Provinciæ propriis, vel ex peregrino orbe translatis.

Eodem denique, quod constanter excitavit ingenia, quæ aut novit, aut providit, condecorandæ patriæ nata; admonens semper, animansque, & libros, cæteraque omnia, si opus foret, suppeditans. Cum commendaret verò illos, qui scriptis, inventisque suis, ac descriptione præsertim regionis, rerumque gestarum illam celebrassent; tum suspexit maximè studium, quo affectum novit Polycarpum Rivieram, Carthusiani ordinis decus, cujus immensæ eruditioni accessit noticia eximia rerum omnium Provinciæ, explicandarum speciali tomo operis Herculei ab illo suscepti. Tum maximi fecit potuisse se demum hortatu suo inducere Iacobum Morguesium, emeritum, ac sanè magnum Aquis fori ornamentum, ut se ad Statuta Provincialia illustranda componeret; quod foret exinde lux magna omnibus Provinciæ tribunalibus affulsura. Quàm sæpè verò exoptavit Petrum Decorinium generalem advocatum, profundæ adeò doctrinæ virum, functione demum ab erudito, dignoque filio sublevari, ut totus fieret concinnandis, communicandisque Senatûsconsultis, &
quæ

quæ præsertim ipse suassisset ! Quàm sæpè Scipionem Pererium, cujus nunquam satis mirari ingenium, judicium, eloquentiam potuit, suas illas forenseis actiones, adeò eruditas, atque elegantes, mittere in lucem ! Et pauca hæc quidem ex multis de affectu in Patriam ; nam quantum aliunde condoluerit, cum temporibus difficillimis nihil, nisi vota superfuerunt, commemorare parum est.

Supereffet jam aliquid circa Religionem in divinum Numen : sed in confesso primum est, illum semper majorum fidem, hoc est Catholico-Romanam professionem sic defendisse, ut etiam ad illam quot-quot potuit ex heterodoxis, ac potissimum eruditis, inflectere curaverit. Deinde religiosi cultus fidem uberrimam fecerunt publicæ omnes cæremoniæ, quas rigidè semper, quantum licuit per valetudinem, observavit. Quippe & solemnibus sacris, concionibus, processionibusque, ut vocant, interfuit ; & nullum fuit celebre festum, in quo non seipsum Sacerdoti probaverit, mensæque Eucharisticæ factus particeps fuerit. Constans ad hæc sincera fide, amoreque in Deum fuit, sublimè de tanta Majestate sentiens, ac summe de ejus bonitate sperans. Nihil addo de cultu, quo fuit prosequutus Pontificem summum, Cardinales, Legatos, Nuncios : siquidem nullam prætermisit occasionem testandi ipsis reverentiam, affectum, obsequium ; ut minus sit mirum, si illis nihil unquam negotii in Provincia contigerit, cujus ipsi committere procuracionem non affectârunt. Quo titulo etiam demeruit cæteros Prælatos, Generaleis, Provincialeis Ordinum, quos recensere prolixum foret ; agnitus aliunde patronus Cœnobitarum omnium, maxime verò Reformatorum, qui si quid egerent in curia Romana, in Regia, in Provincia, ac Senatu ipso ; illius continuo implorabant opem.

Nunc, ut specialius Studia dicantur, præmittendum imprimis est, fuisse Peireskium Ingenio prompto, aut si quid certè defuit, arte, ac labore illud compensasse. Quippe in rebus etiam conceptu difficillimis, inculcatione vix indiguit ; & sedula disquisitione, exercitationeque mentis, ipsam ad quidvis facillè intelligendum comparavit. Habuit enim præterea illud ita natum ad omnia, ut nullum fuerit doctrinæ genus, cujus desiderio non inarserit, & de quo non lubens conferuerit cum peritis viris sermones. Moderatus certè quod ad alia spectat, videtur fuisse unica sciendi cupiditate immodicus ; nemòque
fuit,

fuit, qui vehementius affectârit perficere celebre illud liberalium disciplinarum coronamentum. Quin ne hoc solùm; sed etiam mechanicarum studiosus fuit; eaque de causa nullus unquam artifex præcellens, ac celebris fuit, quem remoratus, aliò tendentem, apud se non detinuerit, ex quo non multa seu opificia, seu artis arcana arripuerit; ipsum domi, victu, stipendiis, variisque muneribus in menseis, ac in annos fovens.

Sagacitate quoque mira fuit, adjutantè constantia, qua investigando nunquam fuit defessus. Evenit proinde non rarò, ut conjecturæ successerint, quòd ex oblatis circumstantiis, cætera adnexa subodoretur, ac foeliciter divinaret. Nihil certè ipsi traditum in manus, cujus, quicquid notitiæ poterat haberi, non eruerit; adeò ut non immeritò habitus fuerit toto orbe quasi Arbiter rerum abstrusorum. Nempe, si quid uspiam inventum, cujus nesciretur origo, natura, destinatio, statim ad illum provocabatur; quasi germana rei notitia citra ejus opem haberi non posset. Quid, quòd rerum etiam, quæ non forent, sed esse tamen perhiberentur, rimatus conditionem est; disquisivitque, num saltem possent in rerum natura exstare?

De Solertia jam sæpiùs dictum, ob quam nihil penè, quod humanitùs fieri, haberive posset, se consequuturum nunquam desperavit; modò juvaret, interessetve animum eò intendere, explicarèque conatum, ac nervos. Et sanè plurima peregit, ac obtinuit, visa viribus, conditionèque superiora; quoniam facile prospiciebat quicquid promovendo, obstandòve esse poterat; impiger aliunde, ut illud urgeret, hoc amoliretur, & omnia misceret, quousque votorum compos fieret. Quin etiam amicos ubique parabat, & officiis variis ultrò obstringebat, ut seu aliquid destinasset, seu deinceps occasio destinationem factura esset, ad obsecundandum forent comparati. Quamobrem, re proposita, quam peragenda arbitraretur, providebat primum pretione, an prece, amore, an metu, jussu, an sponte; & quis, quid, ubi, quomodo, quando, ad præstitutum finem conferret; ac tum, nihil cunctando, manum operi dexterè admovebat. Sic in excogitandis causis operum tam artis, quàm naturæ admirabilem, peracutus, ac celer fuit: facillimè enim conjiciebat, &, dum tantillùm decoxerat, conjecturas suas ratiociniis omnifariis suffulciebat.

Memoriam ad hæc habuit fœlicem, ac plurimum firmam. Tametsi enim conquerebatur habere se fluxam, atque imbecillam; explicari tamen non potest, quanta fuerit varietas rerum, quarum ex ineunte ævo meminit, idque non universè modò, sed cum singularibus etiam locorum, actionum, verborum, personarumque circumstantiis. Ex quo efficiebatur, ut inter loquendum, adstanteis semper mirè recrearet; quòd, quæcunque suborta foret colloquendi occasio, proferre è suo penu posset, quod appositè, lectis verbis, summa cum gratia recitaret. Nempe non fuit rapida quidem volubilitate verborum: at non fuit tamen hæsitans lingua, nec absonus voce, nec sensu confusus. Seu enim partus ingenii, seu thesaurus memoriæ, seu animi motus efferendus foret; adeò non invita verba occurrebant, ut distinctè, graviter, copiosè, ornatè omnia diceret; neque, si res fuissent coràm positæ, conspici præclariùs potuissent.

Judiciò maturo, ac solido fuit; adjutus præsertim tanta experientia, lectione, & meditatione rerum. Et quamvis nonnullis videatur præcipitanter egisse, quòd nihil cunctatus unquam fuerit, quoties promovendarum artium, adjutandorumve virorum eruditorum occasio incurrit: nihilominùs ipsamet res fuit, de qua cum à primis annis, ac toto decursu ætatis cogitaverit, nihil esse potuit deliberatius. Quin dicebat etiam nihil deliberandum, ubi ageretur de iis adjuvandis, qui essent generi humano sua doctrina, suisve inventis quomodocunque auxiliaturi. Visus est aliunde non nihil credulitati indulgisse; at cum nervi, & artus sapientiæ sint, nihil temerè credere; non postulat aliunde ratio, ut nihil nisi visum, auditum, palpatumve admittatur. Nam delectus quidem habendus, neque cuius fidendum est: sunt tamen boni, doctique viri, tam falli, quàm fallere nescii, quibus fidem non adhibere ferum, & iminane videatur. Atque id præsertim, cum sit angusti nimis ingenii, persuasum habere nihil esse in naturæ recessibus, præter hæc familiaria, vulgòque obversantia; & ea, quæ in una regione, aut ætate visuntur, mensuram fieri, ac typum omnium, quæ esse in cæteris possunt. Id cum Peireskio perspectum foret, facile omneis audiit, de quorum seu eruditione, seu probitate non dubitavit; at cum non pronunciaret statim, quæ narrarentur esse ex iis, quæ fieri, esseve non possent: solitus est tamen expendere omnia, & nisi posset aliud, saltem sic rogare omneis circumstantias,

ut si

ut si quid demùm crederet, id probabile esse oporteret. Quòd si interdum propriis ratiociniis non diffidit, visusque est paulò tenacior conceptæ semel sententiæ; causa illi fuit, quòd existimaret non esse semper vacillandum, neque decedendum de ea opinione, quam aliqua ratio; aut conjectura fecisset firmam; nisi potior occurreret, quæ oppositam firmiùs stabiliret. Et sanè nihil tutius quidem, quàm comparatam habere mentem ad exuendum omne præjudiciũ, ut rationi, ac veritati sine pertinacia locum præbeat: verum, quia vix unquam occurrunt momenta rerum paria, efficitur semper, ut mens in unam partem propendeat; adeò ut quisque tanto sit excusatione dignior, quantò vel nolens id sequitur, quod verisimilius videtur.

Dicendum rursus fuisse illum sedulitatis eximiæ, diligentiaque inexpugnata. Ea certè fuit major, quàm pro virium, valetudinisque ratione; quandò vix unquam ita remisit vehementem illam contentionem animi, ut ullam horam, necdum ullum diem absque linea transegerit; adeò nullo unquam momento deliciarum suarum oblivisci potuit. Quorsum verò innuam indefessum studium, seu observandum aliquid, seu committendum chartis fuit? Nam quantum quidem præstiterit in observando; seu res cœlestes, seu terrestres, seu naturales, seu arte factæ, seu antiquæ, seu recentes, seu quacumque tandem visæ sunt cura & attentione dignæ, passim jam insinuavimus: in scribendo verò sic impiger fuit, ut quicquid rerum occurreret, statim faceret adnotatum. Literas prætereo, quas, si quispiam alius, & numerosissimas, & eruditissimas, & plerumque etiam fulissimas scripsit.

Refero potiùs, nihil unquam memorabile accidisse, quod non ipse statim sua manu in commentarios retulerit, cujusmodi fuere pompæ panegyricæ, publicæ clades, prospera, adversæque magnorum virorum eventa, contentiones celebres, habita cum Principibus, & eruditis viris colloquia, atque id genus plurima alia. Admovebat autem incunctanter manum, ne descriptionem differendo intervenirent negotia, quæ exturbarent; ac interim memoria elanguesceret, & rerum multarum singularem minùs tenax efficeretur. Similis erat diligentia, qua, seu quidpiam notatu dignum sibi in mentem incideret, seu audiret ab alio, seu ex libris expiscaretur, arripiebat calamus; nec poterat pati, ut quidpiam periret, quod vel sibi, vel aliis arbitraretur usui futurum. Conscribebat verò, quia existimabat rem tum de-

mum esse in tuto, nec posse perinde ex charta, ac ex memoria effluere; idque cum ipsi, ut Socrates, aut Pythagoras fidere non posset; experireturque id, quod scriberet, ipsa scribendi contentione animo profundius infigi.

Cæterum quicquid adnotaret, deligebat semper novas schedas, seu distincta chartarum folia, ut si quid addendum postea videretur, efficeretur confusum nihil. Præscribebat autem in fronte, aut in summo margine adnotandæ rei argumentum, sive titulum character majusculo (quo etiam ferè interscribebat nomina propria, vocèsq; alias, quæ poterant ex minutiore, aut non rectè legi, aut non tam citò occurrere) adiciebatque annum, & diem, & cum ab alio acciperet, præmittebat etiam auctorem. Nec modò verò marginem interdum ex una, sæpiùs ex utraque parte relinquebat, ut si festinando quidpiam omisisset, posset illud adjicere, potiusquam interjicere: sed & ipsam frontem faciebat peramplam, ut discerni melius posset titulus, & maximè, si fortè ipsum præmittere, præ festinatione, non satis vacaret. Quanquam id rarò; neque enim imperfectum quicquam volens relinquebat, quòd sæpè nimis expertus fuisset res inchoatas, aut concisas futuræ ampliacionis spe, novam manum, aliis curis intervenientibus, haud sensisse. Quapropter sic omnia scribebat, ut si manus extrema foret; indignabaturque, si quando jussus aliquis, seu dictatum, seu excerptum, seu proprium quid conscribere, non satis capacem relinqueret locum præficiendo titulo; aut marginem non satis congruum, congruamve satis distantiam inter voces, ac lineas, exscriptionis elegantioris, ampliorisq; expectatione. Censebat enim, id, quod res erat, eam dilationem esse fallacem; & nisi aliud, nonnullam certè inducere temporis jacturam.

Pari ratione agrè ferebat, si quis procùl absens expectaret vel reditum, vel occasionem aliam, ut quidpiam uberiùs narraret, vel transmitteret; volebat enim copiosè scribi, & quamprimùm mitti quodcumq; nosse, vel habere intererat; quia non rarò ex simili procrastinatione fuerat rebus pulcherrimis, utilissimisq; frustratus. Non poterat autem qui illum amasset, copiosas nimis literas dare, quod rerum scriptarum nullas circumstantias non explicitas peroptaret. Quin etiam sæpiùs querebatur, quod qui scriberent, non satis cogitarent ea, quæ sibi ipsis essent in luce, ac proinde ut nimis nota, vel non magnificerent,

vel

vel scribere negligerent, esse absentibus planè incomperta; atque idcirco nihil ex illis non novum iri habitum, eoque nomine placiturum. Heinc sicut ipse quid explorans, aut aliquem interrogans, nihil, quod ad rem attineret, omittebat perquirere; ita cùm aliquid ab aliis investigari, observarique seu procùl, seu propè jubebat; mandabat semper, ut quibuscumque id posset modis perspiceretur, adeò ut nullà, si fieri posset, laterent circumstantià, quas proinde ipse ferè præscribebat; mirè aliunde oblectatus, si quis suoapte marte, propriaque solertiâ, vel ad omneis, vel ad plureis, vel ad aliquas certè attendisset.

Ad hæc impenso fuit studio ad librorum copiam, varietatémque comparandam. Nam de MSS. ut nihil dicam, quos nisi habere antiquos potuît, exscribi certè procuravit (exscripsitque interdum ipse) præhabitis indicibus Bibliothecarum celebriùm; ac toto orbe præcipuarum; ut si quid sibi, studiosisve necessarium occurreret, unde erui posset, in promptu haberet. Ut istos, inquam, præteream, prælo subjectos conquistavit Roma, Venetiis, Parisiis, Antverpia, Amsterodamo, Londino, Lugduno, aliunde; idque non modò ab exactis Francosurtensisbus nundinis; sed toto etiam anni decursu, amicis admonentibus, transmittentibusque qui pro votis essent; & subministratà seu per nummularios, seu per amicos ipsos pecuniâ. Si uspiam quoque Bibliothecæ distraherentur, subhastarenturque; coëmi rariores curavit, eosque nominatim, qui forent elegantioris cujusdam, neque habitæ sibi editionis. Et incredibile quidem dictu, quantam copiam congesserit; incredibile etiam, quorsum non propterea completissimam Bibliothecam reliquerit: sed neutrum videbitur mirum, si quis consideraverit quæsiisse eum libros non sibi solùm, sed etiam quibuscumque opus illis foret. Innumeros verò commodatò dedit, qui restituti nunquam sunt; innumeros quoque donavit; ut superiùs attigimus, quorum exemplaria vix, ac ne vix quidem speraret posse rescari. Id nempe cùm ex usu esset eruditorum virorum: nam ex iis, quorum Bibliopolæ possent exempla sufficere, mira profusione est usus. Eam ob causam quoties accepit aliquem recens editum, plura illius exempla voluit, quæ partim sibi asservaret, partim in amicos statim distribueret, prout argumentum placiturum norât.

Seu donaret porro, seu sibi haberet, compingi atque contegi per-

eleganter appetiit; unde & aluit continuò domi artificem industrium, qui compactionem exquisitè eleboraret, decorarétque. Quin aluit etiam interdum plureis; neque enim unus satis unquam fuit, tot confluentibus undique voluminibus perficiendis. Contigit etiam sæpenumero, ut commodatos sibi libros, à suis possessoribus negligerenter habitos, compactori suo reficiendos, exornandósque tradiderit; cum ii nimirum vel argumento, vel raritate id mererentur; adeò ut ex malè curatis comptos faceret, redderétque. Sic curavit etiam quoscumque est nactus pervetustos codices, seu impressos, seu MSS. Neque ipsos integros modò, sed illorum etiam fragmenta, semesaque folia. Et cum ex eo quæreretur, cur tam sumptuosus ea in re foret, causam dixit, quòd persæpè libri optimi fata pessima paterentur, cum in manus ineruditas parùm culti inciderent; ac se ideò operam dare, ut, vel ex decòre pretium obtinentes, nec scombros metuerent, nec thus. Quos sibi verò compactos habuit, proprio caractere insignitos voluit. Constitit ille ex tribus Græcis majusculis literis N, K, Φ, eà elegantia inter se commissis, ut geminatæ tam dextrorsum, quàm sinistrorsum legi possent; ipsisque initialibus exhiberentur tres illæ voces Νικηλαΐου Κλαύδιου Φαβερίου.

Quantum ad Bibliothecæ locum, is fuit sanè nimis angustus, quantumvis præter parietes supellectile pretiosa ornatos, tabulatum quoque medium forulis oneraverit, ex eadèque instruxerit. Hinc libros quoque habuit tam in promusæo, seu quasi Bibliothecæ atrio, quàm per diversa conclavia, columnatim cumulos. Et sæpè quidem cogitavit de proluxa quadam pergula exædificanda: sed tam multa movenda fuerunt, potissimum verò paterna, atque avita Bibliotheca, in quam aliunde maximam partem cimeliorum conjecerat; tam etiam parùm otii sibi semper fecit, ac habuit; ut rem exsequi non valuerit, ipsasque ædeis, ut ab initio se habuerant, reliquerit. Mitto, quòd idem promusæum, itémque domus atrium, hortulúsque, & alia loca onusta fuerint marmoribus, tum effigiatis, tum insculptis; quòdque cum in vetustiore illa Bibliotheca conclusam haberet congeriem immensam antiquorum numismatum, ponderumque, saltem leviozem; in alia verò tam pondera, quàm vasa, quàm arma, quàm statuas, quàm innumera alia; necessum fuerit omnia jacere veluti confusa, ipsique uni, qui omnia probè noverat, manere discreta. Longè sanè abuit

fuit ab iis, qui apud Senecam, Corinthia paucorum furore pretiosa, aurea subtilitate concinnant; nam etiam pretiosa, quæ ab initio comparârat numisfinatibus loculamenta, neglexit; ex quo præsertim furta expertus, periculo suo cautiore factus est, thecasque ex ebeno, aliâve simili materia comparavit duntaxat rebus furto minus obnoxiiis, ut tripodi illi, symbibisque vasis, cæterisque ejusmodi.

Nec tamen abs re insinuavi quæ videri aliis poterant confusa, non fuisse ipsi indiscreta. Tametsi enim excusationem non infrequenter texeret, quod apud se omnia forent nihil aliud, quàm moles rudis, ac indigesta; attamen nihil unquam diù requisivit in tanta illa congerie; modò ipse solus cimelia, libros, chartas, alia contrectasset; nec jussus quispiam alius conquirere intervertisset. Nam, ut de libris nihil dicam, quos suis titulis insignitos, in suas quantum potuerat classeis sedesque distribuerat, quosque Simeoni Corberano, ingenioso glutinatori, vel levissimâ circumstantiâ, etiam quâ indigesti erant, significare poterat; cætera sic solitus fuit in fasciculos, papyraceo, aliôve involucro contextos digerere, colligareque, ut ipse sua manu, majusculo caractere, præscriberet titulos, quibus quicquid in unoquoque foret conclusum, admoneretur.

Cùm soleret verò speciatim literas acceptas in fasciculos colligare, prout variorum erant virorum, locorumve, aut temporum; superscribebat antè quis, unde, quo anno, mense, ac die perscripisset; subiciebatque indiculum brevem rerum præcipuarum, quas inter legendum subnotârat lineolâ: exinde nempe adjutabatur tum ad rescribendum distinctiùs, atque expeditiùs; tum ad inveniendum, si quid aliquando ex literis requireretur. Si quid autem rerum novarum contineretur in literis, quod alii sibi notum vellent, tum nos promiscuè eas ostentabat; sed exscribi ita curabat, ut lineolis includeret quicquid exscripto exclusum vellet; vculas rescindens hominum, rerum, negotiorum, quæ ignorari interesset; ac, ne quid posset offendere, phrasin commutans, aut leniens.

Ut solebat porrò curare perscriptas ad se literas; ita quas ipse conscribebat, amanuensisbus exscribendas dabat, asservataq; earum exempla, pro varietate, conditioneve seu regionum, seu hominum, in quaterniones conjiciebat. Cùm rogatus verò aliquando esset, cur id ageret; respondit, non sanè quòd sua asservatu digna putaret; sed quòd
sæpe

sæpenumero interesset, quid pridem, nupérve aut scriptum, aut non scriptum foret, oculis subjicere; ne vel idem, aut eodem modo inculcaret cum tædio; vel omittere pergeret, de quo dubitaret, num antè scripsisset; vel repetere memoria non posset, quæ aliquando conquississet, digessissetque impensò studio: vel non haberet unde posset inficianteis rei cuiuspiam se monitos, convincere; vel denique, si literæ sinistro quodam casu periissent, in recudendis laboraret.

Quod ad librorum lectionem spectat, parùm profectò otii, quod posset illi impendere, postremis vitæ annis superfuit. Siquidem totus penè fuit in conscribendis Epistolis; & cum libros pervolutaret, fecit maximè, ut aliquid exciperet, quod transferre in illas posset. Quandocumque autem se lectioni dedit, progredi cursim aut transvolare loca difficilia solitus non est; sed lento gradu semper incescit, substititque, quoties occurrit, quod remoram injiceret. Heinc præstò semper calanum habuit, ut subjectâ lineolâ designaret loca obscura, & quicquid notatu videretur dignum. Dicebat se enim inde admoneri, ut libro resumpto, difficilem locum iteratò expenderet; observabilem menti inculcaret; usurpabilem statim inveniret. Quare neque fuit ex illis, qui lautos libros obtinentes commaculare illos verentur similibus lineis, notisve marginalibus: pretiosissimos enim potius habuit, in quos plureis notas inferere potuit; unde omneis ferè ante compactionem aluminosâ aquâ imbui, & non satis fore margines præsentiens; folia chartæ puræ inferi mandavit. Solitus fuit etiam, si quid ab amicis observatum acciperet, aut interferere sua manu, aut per ipsosmet, vel alios, in codices suos interscribenda procurare.

Eadem ratione, si quos habuit, vel dono dados, vel coëmptos, qui doctorum virorum fuissent, tantò semper cariores duxit, quantò plura illorum manu inter-exarata cognovit. Ex quo aliunde agnoscitur, studiosissimum illum fuisse habendorum autographorum, ac ineditorum præsertim, si qui obtineri ab auctoribus, eorumve hæredibus possent, quos in lucem edi, aut saltem, si per auctores non liceret, exscribi sibi procuraret. Ea certè de causa semper habuit librarios, seu exscriptores paratos (quos inter sanè tacendus non est amanuensium fidissimus, patientissimusque Franciscus Parrotus) ut seu linguis vernaculis, seu Latina, Græca, Arabica, Turcica, aut alia quacumque quidpiam vellet, facerent satis. Scilicet passus numquam est, ut minimum

cujus-

cujuspiam inventum, observatumve deperderetur; adeò semper fuit easpe, ut ex ipso proficeret, prodesse alicui posset.

Æquum est autem commemorare, cum circa alia omnia argumenta sollicitus foret, oblitum sanè non fuisse ea, quæ sui essent muneris. Etenim cum existimaret unicuique homini ad certum genus publicæ vitæ, seu pro nascendi conditione, seu ex electione propria destinato, in id præcipuè incumbendum, quod institutum postulat; ac tum licere ad alia studia, pro lubitu, divertere: idcirco ipse cætera quidem consecutus est studia; at non propterea intermisit se in ea arte exercere, quam nôrat, ac profitebatur. Jurisprudentiam nempe excoluit Cujaciana illa, ac liberali methodo, quæ ex ipsis fontibus juris, potiusquàm ex doctorum rivulis, legum nitorem conspicuum facit. Heinc verò præcipuè amavit antiquitatis studium; quòd eò maximè faceret; & præter Pandectas MSS. quos habuit, requisivit etiam alios Codices, quòd quædam editorum loca expeterent ab ipsis lucem. Hac certè occasione memini, cum aliquando dubitaret (& ne Pandectæ quidem Florentini prorsus satisfacerent) de germana interpretatione Legis Neratius, circa retentam, amissamve solo animo possessionem, scripsisse eum Roman, ut ex vetere MSS. Cardinalis Barberini, ac Buccardi manu, textus Legis, cum scholiis marginalibus summa fide exscriberetur. Nimirum quoties fore præfensit, ut circa causam celebrem ferret in Senatu suffragium, nullum non movit lapidem, ne illud ferret imparatus.

Sic pridem circa eam quæstionem, cui debeat accedere lucrum, creditori-ne, an debitori, ubi datis mutuò monetæ speciebus, æstimatio accreverit, ex interveniente Principis edicto: Pacium adhuc superstitem interpellavit per literas, ut quicquid usquam ea de re observasset, communicaret. Sic nuper egit cum Salmasio, de pœnis olim apud Romanos, aliasque nationes præscriptis in eos, qui stationes deserunt, & animo potius pusillo, quàm malo, commissis sibi arcibus cedunt. Sic cum Bignono, eximio illo, quem hujus ævi Scævola, ac Varronem dicere liceat, de auctoritate legum Romanarum per Galliam, propter edicta Alarici, Caroli Magni, aliorumque Principum, qui vili sunt leges Theodosiani Codicis, cæterasque ratas habere. Perscribebat ipse interea, quicquid ferè dici, aut excogitari hisce de rebus poterat; adeò semper erat locuplete penu, adeoque illi rescribebant

debere eum solum se consulere; verùm cum ipsis ita agebat, ut circa ea, quæ jam nosset, congerenda non laborarent, ac in eo essent potius, ut novum quidpiam ostenderent.

Quod dixi porro obiter circa antiquitatis studium, complectitur id maximè universam Historiam, quam sic animo informaverat, tenebatque, ut videri posset omnibus & locis, & temporibus interfuisse. Defixum quippe hoc semper habuit, conferre maximè historiam non illustrando modò juris studio, sed componendæ etiam vitæ, animoque eximia quadam atque liberali delectatione afficiendo. Censebat enim quodammodo efficaciorẽ Philosophiã, quòd hæc quidem verbis homines erudiat, sed illa exemplis accendat; ac aliunde faciat, ut nos vitæ brevis pigere non debeat, quam reddit participem rerum, temporumque præteritorum. Conquisivit proinde semper nationum omnium Historicos, & cum per antiquos haberet per-caros, tum eos duxit carissimos, qui vel nostræ gentis essent, vel quomodocunque ad eam attinerent. Ut enim vix patienter tulit hominem ingenuum, qui in orbe suo peregrinus esset, videre; ita callere ipse voluit quicquid monumentis esset proditum, non de rebus modò ad Provinciam, Galliamve speciatim pertinentibus; sed etiam de iis, quæ ad Italos, Hispanos, Germanos, Anglos, Hungaros spectarent, universæque ad illos omneis, quibuscum hominibus nostris commercium, aut dissidium fuit.

Et quàm ardentem, putas, expetiit interpretationem, atque editionem Arabicorum codicum, quos optimus Golius ex Oriente nuper advexit, continenteis historiam expeditionum, bellorumque à Regibus nostris gestorum in Syria? Putavit enim posse fieri, ut ejus nationis Scriptores secus, quàm nostrates multa recitarent, quæ nosse foret operæpretium; ut vel ex mutua collatione, elici, contextique posset narratio quædam verisimilior. Putavit etiam posse exinde plurima à nostris omissa suppleri, cum ipse quoque innumera supplenda haberet ex variis illarum regionum, atque temporum comitiis, diplomatibus, literis, sigillis, insignibus, inscriptionibus, numismatibus, aliisque id genus. Erat verò rerum hujuscemodi præ aliis impensè curiosus, quòd testeis esse diceret antiquitatis incorruptos, quòdque ex iis addiscerentur, quæ frustra requireret quis ex historiographis omnibus.

Et memini quidem interdum, cum vitris variæ convexiatis dispiceret

ceret chartas, & numismata minutissimorum, ac semesorum characterum, objectum id fuisse, quod Seneca habet, *Illum tu otiosum vocas, qui majorem dierum partem in aruginosis lamellis consumit*; itémque illud, *Insanit veteres statuas Damaspippus emendo*: ac ejusmodi alia. Verùm ipse, Non nescio, inquit, effusè à multis rideri hæc studia, quasi, nec nobis ornamento, nec cæteris usui sint: ii tamen soli jure carpuntur, qui ad vanam, aut etiam nullam eruditionem hæc referunt; cùm plerique comparent solùm in ornamentum arariariorum, ac parietum, nec alio fine habeant, quàm ut habere perhibeantur. Porro laude digni videntur, nec tempus frustrà terere, qui talia conquirunt, expendunt, illustrent, ut bonis authoribus legendis facem præferant; ut historiarum circumstantiæ perfectiùs clarescant; personæque, res, & actiones animo meliùs infigantur. Scilicet ex statuis, numismatibùsque cognoscere licet, qualis fuerit vultus, habitùsque clarorum virorum, sceminarumque illustrium, quarum nos actiones audita delectant; qua forma fuerint Dii, Deæque, & Heroës prisce, cum suis illis insignibus; cujusmodi fuerint sive ornamenta, sive instrumenta religionum, bellorum, magistratuum, coronæ, currus, triumphi, sedilia, innumeraque id genus alia. Quæ, & plura cùm recenseret, tum prolatis compluribus monumentis factò monstravit; adeò ut innotuerint demùm pleraque Auctorum obscura, nec alia ratione intellecta loca.

Sæpenuerò etiam in admirationem rapuit, ubi ostendit, sine rebus hujuscemodi inspectis, atque exploratis, non posse intelligi quid auctores velint, cùm tam sæpè mentionem faciunt Numismatum, ac Ponderum, ut Talentorum, Siclorum, Drachmarum, Denariorum, Victoriatorum, Sestertiorum, itémque Assis, & partium ejus; ac cæterorum bene multorum; de quibus cùm differeret, immensamque copiam, & varietatem proferret, non paucos novi obstupefactos. Ac speciatim quidem aliquando, cùm multitudine Unciarum pondere, & forma diversarum exhibita, rogatus fuit, quid sibi vellent symbola illarum tam varia. Nam singularem quidem globulum appositum dixit, non ut designaretur modò unitas; sed etiam ut illius tumore, qui Græcè *ὀγκος* dicitur, ad uncia vocem fieret allusio. Eadem ratione in plerisque adjungi uncum, seu uncinum; ut pondus unciale statim notaretur. In quibusdam verò, ac præsertim Hetruscis, hastam, quæ Græcè dicitur *ἀσπίς*, ut ex ἀ dissimulato, & ob commu-

tabileis literas, *ὅτι* vox superstes idem patefaceret. Sic plerumque adjectam Unitatem significare; non tantum quod unum hoc sidus eximia luce noctem collustraret; sed etiam quod ex voce Luna, L detracto, una supersit. Sic exhibitam in nonnullis Astragali faciem, quæ in jactu vocata unio, unitatem significaret; etiam in quibusdam solum intellecta, cum in averſa parte solum appareret opposita facies, senio appellata. Similia quoque declaravit, in cæteris Libræ, sive Assis partibus; ut cum in Semisse declaravit, spicam idcirco appositam, quod antiqui alluderent ad seminis, & semissis voces; sed hæc attigisse sufficiat, ut pateat illum suo studio, solertique, & sagaci examine ea potuisse interpretari, quæ in libris nusquam exstarent; ac tantò facilius audienteis stupore quodam percellerent.

Nam alioquin minùs fuit mirum (etsi plerosque delectavit, neque id sanè immerito) quod de Mensuris, deque vasis non minùs disertè verba habuit, quàm ipsis mensuris, vasisque antiquis coràm positis, demonstrationem apertam fecit. Et sanè, quoties illi aut vas, aut numisma, aut statua, aut quicquid demùm aliud non vulgare oblatum est; ita semper solitus fuit, quàm primùm licuit, expendere, ut non in loculos referret, aut creditum restitueret, quin perspexisset, quicquid de illo sciri posset, aut conjici. Quippe & libros consulebat, & cum similibus conferebat, & memoria repetebat quicquid observasset eò pertinens; &, vel capacitatem, vel pondus, vel formam nulla non arte explorabat; & eruditorum ubivis degentium requirebat sententiam; & conjecturas proprias, quas quomodocunque fulcire posset, congerebat; &, ut paucis dicam, rem non dimittebat, quousque nemo mortalium posset uberiùs cognoscere. Eò cum pervenisset, tum demum quicquid noverat, aut inferebat in librum ejusdem, affinisve materiæ; aut schedæ commentariis interponendæ consignabat; aut certè ansam arripiebat conscribendi unam, plureisve Epistolas, in quibus laboris fructum explicaret. Quare nihil mirum, si cum totâ vitâ sedulitate hac fuerit, nihil tandem posset objici, quod quasi alter Oedipus non statim interpretaretur.

Eodem porrò modo sese comparavit circa res Naturæ admirabilis; de quibus, quia passim varia diximus, non est cur speciale quidpiam attexamus. Memorare id sufficit, neminem plura aut observasse, aut observari procurasse, ut aliquæ tandem saniores, purioresque
vulga-

vulgaribus notiones rerum elicerentur : qua de caussa suspexit, genium, comprobavitque institutum Cancellarii Anglorum magni, Francisci Verulamii, quem sæpius doluit non convenisse, superstitem adhuc, cum fuit, venitque postremum Parisiis. Displicebat profecto illi quæ Physica vulgò docetur in Scholis, tanquam nimis umbratica, & ingeniorum potius technis, quam experimentis naturæ innixa. Heinc corrugare solebat frontem, totumque vultum contrahere, cum incidisset in Physicos, qui subtilitate potius, quam soliditate certarent; & acumen licet commendans, dolebat tamen ipsum verbis, distinctiunculisque potius deteri, quam penetrandis ipsis rebus, ne sua quidem fronte perspectis, impendi. Ac si illi quidem forent opiniosissimi, & sive Aristotelex, sive alii sectæ deditissimi homines, ipse illos sibi sapere sinebat, neque quidpiam contestabatur : sin autem ii essent, qui veritatis amore præjudicium deponerent, & leniter audire mallet, quam contumaciter obloqui; tum eos sermones ipse fundebat, qui ab illis cum voluptate, & applausu exciperentur. Nam quantumcumque aliquas ejus opiniones non prorsus probarent, mirè tamen afficiebantur, dum sua ratiocinia confirmaret semper, aut observatione rerum, quæ, licet vulgares, non satis tamen adverterentur; aut relatione tam propriorum, quam alienorum experimentorum, quæ proferre semper multa potuit (adeò fuit semper adnotandorum, congerendorumque curiosus) aut exhibitione ipsarummet rerum, de quibus quæstio incidisset; inexhaustâ enim abundavit copiâ rariorum mineralium, lapidum, plantarum, animalium, quæ quocunque pretio, aut quacunque arte, haberi, ac servari possunt.

Ex his ferè elicitur non placuisse ipsi Dialecticas illas, Metaphysicasve argutias, quæ nihil bonæ frugis haberent, & fovendis solum clamoriosis contentionibus essent comparatæ. Tametsi enim delectabatur, dum quid arguè concluderetur; simul tamen ægrè ferebat, quòd foret de re nihili. Sic sæpè etiam afficiebatur, cum audiret verba facienteis de rebus illis sublimibus, ac non cadentibus in sensum. Nam posse quidem humanam mentem adusque Ideas, & separatas Substantias intelligendas provehi, id mirabatur, commendabatque; at somnare tamen de illis tam multa, & analogiis, ratiociniisque adeò levibus communire, id non comprobabat, sed miserabatur. Dolebat nimirum, præclara ingenia prætergredi incognita, intactaque ea, quæ

oculis

oculis patent, subjiunturque manibus; excurrere verò ad ea, quæ ne conjectura quidem verisimili attingere licet. Quin dicebat etiam subvereri se, ne Doctores sibi nimium arrogent, cum præter ea, quæ fides docet, adeo confidenter de Deo, rebusque divinis disputant tam multa. Nam inconcussa quidem habenda decreta omnia fidei; at quæ prætereà edisserunt, non esse posse non incomperta: & cum nihil ab uno, nisi pluribus reclamantibus defendatur, videri posse sacratissimi argumenti majestatem minui. Hacce de causa ferebat quidem publicas illas de Logicis, Physicis, Medicis, aliisque hujusmodi rebus parùm juvanteis altercationes: at circa res Theologicas, impatienter ferebat frontem, qua conspiciebat homines assumenteis se probaturos DEUM non esse, esse injustum, impotentem, improvidum, miserum, alia: quoniam tametsi id fieri veritatis illustrandæ causâ diceretur, parùm tamen decorè fieret; neque ullus Princeps, cordatusve vir similia de se, cum præsertim nihil opus foret, controversi non ægrè ferret.

Æquius tolerabat disceptari mores, dum tamen etiam Religionis, Patriæque statuta illæsa manerent. Censebat enim quam-maximam habendam esse legum rationem, quæ desiderandæ quidem essent optimæ, at qualescunque tamen essent, venerationem mererentur. In earum quippe observatione salutem civium consistere; adèò ut etiam minùs justæ justioribus visis salubriores fierent, si religiose observarentur. Porro qui sic affecti essent, minùs improbabat, si aliunde ritus institutæque variarum gentium speculando cognoscerent, & cum nostratibus etiam compararent. Heinc enim putabat hominem ingenuum exuere posse præoccupationem, qua vulgus legem naturæ putat, quicquid sibi in usu est, nihilque ritè fieri, quod moribus suis videatur alienum. Nempe, cum omnibus discussis, viderit cæteras nationes suos quoque mores suis tueri rationibus, & unamquamque reliquarum consuetudines improbare; tum posse illum animum suum supra vulgarem conditionem evehere, & defensurum quidem sua, sed æquum tamen se præbiturum adversus omnes homines, futurumque, Socratis instar, non unius tantum regionis, sed Universi totius civem; nihil admiraturum in rebus humanis, & ut paucis dicam, ea existiturum temperatione animi, ut maximam tranquillitatem, maximumque adèò bonum consequatur.

Eam certè ob causam, non ex libris, narrationibusque evulgatis modò, varietatem morum eruebat, & vel solus, vel cum amicis sub-jiciebat examini: sed diligentissimè etiam quotquot advenirent ex diffitis locis, rogabat ecquid illeic gentium circa instituta speciale notaissent; ac si quoquoersum qui discederent, ut notarent, adhortabatur. Hac verò ratione sic erat imbutus nationum omnium tam antiquis, quàm recentibus moribus, ut nihil penè novi renunciari posset; utque apud omnes sive natus, sive conversatus fuisse videretur; atque adeò ad bonitatem, qua sponte naturæ adversus omneis effundebatur, id humanitatis genus adderet, quo cujusvis demùm conditionis homines, tanquam fratres complectebatur, paratus omnibus prodesse, nocere autem nemini. Nam exosa quidem habebat vitia illa teterrima, impietatem, crudelitatem, malitiam, perfidiam, & uno verbo cætera: sed humanam tamen naturam à pravitare seponens, & considerans, commiserabatur, quòd illa præ imbecillitate, excæcationeque non teneret virtutis viam. Scilicet homines non satis animum advertere ad cupiditatum naturam, & ad germanos bonorum fineis. Si enim perspectum haberent, quàm pauca naturæ sufficient, exularent dolus, & fraus, quibus supervacua quærentur; & si agnoscerent opum usum, non exularent humanitas, honestas, moderatio, sine quibus societas, privatæque vita continuò turbatur.

Ad hæc, Mathematicas artes, quantum poterat, excolebat; quòd alterationibus illis, de quibus antè dicebamus, minimè forent obnoxia; & mentem aliunde sic imbuerent, ut partæ per demonstrationem veritati assuefacta, ipsa veri specie non facilè deciperetur; ac demùm sui evidentia, certitudinèque eam voluptatem crearent, qua major, & honestior, constantiorque esse non possit. Et non vacavit quidem scrupulosè singulis illarum partibus incumbere; sed nosse tamen voluit quæcunque præcipua, atque faciliora in omnibus fuerunt. Adamavit autem præsertim Astronomiam, quòd homo natus ad contemplandum, nihil possit majus, sublimius, excellentius, illustribus illis plagis inspectare. Deinde Geographiam, quòd illa, unà cum Chronologia, Historiam maximè collustrent, præstentque ne viri ingenui, ac aliundè literati, gerant sese pro pueris; quin potius in totius orbis, atque temporis quasi possessionem mittantur. Postea Opticen, quòd per illam explicentur causæ tam multarum rerum, quæ

quæ apparent oculis, quæque vel mirabilia habentur, vel nisi habeantur, sola familiaritas, & inconsiderantia facit.

Hinc illum pictura mirè delectavit, eaque occasione & Pictores aluit, & tabulas varias, imaginésque obtinuit, quarum præstantiam judicare, si quis alius, maximè nôrat. Frequenter verò testatus est, pœnitere se maximè, quòd à teneris usque annis pingendi artem non didicisset; optarèque, si fieri posset, digitis duobus sinistra manus redemptam peritiam, que dextra careret. Quippe tamen tam in Patria, quàm extra illam implorasset Pictorum variorum industriam, effigiandis rebus, quæ occurrerent; nihilominus neque semper adfuisse sibi peritorum copiam, neque potuisse alienas manus adeò frequenter usurpari, ac sibi è re fuerat. Pari ratione Cælaturam, Sculpturam, Plasticen amavit, ac artifices habuit, qui antiqua opera vel restaurarent, vel imitarentur. Pari quoque Architecturam, universèque Mechanicas, seu quæ machinis, organisque artificiosis circa aquam, & cætera, res mirabilis exsequuntur. Pari etiam Agriculturam, & ut breve faciam, omnem artem, atque industriam: adeò semper illius mens non ad unam quasi Cynosuram, aut Helicen; sed ad omnium artium, ac disciplinarum universum cælum, obtutum intendit.

Supereft aliquid adjiciam de opinione vulgò effusa, quòd componendis variis Libris, & tractatibus admoverit manum. Et sanè haud negandum quidem, quin dudum spem multam fecisset edendi in lucem Antiquitates Provinciæ, evulgandique observationes in numismata, selectaque alia priscarum rerum monumenta: quin flagrasset pridem desiderio emittendi commentarios de Mediceis sideribus, & Calendario Constantiniano; quin voluisset perfectum opus de ponderibus, & mensuris publici juris facere; quin multa quoque alia argumenta non affectasset: quoniam, ut nullum fuit genus laudabilis eruditionis, quod animi sui amplitudine, curiositatèque non fuerit complexus; ita nihil propemodùm fuit, de quo aliquid scribere pereruditè non destinàrit. Veruntamen nihil demùm fuit, cujus descriptionem fuerit aggressus; si ea excipias, quæ, ut jam innui, in Epistolas transumpta inseruit: nam de libello quidem illo indigitato Squitinio quid sentiendum foret dictum est suo loco. Is nempe optimus vir fuit, qui factum satis nunquam putarît, quantumcunque monum-

numentorum aliqua de re obtinuissent : adeò ut toto quidem ævo congegisset varia de argumento quolibet ; sed , quia quo plura nanciscabatur , eò sibi plura deesse censebat , nihil tandem digesserit , imò ne inchoarit quidem.

Memini verò , cùm fatigarer à comprovincialibus circa Historiam Provinciæ (an scilicet brevi foret proditura) quæsiisse ex eo , quoniam usque vellet respondere me nihil aliud , quàm laboris quidpiam adhuc superesse ; ac tum subridendo excepisse illum , ideò interesse , ut opinio pervulgaretur de extrema manu brevi imponenda Historiæ , quòd ea ratione plurimi desiderantes sui , suorumve mentionem in illa haberi , maturarent ultrò conferre vetusta quæpiam monumenta ; quæ secus , ne togati quidem , communicaturi non forent. Addo sperasse quidem illum , ut liceret demùm Belgenferium secedere , immensamque illam congeriem eò delatam evolueret , ac omnibus ritè digestis aliquid eruere , eaque ratione pertexere , ut mereri posse lucem videretur : attamen diffidisse quoque tam de sua valetudine , quàm (negotiis semper incurrentibus) de illa otii felicitàte ; memor præsertim , quòd contigisset circa secessum nuperum , quòd ne recluserat quidem scrinium circa memoratam historiam ; tametsi Valavesius , qui auctor comportandi fuerat , sollicitaret , & se adiutorem , scribamque offerret.

Quare cùm idem subvereretur ; & omnia tamen perire nollet , id cepit consilium , quod jam diximus , ut ex occasionibus interdum subnatis , interdum quæsitis , Epistolas conscriberet , in quas præcipua quæque referret. Heinc dicere licet plerasque exstare , quæ eruditionis referatissimæ pro totidem libris haberi , ac in lucem edi omninò mereantur. Hujusmodi complures sunt , in quibus de rebus antiquis , ac rebus naturæ mirabilibus ita differit , ut nemo non inde erudiri possit. Minimè autem gravabatur , quæ rara habebat ejus generis cum viris & bonis , & amicis communicare ; quoniam eruditos semper diligebat , qui exinde proficerent , & in elaborandis variis operibus adjutarentur. Perinde enim esse censebat , seu ipse , seu alii publica illa facerent ; si modò ea judicarentur , quæ legi utiliter possent. Quin etiam sperabat , ac profitebatur , ubi illa inserta forent cæterorum operibus , tantò utiliora futura , quantò per manus eruditas illustriora evaderent.

Se nimirum non alio fine quærere, & suggerere, quàm ut essent irritamenta præclaris ingeniis, ad comminiscendum meliora. Esse enim se imparem, qui fœtum maturum, elegantemque produceret, aut articulatum lambendo formaret; fœlicem satis, si quoniodocunque parturientibus obstetricaretur. Solebat proinde, etiam non rogatus, cuivis scribenti ita adesse, ut nihil non subministraret, seu ex propriis observatis, seu ex cimeliis (non suis modò, sed aliorum etiam ob eam causam impetratis) seu ex MSS. quos nisi haberet, ex Bibliothecis quibuslibet obtinere satagebat. Ne memorem, quòd neminem ad scribendum quidpiam de re quacunque idoneum, non sollicitaverit, impedimenta, si quæ forent, amolitus non fuerit, pecuniam, libros, & alia, si quæ opus essent, non fuerit largitus.

Sed de Epistolis dicere ut pergam, sunt etiam dignissimæ typis. Morales complures, quibus consolatur, hortatur, dissuadet, aliæque miro cum lepore, ac energia exsequitur: sed nusquam, ut puto, facundior, quàm dum literatos viros admonet; ut à similitudinibus caveant, à convitiis, dictariisque mordacibus abstineant, antiquitati honorem habeant, nec sine specie aliqua reverentiæ ab ea discendant: judicium de rebus obscuris, atque controversis non præcipitent; ambigua pro certis neque complectantur, neque divendant; proferre sua potius, quàm evertere aliena affectent; non eos imitentur, qui iter facturi immorantur in egerendis quotquot occurrunt lapidibus, aut fasciculum rosarum lecturi, spinas priùs omnes ex roseto demerunt; parcant, excusent, elevent, si quid peccatum ab aliis; cogitentque, equisnam tandem dignus laude censendus sit, si impeccabilis duntaxat laudandus; gratè potius excipiant, quòd illi glaciem fecuerint, calleisque asperros complanare saltem tentant: agnoscant nihil esse initio perfectum, neminemque suos conatus collaturum in publicum, nisi aliquam potius gratiam, quàm reprehensionem sperant: meminerint se homines esse; & lapsibus quoque obnoxios, ac eo nomine merituos, ut sibi quoque ignoscatur, si ipsi in alios æqui fuerint; atque id genus alia, quæ referre prolixum foret. Sunt quoque Epistolæ aliæ, quibus commendat, petit, excusat, gratulatur, exoptulat, cæteraque similia agit, tanta venustate, & gratia, ut desiderari nihil possit, adeò natus fuit servando decoro, excogitandis rationibus, affectionibus commovendis. Prætereo autem illum

perrarò Latinè scripſiſſe; ac uſum præſertim Gallico ſermone, aut Italico, cujus ſuauitatem, veneréſque omneis ſuis non modò Episto-
lis, ſed colloquiis etiam cum uiris Italis expreſſit. Ac talis quidem ille Vir fuit.

REDEO jam ad tempus, quo prædiximus ipſum incidiſſe in le- 1637.
thalem morbum. Taceri verò primum non debet, percrebuiſſe Ro-
mæ ante paucos menſeis rumore de illius morte, indèque Pari-
ſios etiam perueniſſe: unde Valaveſius illeic tum degens, literas
dedit congratulatorias, & meliorum votorum plenas. Non ſilendum
etiam, quod ipſe Peireſkius, quatrduo priuſquàm decumberet, hujus-
modi ſomnium nobis enarravit. Videbar, inquit, audire Sacrum in
Sacello Palatii, cum prolapſo ſaſtigio, contignationéque effracta, ipſe,
alièque Senatores, ac Sacerdos obruti ſumus. Cum verò ad ſtre-
pitum primum vellet Sacerdos expavefactus ſacrificium deferere,
Ecquid, inquam, times, ô bone, qui DEUM habes præ manibus? Quan-
quam hæc attingo, non ut videar portenta quædam congerere (ut
ſolent multæ fabulæ pari occasione narrari) ſed ne ad finem prope-
ranti prætermittatur aliquid, quod ſingulare videri poſſit. Cæterum
enim fabulas dixi, quæ referuntur vulgò ſimilia; quòd niſi planè falſa
ſint, occasione ſaltem levi detorqueantur, & mero caſu potius con-
tingant, quàm ex inſtituto naturæ, cui majori curæ non eſt ſapiens,
quàm morio; clarus, quàm obſcurus. Quod ad memorata certè atti-
net, non hac ſolâ vice rumor ſimilis de Peireſkii morte fuerat evul-
gatus, ut ſuis locis attingimus; potuit autem tantò facilius occaſionem
accipere, quantò ſæpius auditum eſt ipſum cum morbis colluctari.
Aliunde dies non multi erant, ex quo tectum Palatii magna ex parte
conſiderat: quare nihil mirum, ſi is caſus animo Peireſkii infixus
ſui ſpeciem, ut vulgò fit, inter dormiendum excitavit; ſed miſtis
aliis circumſtantiis, ob factam aliarum ſpecierum intercedentium
conſuſionem.

Utcumque ſit, inualeſcebant tota urbe malignæ febres, eam-
que ob cauſam, cum nullum ſibi prætermiſſum officium vellet, non
itabat modò ad Præſidem primum, ejusque uxorem jam conualeſ-
centeis, ut retulimus; ſed aliis quoque frequens aderat, de quo-
rum ſalute ſollicitus erat. In iis fuere & Franciſcus à Sancto Marco

1637. laudatus Senator, cujus amorem ingenuum, constantemque summe colebat; & Gregorius Francus familiaris medicus, in quo artis peritiam, lenitatemque morum amabat; & Natalis Galliardus rara indolis adolescens, quem ut sperabat aliquando in judiciis regnaturum, ita ob insignem affectum, quo erga bonas literas accensum norat, deperibat. Cum essent & complures alii, ac morbi essent populares, & fervores augescerent, neque tamen ipse præterea aut abstinere à Senatu, aut à curandis amicorum, domesticisque negotiis, aut ab adiutandis studiosis, aut ab Epistolis scribendis, aut à disquirendis, atque observandis rebus variis; difficile sanè non fuit id, quod evenit, augurari. Accessit, quod cum invisisset Massiliensem quendam amicum in diversorio decumbentem, transferri illum in ædeis suas, ut nitidius, studiosiusque curaretur, voluerit, ac sæpius ipsi adfuerit, & per ipsum quoque delirium, aliaque morbi symptomata arteriam attrectaverit, idonea verba dederit, de victu, deque omnibus necessariis ipsi rebus continenter providerit. Ac ille quidem tandem convaleuit; verum dum convalesceret, coepit Peireskii malè habere.

Dies erat Iunii decimus, cum sub auroram expergefactus, ubi agnovit sese indusum, obsudoris frequentiam, tota nocte non commutasse (ut bis, aut ter debuerat) & persensit interea cum levi sudore frigus horridiusculum, oculos aperuit; & cubiculi non ritè oclusam fenestram conspiciens, morbum sibi ipse præfagiit. Heinc coepit capite dolere; sed surrexit tamen, & curiæ interfuit, amicósque, & agros quosdam pro more invisit, atque salutavit. Domum regressus, cum dolor ille nihilo fieret remissior, prandere prorsus recusavit, sperans (quod antè diximus illi non rarò successisse) fore, ut si integrum diem abstinere planè à cibo, & potu, ingruens malum averteretur. Totum pomeridianum tempus aut sedit, aut decubuit; donec sub solis occasum invisenti illum optimo Campinio occurrere voluit, tunicâ assumptâ, & post confertos multos sermones, ad limen domus deducere. Exeunte illo, advenère, salutaveréque Raymondus Maranus Guillelmi filius, & in eadem Tolosana Academiâ juris professor, cum ingenuo adolescente Fratris consilarii filio, quibuscum aliquandiu agendum in atrio, ad denudato capite fuit: cum simul interea de ipsis domo excipiendis curam agigaret, foretque multum anxius, propter
occu-

occupatam, quæ illis magis congruisset, ædium partem. Ægrè postea 16 37.
conscendit gradus; & cum se deinum recepisset in cubiculum, dolor-
que cum febre ingravesceret, parum iusculi solùm hausit. Observâ-
rat, quoties à cibo, potûque prorsus temperaret, nulla se laborare siti,
quare tum, iusculo assumpto, sitire sese comperiens, haud boni esse
ominis duxit.

Die insequenti, quo festum fuit Dominici Corporis, rogatum mi-
sit, cujus suprà aliquoties meminimus, celebrem juris antecessorem
Hannibalem Fabrotum, qui cum hospitibus versaretur. Ipse totum
diem decubuit, ac præter febrem, dolorem renum, hæmorrhoidum-
que pensavit. Die alio secta ipsi vena, & perseverante febre, balneari
aqua interdictum. Sub vesperam decimi tertii dolor capitis, cum fe-
bre increvit. Sequentæ paullo melius habuit, voluitque redeunte Pa-
risios cursore, qui à Valavesio literas detulerat, manu sua rescribere:
attamen postquam ter tentavit, tæque calamum, cujus vitium esse
opinabatur, commutavit, tertio tandem versu ita manus hæsit, ut illa
postrema ipsi fuerit scriptio. Cum interim Joanni Salvatori, quo me-
dico tum utebatur, de apparanda portione ægrè consensisset, hausit
illam proximo mane: & se ab ea non malè habens, in curas varias in-
cubuit.

Die decimo sexto literas ad Fratrem dictavit, quibus morbum ex-
tenuaret; & sub noctem tamen apparuere illi ad dorsum frequentissi-
ma exanthemata satis magna, ac rubicunda. Subsequentum est febris
incrementum, & nox insomnis penitus. Hinc die alio sub vesperam
eductus est sanguis ex interiore dextri pedis suffragine, ut averteretur
delirium, quod in morbis huiusmodi & frequens, & vehemens erat.
Ac die quidem consequente, qua jam difficilior facta respiratio, ten-
tatus delirio non fuit, sed fuit tamen decimo-nono, agnoscente me,
ac vestigia eruditionis observante. Die vigesimo, quo non tanta fuit,
quanta superioribus, stranguria, aliquantò se melius habuit; nisi quod
à meridie delirium apparuit paullo sensibilius; tametsi id fuit semper
eruditum, mihi que duntaxat perspectum. Nimirum & me ferè unum
alloqui volebat, & parum prorsus loquebatur, & submissè, difficilè,
ac lentè expromebat verba.

Die sequente delirium fuit adhuc vehementius: sed vehementiore
nempe facta febre, per quam denuò apparuerunt plurima exanthe-

1637. mata; & qua nonnihil visa remitti, cucurbitulæ applicitæ fuerunt. Cum videretur proinde tam Salvatori, quam Prifio Insulano medico periculosè laborare, providendum nobis fuit, ne absque salutifero viatico exiret è vivis. Re illi proposita, annuit, Sacrumque præterea intra cubiculum audire die vigesimo secundo optavit. Quare memoratus Minutius, ex Minimorum ordine, licentiâ ab Archiepiscopo impetratâ, & Sacrum fecit, & Sacramentum Eucharisticum illi ministravit. Excepit prius confessionem optimus Rector Congregationis Oratoriæ Jacobus Resius, qui pridem, dum ille incolumis foret, excipere consueverat. Peracta hæc sub horam nonam, cum ille continenter sese infedisset, cui imponi se jusserat, ut facere posset urinæ dimanationem faciliorem.

Defessum nimis arbitrabamur, cum loco evoveri renuit, semoverique arbitros jussit, ut capita quædam Testamenti dictaret. Præcipua fuere, Velle se condi in Majorum sepulcro; intra Sacellum videlicet Ecclesiæ Dominicanorum, quod ad cornu lævum majoris altaris. Legare ipsis Dominicanis libras turonicas trecentas, Oratorii Patribus mille. Mihi Mathematicos libros omnes, cum instrumentis omnibus, & ex libris cæteris, arbitrato meo volumina centum, cum Vendelini effigie. Scipioni Pererio, in pignus affectus, Florentinorum Pandectarum exemplum; Hannibali Fabroto volumina de jure sex, pro arbitrato deligenda; Balthazari Viasio sex numismata, pro ejus delectu; Arthuro Olivario ex antiquis annulis unum; Bonifacio Borrillio iconem Rubenii. Nepoti, lustricis filiolis, viris officiosis, famulis (quos inter meminisse voluit Antonii Agarrati, operam mihi inter observandum res cælestis conferentis) summas pecuniæ varias. Illi, quem ad aurem Fratri nominarat (eventus autem Cardinalem Barberinum fuisse probavit) Pentateuchum Samaritanum. Hæredem instituere Fratrem, & testamenti curatores Honoratum Agutium Senatorem, & mox nominatum Balthazarem Viasium. Id cum in acta fuisset relatum, publicatumque sub vesperam, subscribere ipse, præ debilitate, non potuit. Urina interim retenta, tumorque magnus, ac intensus ad ipsam vesicæ regionem subortus.

Die vigesimo tertio manè, satis quietè se habuit, ægréque tulit fomenta quædam tumori illi applicari. Circiter meridiem hortatus est me, ne Solis altitudinem inobservatam præterirem; meminîtque inter-

terro-

terrogare, solstitium-ne exactum foret. Non multò post verba delirii; 1637
sed curiosi semper, atque eruditi. Sub horam quarram, educenda chi-
rurgi ope urina fuit. Is, cum cereâ candelâ usus nihil proficeret, ca-
theterem, seu organum Algaliâ dictum usurpavit. Et satis quidem
tum derivatum; sed immenso viri labore, qui, cum stare ipse non pos-
set, continendus erectus fuit. Cum non-nihil interquievisset, episto-
lium ad fratrem distavit: ac post horam nonam chirurgus iterum uri-
nam eduxit: verum parùm abfuit, quin deficeret, tanto dolore, tanta
simul lassitudine fuit affectus.

Die tandem vigesimo quarto, ac sub ipsum exortum Solis, rogavit
illum Minutius, num sibi extremam Unctionem administrari pate-
retur. Annuit se id etiam optare, & cum paullò post Parochum adesse
renunciavimus, Valdè sum ipsi obstrictus, inquit. Tum innuens ut
aurem sibi ad moverem, mandavit curarem libras duodecim Parocho
exeunti donari. Sic semper sollicitus fuerat de persolvendis tam me-
dico, quàm chirurgo in quaternos dies honorariis. Cæterum, cum
absolutiones à Parocho pronunciarentur, ipse sponte, ac manu sua sese
crucis signo communiit. Testatus est etiam oblectari se, cum in-
unctio perageretur. Adstiti deinde, ac jussi bono esse animo: nam
si Deus quidem hanc vitæ, laborumque metam præscripsisset, for-
titer ferendum, sequendumque Ducem, quo solitus erat animo in-
fracto. Hæc autem ad verba annuit leniter. Pronunciavit postea Mi-
nutius generalem absolutionem; & cum proposuisset dimittendum
aliis, ut vellet sibi à Deo dimissum, quicquid in ipsum peccaverant;
respondit statim, ita esto.

Interim regio abdominis, quam prætumidam, intensamque jam
diximus, emolliri non-nihil visa, ita deinceps tensa est, ut questus
fuerit se suffocari. Abnuerat à die superiore cataplasmata; tum autem
supervenienti Resius, unâ cum Minutio, rogavit, ut Dei amore ap-
plicationem pateretur. Ille autem, quia ergo vobis ita videtur, ita fiat.
Non longum tamen pertulit tempus; sed amoveri brevi post jussit,
suffocari se iterum conquestus. In remedium ergo ciendæ urinæ quæ-
situs chirurgus; sed is in villam nescio quam, aut quid acturus disces-
serat. Requisite alii, vel manum adhibere ausi non sunt, vel destituti or-
gana fuerunt. Jussit interea se sellæ imponi, verum, demissis pedibus,
sustentare se jam ampliùs nihil potuit; imò, supra sellam ita est col-
lapsus,

1637. lapsus, ut dejecto collo, distortisque oculis visus fuerit nobis animam efflare.

Restitutus lecto sic vireis resumpsit, ut potuerit adhuc de suffocatione quæri. Advenere tum primus Præses, ipsiusque conjunx, qui cursorem novum ad chirurgum evocandum instigârunt. Accersito interim alio, in exscensu lecti constitutus fuit; sed chirurgus frustra adnitente, ob corrugatum præputium, cathederem inducere, est iterum planè collapsus. Resumpserat aliquid virium, cum chirurgus alius sub meridiem redux organum vix tandem intrusit, urinamque frustra excitare tentavit: ac ipse defecit jam tertium, lectoque licet repositus, parùm virium recuperavit. Verbum certè nullum deinceps emisit; tametsi creberrima illa, difficillimaque respiratio visa est interdum vocalis. Heinc à Resio admonitus, ut Servatoris J E S U nomen salu- tiferum pronunciaret; obsecundare non potuit; & rogante illo, ut signum pietatis, quale posset, ostenderet, ostendit aliquoties, oculis sublimè elatis. Denique tot laboribus, doloribusque conflictatus, animum D E O reddidit, paullò ante horam à meridie tertiam: cum vixisset annos L V I, menseis V I, dies X I I, horas X X.

Ab excessu, curâvit Nepos perhonorificum apparari funus. Et quia tum domi versabatur plastes, sculptorque egregius Petrus Pavillonus, quem *de Peireskii* ante duos menseis Roma redeuntem detinuerat, ut & truncam Dianæ statuam, & Tripodem lacerum, & opera alia marmorea restitueret; idèò usurpata illius industria, ut gypseum plasma deformaretur ex totiùs oris dimensionibus, quò deinceps statua quam- simillima ex marmore conficeretur. Medicis quoque visum est parteis corporis internâs spectare; ut mortis causam, licet non foret prorsus obscura, perspicerent. Itaque nocte consequente in id incubuerunt, exsectòque cadavere, deprehenderunt cor, jecur, pulmones, cætera non malè affecta: vesicam verò parte anteriore id contraxisse vitium, ut madefactæ papyri instar, vel levi tactu discerperetur. Heinc creditum illam ab uno, alteròve die disruptam, urinamque proinde effusam in regionem abdominis, memoratum illum tumorem creasse. Postica pars sana, & integrâ magis: in fundo autem copiosum phlegma, cum arenulis non admodum multis. Ad sphincterem caruncula, callosave substantia fuit, quæ infernè lunulata, & triente propè digiti densa meatus orificium obstruebat. In sinistro rene nihil insolitum:

at in

et in dextro fuere arenulæ multæ, cum plerisque calculis, ex quibus 1637.
tres majores visi; unus quasi amygdalum: cæteri duo quasi lupini. Ex
hac ergo causa nephritis ad dextrum latus fuerat; ut stranguria ex
obturato per carunculam orificio. Insequenti die, qui fuit v i i. Kal.
Quintileis, elatum funus magnâ pompâ, magnò omnium bonorum
luctu; conditumque fuit, dum sacra solemni more peragerentur, in
illo majorum conditorio, ad ædem Divi Dominici, undecimâ horâ
ante-meridianâ.

Aberat magno suo dolore Valavesius frater Parisiis, cùm triste fa-
tum nuntiatum est. Præter enim acerbicatem, desideriumq; erepti ca-
rissimi capitis, mœsticiam auxit, quòd assidere laboranti non contigis-
set, quòd non fovere deficientem, non satiari vultu, & complexibus,
non mandata excipere, non extremas voces, quas penitus menti si-
geret, audire. Qui illi casum aperuere, literasque nostras simul red-
didere, fuere Fratres illi Puteani, quibus amicis optimis Fratrum
uterque semper est usus. Ex iis natus major Petro Seguerio Cancellario
carus, rem illi nunciandam suscepit. Cùm ipsum verò offendisset
magnâ frequentia circumseptum, &, rogatus num quidpiam vellet,
quid esset rei significasset; tum ille, secedamus inquit, gravio-
rem enim casum narras, & vir ille major, affinisque carior nobis exstitit,
quàm ut obiter dolendum videatur. Valavesius autem, consternatus
licet, generosè tamen animos resumpsit, & Cardinalem Lugdunen-
sem convénit, qui ipse quoque pro amore, quò erga Fratrem fue-
rat, testatus est insignem luctum. Accessit etiam ad maximum, &
toto orbe, totòque ævo celebrandum Ioannem Armandum Plessseum
Cardinalem Richelium, qui & copiosè significavit quàm caram ha-
beret *τὴν μνηστέαν* memoriam, & Abbatiam Aquisfriensem ultrò col-
latam voluit ejus ex sorore nepoti, ac Præsidis rationum primi Hen-
rici Seguirani filio. Adveniens deinde post unum, alterumve mensem
in Provinciam, nihil potius habuit, quàm justa persolvere, adessè-
que etiam exsequiis, quas, constituto Cenotaphio, Riantiensis ce-
lebreis fecerunt. Scripsit quoque illicò Genuam, ut marmor inde ave-
heretur, erigendo monumento, quod & Fraternali nomini, & amoris
mutuo esset consentaneum.

Cæterum statim percubuit rumor, interiisse Peireskium, quò or-
bis patet literatorum; qui universè perculsi sunt, quasi Parente,

1637. ac Principe rei literariæ defuncto. Neimpe cùm omnium spes foveret, animos omnium erigeret, omnibus præsidio, & auxilio esset; non potuere omnes non frangi, concideréque animis, quasi subducto spiritu, quo universi animabantur. Statim autem dico: nam ecce Lugduno etiam Batavorum, 111. Eidus Julius datæ à Salmasio ad Puteanos literæ sunt, quibus se ineptum ad omnia ex renuntiata morte perscripsit. Et ne præteream quæ subdidit, *Impar sum*, inquit, *animo firmando, qui animo planè despondeo, studiaque nullo habeo loco, ex quo ille non superest; qui ipsorum fautor, promotorque erat. Ac temperaretur quidem desiderium, si licuisset superstiti testatum facere affectum, quem ob collata beneficia merito jure conceperam: nunc autem est mihi moriendum ingrato, quando ille est grati animi significationi præmortuus. Quod possum, illud superest, ut ipsius memoriam veneratione prosequar, & scriptis meis ea transmittam testimonia in posteros, quæ incomparabilis virtus, meritæque nunquam satis æstimanda deposcunt ab homine, qui illum, dum vixit, suspexit, pluræque ab ipso beneficia, quam abs quoquam mortalium tulit. Sed dicere plura non possum, quin effluam totus in lachrymas, & necesse est stylum heic abrumpam.* Ecce aliunde literæ Romæ postridie eas Eidus conscriptæ à Naudæo sunt, quibus hæc inter cætera, *Heu rerum vices! heu fata infanda! heu mors acerba, & infensa bonis omnibus, quæ gestienti latiniæ intercessit; viro illo incomparabili, tunc cùm nihil minus, quam de ejus obitu timebatur, è vivis sublato! Vbi enim crinitum sidus effulsit? ubi de cælo innotuit? ubi terræ-motus, & fragores insoliti, spectraque, & portenta apparuerunt, in ejus viri, omnium maximi, omnium optimi, sapientissimique interitu? sanè ludunt nos, &c.* Alias prætereo literas, in quibus illa passim leguntur, *Nulla ferent talem sæcla futura virum.* Et, *Quando ullum invenient parem?* Et, *Occidit igitur spes nostra? occidit Sol noster? occidere Charites? occidere generis humani deliciæ?* occidit ille, *Solus qui tristes hac tempestate Camænas Respexit?*

Alias etiam prætereo, quibus amici, eruditique, in quorum pectoribus candor, & gratitudo inhabitat, ut dolorem testati sunt, sic consolationem mutuam adhibuerunt. Pervenere ad me complures, sed principem locum eæ tenent, quibus Io. Ludovicus Gayus Balzacus, celebris ille scilicet, cui nemo non Gallicè modò, sed Latinè etiam scribentium elegantia palmam non facillè cedat, singulariter parentavit. Prætereo rursus Epicedia, Epitaphia, Threnos, Encomia, Elogia, quæ tam prosa, quam carmine, variisque linguis sunt evulgata; sed

Latine

Latine potissimum, à Grotio, Rigaltio, Dumayo, Gothofredo, 1637.
Gaffarello, Billono, & aliis; ex quibus nemo succenseat, si honoris
caussa Viassium seponam, qui ut Peireskium summe coluit, ac summo
illi in pretio fuit; ita se impigruum exhibuit in condendo poemate, quo
laudes viri egregias prosequutus est decentissime, copiosissimeque.
Ququam operæpretium erit, si præterea selegero, attexueroque
Epitaphium, quod à Rigaltio contextum est, quodque Valavellius
delegit, ut monumento incidatur. Id igitur ita se habet.

HIC. SITVS. NICOLAVS. FABRY. PEIRESCIVS.
AMPLISSIMI. ORDINIS. IN AQVAR. SEXT.
CVRIA. SENATOR.

CHRISTIANAM. RESVRRECTIONEM. EXPECTAT.
RECONDITISSIMOS. ANTIQVARIÆ. SVPEL-
LECTILIS. THESAUVROS.

SAGACITATE. CONSILIO. LIBERALITATE,
CVNCTIS. ORBE. TOTO.

DISCIPLINARVM. STVDIOSIS. APERVIT.
DOCTISSIMIS. VNDE. PROFICERENT. SÆPE.
MONSTRAVIT.

MIRA. BEATITATE. FELIX.
SÆCVLO. SATIS. RIXOSO. NOTISSIMVS. SINE.
QVERELA. VIXIT.

VIII. CAL. IVL. ANNO. CHR. CIO. IOC. XXXVII.
ÆTATIS. SVÆ. LVII.

OPTIMO VIRO. BONOS. OMNES. BENE.
ADPRECARI. DECET.

Enimverò præterire non decet funebreis honores Romæ habitos;
cùm vel reticere non debeat callida virtutis æstimatio, qua viri sapien-

1637. tissimi etiam hominem Transalpinum condecorandum esse censuerunt. Cum enim & Pontifex Summus, & Cardinalis Barberinus, & cæteri magni, ac eruditi homines non sine ingenti dolore lugubrem casum acceperint; placuit honores decernere, quibus virum de nomine, orbéque Romano, atque literario benè meritum, exornarent. Cooptatus fuerat, dum in vivis esset, ac tametsi absens, in eam, quam vocant Humoristarum Academiam: celebrem nempe societatem eruditiorum hominum, quorum concio bis quoque mense ita cogitur, ut magnâ aliunde frequentia, Academicorum unus orationem pro suggestu habeat, recitent alii poëmata, elucubrationesque alias eruditis auribus dignas. Itaque visum in eo conventu publicos honores Peireskio deferre, institutis licet reclamantibus, quibus id honoris conceditur solum Academiæ Principibus; adeo ut totis quadraginta annis, consequuti ipsum non plures, quam sex, iique Principes memorentur. Sed evicit nimirum fama, splendórque eximiæ virtutis; evicit summi Cardinalis singularis propensio: evicit Camilli Columnæ Academiæ Principis generosa humanitas; evicit Academicorum, quorum suffragia initia sunt, admiratio, & observantia.

Indictus proinde est dies ad XI. Kal. Januarias, quo parata subsellia, tapetibusque pullis instrata, unâ cum suggestu, & imagine τῆς κοινῆς ἐκείνης, conspicuo loco. Convenère autem præter Barberinum, fratremque Antonium, Cardinales Bentivolus, Cueva, Biscia, Pamphilus, Pallotta, Brancatius, Aldobrandinus, Burghesius: ac cæterorum perillustrium, doctorumque hominum multitudo tanta, ut illi capiendæ aula non suffecerit. Et carmina quidem in defuncti laudem Italicè, Latinè, Græcè recitârunt lectissima totius urbis ingenia: funebrem verò orationem copiosam sanè, & elegantem pronunciavit Ioannes Iacobus Buccardus delectus ad id muneris, tum ob raras ingenii dotibus, tum ob amorem patrium, specialémque erga Maneis dilectissimos affectum. Præcipua ejus orationis commemorarem capita; sed ea aliquoties edita jam est, unâ cum nuncupatione Cardinali maximo facta, cumque subjuncta Epistola ad Luillerium jam memoratum. Accessere verò editioni Romanæ non recitata modò illa ab Academicis carmina; sed literæ etiam Naudæi, quarum mentio facta jam est; & fasciculus prætereà insignis Elogiorum funebrium, quæ, quòd totius propè orbis idiomatibus sint expressa (quadraginta enim, proximève sunt)

sunt) ideò titulus ipsis ΠΑΓΓΛΩΣΣΙΑ, sive generis humani Lessus in funere delicti sui. Cùmque ea editio probari deberet, Magistro sacri Palatii, prævicit ecce, declaravitque censurâ suâ Lucas Holstenius, illam Buccardi laudationem disertè, & eleganter, atque ea prorsus puritate, ac candore scriptam, quo summus ille, & incomparabilis vir semper vixerat; & Epicedia à clarissimis, ac præstantissimis viris conscripta, hoc est ipsas Musarum lacrymas limpido, & erudito Romanæ Academiæ humore in Perefcii funere mananteis ad tanti viri memoriam posteritati consecrandam typis excudenda; cùm hominis ad bonas literas, artesque juvandas nati exemplum sanè illustre ob oculos ponant.

Atque hæc quidem Romæ peracta paullò fusiùs commemoro: quoniam ea fuit quasi Apotheosis, quam totius Orbis applausus excepit. Nam licèt nemo eruditorum non totis votis optaverit, ut Peireskii fuisset diuturnior recreator hominum (quod olim dictum de Principe) quàm maturior Divorum comes: attamen placuit omnibus exhibitos illi post mortem honores in eo theatro, cujus fuerat dignissimus creditus, dum esset in vivis. Ac fortassis quidem, si esse contigisset superstiti, fuissent tandem amplissimi, non expetenti licèt, delati; verùm ii nihil poterant gloriæ illius addere, qui suffragiis communibus fuit semper quam-maximis dignus. Quin etiam, ut fuit semper ditior iis, quas contempsit opibus: ita gloriosior honoribus, quos ambire est dedignatus. Quare & licèt medio in spatio integræ ætatis ereptus, quantum tamen ad gloriam spectat, ævum peregit longissimum; qui virtute sua obtinuit famam nominis sempiternam. Quippe donec supererunt, qui bonas literas amabunt, memoriam illius carissimam ducent, cujus amorem in literas, & munificentiam erga literatos, per omneis respersam libros contuebuntur. Multorum passim meminimus; sed reticuius longè plurcis, etiam ex inscriptis ejus nomini; quoniam obrutis rerum copiâ, visum satis est ea seligere, ex quibus, quæ essent in oculis omnium, monstrata intelligerentur. Unum reticere non licet, quod hujus loci est propriû; nempe Auctores plurimos consecranda illi destinasse sua opera, quo tempore est fatis functus. Fuère inter illos Campanella, Licetus, Hortensius, Buccardus, Arcolius, & quis tandem non? Quid putas verò præstitum fuisset, si congitiisset illi ætatem maturiorem attingere? Plurima sanè, & maxima censerì possunt ea, quæ peregit: at sublatas

tamen tunc est, cum inciperet jam seipsum præclarissimis facinoribus superare. Iam enim plureis sibi vias aperuerat in omneis Europæ Provincias: in Asiam, ac totum Orientem; in universam Africam, & ad extremam usque Æthiopiam; in utramque Americam, & in cognitum etiam Orbem; adeo ut jam posset uberius quacumque patet genus humanum, commiscere mortaleis omneis literarum commercio; & literatis omnibus expetita omnia librorum, aliarumque quarumvis rerum subsidia facere in promptu.

Sed de iis quidem, quæ fuerant illo superstite futura, Deus optimus viderit. Luctum certè maximum fecit; cum Gubernatorem eripuit, qui tenebat clavum Navis literariæ, vel potius ipsam Cynosuram, in quam eruditi omnes respectabant; non substitutâ interim aliâ, ad quam ora obvertant sua. Nam sunt quidem, qui opibus, auctoritate, gratia, certum genus eruditionis, eruditorumque adjuvent, ac foveant: verum nemo est, qui, illius instar, quoslibet, ubivis sint gentium, studio prosequatur ardentissimo; curas in id omneis convertat, nihilque non posthabeat; peculium in eam rem exhauriat, liberalissimèque profundat; fide sit apud omneis magna, & occasiones benefaciendi voluntate, industria, felicitate maxima captet. Vix certè credibile est exoriturum unquam virum, perinde natum, comparatumque. Nam & quamvis superior ætas, felicitate sæculi oppidò perrara, produxerit triumviros illos, Pinellum, Velferum, Molinum, singulari studio in omne literatorum nomen propensos: Peireskius tamen supervênit, qui singulorum virtutes ita est complexus, ut omnium laudes, quasi infra se positas, prægravasse videatur. Quin-etiam, cum ante claros illos viros, vix pauci memorentur Reges, Imperatoresque, qui pari affectu ducti fuerint; videtur Peireskius alia nulla re, quàm opum amplitudine, ostentationeque inferior. Censuere id certè viri eruditi, cum verè regium, magnificumque ejus animum commendantes, & exemplar beneficentiæ nunquam intermoriturum agnoscentes, prædicavere eum occupasse destinatam Regibus gloriam; ac ipso quoque Mecœnate tantò fuisse laudabiliorum, quantò Augustum non habuit, cujus favore, largitioneque benefaciendo uteretur. Atque is demùm verus est fructus, quem ille consequutus est, ut gratam sui recordationem in illorum pectoribus consecratam reliquerit, qui ipsum cœlo exæquant, in omnem transire post-

posteritatem. Splendorem quærunt alii amplificandis Imperiis, du-
cendis exercitibus, exhibendis spectaculis, Mausolæis, Pyramidibus,
aliisque id genus extruendis, sed illos tamen velut inglorios, &
ignobileis oblivio tandem obruit, aut, si quæ memoria eorum supe-
rest, vel despectui est, vel affectu caret. Ii soli, qui benefaciendo
nomen, decusque comparant, immortalitatem sic adipiscuntur, ut
nemo unquam sine ardore, tacitoque sensu gratitudinis meminisse
illorum possit.

HAC ière via omnes Proceres, ad quorum amorem
post tot secula nos historiæ lectæ pelliciunt; hac tu va-
dis cœlesti passu, Ludovice Valefi, Principum optime;
cujus immensa bonitas sentiri à nobis, non exprimi potest.
Haud abs re sanè sum ominatus, tam caram tui memo-
riam, quàm Timoleontis perennaturam: tulisti me enim,
satis memini, de exacta illius vita apud Syracusios, qui-
bus præerat, differentem. Quippe, neglectis rebus tuis, in
eam curam totus incumbis, ut laborantem Provinciam su-
stentes, foveas, subleves, & (si liceat per tempora) in
pristinum etiam splendorem restituas. Perge modò tam tui
amanteis, tam in te propensos demereri populos; ii nempe
sunt, qui etiam-num Renati illius, ex tua prosapia, Re-
gis optimi, ac beneficentissimi, renascentem gloriam pro-
pagant, & colunt. Sed ut concludam, Hæc tandem sunt,
quæ te jubente, ac aliis variè efflagitantibus, de Peireskio
dicenda habui. Non deprecor veniam, quòd extremam
manum seriùs, quàm optâris, imponam: nosti enim diutur-
num morbum, diuturniorésque reliquias, quibuscum est
anni

anni dimidium exactum. Vix jam certè sum ab iis liber, ut credere possis opusculum hoc valetudine dubia lucubratum fuisse, atque idcirco nihil esse mirum, si animi cum corpore languentis præ se ferat notas. Qualecumque id fuerit, animi saltem erga te obsequentissimi testimonium feret. Ipse interea me comparo, ut ad te (quando pro tua illa rarissima humanitate ita videtur) quam primùm redeam.

Tu benè vale, Principum decus. Absolvebam Diniæ, XI I. Kal. Mart. anno salutiferi partus

clō. Ioc. xxxix.



PEIRESKII LAUDATIO

Habita in Concione funebri Academicorum
Romanorum.

DIE DECEMB. 21. AN. 1637.

Jo. Jacobo Buccardo Parisino perorante.

PRæclarè à vobis, & ex ordinis, nominisque vestri dignitate factum est; Academici Romani; quòd clarissimo Viro Nicolao Claudio Fabicio Perescio, Gallorum humanissimo, atque doctissimo, publicos in morte honores, funebrémque laudationem decrevistis. Si enim pius mos iste à majoribus vestris, maximè ad eos homines, qui de Republica benè meriti essent, ornandos, & ad omnem posteritatis memoriam commendandos institutus est: tanta quidem, ac tam præclara extant Perescii merita, atque ornamenta, in eam Romanæ Reipublicæ partem, quæ doctrinæ, atque humanitatis studia complectitur; ut non solum labefactatæ rei literariæ invidiam à Transalpinis nationibus removisse, sed & ipsorum Romanorum gloriam in colendis artibus adæquasse, vel potius superasse videatur. Omnes enim ex omni ætate, qui in hac civitate disciplinas, & scientias, vel industriâ suâ illustrarunt, vel autoritate, atque liberalitate, ornaverunt, si vnum in locum conferantur, cum Perescio minimè videntur comparandi. Qui cæteris denique omnibus virtutibus adèò excelluit, ut etiam hoc uno ætas nostra potuerit in omni genere laudis, cum antiquitate certare. Quo majus mihi, ac difficilius onus impositum esse video; ut ego scilicet mediocri prorsus ingenio, nullo dicendi usu, aut facultate, homo peregrinus; in hoc ornatissimo

Romanorum, id est difertorum politorumque hominum confeflu, de innumeris, ac propè incredibilibus viri laudibus verba faciam. Quod quidem à me nec confidentia, aut temeritate quadam fufceptum est; eruditiffimi Academici: fed tum mea in vos obfervantia, qui munus iftud honorificentiffimo veftro decreto, ad me detuliftis; meoque in eos obfequio, qui ut fummum in me tenent imperium, ita illorum autoritatem, meo de me iudicio præferre neceffe habui: tum verò maximè benevolentia, atque pietate; quæ me ad gratias, quas vivo Perefcio magnas femper habui, mortuo demùm, hoc fupremo humanitatis officio referendas, pro ejus in me meritorum magnitudine impulit. Cùm enim in patria vitam ftudiis, quibus ufque à puero deditus fui, maximè accomodatam, vivere mihi per parentes non liceret; dum me in forum, & ad curiam nolentem trahunt: Luteria ampliffima, potentiffimaque urbe fponfe carens, ad hanc veftram, in voluntarium exilium venire tandem decrevi: ex qua nimirum religiones, leges, literas; omnem denique rerum omnium cognitionem, omnem vitæ elegantiam, ad nos olim effluxiffe, cùm librorum lectione cognoveram, tum eadem hæc omnia, nunc fub humaniffimo, fapientiffimoque Pontifice, in ea magis magisque vigere, ex eruditis noftris hominibus intelligebam. Quibus potiffimum autoribus, cùm Perefcium rerum Romanarum gnariffimum, ex itinere conveniffem: is me & liberali hofpitio, atque in intimam accepit amicitiam, & cum tam præclaris de hujus civitatis instituto præceptis, atque ita gravi ad literatos primariosque urbis viros commendatione, Romam ex Provincia decedentem profecutus est, ut ftatim fub meum ingreffum, non folum populi ingenium, publicosque mores cognoverim, meque eis commodarim facillimè: fed etiam in veftrum omnium; eruditiffimi Academici; confuetudinem me infinuaverim, & quod maximum est, in fummorum virorum rei, & publicæ & literariæ principum familiaritate, eum qui non nifi claris, doctisque hominibus effe folet, locum obtinuerim. Quare impius profectò, ne dum ingratus apud vos, cæterosque omneis haberer; cùm literatiffimos quosque maximè Italos, laudatione poft deceffum profequi olim inftituerim; fi hodierno die omnium doctiffimum, mihi que patriæ, neceffitudinis, & beneficii vinculis conjunctiffimum virum, laudandi munus, quantumvis arduum, ac difficile recufarem. Itaque rem aggrediar magni nominis,

nominis, magni exempli; novitatis, admirationisque plenissimam: & quantum eloquentiæ ad id mihi deest, tantundem cum à singulari mea in præstantissimum virum pietate perceptique ex ejus obitu doloris magnitudine; quæ nonnunquam disertos ac copiosos facit: tum à vestra benevolentia; Patres amplissimi, vósque cæteri ornatissimi viri; vestraque in me attentè audiendo benignitate, mutuari, atque adeò suplere conabor.

Nicolai Claudii Fabricii Perescii vitam; quæ supra hujus ætatis hominum captum, morémque putanda est; cum illis antiquiorum præstantissimis, ac beatissimis comparanti mihi; una præ cæteris Titi Pomponii Attici, par adeò, & similis visa est; ut eam interea dum ad alia propero, quæ expectationem de Claudii Fabricii doctrina, literarumque studio, à me ab initio concitatam magis expleant; veluti absolutissimam tabulam vobis proponendam censuerim: in qua expressam Perescii ingenii, virtutumque imaginem videatis. Ambo siquidem nobilibus, literarumque studiosis geniti parentibus, pueritiam in liberalibus doctrinis, sicut adolescentiam in literata peregrinatione, apud externos principes, doctósque viros honoratissimi consumsere. Ambo magnas, & amplas in patria gessere amicitias: bonos viros, & studiosos, tam ab aliena injuria, quàm à mutua inter se obrectatione; nec non ab egestate vindicare. Domi, in quam uterque omnium ordinum homines liberaliter invitavit, plus salis, quàm sumtus in victu; velut in cultu non affluentem affectavere munditiam. Optimis alioquin omnibus rebus usi, familia in primis, ut ne pedissequus quidem quisquam esset, qui non & anagnostæ, & librarii munus pulchrè præstare posset. In Republica, quæ utriusque temporibus varia admodum commutabilisque fuit; ita ambo versati sunt, ut semper optimarum partium essent. Honores verò, qui in ea sibi patebant, non petierunt: sed ordine, quo orti essent, contenti, in veteri vitæ instituto, id est in studiis maximè Philosophiæ, atque antiquitatis; suavissimis, optimisque moribus, ad senectutem benè, beatèque vivere.

Hæc pauca ex multis exempli causa attuli, ut sic deinceps habeatis: omnium Titi Pomponii virtutum, quarum pulcherrima extant in antiquitate monumenta; maximè temperantiæ, probitatis, atque prudentiæ laudem, cum Perescio esse communem. Quamobrem jam ad illas venio, ad quas dudum festinat animus, quæ Claudii Fabricii

adeò propriæ, tamque suæ sunt; ut nemo ex omni ætatum memoria, cum ipso de earum gloria contendere, vel in societatem venire possit. Nimirum assiduus, ac propè incredibilis labor, egregiæque opera, in omnium magnarum rerum, atque artium scientia, literarumque cognitione percipienda: ardens in eas conservandas, amplificandasque studium, acrisque cura: perpetua denique, & constans voluntas, in homines literatos ornandos; & regia in ea omnia liberalitatis magnificentia. In quibus persequendis, ea veritatis simul, ac brevitatis ratio à me habebitur, ut remoto omni insigni orationis ornatu; simplici, ac planè historica narratione, Perescii studium, liberalitatem, & in commentando, scribendoque diligentiam, rei literariæ præstittas, summatim exponam.

Gens Fabricia, postquam ex equestri ordine, apud quem per tercentos, & amplius annos, militari gloria floruerat, in senatum Aqueensem cooptata est; ita ingenio, & doctrina excelluit, ut non solum amplissimæ dignitatis, sed etiam summæ eruditionis, in quartam sobolem propagatæ hæreditas, unà cum satis lauta literaria suppellectile, ad Nicolaum Claudium Fabricium venerit. Qui cum avitas studiorum maximè, atque doctrinarum possessiones, non solum tenere, immo etiam aliquid, atque adeò multum illis addere de suo decrevisset; omnem curam, sumtumque posuit, in ornando potissimum, atque amplificando eo instrumento, quo in optimis artibus comparandis, magno prorsus opus est. Quamobrem ubi optimos quosque libros, primum sibi undique colligendos; deinde auro, purpura, omni denique eleganti, & magnifico opere ornandos, per egregios artifices, qui suæ domi vivebant, diligenter curasset; illosque omneis diligentius evolvisset: nihil quidquam habuit antiquius, quàm ut tota Europa peregrinaretur: non solum ad hominum qui tum vivebant, mores, civitatumque instituta noscenda: sed ut tanquam in rem præsentem veniens, eaque demùm subjiciens, quæ auditione, vel lectione acceperat vetustiora antiquitatis monumenta acerrimè contemplaretur: ac quæcunque inde auferri possent, domum secum in bibliothecam transferret. Quò primum iter dirigeret, Italia se se obtulit: in qua cum ingenia præstantissima, & elegantissima, humanissimi, optimique mores, leges denique præclaræ, atque salutare nunc vigent; tum verò pristinæ fortunæ, illorumque omnibus artibus florentissimorum

morum temporum, reliquæ plurimæ supersunt. Lustratis igitur Li-
 gurix, Etruriæque oppidis, ad hanc vestram urbem, velut ad divini,
 humanique imperii domicilium, & antiquitatis atque humanitatis se-
 dem, magno itinere contendit: ubi fora, theatra, templa, ther-
 mas, arcus, & cryptas; oculis, pedibusque diligentissimè permensus
 est; sicut obeliscos, columnas, statuas, æra, marmora, gemmas, at-
 que codices; omnia denique prisca magnificentiæ, artiumque monu-
 menta; quæ in vestrorum murorum ambitu, plura quàm in reliquo
 terrarum orbe, atque illustriora reperiuntur; attrectavit, & quæ-
 cunque potuit domum abstulit: partim maximo pretio emta: partim
 oblata, dataque à doctis hominibus, qui, ut semper Romæ, tum
 maximè studiosissimorum munificentissimorumque Principum Al-
 dobrandinorum, tempestate, plurimi atque humanissimi fuere.
 Quos omneis, præcipue Fulvium Ursinum, & Lælium Pasquali-
 num, viros in colligendis, colendisque antiquitatum reliquiis dili-
 gentissimos, & maximè industrios; ad admirationem, atque amicit-
 tiam adolescens Perescii virtus, eximiaque doctrina traduxit. Ean-
 dem expectationem, favoremque Romæ Neapolim secum attulit,
 dum versatur cum Matthæo Capuano Conchanorum Principe, magis
 literarum amore, atque scientia, quàm summa dignitate, generis,
 fortunæque claro; ac Marte Gurgustiola, in supremo consilio vi-
 viro apprimè docto: qui ambo locupletissimos omnium rerum anti-
 quarum thesauros domi habebant. Celebreis præterea Joannis Bapti-
 stæ Portæ, atque Ferrantis Imperatiæ deis ibi frequentavit: quorum
 illerum occultarum, & quasi à natura involutarum acerrimus in-
 vestigator, atque interpret: hic custos, & conservator diligentis-
 simus fuit. Et cum hisce rebus, non minùs quàm antiquitati stu-
 dium suum, laborèmque Perescius impertiret; conditissimum
 quemque investigavit angulum, non solum amplissimæ, pulcherri-
 mæque urbis, sed & totius felicissimi illius agri Campani, in quo
 jucundum, naturæ mirabilibus illic maximè gaudentis operibus, &
 antiquæ Græcorum, Romanorumque magnificentiæ, ac luxuriæ,
 certamen spectaret. Italiam reliquam, omnemque Galliam Cisal-
 pinam pari diligentia lustravit: Ravennam ex itinere divertens, ut
 inviseret, cum funesta illa Gothicæ barbariæ trophæa, Romani Impe-
 rii ruinis imposita; tum maximè Hieronymum Rubeum, istarum anti-

quitatum, ac Medicinæ scriptorem luculentum. Inde Patavium se contulit, invitatus præsertim fama, quæ de eximia Vincentii Pinelli doctrina, ejusque refertissimo omnibus omnium linguarum, atque scientiarum voluminibus Musæo, ita tum Europam peragrabat: ut docti homines, antiquos libros in Bibliothecam collecturi, vel suos edituri; ex longinquis locis illuc ad eum consulendum venirent. Ibi Perescius aliquandiu moratus est, non tantum ut in Pinelli domum, ac Bibliothecam, sed etiam in illius consuetudinem penetraret: in quam se demum totum dedit; ad eximium ejus in literas, hominesque literatos ornandos studium, & cæteras omnes viri præstantissimi virtutes cognoscendas, percipiendasque; quas scilicet imitaretur, & cunctas ipse aliquando reiliterariæ, cum maxima ad singulas accessione præstaret. Eamque de se spem adeo magnam, ac propè exploratam jam tum illic dederat, ut Paulus Gualdus, vir & suopte ingenio, atque doctrina, & intima Ioannis Vincentii familiaritate clarus; in commentariis, quos de ejus vita satis eleganter conscripsit, de Perescio affirmaverit: Ætatem nostram, si quem Pinello parem ferret, non alium ab eo fore, qui Patavii vix dum plenam pubertatem egressus, eo ardore Pinellum, Pinellique studia fuerit complexus, ut ipsi Gualdo, cæterisque doctioribus viris, miraculo esset. Qui quidem homines eruditi, quotquot Patavii tunc ætatem in literis beatissimè agebant; in primis Pinellus ipse, & Hieronymus Aleander, atque Laurentius Pignorius, limato judicio, sicut polita doctrina excellentes, gravissimum hoc egregiæ indolis, à Gualdo tributum Perescio testimonium, adeo approbaverunt, eamque in illo admirati ita amavere; ut præsentì domum quisque suam, maxima cum hospitalitate patère voluerint; suæque reconditoria, tam quæ in privatis Bibliothecis, quàm in publicis tabulariis, Patavii & Venetiis, urbe earum, cæterarumque rerum abundantia, florentissima fervarentur, iidem postea absenti; quod plerique etiam ex reliquis Italiæ, atque adeò Europæ civitatibus fecere; de studiis per literas communicaverint, librosque suos ab ipso, vel in ejus nomine edendos honoris causa miserunt. Sic florens gratia, & hospitii clarissimorum, doctissimorumque hominum, ubi se locupletavit signis, tabulis, nummis, codicibus, cæterisque vetustissimis Italiæ ornamentis; Germania, ultimaque Britannia peregrinari perrexit. Atque

ibi quidem plurimas antiquitatis reliquias collegit, nec non existimationem, ac benevolentiam hominum, non solum in sapientiæ, ac literarum studiis, sed etiam in pictura, Architectura, cæterisque elegantioribus artibus excellentium: quos Claudius Fabricius, illorum operum elegans spectator, ut olim in Italia, ita tum in illis regionibus coluit, ac sicut cæteros omnes viros doctos, ad suam adjunxit necessitudinem: præcipuè Petrum Paulum Rubenium, & ob rerum antiquarum cognitionem, & picturæ, sculpturæ, Architecturæque scientiam, quas ex Italia ad Belgas, primus cum pristino splendore, atque dignitate, transtulisse videtur: Marcum Velferum rei publicæ apud Vindelicos, & literariæ in tota Germania constituendæ, studiosissimum $\overline{\text{Ti}}$ -virum: Ioannem Barclaium, tum in Britannia, magnam ex doctrinæ, ingeniique elegantia laudem adeptum: Danielem Heinsium Batavorum potissimum; omniumque doctissimum ejus doctorem, Josephum Scaligerum, qui Claudium Fabricium, sibi tantum fama, ac nomine notum, ubi primum secum de literis loquentem audivit: vir acri, certoque judicio, ipsissimum Perefcium ipsum esse affirmavit. Postrema fuit Parisiensis peregrinatio, quam ob librorum optimorum, doctissimorumque hominum copiam ibi affluentem, iterare ei visum est. Priore, se dedit Jacobo Augusto Thuanò, ejusque celeberrimæ Bibliothecæ; ad quam Isaacium Casaubonum, Franciscum Pithæum, cæterosque summos viros, ex superiori sæculo, præstantium ingeniorum in Gallia feracissimo superstites, Claudius Fabricius videbat ventitantes: qui ipsum Thuanum, velut historiæ, ita reliquarum maximarum artium, ac hominum, qui eas profiterentur, principem patronumque optimum, & Gallici imperii, atque majestatis, acerrimum defensorem, quotidie celebrabant. Post decennium domi consumptum, in recognoscendis literarum, antiquitatisque monumentis, ex tota Europa collectis; illisque in Musæum suum, atque in memoriam, quæ ipsi propè divina fuit, redigendis, digerendisque: Lutetiam iterum se contulit, ad versandas, vorandasque reliquas Bibliothecas: Regiam scilicet, Dionysianam, Victorianam, D. Germani, atque Memmiorum; & studiosos illarum cultores invisendos; quorum veluti nova soboles illic tum florebat. Inter quos, hodie excellunt Puteani fratres humanissimi, qui apud Thuani filios, patriis ingenii, virtutisque dotibus ornatissimos,

cogna-

cognatos suos; non solum ejus Bibliothecam, sed etiam literas, hominésque iis deditos, veluti suæ tutelæ, ac fidei, Iacobi Augusti testamento commendatos; quibuscumque rebus possunt, juvant, & mirabiliter ornant: Nicolaus Rigaltius, politiore doctrinæ, judicii-
 que elegantia, & incorrupta Latini sermonis integritate, omnibus antecellens: cui nos, si modò in hoc genere literarum aliquid profecimus, id totum debere gloriamur: Claudius Salmasius, & Hugo Grotius, qui literaturæ, optimarumque artium principatum sibi vindicant. Petrum Seguierium, Henricum Memmium, atque Hieronymum Bignonium; viros magis doctrina, eximioque suo in literas studio, quam supremis Gallicæ purpuræ honoribus illustreis, brevitatis causa omitto. Sirmondum relinquo, Petavium, Morinum, Merfenium, Burdelotium, & Valesium, aliosque propè innumerabileis; ex summa doctrina, præclarissimisque suis scriptis, maximè claros: quorum omnium animos, atque voluntates sibi conciliavit Claudius Fabricius, & ad suos, id est ad rei literariæ usus conjunxit. Atqui unum præterire nequeo Gulielmum Varium, non minus eloquentiæ, ac Philosophiæ studio, cæterisque maximis virtutibus; quàm sanctissima cum hoc nostro Attico amicitia, Marco Tullio comparandum. Is ex quo Perescium in Senatum Aquisensem, cujus ipse princeps erat, legit: continuò in consuetudinem ejus se dedit, sic ut prorsus unà illic vixerint; nec unquam postea passus sit eum à se separari. Quare cum in aulam à Rege evocatus esset, ad annuli signatorii custodiam; quod summum est apud Gallos, togati hominis fastigium; eum illuc secum duxit; unum esse in tota Gallia dignum existimans, quem contubernalem, & consiliorum in Republica, atque honorum, adiutorem, sociumque haberet. Hujus porro gratia, Perescius nulla ferè in re usus est, nisi in deprecandis amicorum, hoc est doctissimorum virorum, aut periculis, aut incommodis; & studiorum ratione procuranda: ad quam præter cætera egregia ornamenta, id demum maximum contulit; ut se autore, maxima vetustissimorum codicum copia, Regis nomine compararetur; ad supplendam, atque amplificandam Parisiensem Bibliothecam: quæ omni tempore, ad omnium usus ita patet; ut ex ea maximè, præclariora antiquarum doctrinarum monumenta, in diem eruantur. Quo autem potissimum beneficio, se à Vario ornatum voluit, id unum propè fuit; ut vetustissima curiarum, templorumque

rumque tabularia, in omnibus Galliæ oppidis, sibi ex ejus autoritate invisere, atque excutere liceret. Cùm ab opibus alioquin, & honoribus consecrandis tam esset alienus, ut sæpius repudiaverit à Vario ultrò oblatos, qui cùm Claudium Fabricium in amplissimum, pristinaeque dignitatis apud Gallos maximè retinentem, Antislitum ordinem cooptari vellet: vix ab eo tandem impetravit, ut mediocre acciperet sacerdotium. Mortuo Vario, qui suam omnem, ut ita dicam, antiquariam suppellectilem, amicissimo, studiosissimoque viro legavit; & testamenti tabulas, illius fidei atque auctoritati commendavit: domum, Musæumque suum diu desideratum, spectabat Perescius, cùm ecce sub ipsum à Parisiensi aula discessum, ad Romanam denuò ex itinere invitatur: optatissimo nuntio de novi Pontificis creatione, Maphæi scilicet Barberini Cardinalis. Si quidem hunc ante pontificalia insignia, perinde ingenii doctrinaeque, ac sanctitatis in Republica Romana principem, ipse tam benè noverat; procurataque olim simul, atque iterum, divinorum illius poematum editione, aliisq; officiis demeruerat; ut cùm nuntius, qui Regem ante omnes de ea re certiolem facere vellet, obvio Perescio tantùm dixisset: virum Romanorum Principum eruditissimum, eique amicissimum, in mortui Pontificis locum suffectum; ipse continuò, Maphæum ad gubernacula Reipubl. sedere intellexit; cum incredibili lætitiæ voluptate. Prævidebat enim literarum studia, in lucem, atque splendorem sub doctissimo Pontifice revocatum iri; studiososque, vel ex ultimis terris, ad aulam Barberinam celebrandam, ornandamque; honorum, ac præmiorum spe advoluturos. Ad quam temporum, literarumque felicitatem, oculis saltem usurpandam, ac Pontificem sui studiosum adorandum, Romam ab amicis non invitatus attrahebatur. Sed professionis causam, ambitionem, à cujus vel suspicione abhorrebat, potius quàm officium, visum iri nolebat: & postquàm ex Circes insula, tanto labore tandem solvisset, si cantibus Sirenium illiceretur, ut apud eas hæreret veritus est: quare in suam tandem Ithacam, ad optatissimum studiorum portum, se ex longa peregrinatione recepit. Tunc enimverò Perescii Musæum, ac tota domus, ex præsentis domini regali propè liberalitate; qua videlicet non solum in literas, earumque instrumenta ornanda, sed maximè in studiosos homines juvandos, colendosque, deinceps usus est; ipsa Alcinoi Regiâ, & magnificentior, & hospitalior evasit.

Delectum Romanæ aulæ florem , illuc aliquantò post Cl. Fabricii accessum , secum aduexerat Franciscus Barberinus Cardinalis ; qui à Pontifice ad iustissimum , fortissimùmque Galliæ Regem , Legatus mittebatur. Porro autem hunc , ac nobilem ejus comitatum , lautè adedò , atque splendide accepit Perescius , ut cum ipsius Regibus de magnificentia certare visus sit ; admiratus , veneratúsque in juventutis Principe , cum maturam patruī Pontificis prudentiam , atque sanctitatem : tum maximè singularem literarum scientiam , & erga homines studiosos voluntatem. Atque ob illas adedò excellenteis primarii juvenis virtutes , ei usque ad extremum vitæ spatium , ita omne officium , cultumque tribuit ; ut nullus fernè ex Gallia in Italiam trajiceret , cui non tantum literas observantiæ , sicut eruditionis plenas , ad eum perferendas traderet ; sed & libros , plantas , atque animalia rara , peregrinæque , ad locupletissimæ bibliothecæ Barberinæ , hortorumque ornamentum. Cui vicissim humanissimus Princeps , maximas semper habuit gratias , & eadem epistolarum frequentia , similibusque muneribus retulit. Haud minori observantia , ornatissimos & doctissimos quosque , ex celeberrima Legati cohorte coluit Perescius : Cassianum Putealem ante omnes , virum ob generis , virtutum , atque eruditionis claritudinem , summis laudibus honoribusque dignum ; cum quo , morum elegantissimorum , & in optimas artes , earumque cultores , prolixæ naturæ similitudine , sibi conjunctissimo ; de omni studiorum suorum ratione , familiariter deinceps communicavit. Item cum Ioanne Baptista Donio , qui ob ingenuitatem , aptumque ad omnium magnarum rerum scientiam ingenium , fuit ipsi charissimus. Istarum amicitiarum ibi tum , sicut Romæ demum aliarum , conciliator fuit Hieronymus Aleander , vir optimis artibus , summisque ornamentis præditus , & ab adolescentia , Fabricii amantissimus ; qui nobilem ejus , plenamque dignitatis , atque sapientiæ domum , præstantissimæque studia , tunc ita miratus est ; ut unum omnium mortalium maximum , atque felicissimum Perescium , palam deinceps prædicare soleret : sapiusque cogitaverit , ex aula , atque ipsa urbe , ad ejus suavitatem , pretiosissimùmque literaturæ thesaurum fruendum , Aquas Sextias migrare. Quò deinceps omnes principes viri , qui Reipublicæ causa , ex Italia in Galliam , vel illinc ad hanc provinciam trajiciebant , ex itinere diverterunt : ut hominem convenirent , penes quem

erant

erant commentarii, Acta, & reconditoria regnorum instrumenta; quique regionum situs, descriptiones temporum, populorum origines, leges, fœdera, bella; Regum, virorumque primariorum stirpeis, cognationes, atque successiones optimè noverat: sic ut nemini fundi, domusque suæ ratio fuerit, quàm illi orbis nostri status, atque conditio notior. Omnes item cujusvis ordinis, ac nationis homines, magnarum peregrinarumque rerum studiosi, illuc se conferebant, ad ipsum celeberrimumque ejus Musæum invisendum; in quod præclara, raraque omnia collecta, sub uno aspectu cernere erat; quorum conspiciendorum causa, antea mortales universum terrarum orbem peragrabant. Illa siquidem propè cuncta, secum ex peregrinationibus domum attulerat, tam ipse Perescius, quàm frater ejus Palamedes Fabricius Valavesius, vir humanissimus; qui ambo in studiorum, domestici vitæ, rei que familiaris communitate, ita extra simultatem ad senectam vivere; ut nunquam alter cum altero in gratiam redierit. Ad ea porro, nova quotidie comportabantur, non solum è tota Europa, sed ex Asia, Africa, India, atque novo orbe; cùm vetus hic noster, ejus inexhaustæ discendi aviditati non sufficeret: ita ut nemo ex ultimis terrarum oris ad has nostras appelleret, quin illuc inveheret plaustra, atque navigia rerum, natura, aut arte admirandarum. Has enim in singulos dies ad eum mittebant, homines in celeberrima quaque illarum provinciarum urbe, ac portu delecti; quorum opera, ad ea omnia diligentissimè comparando, infinito sumptu ipse utebatur. Et cùm isti homines, sua quantumvis arguta sedulitate, Perescio cumulatè satisfacere nequirent; sæpius ipse alios domo misit, ad omnes maris Ægei insulas, montem Atho, Byfantium, Alexandriam, & ad miserandas illas Memphis, atque Carthaginis reliquias: qui suo nomine, atque ære conquirent, præter res alias novitate mirabileis, præcipuè vetustissimos Codices, Græcos, Hebraicos, Arabicos, Persicos, Coptos, Æthiopicos; denique cùm cætera Asiaticæ, atque Africanæ antiquitatis monumenta, tum maximè priscorum Principum Ægyptiorum corpora, pretiosissimis odoribus, medicaminibusque condita. In quo profectò celebrata illa veterum Pergamenorum, Alexandrinorumque Regum, nec non Gallorum nostratium, in Bibliothecas magnificentissimè ornandas studia, regali planè animo æmulatus esse videtur. Ad suam hanc bonarum artium officinam, & sapientiæ,

virtutisque diverforium, omneis literarum, elegantiorumque artium studiosos, peregrè advenienteis, non solum benignè admittebat Perescius, & Bibliothecæ suæ totum eis explicabat thesaurum; sed diutissimè illic retinebat, honesto, ac maximè liberali acceptos hospitio: quibus demùm discedentibus, aliquot codices, nummos, & alia, quæ ad eorum studia magis apta videbantur; omnia item, quæ ipsis opus fuerant, ex sua re familiari largissimè dabat: quemadmodum cæteris propè omnibus literatis hominibus absentibus, sibi nomine tenus notis, quidquid in literaria, atque antiquaria sua supellectile erat, quod ipsis, in lucubrationibus, adjumento fore arbitraretur, ultro nec petentibus, sæpiùsque talium rerum ignaris mittebat. Si quid domi non esset, quod alicubi lateret, ut id quoquo modo ad illos perveniret, suæque deinceps quæ præ manibus haberent opera, polita, perfectaque ederent; nulli labori, aut impensæ parcebat. Quos verò peregrinationes, rerum antiquarum, aut naturalium perquirendarum causa, parare audiebat; ipsis commendatitias literas, jumenta, atque viaticum de suo curabat: & ad eas suscipiendas, multos iisdem conditionibus ultro oblatis invitavit. Omneis denique, quos solo literarum, virtutisque studio, & fortunæ injuria calamitosos esse sciebat; quibus rebus indiguerunt, adjuvit, ære alieno oppressos levavit; vel illos optimatibus diligenter commendabat, ac multa illis sæpè impetravit; cum apud omneis paullò humaniores Europæ Principes, maximam gratiam auctoritatèque obtineret: præsertim apud EMINENTISSIMOS CELSISSIMOSQUE VIROS, QUI GALlici IMPERII CLAVUM HODIE TENENT, quippè qui, pro suo singulari literarum amore, atque scientia, doctos in oculis, auribus, atque complexu habent. & quæ sua est regalis magnificentia, atque magnanimitas, eos omnibus omnium ordinum hominibus, in beneficiis honoribusque tribuendis, anteponunt. Beneficæ, prolixæque adeò, Perescii naturæ testeis oculos, & ab ea ipsa locupletes, citare possum; non tantùm ex hac urbe, istoque confessu; sed vel ex ultima Syria, immensaque Libani altitudine, Amîram doctissimum apud Maronitas Antistitem; ex Magna Græcia magnum Philosophum Campanellam; ex Gallia eruditum hominem Petitem, & multitudinem aliorum, ex aliis provinciis infinitam. Innumerabilia item liberalitatis, ac magnificentiæ exempla, vobis referre haberem; vix de Rege, ne dum de Senatorii ordinis, censusque

fusque homine credibilia. Cùm tamen, quod propius miraculo, quàm fidei; ipse quadraginta millia sestertiũ numinũ, hoc est unciam unam ex tota redituum summa, in hanc solam vestram urbem, singulis annis erogaret; quod & in ceteras Europæ celeberrimas, eum fecesse existimandum est; partim in libros, aliaque hujus generis munera, huc ad amicos mittenda; partim in codices, statuas, æra, marmora, quæ hic in dies eruebantur; vel eorum saltem exemplaria, & imagines pictas, fictasve; aut in cera, gypso, vel charta madente impressas, sibi comparandas. Sed temporis meratio; eruditissimi Academici, ut vela contraham, portumque tandem respiciam monet. Verum enim verò, vester iste vultuum ardor, animorumque intentio, sine dubio à me contendit, ut munus promissi omne conficiam; quo me vobis probaturum recepi, Claudium Fabricium longè omnes superasse; non solum singulari in literas studio, & largitate; sed quod demum maximum est, indefesso labore, incredibiliq; industria, in commentando, atque scribendo, de maximis quibusque artibus; quarum profectò, nullam partem intactam reliquit.

Historiam Provinciæ Galliæ Narbonensis, hoc est patriæ suæ, pluribus, magnisque voluminibus conscripsit; diligenter adeò, ut sive antiquitatem, sive leges, pacem, vel bella, & Reipublicæ conversiones spectes; nihil est quod in illis desideres. Nobilium ejusdem Provinciæ familiarum origines, suæque separatim, aliis voluminibus contexit: & cùm gens Fabricia Pisis oriunda esset; unde antè quadringentos annos, bellica laude florens, in Galliam propagata est; Pisanam, ipsamque adeò Italicam antiquitatem; cujus summus amator semper fuit, iisdem libris præclare illustravit: multa seorsim recondita, in commentarium referens, de Gothicis Regibus, qui Italiæ imperium obtinuerunt, ex antiquis nummis petita; sicut de Gallicis, quorum originibus, propaginibusque, nimia vetustate obscuratis, maximam attulerat lucem. Omnium denique rerum, quæ magnæ, ac memoria dignæ, sua ætate gestæ sunt; venustissimos, ac plenissimos scripserat commentarios. Philosophiam, cui potissimum naturali, mirificè deditus erat, suis etiam scribtis exornavit, atque amplificavit. Si quidem elegantem confecerat librum, de ludicris illis naturæ operibus, quæ certis regionibus è terra effodiuntur: scilicet de lignis, rebusque cæteris, à sua in lapidis, vel aliam naturam degene-

rantibus: de vastis item, immanibusque illis Gigantum, ut vulgus opinatur, ossibus; quorum magnam vim, ex longinquis locis sibi advehendam curaverat: multa de illis, ut erat homo emunctæ naris, falsa odoratus. Plantarum verò peregrinarum, Indicarum in primis singularem propè uniuscuiusque pertexuerat historiam; nondum tentatis experimentis illustratam; cum ipsas arbores, non solum in stirpeis generis planè diversi; sed in cornua, capita, aliasque viventium animalium parteis, prospero eventu in se visset. Quorum animalium naturam, modum, & pondus, vel ipsorum elephantorum, diligentissime exploraverat; & singula eorum membra, etiam hominum, manu sua dissecuerat: oculos præsertim vastissimarum belluarum, atque cetorum; quos usque ad ultimas Gadeis, homines quæsitum mittebat: unde cum de cæteris corporis partibus, tum de admirabili oculorum fabrica, atque munere, nova prorsus, & à nemine hæctenus visa, literis consignavit. In Mathematicis illustandis, non minus industriæ posuit: seque ad astrologiam potissimum, ætate provectior ita dederat, ut altissimam turrim, magno illarum artium instrumento refertam extruxerit, ubi nocteis serenas, in astrorum contemplatione perui gilabat: quorum non solum altitudines, magnitudines, vel motus diligenter observabat; sed in illorum materiem, ipsamque adeò naturam, acri acie penetrabat; per vitrea illa specilla, quæ novo, ac verè cœlesti invento, remotissimas, obscurissimasque rerum species, ad oculos dilucidè perspiciendas revocant, quibus perindè verum usum, ac nomen, invenit Galilæus Galilejus, Mathematicorum sine controversia Princeps, Fabriciôque nostro amicissimus. Eo instrumento Peresciustam ceterarum errantium stellarum, quàm ipsius Lunæ, varias faciès, ac tenuissimas quasque, quæ in iis apparent, notas, & quasi maculas, sedulò inspectas, sibi depingi, ac in tabulas incidi voluit; & suas de iis perpetuas observationes literis mandavit: adeò ut noster hic terræ orbis, nemini notior fuerit, quàm fuere Perescio cælestes; præsertim illius, ut veteres Italiæ sapientes loquebantur, ἀστὴρ. Cujus præterea defectiones, ipse tam observabat, quàm per omnes Mathematicos, attentius observandas curabat; non ut Deæ, cujus veluti alter Endymion, assiduus formæ spectator, atque mirator erat, laboranti succurreret; sed ut urbium, portuum atque insularum, rata, certa que, & à quatuor extremis cœli cardinibus, & à

& à se invicem intervalla, inde reperire, atque constituere posset: receptosque itinerum, atque navigationum errores tolleret. Res à solis hætenus, iisque vno, aut altero, maximis Regibus tentata: quam ad felicem exitum à Perescio tandem perductum iri spes fuit. Accuratas enim earum defectionum observationes, in celeberrimis veteris, novique orbis oppidis, faciendas curavit: quarum omnium accuratissimam, atque ut Perescii verbum usurpem, palmarem, Neapoli à Ioanne Camillo Glorioso, homine in Mathematicis disciplinis excellenti, sibi que amico, venisse ipse aiebat. Ad hæc autem omnia, assidue utebatur opera Petri Gassendi, rerum cœlestium, atque Philosophiæ scientia, Galliæ faciliè primi, & Nicolao Cl. Fabricio intimi, sic ut domi per plureis annos, unà cum ipso conjunctissimè vixerit; atque illic extremum ejus exceperit spiritum: qui demum mortui nomen atque virtutem, grata memoria prosecutus, animum ad commentarios de Perescii vita scribendos appulit: easque parteis, quas olim mihi sumseram, ab homine eruditissimo, atque amicitiae consuetudine, mihi maximè devincto, præoccupatum iri lætor; immo verò etiam de ea re Fabricii manibus gratulor. Operam ejus in vestra antiquitate, scribendo restituenda, præclarè positam, Academici, non queo silentio præterire: cum nulla veterum Romanorum utensilia, nulla ornamenta, in ejus manus venerint, habuit porro domi pleraque, de quibus scriptum non reliquerit; omnium autem uberrimè, atque diligentissimè, de ponderibus, mensuris, tripodibusque antiquorum. Omitto alia, quæ in reliqua literatura effecit opera. Ejus tantum epistolas, in admirationis cumulum addam, quæ quidem sunt ita multæ, atque eruditæ, ut si nullum aliud scriptionis genus vnquam attigisset: universum tamen omnium doctrinarum, & liberalium disciplinarum orbem implevisse, dici potuerit. Nullum enim adeò præclarum, vel rarum, in bonis artibus nasci potest argumentum, de quo Perescius consulens, vel consultus, ad eruditissimum quemque non scripserit; doctè, frequenter, & copiosè admodum, ut omneis omnium provinciarum urbeis, suis non dicam epistolis, sed voluminibus opplevisse videatur. Atqui ut sciatis me non laudatoriè, sed Latinè loqui; quales, & quantas ad hanc urbem missas habeatis, exempli causa, nunc adeo ex me cognoscito. Extant propè innumeræ ad URBANUM VIII. Pontificem Maximum, & Franciscum Barberinum Car-

Cardinalem, illam bonorum artium cognitionem, quam in ambobus optimis, doctissimisque Principibus omnes admirantur, complectentes. Extant ad Cæsarem Baronium, & Joannem Franciscum Vidium Balneum, Cardinaleis: Josephum Mariam Suaresium, Antistitem: Christophorum Puteanum, & Constantinum Cajetanum, omneis magnarum artium scientia insignis; de religione rebusque divinis: sicut de humanis, atque historia, ad Vidum Bentivolum Cardinalem, & Augustinum Mascardum; ejus artis non solum in hac urbe, sed in tota Italia facile principes: de naturalibus verò, iisque occultioribus, ac magis peregrinis, ad Cassianum Putealem, & Petrum Vallensem; utrumque tam hujusmodi doctrinæ, quàm cæterarum magnarum rerum laude abundantem. Extant de literis, quas humaniores vocant, linguisque tam veteribus, Europæis, Asiaticis, atque Africanis, quàm recentioribus, Gothica, Cantabrica, Provinciali, atque Italica; ad Lucam Holstenium, Gabrielem Naudæum, Leonem Allatium, Vincentium Noguera, & Federicum Ubaldinum; viros in iis summos; atque perfectos, item ad Franciscum Boncompagnum Cardinalem, Vincentium Justinianum Marchionem, Mariam Felicem Zachiam, & Alexandrum Rondaninum ejus maritum, Stephanum Gualdum, & Claudium Menetrium; homines in antiquitatis reliquiis investigandis, conservandisque diligentissimos; de statuis, nummis, gemmisque veteribus: tum etiam de codicibus antiquitus scriptis; ad summos pariter viros, Scipionem Cobellutium Cardinalem, & Nicolaum Alemannum: quos unicè dilexerat Perescius; hujusque demum mortui benignitatem, in aperiendis bibliothecæ Vaticanæ thesauris, vehementer postea desideravit. Homines in omnibus doctrinis præstantissimos agnoscitis, Academici; qui eò libentiùs nunc à me citati, ac veluti recensiti sunt, quòd propè omnes, sicut ipse Perescius, in hanc amplissimam lecti olim Academiam; ordinis nostri splendorem, atque gloriam illustrarunt, atque in dies amplificant. Porro eandem, majorémque Epistolarum vim, non solum ad reliquas Italiæ urbes; Patavium maximè, ad Licetum, Rolium, Argolium, & Thomasinum; homines in artibus, quas profitentur magnos: sed etiam Mantuam Carpetanorum, Lutetiam, Oxonium, Lugdunum Batavorum, Lovanium, Augustam, Vindobonam, & ad alias utriusque orbis celeberrimas urbes, claris, doctisque viris maximè florentis, perinde

perinde ac Romam, ab eo venisse existimate. Quibus quidem epistolis, non tantum Transalpinas, atque Cisalpinas, sed etiam cæteras omneis Europæas, ac barbaras nationes, humanitatis, & doctrinæ commercio miscuit, atque confociavit: sic ut bonas arteis, & universa earum instrumenta; quæ in bibliotheca, ac mente sua reposita, ad omnium usus inde promebat; inter illas demum genteis fecerit communia. Quare de Fabricii doctrinæ præstantia; aut Musæi amplitudine, atque dignitate; ex ipsius scriptis, cæterisque antiquorum monumentis, quæ in ejus domo extant, minimè est judicandum: sed potius sic habendum, nullas in terræ orbe celebres esse bibliothecas, in quibus in celeberrimæ illius Perescianæ, pars aliqua non reperiatur; nullos libros nostra ætate, scriptorum ad fastidium feraci, in lucem fuisse editos, qui non Perescii doctrinam, sicuti nomen præ se ferrent.

Fingite vobis animo, Academici, omnium studiosorum unum aliquod veluti corpus, in quo Claudius Fabricius, vice fungeretur partis illius in medio quietæ, cui alendæ reliqua membra, suo labore omnia quærunt; cuiusque vicissim haud segne ministerium est, nec magis alitur, quam cætera alit: aded ut universa studii, atque doctrinæ pabula, ab omnibus sibi undique conquisita, atque congesta, insaturabili legendi, discendique aviditate vorans, & acri ad meditationem, scriptionemque ardore maturè conficiens, in succum, & sanguinem verteret; quem in omneis demum parteis, ad ingeniorum alimenta, pariter divisum redderet: nisi potius Perescium, illustris illius, atque immortalis corporis animam fuisse dicamus; quæ totum moderaretur singulæque ejus parteis, vi, ac numine suo conservaret, atque augeret. Numen dixi, Academici: is enim qui sat brevis, septem & quinquaginta annorum, vitæ partem alteram peregrè, & in aula transegit, alteram in curia, ad senatoria munera, bis quaque die diligenter obeunda; tot tamen, ac tam illustria, sui in literas studii, atque largitatis, ad æternam posteritatis memoriam, monumenta reliquit; librosque, & epistolas, operà, manuque sua plureis; quàm alii longævi homines, & privato otio abundantes legere solent; Latine; Italicè, & Gallicè diligenter conscripsit: is inquam, mihi sanè supra hominem putandus esse videtur. Hanc porro divinam Nicolai Claudii Fabricii Perescii animam, nunc mortalis sui corporis compagibus reclusam, superas sedeis capefcere, & in æterna illa, ac cœlesti

domo, ætatem quam hîc nobiscum beatam duxit, inter ipsos divos beatissimam agere, vos Academici Romani, existinare par est; & eam omni honore, qui Heroibus tribui solet, afficere. Præterquam enim quodd summa integritate, atque innocentia vixit; præterea Romanæ religionis, cæremoniârûmque maximè colens, & ad extremum spiritum retinentissimus fuit. Pro aris, delubrisque fortiter certavit; ut ad illa plurimos reducerit, ex isto hominum genere, qui novis, atque alienis obstricti religionibus, ab hac antiquissima, atque sanctissima declinaverunt; vel apud illos, rei literariæ $\pi\pi$ -viros, non sine spe victoriæ adortus. Quamobrem erga hominem, de Romana Republica, tam multis nominibus optimè meritum, in decòranda ejus morte grati estote, Academici; & sicut eam, jam publica laudatione esse honorandam putavistis, ita quidquid præ ingenii, facundięque meæ, nec non temporis angustis, minùs ex amplitudine, atque dignitate argumenti, oratione exsequi potui; id demùm in præsentia, ornatissimis, optimisque vestris versibus præstare: in posterum verò, Heroi nostro, diurnam pro brevi vita memoriam reddite: & quod ipsi gratissimum facturi estis, illius studiorum veluti hereditatem adite, & constanter tenete. Vos autem, Patres amplissimi; ad eam, ad quam vocati estis Reip. procuracionem, ut excellentissimas omneis Nicolai Claudii Fabricii virtutes, maximis & in omni genere laudis eminentissimis (quales sanè estis) Principibus imitandas adhibetis: pergitte porrò: ut facitis; atque ita in primis divinum ejus studium, regalémque liberalitatis magnificentiam imitamini, in eas arteis promovendas, quibus omnis vitæ honestas, elegantia, ipsaque adeò humanitas constituitur, atque continetur; nec non in homines, qui eas colunt, amandos, ornandósque honoribus, ac beneficiis; quæ sancti illi, atque religiosi majores vestri, in ipsos præcipuè collata voluerunt. Indignum siquidem esset eos jacere, quorum opera, atque vigiliis, summum à Deo datum, hominum generi, literarum bonum maximè viget: sed prorsus digni sunt, qui apud vos gratia, atque autoritate floreat. Si quidem principes viros, de se, suisque virtutibus benè meritos, æternis scriptorum suorum monumentis, ad immortalitatem consecrant: sicuti contra læsi, vel neglecti, notas ad ignominiam, nulla temporis diuturnitate, nec armatis tyrannorum manibus eluendas inurunt. Quare à vobis minimè audiendi sunt qui-

dam

dam homines nihili, qui etsi numerus tantum in aulis vestris, & fruges consumere nati sint, illic tamen ut vacua Belidum dolia, levitate sua versatiles, & vanitate cassum, atque inanefonantes; maximas faciunt turbas, clamoresque, ac risus edunt, tam in hominum literatorum ingenium, morésque, quàm adversus ipsarum literarum usum, atque dignitatem. Literatis nihil innocentius, aut temperantius; Patres amplissimi; ut potè qui studium, & tempus omne, quod isti vel ambitioni, atque avaritiæ, vel rebus ridiculis, atque turpibus dant; in maximarum, optimarumque contemplatione consumunt: nec sunt, ut isti vocant, difficiles, aut morosi; sed acres rerum æstimatores: non contumaces, & superbi; sed res homine ingenuo indignas, nec facientes nec perferentes: non obscuri, sed modesti: non denique rustici, aut agrestes; sed antiqui, & contrà; unde etiam artes, quas profitentur, nomen invenere, humani. Literæ verò, quantum non ornamenti solum, sed & præsidii in civitatibus benè constitutis afferant, vel ex hac vestra clarè patet: quæ ut olim afflicta, per earum neglectationem fuit; ita nunc doctissimus, sapientissimusque Pontifex verè COELESTI DONO, ac divino munere ipsi donatus; causa est; quòd viget hodie vestra Respublica, quòd floret, quòd beata est, quòd deniquè, cùm cæteræ terrarum orbis partes, bellorum, aliarumque calamitatum tempestatibus agitentur; una hæc
 (quod ei Deus Optimus Maximus proprium, ac
 perpetuum faxit) in pace, atque in otio
 conquiescit.

D I X I.

Mm 2

GA-

GABRIELIS NAVDÆI
AD PETRVM GASSENDUM,
DE PEIRESKII OBITU
E P I S T O L A.

PROVOCATUS non semel observationibus Astronomicis, quarum per me copiam fieri voluisti celeberrimis hominibus Fortunio Liceto, & Scipio Claromontio; ac literis tuis insuper ad officium mutux necessitudinis, quæ dudum inter nos arctissimè coaluit, sollicitatus; peramanter omninò te facere intellexi, qui me tamdiu silentio usum fuisse, quæ tua est singularis humanitas, & benevolentia, non molestè tulisti; satisque amori nostro, & singulari meo in te obsequio factum fuisse existimasti, si dum urgebam Syntagma meum de *Studio Militari*, hoc interim spatio nihil ad tuas responsi dederim; nisi quòd amantissimo utriusque nostrum clarissimo PERESCIO frequenter significabam, me, cum per otium liceret, talem habiturum rationem eorum omnium, de quibus egisti mecum per literas, ut ne quidem de suavissimâ tuâ urbanitate queri posses; quòd illa non similibus à me jocis, ac salibus excepta fuerit, & facetiarum colludio, gratissimaque vicissitudine compensata. Sed, heu rerum vices, heu fata infanda, heu mors acerba, & insensa bonis omnibus, quæ gestienti lætitiæ intercessit! viro illo incomparabili, tunc cum nihil minùs, quàm de ejus occasu timebatur, è vivis sublato. Ubi enim crinitum sidus effulsit? ubi de cælo intonuit? ubi terræ motus, & fragores insoliti, spectraque, & portenta apparuerunt, in ejus viri omnium maximi, omnium optimi, sapientissimique interitu? Sanè ludunt nos, & fallunt suaviter Historici, cum nullos Principes absque iis signis interuisse referunt, ex quibus ariolationi de eorum impendente fato locus esse posset. Nam amabo te, Gassende, qui fieri potest, si mundus non casu regitur (ut certè divinæ illum providentiæ arbitriis gubernari certissimum est) quòd cælo curæ sint homines, non suis plerumque meritis, sed fortunæ cæco impetu, rerum gubernaculis admoti, nec ulla re, quàm suis opibus, & potentiâ (quâ sapientissimè in hominem per-

niciem,

niciem, per summas vitæ turpitudines, & flagitia abutuntur) commendati: & ipsi interim silente cœlo, non curante luna, nemine quidquam novum, aut insolens in elementis, atque venturi (si quæ sunt) præsciis animalibus observante, mortem oppetant, qui virtute regnum sibi amplissimum, honestissimumque inter homines comparârunt; qui mortalium omnium commodis nati, omnes operâ, studio, industriâ juvant: omnium conatus urgent, promovent, extollunt; quique orbem universum in sui admirationem trahunt fama, & commendatione meritorum? Hujusmodi verò laudem, si PERESCIO unum nostris, elapsisque ab omni ævo temporibus cumulatissimam tulisse dixerim, non est quod aliquid reclamet, nisi aut virtutis hostis, aut laudis invidus, aut ignarus rerum, de quibus boni omnes, & eruditi consentiunt. Ecquis enim ipso unquam aut peritior extitit antiquitatis, naturæ, temporum, historiarum, linguarum? aut promptior juvandis studioforum laboribus, quâ voce, quâ literis, quâ libris, quâ signis, plantis, animalibus, picturis, numismatis, & antiquæ, recentisque memoriæ similibus monumentis? aut aptior denique, qui istud facere posset voluntate, opibus, auctoritate, scientiâ, providentiâ, cæterisque virtutibus, quarum mutuâ consensione ornatus sit oportet, qui instar clarissimi PERESCII, orbem literarium suis nutibus, & votis temperandum suscipit. Quod equidem facere quàm arduum sit, tu verò Cassende, istud conjicere potes, vel inde quod si in priscorum Heroum exempla recurras, qui istud similiter fecerit, invenies prorsus neminem. Atque ut elapsa proximè tempora Vincentium Pinellum, & Dominicum Molinum tulerint non multum fortasse studio, & voluntate juvandi literatos inferiores PERESCIO; nescio tamen quomodo adjumenta varia illis defuerunt, quæ huic nostro, & communi omnium Mæcenati, ut plenâ velificatione cursum hunc à primâ statim adolescentiâ institutum, ad affectam usque ætatem perduceret, in causa fuere. Enimverò quantâ etiâ facilitate istud præstiterit, nemini obscurum esse potest, nisi qui solem non videt pleno meridie. Quis enim nescit os ejus non hominis, sed Apollinis Delphici fuisse, ex quo oracula de rebus omnibus abstrusis, & incognitis quotidie reddebantur? Domum verò instar celeberrimi emporii, mercibus pretiosissimis ex utraq; Indiâ, Æthiopiâ, Græciâ, Germaniâ, Italiâ, Hispaniâ, Angliâ, vicinioribusque provinciis refertam extitisse; nullamque navem Galliæ portus intrasse,

trasse, quæ non aliquod animal peregrinum, non plantas exoticas, non marmora prisorum cælo sculpta, aut exarata, non codices Samaritanos, Coptos, Arabas, Hebræos, Sineses, Græcos, non erutas ex Bosphoro, aut Peloponeso antiquitatis penitissimæ reliquias, in unius PERESCII Cimeliarchium inferret? Quem denique latere potest, non conquisitas ab eo fuisse tot opes in propriam tantum oblectationem, aut Musæi sui ornamentum, in quo laterent ipsæ tanquam in Favissis Capitolinis, aut sepulcris, unde nefas esset quidquam eruere, ac depromere in aliorum commoda: sed PERESCUM hanc sibi legem statuisse, ut, si quos in orbe literario suis consiliis, opibus, libris, statuis, marmoribus juvari posse intelligeret, non expectaret ipse, ut morosè precibus illud à se efflagitarent; sed ultrò offerret, inferrétque in eorum ædes; ac penè dicam literatos omnes obrueret beneficiorum suorum magnitudine, & frequentia? Verùm quid opus est, optime Gassende, ut hæc ad te scribam, qui plura oculis ipsis, in maximo illo Heroë observare potuisti facinora, commendatione omnium hominum, ac memoria, æternitatēque temporum dignissima, quàm quivis alius; nisi tu ipse, qui amore in eum, ac dicendi, scribendique lepore nemini concedis, munus istud in te recipias, scriptis unquam consignare possit? Profectò, cum nulla ejus vitæ pars miraculo caruerit; cum nullus unquam exortus sit, cui plura, aut meliora debeant, studiis doctrinisque præstantioribus dediti homines; cum eorum omnium, quæ pulchrè, eleganter, doctè per anteaetas aliquot annorum decades scripta, aut observata sunt, pars maxima fuerit; nec ipse mortalis existimandus sit, nisi morte ipsâ, proh dolor! immaturâ, atque immiti in eum, qui nunquam occumbere debuisset: certè non cujusvis esse intelligo meritorum ejus famam transmittere ad posteros: nam vulgari ore istud facere piaculum est; parem verò tanti viri inusitatis, incomparabilibusque meritis invenire orationem, videtur mihi omnino difficile. Quamobrem istius *Musarum curatoris*, sive, ut cum Athenæo loquar, *ἐπιμελητῆς τῆς μουσικῆς*, vitæ summam ex orbe universo, per quem diffusa illa fuit, in angustum aliquod volumen contrahere, hoc equidem unum est, quod nisi tu, doctissime Gassende, præstiteris, qui sermone vales puro, eleganti, castigatōque, & assueto rebus divinis, ac cœlestibus celebrandis; cujusmodi omnino PERESCUM fuisse nemo non bonus existimat; quique supremos illos orbes, eorumque miracula, quæ profectò

non latius patent, quàm PERESCII fama, & merita, in exilem globum solertissimè reducis: vix certè alium invenio, qui defungi hoc munere adèd commodè, felicitèrque possit. Nam etsi omnes, qui PERESCIO amici fuerunt, ingenio, facultatèque dicendi valeant, & omnibus illis, non secus atque tibi, negotium incumbat celebrandi virum, cujus recordatio sanctissima illis esse debet; licèt etiam multa, quæ de præstanti ejus ingenio, laborum contentione, & mirificà voluntate bonorum omnium conatus sublevandi, dici, atque afferri in medium possent, ea cuivis ex præstantissimis illius facinoribus, æquè ac tibi cognita esse potuerint; satendum tamen est, quæcumque majora sunt ex ejus laudibus, ista propter intimam, quæ tecum illi fuit consuetudinem, & assiduum multorum annorum convictum, atque usum; & facilius animadversa à te, & prospecta certius, quàm ab aliis fuisse. Quare age, mi Gassende, calamum sume, inservire solitum maximis viris aut tuendis, aut celebrandis, non minùs sanè, quàm cœlorum, naturæque miraculis explicandis: & cogita apud te fore ex usu omnium, qui literis dant operam; & dignitate patriæ nostræ communis; è Principum, atque magnatum gloria, & splendore; ut ejus viri imaginem, qui omnibus incitamento, & adjumento fuit ad virtutem, non solum ad intuendum, verùm etiam ad imitandum, pro tuâ in viventem, defunctumque pietate, quæ prorsus egregia fuit, exprimas. Ego verò, qui claris. PERESCIIUM ejus loco semper habui, in quo vireis suas natura potissimum experta est, ut hominem produceret, cui nihil deesset, quod eximium, honestumque mortalibus concedi in hac vitâ possit; illumque pro eo, ac debeo, verbis ornare non possim, quorum me pauperem reddit copia meritorum: propterea hoc unum, ut facias, enixè à te contendo; arbitraborque meæ, & reliquorum pietati, qui PERESCIANOS manes æterno cultu, gratissimaque veneratione prosequi debemus, factum esse satis; si non modò eruditissimum, atque munificentissimum, quod orbis universi judicio comprobatum est, sed absque exemplo maximum, ac optimum virum fuisse PERESCIIUM, summumque litteratorum fautorem, & cum prudentiâ, tum eruditione, ac omni virtutum genere excellentem, eoque nomine inter sæculi nostri miracula habendum, colendumque, per te, & præsens ætas, & futura cognoscat. Vale, & nisi luges adhuc, lege, quæ lugens, & ingenti, subitoque mœrore perculsus scripsi. Romæ xvii. Kal. Aug. 1637.

EX CL. SALMASII PRÆFATIONE

in Tabulam Cebetis Arabicam.

EX illo hominum genere, quos & privatâ pariter, & publicâ causâ mœrere ereptos amici debent, fatis antè triennium concessit Nicolaus Fabricius Peirescius, quem virum vel nominare, laudare est. Eum, nisi fama talem ferret, qualem ego scio fuisse, penicillo hîc meo quamlibet rudibus lineis, atque obscuris coloribus exprimere conaret, perfectissimum virtutis omnis, & omnigenæ eruditionis exemplar. Tentarem hoc, inquam, de cujus tamen vel minima parte dignè attingenda vix quidquam mihi promitterem. Præstarem equidem quod debeo summis ejus viri erga me meritis, quæ nullum in me vitæ, quancumque dabitur, tempus obruet, nulla delebit oblivio. Sed cum id aliter præstare non possim, quin plura dicenda dictis prætermittam, *adversariis* omnium exequendorum numerorum, quos talis vita, & talis fama postulat; contrahere vela cogar, oramque legere, ne in tam vasto laudum pelago cum tenui cymbula deprehensus naufragii periclitem. Hoc igitur sufficiat dixisse, non alteri à multis retrò sæculis Solem illuxisse, qui Reipublicæ literariæ promovendæ majori cupidine flagraverit, nec qui magis eum, dum vixit, promoverit. Ut non unum scientiæ genus curiositatem ejus provocavit; ita nec unum gentis hominum benevolentiam ejus cum benefico animo conjunctam expertus est. Alii, quos innumeros esse scio, pro virili, si ingrati non erunt, prædicabunt quid, & quantum illi debeant. Quod ad me attinet, tanta sunt, quæ in me contulit, tôtque modis, quibus potuit cumque, studia mea adjuvare nisus est, ut cogitatione ea comprehendere vix detur, nedum verbis exponere queam. Quibus omnibus adiuventis, ac præsidis quando hodie mihi, illo amisso, carendum est, cum maxima studiorum meorum, Ægyptiorum præcipuè, & Arabicorum remora, & impedimento: plus tamen desleo, quod Respublica literaria in illius viri morte sibi abesse perspicit, quàm quæ mihi video periisse, quantum libet maxima illa esse, propriâ tactus jacturâ, etiam nunc sentiam. Post illud damnum, quod meum non magis esse, quàm totius Reipublicæ detrimentum fateor, & quidem maximè deplorandum, non aliud gravius, &c.

A D V I T A M
Illustrissimi P E R E S K I I
 A U C T A R I U M.

Cl. Viro ac de bonis litteris benè merito F R A N -
 C I S C O H E N R I C O , Patritio Lugdunensi,
 Amico singulari.

Petrus Borellus Castrensis, Medicinæ Doctor.

Εὐχαριστῶ.



Btinuisti tandem (Vir clarissime) ab eruditissimo Viro D. Gassendo variis licet lucubrationum occupationibus jam jam implicato, ut laudatissimi *Peireskii* vitam tertium edendam recenseret, novis etiam accessionibus illustraret, & uno tenore contextam illius seriem distinctis hac editione (pro faciliiori legentium usu) versiculis componeret. Tuis curis tandem Typographo transmissum opus cum ad umbilicum penè properaret, monui me quædam à magnis Viris de *Peireskio* post ejus obitum relata Testimonia hinc & inde collegisse, quæ heic reticere sicut esset sacrilegum, imò ~~τὸ καυχῆσθαι~~ gloriæ injuriosum; ita quæ ex variis authoribus ab excessu illius editis ad eam conferre visa sunt, hortante te, ipsemetque annuente D. Gassendo heic attexere consentaneum fore judicavi: & primum

Ex Athanasij Kircheri è Societate Jesu lingua Ægyptiaca
 restituta Romæ, 1644. In 4.

Postquam in Proëmio Onomasticum Copto-arabicum in Ægypto repertum fuisse ab illustrissimo Petro à Valle Equite, & Patricio Romano retulerit, hæc subjungit. *Interea de hoc Thesauro recens ex Ægypto asportato certior factus amplissimus* D. Nicolaus Fabricius Peiresc Regius in Curia Aquisextina Senator, eximium litteratorum decus, nullum

non lapidem movit, quò is per translationem in Latinam linguam factam, mox publici Iuris fieret. Dum igitur alibi, tum potissimum in Gallia, ubi cæterarum linguarum, uti & omnia alia litterarum studia hac tempestate, oppido florent, huic negotio aptus inquiritur; Ego tandem qui eo ipso tempore extorris ob tumultum Suecicum, Germaniâ, in Gallia patria mea veneram, instanti undequaque amicorum sollicitatione, potissimum familiarissimi Peireskii inductus precibus, oneri etsi viribus propè imparibus humeros subdere sum coactus.

Ex his maximus Peireskii erga litteratos innotescit affectus, quo eos fovere solitus, scriptis suis humanissimis juvare, & obviis ubicumque beneficiis magnificè cumulare tentaret; subit præterea impensum illius in arcanis detegendis studium, quo Reipublicæ litterariæ subsidii aliquid in balbutiente rerum cognitione ferre conaretur: Quod egregiè præstitit in hoc opere Copto-arabico promovendo, ubi ad intima avitæ nationis Ægyptiæ penetralia aditum faciens, magiæ naturalis, artisq; eorum sacre ac cabalæ, hoc est abstrusioris sapientiæ recondita Mysteria novus interpretæ favente genio revelavit.

Paginâ verò 528. in supplemento Cap. de nominibus Dei, Hieroglyphicam figuram explanat, in qua Sol, Luna, aliaque multa in angue tortilibus spiris caudam demordente continentur. Et sic pergit.

Nunc verò videamus, num hujusmodi Copticorum nominum vestigia in Ægyptiacis rudibus adhuc reperiantur; affirmant id supracitati Coptita, & fragmentum illud antiquitatis Ægyptiæ, quod insignis ille & immortalis memoria Vir Nicolaus Fabricius de Peiresc, pro suo singulari & incredibili erga me meaque qualia qualia studia affectu inter innumera alia, Oedipo reservata, unum transmisit interpretandum, rem ita se habere satis superque demonstrat. In quo Deorum quatuor mundi plagis præsidentium nomina copticis litteris vetustissimis, uti & vocibus inter characteres Solis & Lune, serpente circumdatis, pulchrè representata spectantur; ejus autem Figuram ponit.

Ex ejusdem Kircheri obelisso Pamphilio Romæ 1650. In Folio.

Præmissa Epistola parænetica ad reconditæ litteraturæ peritos Lectores, redditaque ratione tituli operis, tum etiam scribendi occasionis, hæc subjungit.

Quatuor lustra jam aguntur, Lector benevole, quo Urbano octavo Pontificatum gerente, Romam, ut in obeliscis Romanis specimen quoddam exhiberem Hieroglyphica interpretationis, è Gallia vocor; cujus litteraturæ huc usque incognita ex pervetusto MS. Arabico Codice instaurationem me moliri ferebatur: negotium magno illo litteratorum Macenate, Nicolao Peireskio Parlamenti Aquisenſis in Gallia Narbonenſi Senatore, ardentè perurgente.

Postquàm autem sese à Peireskio accersitum (ex ipsissimis D. Gassendi verbis) retulit Kircherus, rogatus ut secum MS. Codicem Arabicum auctore Rabbi Barachia Nephi rationem interpretandorum Hieroglyphicorum tradente, unâ cum specimine quodam interpretationis & notis suis adferret, de nomine Authoris notat legendum esse *Abenephium*, tum enumeratis iis quibus in opere fuit adjutus hæc subdit. *Antiquariorum Gazophylacia & ergasteria fuerunt primum, Viri æterna memoria digni Nicolai Peireskii Aquis sextiis in Gallia Narbonenſi Senatoris amplissimi; hic pro zelo quo in hujusmodi studia promovenda ferebatur, quidquid fuit in antiquitatum Gazophylaciis rerum Egyptiacarum, rarum, id descriptum ad me Romam, in Hieroglyphicæ instaurationis subsidia transmisit.*

Et Rursus Paginâ 451.

Catena è regione respondet figuræ crateris sacri, quem in libaminibus sacrificiorum adhibere solebant, atque hoc ita docet Hieroglyphicum schema, in amphora quadam Egyptia (cujus typus ex ergasterio Peireskiano ad me transmissus) in quo sacrificuli Deo Mophtasen seu Niligenio sacrificaturi, hanc figuram præ manibus tenebant veluti craterem quemdam cum liquore ejus appropriato, ex quo mihi figura hujus significatio primum innotuit.

Et iterum Paginâ 473. Eamdem proponit figuram, & ejusdem Peireskii honorificentissimè meminit.

Exemplum fecere omnibus Peireskius & Kircherus tot impensis, curis & laboribus commune bonum promoventes. Et utinam quæ apud Antiquarios vel è Gemmis, Numismatis, Vasculis, Statuis, & aliis hujusmodi in cimeliarchiis jacent præcondita, ad veterem illustrandam Historiam, tum etiam ad augendam hominum eruditionem, in publicum prodirent; quod illis temporibus faciundum non est quod sperem, pauci enim sunt Kircheri, Peireskins verò nullus.

Post Kircherum Merfennus venit expendendus, quem cum scivif-

set Peireskii de Harmonia universali conscribenda cogitare, illicò ad eum misit duo Musicorum nomina, quæ sex Notas Musicas *Vt Re Mi Fa Sol La* Anagrammaticè demptâ nullâ aut additâ litterâ præcisè continerent. Quorum meminit Mersennus volum. I. Harmoniæ univers. Parisiis anno 1636. Nomina autem hæc sunt :

F. SALVATOR MILE.

Et

F. LOVIS ALMERAT.

Mira non semel in Anagrammatifinis reperta fuisse quis contendat? Testem habeo Sybillam Gallicam, in qua Thomas Billonius Senatus Aquis Patrons, Christianissimi Regis Ludovici XIII. vitam per varios Anagrammatifimos Heroicis metris comprehensos scitule perscrinxit; quos heic tamen non effero, ut adstruam Onomantiæ vanitatem. Multò minùs futilia & chymerica super eâ re Roberti Fluddi commenta; sed ut artem (mihi probè notam) Studioforum incuria non satis excultam in mediùm vocem, quâ per combinationum doctrinam possibilia super quolibet nomine Anagrammata uno intuitu citra laborem occurrant, nec possint ab ullo Ente creato (Angelo puta vel Homine) alia super eodem reperiri; itaque si propositum nomen quatuor constet litteris, viginti quatuor Anagrammata producet; si quinque, centum & viginti, & sic de cæteris in infinitum, adèd ut ex verbo sexaginta quatuor litterarum per istas combinationes stupendum nonaginta cypherarum productum emergat, è quo totidem Anagrammata peritus combinator eliciet. Et hæc pro artis hujus commendatione dicta sint obiter.

Cæterum in Musicorum istorum præfatis nominibus, sex Musicæ Notas *Vt Re Mi Fa Sol La* casu tantùm & fortè fortunâ contineri, id arguit, quòd eadem Notæ (secluso licet Anagrammatismo) in Hymno Sti. Ioannis Baptistæ Natalibus sacro pariter reperiantur, ut videre est in seqq.

VT queant laxis RESonare fibris
Mira gestorum FAMuli tuorum
SOLve polluti LABii reatum.
Sti. Ioannis, &c.

Musæi

Musæi *Peireskiani* singularia heic recensere longius foret quàm brevitatis Epistolæ ferat. Quæ tamen heic & illeic dispersita videre mihi contigit, lubet in transitu paucis attingere. Et primum memoratum illud à D. Gassendo MS. volumen Græcum Constantini Porphyrogenetæ *ἱστορίαι, καὶ γένεσις* è quo Valesius librum integrum excerptit & vulgavit, nunc in ampla D. Ranchini Castrensis in Occitania superiori Senatoris Bibliotheca asservari; Item Sultani cujusdam ad Regem Galliæ antiquiorem Epistolam in Charta Sericea Arabicis conscriptam characteribus, & auri puri minutissimis inspersam paleolis undequaque micantibus, quam (utpote ad Historiam nostram aliquatenus utilem) cum interpretationes vernacula aliquoties evulgabo. Non prætereundum à me visum cymbalum æneum miræ cujusdam elegantiae ex eodem Musæo prodiens: formâ erat Globosâ instar mali arantii, intus cavâ, & duabus portionibus quasi cupulis distinctâ, è quarum imo alia cupula emergebat priori non in oris, sed in puncto contactus solummodo adhærens, quæ primulis parallelis à vertice deorsum deductis, quasi totidem foraminibus pervia, si vel leviori manu concuteretur, Harmonicum sonum ad horæ sesquiquadrantem continuatum, & ex aëre repercussio Echum multiplicem emitteret.

Ex eodem Musæo prodiit Vincentii peregrinationum memoratum à D. Gassendo volumen, *Peireskio* dum viveret concreditum, cujus editionem procuraturus, ob futilia quædam Blanci circa terræ planam superficiem & alia hujusmodi ratiocinia, destitit; tandem post utriusque obitum ab aliis resumptum opus anno 1649. Typis Parisiensibus fuit in lucem emissum. Circa quod velim notent curiosi, genuinum ejusdem itinerarii Blanciani autographum penes D. Hardii Senatorem Parisinum asservari, quod collatione factâ, in nonnullis cum editione variat, Tabulis insuper Topographicis ad locorum notitiam illustrandam, & variarum gentium ad vivum expressis vestimentorum imaginibus est auctius. Si autem recudatur liber, autographum illud ab humanissimo viro ad futuræ editionis præstantiam ausum polliceri.

Hæc habui (Vir clarissime) de *Peireskio* dicenda, quæ tibi non injucunda fore arbitratus, tuo nomini eò lubentius inscribenda duxi, quò mihi perspectum te reconditoris litteraturæ viros summè venerari; quorum vestigiis gloriosè insistens arcana rerum cupido discen-

di genio in dies inquis; quæsitæ, acri iudicio ad examen vocas; cognita tandem, scriptis consignas; è quibus dirata naturæ supellex suis absoluta numeris (nativo tibi tersissimo stylo) in publicum sit aliquandò proditura. Quod faxit Deus in commune bonum & tui ipsius semipiternum decus. Interea (Vir amicissime) dùm hoc devoti in te animi pignus exhibeo, meliora (si Deus dederit) in dies apparo. Nempe observationum stupendarum centurias tertiam & quartam; microcosmicarum unam; chymicæ Bibliothecæ partem alteram; Democriti vitam & Philosophiam; tractatum item de lingua universali, & de modo enodandi cypherum Venetum quadratum cum clave, quæ omnia curiosis accepta fore confido. Dabam Parisiis ANNO CIO. IOC. LIV. Kalend. Julii.

P E T R O B O R E L L O, M. D. *Amico suo*

F. H. P. L.

Fœlicem te! mi Borelle, quem post tot annos *Peireskiana* dignitatis amplificatorem fors bona dederit. Fœlicem me; quem de Viro heroicis virtutibus amplissimo magnificè sic affari volueris. Fœlices ambo! quos in propagandâ clarioris famæ memoriâ idoneos probavit Gassendus, dignior ipse *Peireskiana* virtutis Encomiastes, & vitæ multiplici gestorum serie luculentioris Scriptor absolutissimus. Per quem redivivi HEROIS litteratis unicè suspiciendi gloriosissimum nomen abundè colet posteritas, & inexhaustæ laudis materiâ semper superante, illud ipsum in æternitatis consortium traductura uberius commendabit. Quis fuerit ille corporis habitu; qualis animi moribus; quantus ingenii studiis; tam probè subiecit oculis Gassendus, imò pro rei dignitate sublimius ita recensuit, ut accuratissimæ illius Enarrationi ne vel minimùm apicem adjicere, nisi cæco impetu, quisquam possit aut debeat; quippè quæ suis omnibus numeris absolutissima nativam H E R O I S speciem, tersissimæ manus exquisitum opus ad vivum exponat, animi mores & ingentem ad quodvis scibile propensionem puriori stylo graphicè depingat, Posteris insuper politioris litteraturæ germanum proponat exemplar, uberem in orbe literario æmulandi materiem tanti viri memoriâ gloriosam: cujus fortunatis-

eunatissimis auspiciis redditæ post-liminiò Musæ, spiritum, patriam & vitam tutò receperint, quas superioris ævi barbaries immanibus exitiis puniebat. Cui ergo gestientes Musæ libertatis intercapedinem debebunt si floruerint? Cui studia & artes revocatam incolumitatem adscribent si vigerint? Cui tandem litterati scientiarum incrementa, & in abstrusioribus referendis subsidia convenientiùs addicent? Uni *Peireskio*, sed cui impensius? Alteri Gassendo: qui in *HEROIS* archetypo digniori solemne specimen æternitati positurus fecerit primus quod potuit solus. Non eo per utriusque virtutes ambitiosus laudator, nec enim laudibus indigent, qui supra laudes constituti, titulis omnibus majores audiunt, annos & ætatem blandientis gloriosæ nævo vindicatam in perpetuum laturi. *Studia duntaxat refumo* (quæ toto libro sexto enumeratione supra quàm dici possit accuratissimâ, prosequutus est Gassendus) & amplissimam illorum segetem in unum velut manipulum compendiosè collectam, expansis modò manuscriptorum tabulis explicaturus, in commune bonum flagitantibus affero. Quas autem affero tabulas apud eruditos non est quod efferam: facturum me satis reor si dixerim, inexhausti laboris hominem in iis condendis toto quidem ævo laboriosius desudasse, eo tantum fine, ut parituræ (quod agebat) posteritati scèliciùs obstetricaretur. Liceat heic proprias voces Gassendo reddere, & in his humilem eminentissimi viri demirari modestiam, ita de se apud illum sentientis, nimirum *esse se imparem qui factum maturum elegantemque produceret, aut articulatim lambendo formaret*: quasi verò huic oneri sustinendo impar haberi potuisset, qui *duos & octoginta Codices* in exquisitâ quavis materie propriis manibus exaratos ab excessu reliquerit; suâ quidem mole conspicuos, verùm variantis argumenti præstantiâ luculentiores, in quibus selectioris doctrinæ obvium fecerit omnibus Thesaurum, imò multijugæ lectionis portentosa congerie cumulatissimas effuderit Gazas, quarum subsidiis habeant (qui ipsius more altiora scrutari consueverint) unde labantes propemodùm artes sustinere tentent, aut veriùs fatiscentes ab interitu vindicare moliantur. Quam verò sortem habuerit Thesaurus iste, eruditis huc usque absconditus, lubet heic monere, imò penes quem lateat ingenuè subungere, ut quibus placebit tot illius acervatas opes sigillatim expendere, aut (si fas sit) ad sedandos scrutantium æstus aliquoties vulgare, iis sit in promptu
amplos

amplos hos Codices ex intimis visceribus perspicere, perspectos in commune bonum tandem depromere, non alio fine quàm ut litterati laboris improbi victricem lauream in palmari Viro longè suspiciant, è cuius opimis spoliis abunde ditati, spartam quam *Peireskianis* auspiciis nacti fuerint, uberiùs ornent, Mœcenatis tandem munificentia clariorem in posteros hæreditario quasi jure traducere moliantur. Bibliothecam decimo post obitum anno Parisios devehendam curârunt hæredes; hanc quippe Anno M.DC.XLVII. numero voluminum amplissimam, & compactione librorum elegantissimam, ibidem vidimus. Sed, heu! quàm malignum & pessimum fatum in distractione passa sit, sciunt qui nummaria istius nundinationis fatalem exitum memoriâ refricantes jacturam nullis artibus in posterum sarcientiam lachrymabundi etiam-num dolent. Potuisset enim, imò debuisset locupletissima hæc librorum supellex Musis reservari, aut saltem, qui è selectarum totius orbis Bibliothecarum manibus immenso labore conquisitus fuerat Thesaurus, integer divendi: At extincto celebrioris hujusce Bibliothecæ genio, sic erat in fatis, ut distractim lacerata miserè periret; quod ita Numini decretoriâ lege ab æterno constitutum crediderim, ut in elatiori forsan studiorum apparatu meminerint omnes, (qui paulò confidentiùs librariis illis incubant Thesauris) in tempore parta, redituris temporum vicibus cum ipso tempore tandem transitura. Fœlicior haud dubiè manuscriptis Codicibus obtigit eventus. Hos enim à memoratâ superius librorum supellectile provido maturoque consilio seponi curavit litteratorum optimus ille dum viveret Petrus Puteanus, tum ut amici lucubrationibus ab excidio liberandis vindex occurreret; tum ut Reipublicæ litterariæ (quam unicè diligebat) abstrusiorum rerum cupidine quâdam laboranti litteratissimus ipse opitaretur: Quamobrem schedas omnes in fasciculos congestas pro multiplicis argumenti variantibus hinc inde rationibus in certas Classes accuratiori quo pollebat judicio ritè dispersivit, ordine sic dispositas in duos & octoginta Codices compingi curavit, cujuslibet Catalogum sedulâ quâ potuit accuratione ad minutissima prosequutus, quem heic ex ipsius autographo primus exhibeo, cum quo, (ne quid oscitanter fecisse videar) singulos Codices perquàm accuratè conferre studui, ut ex iis litterati velut è contractâ totius operis tabulâ Puteani laboribus inchoatum, meis tandem curis absolutum

Brevia-

Breviarium habeant. Huic autem adornando (mutuūm datis quā̄m lubentissimè quotquot erant Codicibus) non parūm contulit Vir illustrissimus *Claudius Fabricius* Baro Riantiensis; *HEROIS* nostri ex Valavesio Fratre Nepos dignissimus, qui Paternis & Avitis titulis (quibus Fabiana Gens huc usque inclaruit) spectatissimus, illis etiam proprias & peculiares animi dotes, morum suavitatem, candorem, & ingenii solertiam copiosius adjunxit, quibus Patruī non solūm gloriā, verūm etiam rei litterariæ succrescentes opes foelicius adauget. Huic, si quid operis hac in re navārim, debere me, tantūm abest ut ingrato silentio prætereā; quin potius officiosissimis quā̄ possūm verbis testificaturus, collati beneficii grates amplissimas sincerā voce rependo. I nunc quisquis es qui arcanis siticulosus inhiās, *Peireskianos* fontes effusis scientiarum rivulis litteratum solum uberius irrorantes adi; Habebis abundè quod sitim expleat, sive cœlestia desideres; sive terrestria, naturalia, aut artefacta, antiqua vel recentia, expetas: In his attentissimum observatorem suspice, rerum abstrusiorum arbitrum agnosce, ævi sui Phœnicem & miraculum prædica, uno demūm verbo triumphalem Virum omni veneratione dignissimum posteritati commenda. *Parisiis die Decembris ultīma exeuntis anni, M. DC. LIV.*

Illustris VIRI

NICOLAI CLAUDII FABRICII
de PEIRESC, Senatoris Aquilexteniensis,

MSS. Propriorum CATALOGUS.

*Ex autographo PETRI PUTEANI cum ipsis Codicibus
qui apud BARONEM RIANTIENSEM in hanc diem extant,
attentissimè collatus.*

CODEX PRIMUS.

Ducs & Pairs de France, voll. 1.

Ducs & Pairs de France, II.

Oo

Livres

II.

Catalogi varii MSS. Codicum.

Varii Catalogi Librorum editorum.

III.

Livres de divers Heraults pour le faict des armoyries.

Meslange de plusieurs armoyries, tant blasonnées que non blasonnées.

Regionum vestimentorum fragmenta.

Diverses Instructions pour le faict des armoyries.

Armoyries des plus grandes Maisons de l'Europe blasonnées.

Devis de plusieurs anciennes tapisseries.

IV.

Angleterre, *voll.* I.

Angleterre, II. Escosse.

V.

Authores antiqui Græci & Latini de Ponderibus & Mensuris.

Calendaria varia.

Des Miroirs, Lunettes de divers effects.

Observations sur les yeux des hommes & de divers animaux.

Effects de la vieillesse.

VI.

Marine.

Commerce.

Juridica.

VII.

Inscriptions & subscriptions des lettres que le Roy, la Reyne, & autres escrivent, tant dedans que dehors le Royaulme.

Aultres memoires sur ceste matiere.

Elogia & Epitaphia.

VIII.

Turcs.

Voyages.

Meslanges de divers Papiers qui peuvent servir.

IX.

Procez verbal de la Negotiation entre le Pape Sixte IV. & les Princes d'Italie.

Memoires de la Reyne Margueritte.

X.

Pour la vie de saint Louïs.
 Pour la Pucelle d'Orleans.
 De la Ville de Rheims.
 Energuemenes forciers.

XI.

Memoires du Concile de Trente.
 Assemblées du Clergé.

XII.

Chancelliers & Gardes des sceaux de France.
 Reiglements Generaux pour les Maisons du Roy, de la Reyne ; & des
 Parlements.

XIII.

Genealogia Domus Austriacæ.
 Lettres & Actes intervenus au traité de Mariage d'Angleterre 1624.
 1625.

XIV.

Actes & memoires touchant le Bearn, Metz, Toul, & Verdun. Com-
 mercy.

XV.

Discours de la Puissance du Pape.
 De la puissance des Roys. Tampin.
 S'il est loysible de porter les armes pour un Prince de diverse religion.
 Naaman Anglus, an peccent Catholici qui cum Hæreticis vivunt.
 Vaccans & exactions du Pape.
 Evesques & Catalogue d'Evesques.
 Traité de L'Inquisition de fra Paulo.

XVI.

Statuës antiques, & aultres antiquitez.
 Gemmæ. De Tripode.
 Sceaux de diverses sortes.
 Portraits des Princes de la Maison d'Anjou, & aultres Figures.

XVII.

Regences. Apannages.
 Liets de Justice tenus par les Roys en leurs Parlements.
 Verifications d'Edicts en la Chambre des Comptes, & Cour des Ay-
 des.

Chambre de Justice contre les Financiers.
Estats des Finances.

XVIII.

Histoire du Marechal de Fleurange.

Histoire de Jacques de Lalain.

Vies des Comtes de Carcez.

Discours de la vie de Messire Charles de Lorraine, Duc de Mayenne,
par Cornac.

Negotiation de M. de Bassompierre en Espagne, pour la Valtelline.

XIX.

Assises de Hierusalem.

XX.

Libertés de l'Eglise Gallicane.

XXI.

Catalogus Librorum Bibliothecæ Regiæ.

XXII.

Harengues & Discours.

Divers Discours & Memoires.

Genealogies & autres Traittés Historiques.

XXIII.

Anciennes Genealogies des Rois de France.

Extraits des Chroniques & Histoires.

Antiquitez Françoises, ou extraits de divers Historiens.

Touchant l'ancienne Histoire de France.

Tiltres & Actes pour l'Histoire de la 2^{me}. Race.

Privileges accordez par les Papes aux Rois de France.

XXIV.

Inscriptiones Antiquæ, vol. I.

Inscriptiones Antiquæ, II.

Inscriptiones Christianæ & Novæ.

XXV.

Divers Ordres de Chevaleries, vol. I.

Divers Ordres de Chevaleries, II.

XXVI.

Ceremonies, Sacrés, & Couronnements.

Entrées. Receptions. Te Deum. Baptêmes. Mariages. Enterre-
ments.

Recep-

Reception du Duc de Pustrane en France.

Reception de Monsieur du Mayne en Espagne.

Memoires de plusieurs Ceremonies.

Discours des Rangs & Sçeances.

Memoire pour les Rangs.

Du debat du Rang entre France & Espagne.

XXVII.

Procez criminels. De Robert Comte d'Artois. De Gilles de Rail.

Du Connestable de St. Paul. Du Duc de Montmorancy.

Divers arrests criminels, & procedures criminelles.

XXVIII.

Chronicon Episcoporum Metensium.

Chronicon Besuense. Chronicon Novaticense.

Chronicon Bernense.

Plusieurs Lettres & Actes intervenus entre les Empereurs & Princes
Allemands, & les Rois de France.

Chroniques & Statuts de Montpellier.

Diverses Chroniques.

XXIX.

Legats à latere.

Indults des Cardinaux.

Legation du Cardinal Barberin en France & en Espagne.

XXX.

Italie, *vol. i.* Rome. Urbin. Parme. Este. Gennes. Mantoüe.
Montferat, & Venise.

Neutralité de la Franche Comté.

Italie, *vol. ii.* Milan. Savoye & Piedmont. Naples & Sicile.

Empire de Constantinople.

XXXI.

Huguenots depuis l'An 1550. jusques en 1619. *vol. i.*

Huguenots depuis l'An 1620. jusques en 1629. *vol. ii.*

XXXII.

Genealogies, *vol. i.*

Genealogies, *vol. ii.*

XXXIII.

Estats tenus à Paris sous le Roy Jean.

Autres l'An 1418. & 1461.

Assemblée des Notables à Rouën, 1596. 1617. à Paris 1627.

Ordonnance faite en suite de laditte assemblée.

Registre contenant les Actes des Estats Generaux tenus à Paris durant la Ligue en l'An 1593.

XXXIV.

Relations Italiennes, vol. I.

Relations Italiennes, II.

Relations Italiennes, III.

Diarium Pontificatus Leonis X.

XXXV.

Cahier du tiers Estat aux Estats Generaux tenus à Paris, l'an 1615.

Procez Verbal du Lieutenant General d'Evreux de ce qui s'est passé aux dits Estats.

Procez Verbal de la chambre de la Noblesse aux dits Estats Generaux, 1615.

Cahier de laditte Noblesse.

Plumitif des Registres des Estats Generaux, 1614, 1615.

Cahiers particuliers de la Noblesse de diverses Provinces, pour estre representés aux Estats Generaux tenus à Paris en 1615.

XXXVI.

Mathematica varia.

Astronomica.

XXXVII.

Varia Poëmata.

Poësies Françoises.

Pasquils. Devises.

XXXVIII.

Contracts de Mariages.

Contracts de Mariages.

Testaments.

XXXIX.

Espagne. Arragon.

Flandre Espagnolle.

Hollande.

XL.

Diversi conclavi.

Relationi del Cardinale Bentivoglio.

XLI.

Lettres de Mr. de Saumaife, & de Mr. de Peirefc.
 Lettres Italiennes de plusieurs Grands Personnages.
 Lettres de Mr. de Peirefc.
 Lettres Françoises de plusieurs Grands Personnages.
 Lettres Françoises melleés.

XLII.

Parlements, de Paris, Thouloufe, Bordeaux, Bretagne, Dyon,
 Metz.
 Parlement de Provence.
 Chambre des comptes.
 Cour des aydes.

XLIII.

De Ponderibus & Menfuris.

XLIV.

Comtes de Thouloufe, Languedoc, Montpellier, Dauphiné.
 Guyenne, Bretagne.

XLV.

Divers Registres des Monnoyes.
 Actes & Memoires per le faict des Monnoyes.
 Pour le faict des Monnoyes.

XLVI.

Allemagne, Dannemarck, Suede, Pologne, Lorraine & Bar.

XLVII.

Le Chancelier del'Hospital.
 Balduin.

M. du Vair. M. de Villeroy.

XLVIII.

Moynes. Jesuittes.
 Chevalliers de Malthe.

XLIX.

Duels à oultrance. Tournoys.

L.

Theologica.
 Epistolæ Pontificum.
 Vitæ Sanctorum.
 Hincmari quædam.

LI.

Guistres.

LII.

Jardins & fruits.

LIII.

Observations de diverses merveilles de nature.

Inventions curieuses.

Instructions pour curiositez.

LIV.

Memoires touchant les affaires des Suisses.

Pour les Grisons, & la Valtelline.

Traitez entre la France & les Suisses.

Des Suisses entre eux.

Des Grisons avec les Suisses & autres.

Pour le fait de la Valtelline.

LV.

Medailles. Medaillès Arabiques.

Explications & discours sur diverses Medailles.

Numi Gallici, Saxonici, Britannici, &c.

Inventaires de plusieurs cabinets de Medailles.

Monendus heic Lector varia Codicis istius LV. volumina jam desiderari, quæ jure an injuriâ possideat, qui numismata pretio sibi comparavit, meum non est inquirere. Certum tamen est hæc è Peireskiano penu subdolè, ne dicam per vim eruta, jam jam in domesticis emptoris latebris delitescere, & à septem annis omnibus invisâ, neminique commodanda cum blattis & tineis in obscuro pugnâsse. Periit ergo Thesaurus ille quem dignissimus Heros, juvanda antiquariorum curiositati destinârat, quo fato! vi an fraude! nec iterum quero, durus enim homo metere voluit ubi non seminaverat, & congregare ubi non sparserat, Talentum alienum abscondens in terra.

LVI.

Lingux Orientales, Hebræa, Samaritana, Arabica, Egyptiaca.
Indices librorum harum linguarum.

Antonii Kircheri apparatus ad explicationem Hieroglyphicorum.

Jacobus Gaffarellus de Cabala & in eum Merfennus.

LVII.

Divers tiltres & actes depuis Hugues Cappel Jusques en l'an 1399.

I. vol.

Divers

Divers Tiltres & Actes pour l'Histoire de France, depuis l'an 1400. jusques en 1579. *II. vol.*

Divers Tiltres depuis l'an 1580. jusques en 1614. *III. vol.*

L VIII.

Divers Tiltres depuis l'an 1615. jusques en 1626. *III. vol.*

Divers Tiltres depuis l'an 1627. jusques en 1631. *v. vol.*

Divers Tiltres depuis l'an 1632. jusques en 1634. *VI. vol.*

L IX.

Annali di Giovannazzo. Historia del Varchi. Vita di Castruccio Castracani. Vita del Sauli.

Histoire du Siege de Malthe.

Histoire des Albigeois.

Chronique de Savoye.

Ioannis Baptistæ Tassis Historia Belgica.

L X.

Epistolæ Clarorum Virorum eruditæ.

Observationes in varios Authores.

Petri Gassendi Epistolæ.

Ioannis Gualtheri Prioris Vallaetæ, & Peireskii Observationes Mathematicæ.

L XI.

Inventaire des Registres des Ordonnances du Parlement de Paris.

Divers Inventaires & Extraits des Registres anciens du Conseil du Parlement de Paris.

Table d'un Inventaire des Registres des Ordonnances du Parlement de Paris.

L XII.

Table des Ordonnances de la Chambre des comptes.

Ordonnances diverses.

Deliberations faites en divers Parlements sur la modification de nouvelles Ordonnances.

Memoriaux de la Chambre des comptes de Paris.

L XIII.

Extraits de divers Registres du Parlement, de la Chambre des comptes, & autres.

Chartulaire.

Recueil de plusieurs anciennes Ordonnances fait par le Greffier du Tillet.

Couſtumes de Beauvoifes, par Phlets de Beaumanois.

LXIV.

Tables ſur les v. i. i. volumes de l'Inventaire du Threſor des Chartres.

LXV.

Actes & Memoires pour l'Histoire de Provence, depuis l'an 1441. juſques en 1479. vol. i.

Actes & Memoires pour laditte Histoire depuis l'an 1480. juſques en 1590. vol. ii.

Actes par laditte Histoire depuis l'an 1590. juſques en l'an 1637. vol. iii.

LXVI.

Relations particulieres de ce qui s'eſt paſſé en Provence durant les Regnes de Henry III. & IV.

Divers Memoires ſervans à l'ancienne Histoire de Provence.

LXVII.

Traittés Genealogiques pour l'Histoire des Comtes de Provence.

Genealogies & Tiltres pour la Maiſon de Fourbin.

LXVIII.

Tiltres & Memoires pour la Famille des Pourcellets. i. ii.

LXIX.

Genealogies de Glandevéz, d'Agout, de Sault, de Pontevéz Rodulphi, de Léonce, Benau, Luynes, Briançon, Puget.

LXX.

Genealogies de Grignan, Simiano, Villeneuve, Sabran & Caſtillane.

Genealogies des Baux, de Foreſta, Oraifon, Laſcaris, Ventimille, Brancas, de Callian, Gracé, Vallavoire, du Blanc, Lodun, Mondragon, Candolle, Sceyre, Pontanier, Boucicault, Spinola d'Aix, Clemens, &c.

LXXI.

Histoires des Antiquitez d'Arles, par L. de Romien.

Histoire en forme de Journal de ce qui s'eſt paſſé en Provence depuis l'an 1562. juſques en 1617.

Procez pour le Comte de Provence, intenté par le Duc de Lorraine.

LXXII.

Genealogies diverſes anciennes des Princes qui ont regné en Provence.

Melange de diverses Lettres pour les Familles de Provence.

Genealogies & Tiltres pour les Maisons de Bulbone, Requiston, de Medullione, De la Garde, Simons, Signa Cornuti, Grimault, Renigliaos, Flotte, Jarante, Cossa.

Registre de Caradet.

Genealogie de la Maison de Fabry, & des Maisons qui luy sont alliées.

LXXIII.

Villes de Provence, Aix, Arles, Toulon, Yerres, Forcalquier, Brignolles, Frejus, Riants, Nice, & autres.

Actes & Memoires touchant la Ville de Marseille, & les Seigneurs qui l'ont possedée.

Statuta Massilia.

Antiquitez de Marseille de Rem. de Soleris.

LXXIV.

Archevesché d'Arles. Actes anciens.

Eveschés de Marseille, Frejus, Die, Vence, Gap, Digne, Grasse, Senez, Glandevéz, Riez, Syfteron.

LXXV.

Archevesché d'Aix. Evesché de Toulon, Apte, St. Paul, Vaïson, Cavaïllan, Aurange, Nice.

Abbayés. De Lerins, de Nazareth, Caroli loci, Saint Veran, Lioncel, St. Poris, Almanarra, Saint Hierosme, Correns, Ste. Marie Magdelaine, Beaugensie, Pignans, Barjolz, &c.

LXXVI.

Abbayez. De St. Victor de Marseille, St. Maximin, de Articella, Boscodum, & Luze.

Abbayé. De Montmajour, les Arlez.

Chartrenses. De Montriou, Valbonne, Val Ste. Marie, d'Urbonne, de Verne, Bompas.

LXXVII.

Avignon.

Lettres du Pape Clement IV.

Comte de Venisse.

LXXVIII.

Aurenge.

LXXIX.

Memoires fort singulieres pour l'Histoire de France, principalement des troubles de la Ligue en general, & ce qui s'est passé en Provence pour ce regard.

Diverses curieuses Relations, faites par Mr. de Peiresc en des conferences.

Parlements anciens.

LXXX.

Grotius. Querengus.

LXXXI.

Troisiesme Discours & Commentaires de Mr. Louïs de Peruffis, Escuyer de Coumons, Chevalier de l'ordre du Roy, ensemble la continuation de la guerre & troubles du temps, depuis le 22 Febrvier 1554. jusques en 1581.

LXXXII.

Bulle de la Legation d'Avignon.

F I N.

INTER.



INTERPRETATIO VERNACVLA

selektorum aliquot nominum propriorum, quæ in vita Peireskii
occurrunt.

A.



B B A V I L L Æ U S,
d'Abbeville.
Agimensis, d'Agen en
Agennois.

Agutius, d'Agut.

Albaspina, De l'Aubespine.

Album Hospitium, Begude blanche.

Alensis Comes, Comte d'Alais.

Alincurius, d'Alincour.

Alresia, d'Alries.

Altinus, Hautin.

Andes, Pais d'Anjou, *Andinus*,

Andegavensis, d'Anjou, Angevin.

Antipolis, *Antipolitanus*, Antibe, d'Antibe.

Apta Iulia, Apt, ville de Provence, *Aptensis*, d'Apt.

Aqua-mortua, Aigues-mortes.

Aqua-Sextia, Aix, *Aqui-Sextiensis*,

Aquensis, d'Aix.

Aquisfria, Guistres, *Aquistriensis*

Abbatia, Abbaye de Guistres, en Guyenne.

Arausio, Orenge.

Arcofius, d'Arcos.

Area, seu *Hiera*, Yeres.

Arecomici, Partie Orientale du Longuedoc.

Arelate, Arles, *Arelatenfis*, d'Arles. *Arelatense Pontificium*, Histoire des Prelats d'Arles.

Aremorica lingua, Langue Bretonne.

Argentens, *Provincia fluvius*, Argens.

Arminiacus, d'Armignac.

Arſchotanus Dux, Duc d'Arſchot.

Arvernas, *Alvernus*, d'Auvergne.

Assessor Aquensis, Assesseur, Advocat tenant rang entre les premier, & second Consuls d'Aix, & Procureurs du pais.

Aſiſia, Affises.

Avaricum, Bourges.

Aubrius, *Menilius*, Aubry du Mesnil.

Audomaropolis, Saint Omer.

Avenio, Avignon.

Augusta, Aufbourg.

Augustodunum, *Augustodunensis*, Autun, d'Autun.

Aurelia, Orleans, *Aurelianensis Puella*, la Pucelle d'Orleans.

Aurelia via, Chemin Aurelien,
dont il demeure des vestiges
en Provence.

B.

Bachetus *Meziriacus*, Bachet sieur
de Meziriac.
à *Balneo Cardinalis*, Le Cardinal
Bagni.

Barcino, Barcellone.

Bargemonius, De Bargemon.

Barraltius, De Barraut.

Barthalaſia, La Barthalaſſe.

Baulcium, Les Baulx. *Baulciensis*
arx, La forterefſe des Baulx,
près d'Arles.

Bearnia, Païs de Bearn.

Bella inſula, Belle-ifle près la coſte
de Bretagne.

Bellevraus, De Bellievre.

Belgenſerim, Beaugenſier.

Belliquadrum, *Belliquadrenſis*, Beau-
caire, de Beaucaire.

Bernetius, Du Berner.

Bethunius, De Bethune.

Bevonia turris, Tour de Bevons en
Provence.

Boderius, De la Boderie.

Bomparius, *Bomparia*, De Bompar.
de Bononia, De Boullogne.

Borrillius, Bournilly.

Bracchium Florentium, Braſſede Flo-
rence.

Brevius, De Breyès.

Brigantium, Brigantçon, forterefſe
près d'Yerès.

Brimonia, Brignolle ville de Pro-

vence. *Brimoniensis*, de Bri-
gnolle.

Brossaus Vidus, Guy de la Brosſe.

Buccardus, Bouchard.

Buleus, Boule.

Bullialdus, Boulliau.

Buquia Turris, Tour de Bouc.

Burdelotius, Bourdelot.

Burdigaleſis, de Bourdeaux.

Buxeus, Boiſſeau.

C.

Cahirum, le Caire en Egypte.

Calasum, Calas, village de
Provence.

Camaldulenſes, Hermites de Ca-
maldoli.

Campinius, *Bochartus*, Bochart, Sieur
de Champigny.

Canayus Fraxineus, de Frefneca-
naye.

Canna, Canne, meſure de Pro-
vence.

Canne, *Cannensis Portus*, Port de
Cannes en Provence.

Capellanius, Chapelain.

Caradetea familia, de Caradet.

Carpentoractenſis, de Carpentras.

Cassaneus, Caſſaigne.

Caſtelletum, le Caſteller.

Caumartinius, de Caumartin.

Ceppedeus, de la Ceppede.

Chiffetius Veſuntinus, Chiſſet de Be-
zançon.

Cipperia, oppidum Provincia, Cippie-
res.

Cithariſte Promontorium, Cap de
Cer-

Cerciech, près de Tollon.
Classis prima, *Auditorium Maius*,
Grand Chambre du Parlement.
Cleracensis obsidio, Siegè de Cle-
rac.

Coeffeteus, Coëffeteau.
Collis-martius, Colmars, ville de
Provence.
Condeus, *Condatensis*, de Condé.
Comitia Curiata, L'Assemblée des
Chambres du Parlement.
Compendiensis, de Compiègne.
Corus, ventus, Maïstral.
Coyerus, mons Provincia, Coyer.
*Crauria, Campi lapidei, Campi Her-
culei*, La Craux près d'Aïles.
Crequius Dux, Duc de Crequy.
Curia instauratio, L'ouverture du
Parlement.
Cyaneus, Provincia fluvius, Ciagne,
ou Siagne.

D.

D*Aubrayus*, d'Aubray.
Davoria, Dorïa de Gennev.
Debonarius, Debonnaire.
Decormius, Decormis.
Demoniosus, Demoniosieu.
Decuria summorum iudicium, Cham-
bre Souveraine.
Dignia, Digne, ville de Provence.
Draguimianum, Draguignan, ville
de Provence.
Dryentia Provincia fluvius, La Du-
rance.
Ducaus Fronto, Fronton le Duc.
Duchefnius, Du Chesne.

Dulcia, Douce, Comtesse de Pro-
vence.
Dumayus, Dumay.

E.

E*Ngolismenfis*, *Magnus Franco-
rum Melitensum Prior*, Henry
d'Angoulesme, Grand Prieur
de France, Gouverneur de
Provence.

Ericis Portus, Lericy.
Escuriatis, de l'Escorial.

F*Aber Nicolaus*, Nicolas le Fe-
vre.

Fabrius, *Fabricius*, Fabri.
Falconius, de Faucon.
Feronceus, Feroncé.
Ferrerius, de la Ferrière.
Fliscarii Genuenses, la Maison des
Fiesques de Gennev.

Fons-Bellaqueus, Fontaine-bleau.
Fontanus Comes, Comte de Fuentes.
Fontanus, Medicus, Fontaine.
Fonvivius, de Fonvive.
Forbina familia, de Forbin.
Forcalquerium, Forcalquier, ville
de Provence.

Fortius, du Port.
Foro-julium, Iulii forum, Frejus. *An-
tiquitates Foro-Julienfes*, de Frejus,
ville de Provence.

Fossensis ager, Terroir de Fos près
le Martigues.
Frereus, Frere, le Frere.

Fron-

Frontinianum (non *Frontiniacum*) Fron-
tignan en Languedoc.
Fulco, Foulquet.

G.

G *Allapius*, *Castuelli*, Gallaup,
Sieur de Chastueil.

Galliardus, Gaillard.

Gallo-Provincia, Provence.

Galterius, Gautier.

Gapellus, *Provincia fluvius*, Ga-
peau.

Godellus, Godeau.

Godefridus, *Gothofredus*, Godefroy.

Gondius, *Dux Radesianus*, de Gondy,
Duc de Rais.

Gornæus, *Marchevilla Comes*, de
Gournay, Comte de Marche-
ville.

Gramusa, *Provincia oppidum*, le Gra-
muse.

Grandis, le Grand.

Grassensis, de Grasse.

Gratianopolis, Grenoble.

Grimaldicus Sinus, Golfe de Gri-
maud.

Grollaus, *Medullioneus*, *Bressiaci Mar-
chio*, de Grollé, de Meouillon,
Marquis de Bressieux.

Guerinea Caverna, Grotte de Gue-
rin.

Guiffi Dux, Duc de Guise.

H.

H *Aligraus*, d'Haligre.
Hallæus, Hallé.

Hemina, *aridorum mensura*, Hemine.
Henotica factio, la Sainte union, la
Ligue.

Hoguetta Fortinus, Fortin, Sieur de
la Hoguette.

I.

I *Ayus*, Le-Iay.
Inquisitoria Classis, Chambre des
Enquestes.

Ioyosæus, de Ioyeuse.

Iustinianæus Marchio, le Marquis
Justinien.

L.

L *Abbaus*, Labbé.
Lagneus, Lagneau.

Lainæus Marguerius, Lainé, Sieur de
la Marguerie.

Lambiscum, *Provincia oppidum*, Lam-
besc.

Laufonium, *foramen*, de Lanfon,
lieu de Provence.

Latrunculator, Prevost des Mare-
schaux.

Laverna, Laverne, lieu de Pro-
vence.

Leberoneus, de Leberon.

Lediguerii horti, Jardin du Duc de
Lesdiguières.

Legnius, Lac de Legny en Pro-
vence.

Lemovices, Païs Limosin.

Lero, *Leronensis*, vel *Lirimensis*, Le-
rins, de Lerins.

Lexovii, Lisieux.

Lochien-

Lochienſis, de Loſches.

Lomenius, Delomenie.

Luillerius, Luillier.

Luxemburgica Pergula, Gallerie de l'Hoſtel de Luxembourg.

M.

M*Achaltus*, Machault.

Marius, Le Maire.

Malherbius, de Malherbe.

Malignonus, mons *Provincia*, Malignon.

Marca, Poids de Marc.

Martigium Mare, Mer de Martigues.

Meduanii Dux, Duc de Mayenne.

Mellereola liquidorum menſura, Meillerolle.

Memmius, de Meſine.

Menetrius, Meneftrié.

Merſennus, Merſenne.

Mimetenſis (non *Mimtenſis*) de Mimmet.

Minutius, Minuti.

Mirebellum, Mirebeau.

Monchalius, de Monchal.

Mon-morantiuſ, de Mon-morancy.

Monſpelium, Mon-pellier.

Monſteriuſ, pictor, du Mouſtier.

Mons Ventofuſ, Mon-Ventoux.

Montargirium, Montargis.

Montis-majoris Monaſterium, l'Abbaye de Mon-majour d'Arles.

Morgueſiuſ, Morgues.

Municipaliſ Curia, l'Hoſtel de Ville.

N.

N*Annetenſis*, de Nantes.

Natalis, Noël.

Naudæuſ, Naudé.

Nemaſuſ, *Nemaufenſis*, Niſmes, de Niſmes.

Neovilla, de Neuf-ville.

Nihontium, Nions.

Noalliuſ Comes, Comte de Noailles.

Nogaretiuſ Valletanuſ, de Nogaret, Sieur de la Vallette.

O.

O*Ccitania*, Le Languedoc.

Olbia, Yeres. *Olbienſis*, d'Yeres.

Olivariuſ Fontanuſ, Olivier, Sieur de Fontenay.

Onuſ, menſura Provincia, Charge.

Oppedæuſ, Sieur d'Oppede.

Oppida alieno ari ſolvendo imparia, Cominunautez impuiſſantes.

Oreſoniuſ Marchio, Marquis d'Oreſon.

P.

P*Aludanuſ*, de la Palud.

Pammaliſ, menſura, Panal.

Pannuſ, vel Palmuſ, menſura, Pan.

Paulus Sarpus, Fra-Paolo Sarpio.

Pelletarius, le Pelletier.

Pererius, du Perier.

Petavius, Petau.

Petriscum, Peiresc.

Phaëtis, Fayette.

Phœnicopterus, Flammant.

Pinta, mensura, Pinte.

Pissiacum, Poissy.

Pithæus, Pithou.

Pleſæus, du Pleſſis.

Polanius, Poulain.

Pompadorius, de Pompadour.

Porcellus Mallianus, Porcellet,
Sieur de Maillanes.

Potus, mensura, Pot.

Proſeneſcallus Capitalis, Lieutenant
Criminel de Senefchal.

Provincia, Provincialis, Provence, de
Provence, Provençal.

Puteanus Eques, Cavalier del Pozzo,
Romain.

Puteani fratres, les Sieurs du Puy,
Parisiens.

R.

R *Aſcaſius Bagarrus*, de Raſcas,
Sieur de Bagarris.

Regalis Hispanicus, Real, huitième
de Realle.

Reginaldus, Raynaud.

Regium, Rei Apollinares, Riez ville
de Provence.

Remigalia, la Feſte de Saint Ré-
my, *S. Remigius*, Saint Remy,
ville de Provence.

Rhemi, Rhemensis, Rheims, de
Rheims.

Reſus, de Res.

Riantium, Provincia oppidum, Rians.

Riantienſis, de Rians.

Richelius, de Richelieu.

Rigaltius, Rigault.

Rivierius, de la Riviere.

Roccabruna, Roquebrune.

Roiſius, de Roiffy.

Rotomagum, Rouen.

Rubenius, pictor, Rubens.

Rafum Promontorium, Cap Roux.

Rupes interciſa, Roque-taillade.

Ruzæus, Deſſiati Marchio, Ruzé
Marquis Deſſiat.

S.

S *Almaſius*, Saumaiſe.

Servius Servita, Fra Paolo Sar-
pio.

San-benedictina Eccleſia Biſtornata,
l'Egliſe de S. Benoift le Bi-
ſtorné.

Sancta Balma, La Sainte Bau-
me.

Sancta Capella Gazophylacium, Le
Threſor de la Sainte Chapelle.

San-Dionyſſum, Saint Denys.

San-Janetum, Saint Janet.

San-Julianum, Saint-Julien.

San-Legerius Tondutus, Tonduti,
Sieur de Saint Leger.

San-Marthani fratres, les Sieurs de
Sainte Marthe.

San-

San - Martinus , Sieur de Saint Martin.

San - Maximinum , Saint Maximin , ville de Provence. *San - Maximitanus* , de Saint Maximin.

San - Michaëlianus torques, L'ordre de Saint Michel.

Santamantius , Sieur de Saint Amant.

San - Torpetianus Sinus , Golfe de Saint Tropés.

Scaliger, De l'Escalé.

Semurium, Semur en Bourgogne.

Sigilli sacri Custos, Garde des Sceaux.

Sillarius, de Sillery.

Solatus, Escu au Soleil.

Sollerienfis familia, & *vicus*, de Solliers.

Sorga, fluvius, Sorgue.

Spinosa , *oppidum Provincia* , Spinouse.

Stephanitis, Estevenette.

Suarezus, Suarés.

Sylvaneftenfis, de Senlis.

T.

T*Abaretius Cadafalcus*, De Tabaret, Sieur du Chaffaut.

Tallia, Les Tailles.

Tarasco , *Tarascon* , ville de Provence.

Tarraconensis, de Tarragone.

Tenda Comes, Comte de Tende.

Theronius, Thoron.

Thuanus, de Thou.

de Thulia, de Thules.

Ticinenfis, de Pavie.

Tolo, *Tolonum*, *Tauroëntium*, Tolon, ou Tollon.

Tonium Nitriobrigum , Tonins en Agennois.

Trobadores , *Poëta Provinciales* , Los Trobadors.

Tullensis Prasul, Evêque de Toul.

Tunetum, Tunis.

Turno, *Turnonum*, Tournon.

Turonum, *Turoni*, *Turones*, Tours.

Turonica libra, *Turonicus denarius*, Livre Tournois, denier Tournois.

Turricula , *Tournelle* , *Chambre Criminelle du Parlement*.

V.

V*Alavesum*, Valaves. *Valavesius*, Sieur de Valaves.

Valentiola, *potius quam Vallis-sola*, Vallansole.

Valesius, Valois, de Valois.

Valletanus Eques , Chevalier de la Vallette.

Vallevoria familia, de Vallevoire.

Valleus, De la Valle.

Vallis-clausa, *scaturigo* , Fontaine de Vau-cluse.

Vardonis, *seu Guardonis Pons*, Pont du Gar.

Varius , Du Vair.

Vasionensis, De Vaifon.

Vayerus à Motha , Sieur de la Mothe le Vayer.

Venascinus Comitatus, Comté Venaïscin, ou d'Avignon, le Comtat.

Veneris Portus, Porto-venere.

Verdunus, Provincia fluvius, Verdon.

Vermellius, Vermeil.

Viasius, de Vias.

Vicus Mericus, Emeric de Vic.

Viguerius, Viguier.

Villa-novanus Flayosci Baro, de Ville-neufve, Baron de Flayosc.

Villa-regius, de Villeroy.

Villerius, de Villiers.

Vindocinensis, de Vendosme.

Vitrius Marefcallus, Marefchal de

Vitry.

Vizilia, Vizile près de Grenoble.

Vulturinus ventus, Siroc.

Z.

Z *Embii, Insula non procul Tolone,*
les Zembies.

F I N I S.

RERUM.

RERUM ALIQUOT PRÆCIPUARUM

I N D E X.

QUÆ AD SERIEM VITÆ PEIRESKII
POTISSIMUM SPECTANT.



- Ajores, pag. 1. & seqq. De
Patre, 13. & alibi. Mo-
ritur, 127. De Matre, 4.
Moritur, 6. De Patruo,
3. & alibi. Moritur, 64.
De Fratre, 6. & alibi passim. Super-
est, 249
Natales, locus, tempus, initiatio, no-
mina, 3. & seqq.
Indoles, ac Mores, 6. & passim toto ope-
re. Ex professo autem, copiosè que à pa-
gina 208.
Ingenium, ac Studia, 7. & sequent. ac
passim toto opere. Specialiter verò, ac
fusi à pagina 224.
Gubernaculum literarum arreptum,
26. & seqq.
Doctoratus adeptio, 38
Senatoria dignitas, 40. 59. Vide etiam
de ea, 120. 154. 163. 194
Abbatia, 103. 120. 249
Profectio in Italiam, 11. & seqq. Com-
moratio Patavii, 12. & seqq. Excur-
sus Venetias, 13. Romam, 16. Nea-
polim, 21. Reditus Patavium, 23.
& seqq. Reditus ex Italia, 32. Com-
moratio Monspelii, 33. & seqq. Re-
ditus, 38
Profectio I. Parisios, 47. Excursus in
Angliam, 51. In Hollandiam, 53.
Reditus per Flandriam, 56. Reditus
in Provinciam, 58
Profectio II. Parisios, 84. Redi-
tus, 87
Profectio III. Parisios, 94. Reditus
post septennium, 119
Secessus Belgenferium, 143. Reditus
in urbem, 163
Amici, quorum foret nimis operosa
enumeratio, passim ubique.
Elogia à claris viris, toto passim opere.
Morbi, 8. & passim. Graviore, 43. 93.
129. 154. 158. Extremus, à pag.
243
Mors, 248. Funebres honores Romæ
habiti, 251. 252.

Quæ ad rem Antiquariam, ac Historicam.

A.

- A Bacus antiquus, pag. 182
ABPAZAC, Basilidianorum
Hæreticorum vox, 16
Acia mollis apud Celsum quid, 186
Æs grave, 34
Aëtion, insignis gemma, 52, 65
Amethystus insignis, 49
Antiquariæ rei studium quale esse
debeat, 235
Aquense Collegium, Universitasque,
38. 40. 43. Aquenses Consules ii-
dem Provinciæ Procuratores, 138.
Aquensis Palatii incendium, 3.
Palatini auditorii contabulatio, 60.
Poli altitudo, 107
Ara Augusto dicata Narbone, & locus
Qq 3 Taciti

I N D E X.

Taciti ex ea corrigendus, 35
 Arabici Codices, 139. 164. 186. 195
 Arcus triumphalis Araufione, 35
 Arææ, Olbia antiquorum, 1
 Arelatense Pontificium, 129
 Aremorica lingua, 195
 Argæus Cappadociæ mons adoratus, 25
 Arrha genialis, seu annulus pronubus, 143
 Assis partes, 34. 160. 235
 Assisæ Principum Christianorum, 133
 Avenio, & Venascinus Comitatus quando, & quomodo in ditionem Pontificiam venerit, 61
 Aurelianensis Ecclesiæ, & quarundam imaginum antiquitas, 51. Aurelianensis puellæ acta, 48
 Austriacam familiam ex Pharamundo mascula serie non deduci ostenditur, 100. & seqq.

B.

BArberini Cardinalis Legatio in Galliam, 125. Reditus, 127.
 Legatio in Hispaniam, 128. Reditus, 130
 Barcinonenses Comites, 93. 123
 Belgicam, Teutonicamve linguam esse primam omnium quis contendat, 195
 Biblia insignis antiquitatis, 103
 Borysthenis Equi Adriani Tumulus, Epitaphium, Numus, 141
 Britannicæ linguæ antiquitas, ejusque apud Gallos usus, 52
 Britannia vox in numo, 57.

C.

CAmeus, seu Achates insignis in Thesauro S. Capellæ de Apotheosi defuncti Augusti expositus, 109
 Caneus alius in Cimeliarchio Imperatoris expositus de Apotheosi viventis Augusti, 111
 Campaniæ, & Latii loca quædam, 21

Canalis ex Druentia in agrum Arelatensem quando, & à quo derivatus, 139
 Carthaginienfis portus, 58. Carthaginienfium lex quædam, 59
 Censuum imminutorum causa, moneta usualis, 131
 Cimbricam linguam esse primam omnium quis contendat, 196
 Clandestinorum conjugiorum prohibitio, 134
 B. Clementis Epistola reperta, editaque, 168
 Columnæ Antoniniana, & Trajana, 18
 Conflagratio Basilicæ Palatinæ Parisiensis, 102. Pontis Trapezitici, 115
 Constantini Porphyrogenetæ Codex continens Excerpta insignia ex Polybio, aliisque historicis, 133. 183
 Cophtici libri, 152. 168
 Corsicana expeditio Scipionis Barbari ex Inscriptione, 96
 Currus vento actus, 55.

D.

DElphini Baptismus, 57
 Diniesia Balnea, ac Thermae singulares, 60
 Doctoreorum Insignium origo, 39.

E.

Ecclæsiarum situs in ortum, Tropicumque Hibernum, 116
 Ecstasis sceminæ insignis, 22. Cardani etiam, *ibid.*
 Elephas funambulus ex Medallione, 156
 Enochii Prophetia Æthiopice apud Peireskium, 167
 Euangelia quibus temporibus scripta, 187
 Eugubinae Tabulae, 23. 186.

F.

Ferrariæ ditio caduca à Clemente VIII. recepta, 11
 Flumi-

Fluminum variorum nuncupationes ex
eadem origine, 196
Francicæ historiæ Authores conqui-
siti, 102. 167. Editi, 197
Francorum Regum Stemma vindica-
tum à technis Scriptorum Austria-
cis assentantium, 100. & *seqq.*
Francorum aliquot Regum effigies in
figillis antiquis, 50. 65. Tumuli, 50.
Statuæ, 102.

G.

Lud. **G**aufridi cacomagia, 81
Globuli mirabiles in cistula
fellea D. Claræ reperti, 22
Græcæ linguæ usus, 25. Græci Codi-
ces, 132. 164. & c.
Guardonis, seu Wardonis pons, 35.

H.

Henrici Magni, & Mariæ Medicæ
sponsalia, 15. Ejusdem Henrici
mors, & de ea provisâ, 76
Hieroglyphica mensæ Iliacæ, à quo
exposita, 30. Hieroglyphicorum
interpres, 165
Historiæ studium quàm utile, 234
Hollandi, ut templis, & insignibus E-
quitum pepercerint, 56. ut Biblio-
thecam instruant, 155
Homeri effigies cum inscriptione, 91.
Ilias cum notis Porphyrii, 167
Honorii, & Theodosii Imperatorum
constitutio, 87
Humoristarum Academia Romana,
252.

I.

Iccius Morinorum portus, 133
Inscriptiones varieg, 20. 24. 31. 35. 91.
96. 141. 203. & c. Aliquæ mirâ so-
lertia à Peireskio explicatæ, 49
Insulæ natantes, 134
Iobelæum anni, 1600. 20.

K.

Kalendarium Constantinianum apud
Peireskium, 98. 112. Utile ad
Chronologiam, 98
Karolus Dux Croius, & Arschothanus
quàm curiosus, & humanus Prin-
ceps, 57
Karoli Magni Aquis. granensia monu-
menta, 68. An Magni cognomen-
tum vivus tulerit, 65
Karoli V. Imperatoris in Provinciam
irruptio, 3
Karolus II. Rex Siciliæ, & Provin-
ciæ Comes, sua & filii sanctitate con-
spicius, 138.

L.

Lateris Babylonii fragmentum, &
quid continens, 137
Lectisternium marmoreum insigne,
Leronensium Insularū vindicatio, 207
T. Livii ossa Patavii condita; & ex iis
bracchium Neapolim translatum, 31
Locrensiū lex quædam, 59
Longævitas senis Angli, 197. Persæ,
ibid.

M.

Mantuani Ducis Cimeliarchium,
33
Marmora Arundelliana Peireskii cura,
& sumptibus eruta, 148. illorum ad
Chronologiam usus, *ibid.*
Massilia civitas Græca, 89. Ejus mo-
neta, *ibid.* Quanta sit in ea Solstitia-
lis umbrâ, 199. Massilienses Comi-
tes, 223
Matris Deūm Magnæ, Attidisque ini-
tia à quo exposita, 119
Mensuræ antiquæ cum nostratibus cō-
paratæ, ac nominatim Congius ex-
ploratus, 72. & *seqq.* & 98. 159.
164. & c. Quàm seduliantiqui circa
mensuras, 160
Monetarum valor, ut alterationem sub-
eat, 70. 131. As, Denarius, Aureus,
Drach-

- Drachma, Siclus, Solatus, Solidus, &c. *ibid.* & *alias*.: An Medaliaē monetales, 56
- Mors clarorum aliquot virorum, ut Aleandri, 156. Allealmi, 131. Arschorani Ducis, 91. Barclaii, 113. Baronii, 64. Bellarmini, 114. Cæsarini, 123. Camdeni, 122. Casauboni, 91. Clusii, 69. Contareni, 90. Cornari, 98. Fabri, 87. Fontanæi, 137. Fontani, 126. Freheri, 91. Genebrardi, 33. Gorlæi, 69. Gualdi, 115. Lafenæ, 202. Lipsii, 56. Malherbii, 138. Meduanii Ducis, 114. Merindoli, 126. Nichezolæ, 91. Pacii, 184. Paschalini, 90. Pinelli, 26. Pignori, 156. Scalligeri, 69. Schickardi, 194. Thuanii, 99. Varii, 112. Velferi, 91. Villaregii, 100
- Mumiæ ex Ægypto advectæ, 152.
- An Nauculum in ore habeant, exploratum, 153
- Murenfis in Helvetia Monasterii acta, 101.

N.

- N**avigatio ad Austrum Mærii, & Schuttentii, 105. Aliorum ad Boream, proximè polum, 106
- Nostradami historia in examen revocata, 92
- Notabilium conventus Rhotomagi, 99
- Numismata quædam, 19. 31. 42. 47. 48. 57. 64. 121. 152. &c. Errores quidam Goltzii, & Ursinii circa numeros xxx. Tyrannorum sub Galieno, 47.

O.

- O**beliscus Constantinianus, 18.

P.

- Bern. **P**aludani Encusani Cimieliarchum, 55

- Pandectæ Florentini, 16
- Pantheon Romanum, 18
- Paulippus mons perforatus, 21. Lanfonius in Provincia etiam perforatus, 178
- Pecunia unde dicta, 34
- Pes Regius, seu Parisiensis comparatus cum Provinciali, Romano antiquo, Anglicano, Hollandico, &c. 75
- Pestis, & turbæ consequutæ in Provincia, 142. & *segg.*
- Peutingeriana Tabula, 117
- Phidiæ, & Praxitelis monumenta quædam, 18
- Pisanum Cimeliarchium, 12
- Pocula *ovido*, seu Symbibæ, itemque *veggung*, seu literata, *ibid.*
- Pondera Romana cum Parisiensibus collata, 73. Utraque cum Provincialibus, 74. de ponderibus, 160. 235. & *alias*.
- Provincia Comites antiquiores aliquot, 1. 92. & *alias*. Proreges, 31. 4. 15. 158. Inter Provincia, & Tolosæ Comites facta partitio, 62. 93. Provincialis Grammatica, & Poësis, 196. Provinciales chartæ chorographica, 106. Provinciales mensuræ, & pondera, 74, 75. Provincia plura, 222. & *segg.*
- Psalterium hexaplon, 206
- Pytheas Massiliensis doctorum in Occidente virorum antiquissimus, 200

R.

- R**avennæ antiquitates à Gothica usque Barbaricæ, 23
- Raymundus v. i. Tolosarum Comes, quando, & quorsum ditione spoliatus, 61
- Romanæ antiquitates, 18. & *segg.*
- Rupes incisa, insigne monumentum, 42.

I N D E X.

Samaritani Codices, 67. 139. 161.
164

Scipionis *Æmiliani* factum, 59
Squitinii, de rebus Venetis libri au-
ctor. 86
de Suburbicariis regionibus, & Ec-
clesiis controversia, 103.

T.

Talentum *Ægyptium*, seu Thebai-
cum, 121

Theutobochi Gigantis ossa fabulosa,
88. & seqq. & 156.

Thule insula à quo primùm detecta,
200

Thymelicæ figuræ, 65
de Tripode, & quid in eo Cortina, 152

Tumuli *Régum Parisienses*, & San-
Dionysiani, 50.

V.

Vasa varia, 164. Cur pretiosorum
præsertim habenda in mensuris
ratio, *ibid.*

Vermellius *Monspeliensis*, qua occa-
sione præfectus *Abyssi* norum mili-
tiæ, 170

Virgiliana ænigmata, 131

Viriolæ ex smaragdis.

Unciæ symbola varia quare adposita,
235

Urbani Papæ octavi electio, 120

X.

Xiphiae vox in Sapphiro à Peires-
kio exposita, 20

Quæ ad Physicam, Mathematicamque.

A.

Amagesti *Ptolemaici* interpre-
tatio quando Arabicè, quan-
do Latinè facta, & de *Pto-*
lemæo aliqua, 197

Aluminis figura octahedrica, 26

Alzaro animal *Africanum*, 180

Apum, & Muscarum lingua multicus-
pis, 138

Aristarchi *Samii* de magnitudine So-
lis, & Lunæ liber. 166

Astrologica vanitas, 4. & alibi.

Astronomiæ studium, 239

Aurora, seu Claritas borea insignis,
pro exercitu in aëre vulgo habita,
114.

B.

Balanæ *Aquitaniæ* oculus, lingua,
guttur, 175

Balnearum aqua, an ex igne acta, vel
potentiâ calida, 61. Balnearis aqua
quàm salutaris, 209.

C.

Cælum *Christianum* *Bayeri*, 135.

Cælestes imagines in Ecclesia
Vercellensi antiquissimæ, *ibid.* Cæ-
lestium motuum Tabulæ *Rudol-*
phina, *ibid.*

Canum instinctus, 64. 80. 212

Capellæ insigniter auritæ, 128

Cerasa, & Mespila sine nucleis, 146

Cervina pellis cur emergat supra cæ-
teras, 180

Chamæleonis anatomia, & quæ singu-
laria in eo observata, 204. An aëre
vescatur? an colores rerum circum-
positarum induat? cur oculos con-
jugatos non moveat? *ibid.*

Rr

Chyli

I N D E X.

Chyli in jecur transfusio, 137
 Cometa anni 1618, 104. & *seqq.*
 Concha Anatifera, 42
 Conflagratio Æthnæ, è qua torrens igneus, 169. Semi montis. *ibid.*
 Vesuvii, 161
 Conjunctio Magna trium superiorum Planetarum anni 1604. 45
 Corallii expiscatio, & observata de eo aliqua, 124
 Cordis Mediaſtinum ſanguini pervium, 138
 Crautia, ſeu Camporum Herculeorum lapides quomodo geniti, 150
 Crocodili quot, & cujuſmodi dentes, 198.

E.

ELephantis dentes, crura, pondus, & cætera explorata, 156.

F.

FEbris qua ratione inedia curetur, 212
 Felium partus, 212
 Ferreæ rubiginis magnetica vis, 180
 Ficus Adameæ an racemus terræ Chananæorum, 146
 Flumina in quam partem arenas egerant, 178
 Fontium, Fluminumque origo, 118. & *seqq.*
 Fons Collismartienſis mirabilis, 178
 Fulminum ignis, an propè, an procùl adveniat, 179
 Fumus ex lacu pluvix prænuntius, 177
 Fungus coralloides, 46. 54.

G.

GElſeminum Indicum luteum odoratum, 145
 Geographiæ ſtudium, 8. 105. 136. 193.

239. Geographica Nubienſis, 105.
 Geographica longitudo, an per Medicea ſidera haberi poſſit, 80. 194.
 Geographicarum, & hydrophicarum maris Mediterranei Tabularum errores, 193
 Gigantum quæ creduntur oſſa eſſe Elephantina, 90. 152.

H.

HOrologium mirabile. 185.

I.

IGnes ſubterranei, 169
 Inſectum multiceps è ligno prognatum, 138
 Inſitiones ſingulares, 147. 198
 Jovis Planetæ locus in cœlo obſervatus, 85. Occultatæ à Jove Stellæ obſervatio, 181.

L.

LAſteæ venæ quando, & à quo primum detectæ, 138. Etiam in homine obſervatæ, 177
 Lapidum formatio obſervata, 11. De Lapidum generatione, & figuratone fuſè, 147. & *seqq.* Lapis rhomboidalis, 63. Flexilis, 150. Aquæ innatans, 185. Fungifer, 147. Varii prætereæ, 65. 148. & c.
 Lentifcus Belgenſerienſis, 43
 Lepores cornuti, 56
 Liſa, ſeu cucurbita Meccana, planta ſericea, 146
 Lignum foſſile Aqua ſpartanum, 202
 de Luminarium diametris demonſtratio correctæ, 160
 Lunæ locus in cœlo notatus, 85. Eclipſis, *ibid.* Aliæ, 136. 192. Diameter obſervata, *ibid.* Major hûc uſque habita quàm ſit, *ibid.* Lunæ deſcriptio, ſeu quaſi Selenographia, cuſul-

I N D E X.

ejusque tam in Physica, quàm in
Astronomia usus, 188. & *seqq.*
Lux, an ignis; & de luce squammarum,
aliarumque rerum noctu lucentium,
35, 36.

M.

Macularum ab utero causa disqui-
sita, 44
Maculae Solares, 88. 157. Lunares,
188
Magnetis proprietates, à quo, & unde
exposita, 161
Magorum Stigmata, & imposturae, 81
Maleficæ anus præstigiæ, 5
Manus è suggesto enata, 147
Mare aliquas deferere terras, occupare
aliquas, 150. Maris motus, 178.
Æstus illius quæ causa, 161. Ma-
rium communicatio subterranea,
179
Mars Planeta occultare stellam obser-
vatus, 181
Mastiche è lentisco Belgenseriensis, 43
Matheseos studium, 239
Medicea sidera, & alia à Galileo pri-
mum detecta, 77. Observata, *ibid.*
& *seqq.*
Mercurius Planeta in disco Solis ob-
servatus, 157. Inexpectata exilita-
tis, *ibid.* Interdum Sole superior, 181
Microscopiorum inventor, 115
Montium præcipuorum situs ab ortu
in occasum, 151
Musica avium cur humanæ præhabi-
ta, 211
Myrtus latifolia, flore pleno, ubi pri-
mum inventa, excoltaque, 46. Myr-
tites vinum quid, 147.

N.

Nauticum Problema solutum, 200
Nix sexangula, seu stellata, 117.

Fertilitatis anni quomodo Nix caus-
sa. *ibid.*

O.

Oculi variorum animalium dissecti,
& quæ in iis observata, 171. &
seqq.

In Oculis propriis quid à Peireskio
observatum, 175
Orientis loca minùs à nobis distant,
quàm vulgò putetur, 200, 201
Optices, & Picturæ studium, 239, 240.

P.

Papyrus Ægyptia vera, 146
Paralysis Peireskii ex hilaratione so-
luta, 154
Parhelii insignes, 142. Alii, 25
Partus undecimæstris, quatuordecime-
stris, &c. 37
Pediculo irato quid eveniat, 214
Peponum usus, 68, 69
Phœnicopteri linguæ, caro, plumæ, 83.
Indoles, 86
Physicæ studium, 25. 237. *Vide illeic*
de Metaphysico, Theologico, Ethico,
Juridico, &c.
Piscis septiceps, 138
Planetarum characteres ex Græcis vo-
calibus, 197
Plantæ singulares horti Belgenserien-
sis, 145. & *seqq.* Aliæ, 43
Prunuli spina in humano pectore radi-
ces agens, germinans, florens, 198
Pulli formatio in dies observata, 26
Purpura ex Limace marino, 125
Puteolanus pulvis marinâ aquâ lapide-
scens, 23. Cur numismata illeic ex-
elsa. *ibid.*

R.

De Radiis in punctum coeuntibus
problema, 195
Rr 2 Ru-

I N D E X.

Rupium formatio, & situs, 151. &
seqq.

S.

SAbulum, seu Arenulæ ex vesica e-
 missæ dolorem cur faciant, 150
 Sanguinea pluvia quid, & ejus obser-
 vatæ historia, 66. & *seqq.*
 Scaphidio usi antiqui circa altitudi-
 nem Solis observandam, 200
 Senium insigne, 197
 Serpentes Balneorum Dinienſium ve-
 neni expertes, 60
 Simiæ, aliæque animalia hominibus ſi-
 miliora, 169
 Solis Eclipsis, 85. 145. Diameter, 192.
 Altitudo, seu proportio Gnom-
 onis ad umbram Solstitialem Maſſi-
 liæ, 199
 Somnium Peireskii mirabile, 75.
 Aliud, 243
 Specula gemina species ob ſitum mul-
 tiplicantia, 116
 Stellæ in Cælo Nova, 45. 85.
 Styraæ Belgenſerii naſcitur, 43
 Succinum an foſſile, 65.

T.

Teleſcopii inventio, & uſus, 77. &
seqq. 188. 190. & *seqq.*

Terra quælibet congrua incolis ali-
 menta, & medicamenta producit,
 148

Terræ-motus in Apulia, 134
 Teſtudinis cubitalis anatomia, & quæ
 ſingularia in ea obſervata, 63
 Theriacæ inſignis effectus, 81
 Triton, ſeu homo marinus, 197
 Truttæ lacus Genuenſis, 82
 Tulipæ flores quando primùm, & ubi
 in Provincia viſi, cultique, 80
 Tuſſis ut lenita, 212.


V.


VEnarum valvulæ à quo primùm
 detectæ, deſcriptæque, 137
 Veneris Planetæ locus in cælo obser-
 vatus, 85
 Venti variè obſervati, 177. & *seqq.*
 Ventus ut Guſtoſæ diſpenſetur, 32
 Viſio in qua parte oculi fiat, & de vi-
 ſione, deque oculis plura, 172. &
seqq.


Z.

Zembiorum inſulæ fons ſalutaris, -
 158
 Zinziber Belgenſerii excultum, 146.

F I N I S.







701-6

Collated - 8/10/63
complete
runs

X, A-2Q^H, 2R^Z

~~EQ 58~~

~~EX 11~~

~~X-221~~

#763/75

34173

SPECIAL 85-B
1650

